



BIBLIOTHECA
UNIV. JAGELL.
CRACOVENSIS

2790/1-3

GRAMATYKA II

In hunc librum
Josephus a Lucio

Deinde omnes
fugit

Non enim fuit
vultu de manu

Eto memor patris cui luc sis nigris ab ois
Hanc et videri cultu, et arte domus

Eto memu patris cui luc sis nigris ab ois
Hanc et videri cultu, et arte domus

Eto memor patris cui luc sis nigris ab ois
Hanc et videri

Progymnasmatum
ELOQUENTIÆ
PARS ALTERA:

Docetur ratio Oratoriæ describendi

LOCUM COMMUNEM,
LAUDATIONEM, &
VITUPERATIONEM.

Ad Aphthonium Sophistam observabat in Illustri
Stetinenſi Pædagogio

M. ANTONIUS BURCHARDUS
Lubecensis, L. L. Prof.

Addita est etiam huic parti copiosa
exercitiorum materies.

Liber ad L.

*Vultu me, vel quidam aliàs emet: Emetor, amabo,
Utere. Scriptorem, dic bone, Christus amet.*



STETINI.

Typis Kelnerianis, Impensis Johannis Eichornij,
Anno M. DC. XII.

Nomina Exercentium.

Bernhardus Blumius, Lubec. Saxo.
 Michael Sciricius, Lubecenf. Saxo.
 Heino Rave, Nobil. Megapol.
 Laurentius Reventlovv. Nob Megap.
 Valentinus Sperling, Nob. Megap.
 Brun Otho á Rammin. Nob. Pom.
 Henningius á Damitze, Nob. Pom. Carvinenfis.
 Fridericus Venatorius, Holfatus.
 David Crügerus, Lubenau : Lufat.
 Uldaricus Gisenhagius, Gústrovi : Megap.
 Martinus Hakius, Dramburgenf. Neo March.
 Martinus Sorer, Jegerndorff : Silef.
 Michel Dames, Flensburg : Holfat.
 Jacobus Rungius.
 Christophorus Nagell, Colberg : Pomeranus.
 Adamus Hamell, Gryphisvv. Pom.
 Daniel Ventzkus, Belgar. Pom.
 Froelich Hoppius, Stolp. Pom.
 Petrus Clemens, Stralsund : Pom.
 Andreas Sthaius, Rügianus : Pom.
 Thomas Græcus, Anglam : Pom.
 Joachimus Somius, Tribucen : Pom.
 Valentinus Kabelus Stolpa-Pom.
 Georgius Pirche, } in Reth Kevitz : Pom.
 Petrus Pirche, }
 Egidius Calbius, Leoburg. Pom.
 Joachimus Cracovius Rügenvv : Pom.
 Michael Rosenovius, Fredl : Pom.
 Georgius Colditz, Neovvarpen : Pom.
 Johannes Bunsovius, Gryphisvv : Pom.
 Jacobus Fleming, Pencunen ; Pom..
 Joachimus Tideboldus, Sedin : Pom.
 Petrus Böblin, Sedin : Pom.
 Jacobus VVotheike, Sedin : Pom.
 Joachimus Klön, Sedin : Pom.

PRÆFATIO



Nobilissimis Juvenibus & Adole-
scentibus,

MARCO AB EICHSTEDT, N. Pom.
HENNINGO à VVARBURG, N. Megap.
CHRISTIANO AB EICHSTEDT, N. Marc.

Discipulis meis charissimis,
S. P.



ET Adolescentes, duo vobis præfixi sint o-
perarum vestrarum fines, ad quos omni studio a
vobis contendendum est ELOQUENTIA & SCIEN-
TIA: sive ut rerum multarum, & in vita, vestro cujusque
præsertim vitæ genere, necessariarum & utilium notitiâ so-
lidam vobis comparetis: deinde ut verbis disertis & orna-
tis mentem vestram expromere valeatis. Scientia igitur
nomen rerum cognitionem complectitur: Eloquentia,
verborum vel orationis. Ad rerum disciplinas refero, ut ad vos me accommo-
dem, principio omnium maximè necessariam institutionem in pietatis, religio-
nis & salutis negotio; sive *studium*, ut vocant, *Theologicum*. Iterum eodem-
pertinet *Politicum studium*: quod continet cognitionem præceptorum Philoso-
phicorum de moribus, de Repub. de re domesticâ; tum historiae lectionem, item
Poetarum & Oratorum, quatenus ex his sententiæ & Loci communes de rebus
Politicis suppeditant, & sic præcepta illa philosophica confirmantur, exorna-
tur, explicatius deducuntur. Demum in rerum cognitione accenseo initia stu-
diorum illorum subtiliorum, Mathematices & Physices: & tandem ex superio-
ribus, ut vocant, Facultatibus Jurisprudentiam. Ad Orationis autem fa-
cultatem requiritur, ut primum *loqui*, deinde *dicere* discatis. *Loqui* discatis vo-
lo, hoc est verbis Latinis illis, proprijs & expeditis mentem exprimere. *Dicere*
verò, h. e. ex Rhetorum arte, graviter, oratè, eruditè ac prolixè sententiam non
aperire tantum, sed alijs etiam persuadere.

Hic scopus & finis noster, ut dicebam, quem ut assequamini sedulo elabo-
randum vobis est. Ut autem assequamini non ita brevi tempore fieri poterit,

PRÆFATIO.

sed universa vita ea occupatio est. Quod autem nauta faciunt ut ad quem-
locum contendunt, ad eum semper se & navim obvertant, hunc crebro specu-
lentur ex pixide nautica, huc clavum detorqueant, & hinc vix oculos unquam
dimoveant.

Idem vobis faciendum est mei adolescentes, ut hunc scopum vestrum nunquam è memoria & cogitatione amittatis, hunc crebro speculemini, huc omnia cogitatis, omnem laborem, studium denique omne dirigatis: sc. ut perpetuo aut in rerum necessariorum aut in orationis cognitione aliquousque provehamini: & tandem ætate maturiori, quasi in portu constituti, egregiâ aliquâ eruditione familias & patrias regiones vestras juvare, & exornare valeatis. Hæc ætate vestra, & apud nos quidem fundamenta jacimus, & primo istorum omnium quasi strâ, & apud nos quidem fundamenta jacimus, & primo istorum omnium quasi colore vos imbuimus. Quæ ed minus contemni à vobis debent, quod minus fieri potest ut reliqua sine his initijs consequamini. Loquelam vestram ut formemus, præcipuum officium nostrum est. In quo spero ita nos versari, ut & vos & parentes vestri magnifici in fide nostrâ facile pro pietate vestrâ acquiescatis. Reliquorum, Eloquentiæ dico & scientiæ gustum vobis præbemus, varijs privatis & publicis exercitijs & prælectionibus. Inter hæc sunt progymnasmata Eloquentiæ quod nostis. In quibus ego quantum situm esse sentiam ad arduam illam & pœne ab omnibus desperatam eloquentiæ facultatem nec scribere mihi nunc libet, nec quisquam fidem facile adhibebit, nisi manum admovento ipse & exercendo jam ante sciat. Etenim omnis in his artibus difficultas ex laboris fûgâ ferè nascitur; quod quotidianam & diuturnam scriptionem & consuetudine superaverit. Cuius tædium si quis toleraverit aliquid & consuetudine superaverit, sine negotio aut molestiâ saltem reliquum Eloquentiæ studium pertexet. Ea igitur nobis in progymnasmatis vel exercitijs his præparatorijs mens est, hoc propositum ut crebrâ scriptione & dictione oratorij operis assuefiatis. Si enim narrare, verum aliquam commendare & evolvere, confirmare aliquam sententiam, gramem, & falsam confutare, locum communem describere, laudare aliquid, vituperare & reliqua facere, quotidiano usu didiceritis: certè felicissimum ad eloquentiam aditum & viam vobis communiter affirmaverim.

Quare mei adolescentes, vincetis enim brevi, si annifi fueritis. Ut enim o-
etiam nunc sentitis sufferte: vincetis enim brevi, si annifi fueritis. Ut enim o-
nera contentis corporibus commodè feruntur, remissis opprimunt, ita etiã in
litterarum studio, non sentitur sedulitate labor: Contrà; non est hoc studium,
ita facile quin difficile fiat, si invitus, addo, remissiori animo facias. Vos valete,
& sedulitate non tantum levate vobis laborem: sed etiam hanc unicam esse ad
pulchra perveniendi viam mementote. Sretini. Anno 1612. 15. Julij.

Vester

M. Antonius Burchardus.

Index

INDEX.

Verba Aphthonij de Loco communi.
pag. 1.

COMMENTATIO.

Definitio. Genus. Differentia. p. 2.

Etymologia p. 3.

Ratio conficiendi Locos communes, 1.

Topicos, p. 3.

II. Oratorios, p. 4.

Ufus Locorum communium, ibid.

L. C. est instar Epilogi, p. 5.

Tractatio vel partes. p. 7. ibid.

Exordium ibid. contrarium p. 6.

Partes ad mores pertinentes. p. 8.

Partes Amplificationis. p. 9.

Partes affectuum, p. 10. gnome ibid.

egressio, p. 11.

Partes probationis ibid.

Exercitium, de gloria studio, p. 12.

Index quidam Locorum communium,

pag. 13.

Δευτέρου Φεγγίδες.

I. Definitio, Genus, differentia, p. 14 & 15

II. Etymologia p. 15.

III. Ufus p. 16.

IV. Partes, ibid. 1. Exordium ibid. 2.

Contrarium p. 7. 3. Narratio p. 10.

4. Comparatio, p. 20. 5. Gnome ib.

6. Egressio, p. 23. 7. Præcisio miseri-

cordia, p. 25. 8. Loci probationis,

pag. 26.

V. Exemplum exercitiij. p. 27.

ὁμογενῶν p. 28. Laudatio p. 29.

ὁμογενῶν p. 30. Vituperatio ibid.

COMMENTATIO.

I. Quid sit Laudatio, genus, differen-

tia, p. 31.

II. Quid sit vituperatio, genus diffe-

rentia, p. 32.

III. Objectum Laudationis & Vitupe-

rationis, p. 32.

IV. Tractatio, vel partes utriusq.

1. Exordium, p. 33. 2. Loci persona-

les, ibid. Ufus horum Locorum,

p. 33. Accommodatio directa, p. 34.

inflexa, p. 34. 3. Comparatio p. 35.

4. Epilogus ibid.

V. Exercitium. Laudatio Absolonis, p.

35. Vituperatio eiusdem, p. 37.

Δευτέρου Φεγγίδες.

I. Definitio Laudationis p. 38.

Definitio Vituperationis, p. 39.

II. Objectum, p. 39.

III. Partes 1. EXordium, p. 40. 2. Loci

p. 40. Accommodatio horum loco-

rum p. 42. Præcepta septem, præce-

ptum 1. p. 42. Præceptum alterum p.

43. Præceptum tertium p. 44. Præ-

ceptum quartum, pag. 45. Præce-

ptum quintum pag. 46. Præceptum

sextum : septimum, ibid. 3. Com-

paratio, pag. 47. 4. Epilogus, p. 47.

IV. Exemplum collaudati D. Iohannis

Baptiste, p. 48. EXERCITIA.

Locus Communis 1. εἰς τὴν ἀφρο-

σύαν, vel in picam inventutis

literariæ p. 58.

(:) 3

L. C. 2.

L.C.2 de prestantia ordinis Literarj,
pag. 62.

L.C.3. Adversus temerarios & auda-
culos, qui in pericula non necessaria
se conjiciunt. ut nocturni grassato-
res, p. 66.

4. In Amatores, p. 70

5. In Prodigos, p. 72

6. In Avaros, p. 74

7. In Superbos, p. 77

8. De Modestia, p. 81

9. In Iracundiam, p. 83

10. De Mansuetudine, p. 88

11. In Ebrietatem, p. 92

12. De Urbanitate, p. 96

13. Adversus Scurras, p. 99

14. in Adulatores, p. 103

15. In Homicidas, p. 105.

16. De Rusticis & ἀγροίταις. p. 108

17. De Rusticis & βέλταις. p. 110

18. De Nobilibus & βέλταις. p. 114

19. In Decoctores, 117

20. De Magistratu. 120

21. De Nobilibus & ἀγροίταις. p. 123

Laudatio I. Aaronis summi Sacerdotis
instituta à filio Eleazaro in funere
parentis, p. 127

Laudatio II. Abneris Imperatoris in
Israelitico exercitu: habita à Davi-
de Rege in funere, p. 132.

Laudatio III. Salomonis novi Regis:
quà Nathan Propheta gratulatur
regni proceribus, p. 136

Laudatio IV. Susanna: dicta à Ioachi-
mo marito pro testimonio, p. 141

Laudatio V. Lucretia Romana: dicta
à Bruto in funere, p. 144

Laudatio VI. Samsonis, p. 146

Laudatio VII. Christi, ex nativitate,
p. 150

Sylvula laudationum breviuscu-
larum Poeticarum.

1. A gente, p. 154

2. A patria, p. 155

3. A majoribus, p. 156

4. A parentibus, p. 157

5. A nativitate, p. 158.

Vituperatio I. Absolonis, p. 159.

Vituperatio II. Herculis, p. 162.

III. Saturni, p. 166.

IV. Iovis, p. 170.

V. Mercurij, p. 173

VI. Bacchi, p. 177



DOCTISSIMO VIRO

Dn. M. ANTONIO BURCHARDO
LUBECENSI SUBRECTORI ILLUSTRIS.
Poedagogij Stetinenfis fidelissimo,

Partem alteram Progymnasmatum suorum edenti.




Loquij laudes qui decantare laborant,
Nz frustra hi cunctam suscipiunt operam.
Nam quaecunque minus praestant, encomia poscunt;
Vino est vendibili non opus est hedera.
Cur ergo Eloquij in laudes nunc ora resolvam?
Cum commendetur sat bonitate sua:

Nec minus; ac quondam Delphinas traxit Arion.
Per Pelagi fidicen dum veheretur aquas,
Aut Orpheus umbras, arbuta, animalia, saxa,
Dum cerneret blandæ fila sonora lyra:
Ad se pelliciat nostras Facundia mentes
Praestans, & cunctos in sua castra trahat.
Hinc quisque Eloquium Demosthenis aut Ciceronis
Optat, Cecropij aut ora diserta senis:
Nec tam praconem; quam praclarum arte Magistrum.
Dicendi poscit sollicitèque cupit.
Quo duce perveniat summa ad fastigia SUADÆ,
Et Blando discat fundere verba sono.
Ergo tibi Merito debetur gratia magna,
Tale quod, ex voto, munus obire placet,
BURCHARDE ô patriæ decus, ô gratissime Musis,
O mihi Thesæa cognite amice fide!
Gratia debetur merito tibi maxima, non tam
Eloquij laudes quod celebrare studes;
Quam monstrare viam summa ad fastigia SUADÆ,
Et benè facundos reddere discipulos.
Conscripta haud parvâ rua dum gymnasmata curâ,
In lucem profers nobiliore operâ.
Atque ea vivaci condis BURCHARDE papyro,
Quæ Sedinenfi nota fuere scholæ.
Pluribus ut posthac labor atque industria profuit,
Quæ saltem paucis utilis ante fuit.
Sic decet: obscuro nec condere lumen in antro
Convenit, & dotes dissimulare suas.
Perge; atque Eusebiæ similis sis miles in armis,
Eloquio sacro verba sacra docens.

Sic volucris te gratias honos super aethera fama,
Et penna fatum non metiente vehet.
Sic patriæ pergratus eris, Pomeranica tellus
Te colet, & poteris sic placuisse Deo.

Matthæus Bacmeisterus
Phil. & Med. D. fac.


Ad M. Antonium Burchardum,

 Nasiter insudas pubi, Burcharde, docenda;
Certus non opera parcere, non oleo.
Utile laudamus conamen & ardua facta
Quæ tibi promoveat, qui mober omne Deus.
Pigrales scabie mulcentur; & optima quæq;
Contingant hâc pro sedulitate tibi.
Plurimus indenes etiam præconia laudum
Inter, quos potuit Musa polire, viros.
Hoc tu Corde sedes nostro, semperq; sedebis
Abstulerit dum me mors homicida tibi.

Ad Eundem.

ME licet ingenium parcius absiciat
Nec par esse queam viris politis;
Me tamen ad Musas serbida cura rapit,
Et gaudens vehor ad sinenta Phœbi.
Hinc, Burcharde, tuos per volitans oculis
Ausus totus & omnis obstupeſco.
Quod monstres tantâ cum breuitate viam,
Ad maiora rudi moenda pubi;
Pubi quæ sequitur te generosa ducem,
Dignum laude ducem frequentiori.
Urge concessis, qui bonus ipse, bonis
Inseruire bonis adusq; mortem.
Sic tibi sic precium post bonitatis erit
Cum Deus bona largius rependet.

Iohannes Gundermannus
Hilperhusanus, Francus,
in aulâ Loizana Ecclesiastes.



APHTHONII SOPHISTÆ,
Progymnasma Eloquentiæ Septimum.

LOCUS COMMUNIS.

ΟΡΟΣ ΚΟΙΝΟΥ ΤΟΠΟΥ.

Κοινός ἐστὶ λόπος λόγος αὐξητικὸς τῶν περσόνων ἢ κα-
λῶν ἢ κακῶν εἰρηλατὴς δὲ ὅλης ἀπὸ τῆς κοινῆς πᾶσιν ἀερότητι
τοῖς μεταχῶσιν τῆς αὐτῆς πράγματος. Ὅζα κτ' περδότη
λόγος κοινῆς πᾶσιν ἤμεροσε τοῖς κοινῶσι τῆς πράξεως.
δευτερολογία δὲ ἔοικε καὶ ἐπιλόγῳ. διὸ περσοίμιον μὲν ὁ
κοινὸς λόπος ἔχει. περσοίμιον δὲ πλατύνεσθαι τυπὸν,
γυμνασίας ἕνεκα τῆς πρὸς τῆς νέας. Μετ' ἀθήσεις κεφάλαια. Πρῶτον ἐκ τῆς
ἐναντίας. εἴτα ἐπίσεις τῶν ἐκθέσιν, ἔχ' ὡς διδάσκων, ἐγνωσαι γὰρ, ἀλλ' ὡς
παρὰ ὑμῶν τὸν ἀπερώμενον. Μετ' ὧν ἐπίσεις τῶν σύγκρισιν, ἐκ παρθεσί-
ως συνάγων τῶν κατηγορημένων τ' μείζον. εἴτα γνώμην, κεφάλαιον, ἔχ' ὡς κα-
λέμενον, διαβάλλων τῶν πράξεων διάνοιαν. εἴτα παρέμβασιν, ποχα-
τικῶς κακίζων τὸν φάσαντα βίον, ἔπειτα ἐλέχ' ἐκβολὴν, καὶ τὴν ἐλδυσίαν τῆς
περσογυμνάσεως τὰς τελικὰς κεφάλαια, νόμιμον, δίκαιον, συμφέρον, δυνα-
τὸν, ἔνδοξον, ἐκτελούμενον.

Locus communis, est oratio extollens & quæ in unaquaq; re insunt bona vel mala. Inde verò sortitus est nomen, ut communis Locus appellaretur, quod ad multas res ejusdem generis conveniat atq; accommodari possit. Verbi gratiâ, quæ adversus proditorem generatim possunt dici, ea postea rectè ad quoslibet singulos inflecti queunt, qui proditoris accu-

Videtur autem Locus communis esse quædam quasi accessoria & secundaria probatio, & epilogi instar vel conclusionis. Ideò etiam exordio desinitur.

Præcipimus tamen etiam hîc de exordio, sed saltem in hujusmodi exercitijs Scholasticis. Post præmium hæc subiiciuntur quasi capita &

definitio
Etymologia

De usu in
justo oratio-
nis corpore.

Partes. I.
2.

3. partes, primum ponitur contrarium. Ab eo subijcitur ἐκθεσις, expositio vel Narratio, non causa docendi & instituendi auditorem, sed excitandi atq; inflammandi. Hinc instituamus Comparisonem, & conferendo rem
4. aliam inferamus de re presenti majus aliquid. Mox γνώμη adducetur, hoc autem est peculiare huic parti nomen) quā reprehendimus sententiis &
5. opinioniones ejus cujus morēs accusamus. Deinde subijcitur παρέκβασις vel Egressio quā criminamur ex varijs conjecturis vitam ejusdem hactenus actam. Porro misericordia præcitur. Et tandem in extremo apponuntur
6. loci illi usitati; Legitimum, justum, utile, possibile, verisimile, eventus vel consequens.

Commentatio.

PROGYMNASMA SEPTIMUM
LOCUS COMMUNIS.

De hoc Progymnasmate tria docet author: 1. Definitionem. 2. usum. 3. Tractationem.

DE PRIMO: vel Definitio Loci Communis.

*Quid sit.
Genus.*

Kοινός ἐστὶ λόγος, λόγος αὐξητικός τῶν προσόντων ἐνὶ καλῶν ἢ κακῶν. Locus communis est Oratio quæ effert & extollit ea quæ cuiq; (vel rei vel personæ) adsunt bona vel mala. Genus est, Oratio. Intelligitur autem Oratio composita, ex pluribus Propositionibus. Habet enim locus communis Propositiones plures. Unam principalem tanquam conclusionem. Reliquas minus principales, & istius probandæ ac declarandæ causa adductas. Principalis Propositionio fungitur loco Maioris Propositionis oratoribus, & est nihil aliud quàm universalis aliqua Propositionio, vel de aliquo universali subiecto concepta sententia vel enunciatio, quæ propter hanc universalem potest varijs rebus accommodari. Sic quælibet facultas habet suos locos cōmunes, Theologi, Jurisconsulti, Philosophi, Oratores.

Differentia Differentia, bona & mala extollere & efferre, quæ cuiq; (vel rei vel personæ) adsunt Partes hujus differentiæ. 1. Bona & mala, sunt objectum & materies tanquam prædicatum in principali Propositione loci communis. 2. Quæq; res vel persona est objectum vel materies tanquam subiectum in Propositione principali loci communis. Et hæc res vel persona debet

sum

sum universalis, e. g. Imperator, Virtus, Fortitudo, Vir fortis &c. Non Cajus Julius Caesar aut hujus vel illius virtus, Et hic vel ille vir fortis. Isto enim non hoc modo fiet locus communis. 3. Efferre vel extollere *ἰσχυρίζεσθαι* est finis internus vel occupatio loci communis circa hujusmodi subjectū, scilicet quibus potest modis orator excogitat & conquirat & exaggerat, quæ generi isti rerum vel personarum adsint bona vel mala, e. g. Quæ possint dici in homicidam, in furem, in avarum &c. Quæ possint de Philosophia, de Philosophis, de sectâ Aristotelicâ, de bello congeri &c. Hic prædicatum sunt bona & mala quæ his rebus adsunt. Subjectum sunt in genere Homicida, Fur, Avarus, Philosophus &c. Finis est excogitare & exaggerare ista bona vel mala, vel prolixè proponere: quod fit quasi in probatione, vel reliquo orationis corpore,

Ad definitionem pertinet Etymologia vel nominis ratio, unde dictus sit locus communis. Dictus est locus, quasi sedes & materies probationis, Communis autem i. e. universalis, quod pluribus rebus possit accommodari, *πᾶσιν τοῖς μετέχουσιν πράγματι*, quæ participes sunt hujus ejusdem negocii, i. e. de quibus potest subjectum loci communis prædicari. e. g. Quæcunq; dicuntur in loco communi in genere de viro prudenti, illa eadem conveniunt deinde, & possunt usurpari quoties de hoc vel illo dicendam est, qui sit vir prudens.

Quod eò intelligendum est, qui volunt in arte oratoriâ aliquod usq; progredi: Item in reliquis facultatibus vel disciplinis debent hujusmodi locos communes habere consignatos & de singulis rerum generibus collecta habebunt, quæ dici de unoquoq; poterunt, e. g. Inductiones, Enthymemata, Similia, Exempla, Sententias veterum &c. Hinc igitur quoties dicendum erit, depromere poterunt & faciliè suppeditabit quod dicant in unoquoque genere causarum & negotiorum.

Aristoteles libro Topicorum i. c. 14. consulit ei qui vult disputator evadere, ut habeat omnibus rerum generibus *λόγους γεγραμμένους* vel *διαγραφάς*, i. e. Locos communes consignatos vel Propositiones universales plurimas collectas cum suis probationib; . Et præscribit etiâ modum horum colligendorum. Unumquodlibet, inquit, Genus rerum debemus *ὑποτίθεσθαι* præsupponere, & deinde facere descriptiones & primùm incipere a definitionibus: Id est, debemus. 1. facere titulos quosdam ex divisione rerum, ut 1. de bono. 2. de malo. 3. De uno. 4. De multis. 5. De vero. 6. De Ente. 7. De non ente. 8. De aliquo. 9. De Nihilo. 10. De Deo. 11. De

Definitio
nominis, vel
Etymologia.

Usus loci cō-
munis in ge-
nere.

Ratio quæ-
dam inveniendi locos
communes.
1. Topicos.

Intelligentijs. Et sic porro de rebus universalibus, de quibus agit Metaphysica. Item secundum divisionem singulorum generum, e. g. De Substantia corporea, de animatis & inanimatis corporibus secundum partes disciplinæ Physicæ. Item de speciebus qualitatum. De habitibus &c.

II. Sub his titulis variæ Propositiones colligendæ: & 1. quidem loco poni poterint, quæ pertinent ad definitionem, e. g. Quod sit Bonum, Malum, Substantia &c. & hic definitio recepta subjungitur. Deinde opinioniones, vel quomodo hic & ille, vel tertius vel quartus definierit. Et hic subjungatur vel præmittatur Nominis definitio & Homonymia, e. g. Quot modis dicatur Bonum, & singulorum modorum descriptio. Postea reliqua poterunt subungi, e. g. De divisione Boni & speciebus, & quæ accedant bono, & causis Boni & variorum opinioniones de Boni his accidentibus.

Ratio. conficiendi oratorios locos.

Ad horum imitationem poterimus & nos facere locos ejusmodi oratorios. 1. Si faciamus titulos. Quod fiet ex divisione unum circa quas versatur, vel de quibus dicit orator. Illæ sunt res practicæ, quæ aguntur, item quæ ad res humanas concurrunt. Et populariter sic dividi poterunt. Sunt 1. Res divinæ. 2. Naturales. 3. Humanæ. Hæ igitur erant tres quasi majores classes locorum communium. Iterum prima classis poterit dividi in suos titulos, e. g. 1. de fato. 2. De Providentiâ divinâ. 3. Quod sit aliquis Deus. 4. Quod Deus sit ultor scelerum. 5. Quod Deus sit recompensator pietatem. 6. Quod Deus constituat regna &c.

Sic secunda classis habebit titulos de mirabili mundi structurâ, de varijs naturæ operibus. 2. De hominis fabricâ admirandâ. Sic alij poterunt fieri tituli, si inciderimus in hujusmodi res naturales ab oratoribus tractatas.

Tertia Classis erit copiosissima. Quia circa humanas potissimum res occupata est Rhetorica. Hic poterit institui divisio secundum rerum in Philosophiâ practicâ explicatarum differentiam. Hic 1. dici poterit de moribus universim. Qui iterum tractatus dividatur in suos titulos & capita. 2. De Politicâ vel gubernatione Reip. 3. De Oeconomîâ. 2. Sub his titulis alij legentur, quæ solent oratores de his capitibus dicere. Item quæ nos poterimus de his excogitare.

DE SECVNDO. Sive usu loci communis in justo
Orationis corpore.

△ Εὐτερολογία εἶναι καὶ ἐπιλόγιον. i. e. Locus communis habet rationem secundarum partium, & epilogi five perorationis. Vel ut alij: Argumentationi jam peractæ & epilogo similis est. Vel videtur esse quædam accel-

LOCVS COMMVNIS.

accessoria vel secundaria probatio, & instar epilogi. Accessoria probatio est, quæ principali probatione facta, ex abundante & quasi accessionis loco adijcitur, & iuvat principalem probationem, ut fortius probet. Principalis probatio est in oratorijs syllogismis Propositio minor. Hæc enim probè declarata ac confirmata assentietur auditor, etiamsi non addatur Propositio Major vel locus communis. Quare, quando adijcitur major Propositio, vel locus communis, est probatio accessoria, vel secundaria. Iuvat tamen locus communis probationem, quia ejusmodi universales sententiæ sunt plenæ motuum vel affectuum, & ita etiam tractantur loci communes vel ad affectus movendos accommodantur.

L. C. Est accessoria probatio.

Instar Epilogi. Epilogus generaliter ac universaliter sumtâ voce est idem quod *δευτερολογία* vel accessoria probatio. 2. Rhet. c. 20. Si quis habet, inquit Aristoteles, Enthymemata, ille utetur exemplis fictis & veris, *ὡς μαρτυροῖς ἐπὶ λόγοις* i. e. tanquam testimonijs accessorijs vel honorarijs. Specialiter pro conclusione Orationis sumitur, cujus officia sunt quatuor 3. Rhet. c. ult. 1. Conciliare benevolentiam & adversario odium. 2. Amplificare vel extenuare, 3. movere, & 4. renovare memoriam. Eadem ferè sunt Loci communis officia. Itaq; sic quasi per exemplum aut simile ostenditur, quis sit usus loci communis, scilicet qui est Epilogi, ut benevolentiam conciliet nobis, adversario odium, ut extenuet aut amplificet præcipua causæ capita, ut moveat vel affectus inducat.

Est instar Epilogi.

DE TERTIO: Sive Tractatio loci communis.

Tractationis loco ab Authore afferuntur aliquot locorum sive partium genera, quæ tamen videntur quintuplicia. Primum genus sunt partes Elocutionis, vel quæ pertinent ad copiam Orationis. Alterum genus pertinet ad *ἦθος*, sive mores, sive ad efficiendam Orationem moratam. Tertium genus pertinet ad Amplificationem. Quartum pertinet ad *πάθος* vel affectus in animis auditorum conciliandos. Quintum genus sunt partes *ἀποδείξεως* vel demonstrationis, vel pertinent ad rationem probandi per argumenta.

De Primo genere vel partibus elocutionis in loco communi.

Hic continetur ratio copiosè & prolixè proponendi locum communem. Ponuntur autem duæ partes ab authore, Exordium & contrarium.

Prima pars Elocutionis, Exordium.

Exordio locus saltem est in exercitijs hujusmodi scholasticis, quando

separatim tractamus locum communem. In Oratione autem continuâ locus communis est pars probationis Oratoriæ, nempe Major propositio, & ponitur plerumq; ultimo loco, quippe epilogi instar se habens, Itaq; sic non admittit Exordium.

Secunda pars Elocutionis, Contrarium.

Quid sit oppositio.

Contrarium accipiunt Oratores generaliter pro Opposito vel Propositione oppositâ. Est a. oppositio duplex: Secundum Formam & materiam. Secundum formam oppositio est affirmatio & negatio ejusdem prædicati, de eodem subjecto, respectu eodem & tempore eodem absq; homonymia. Quæ una est contraria, scilicet duarum universalium Propositionum. Altera subcontraria duarum particularium Propositionum. Tertia contradicens vel contradictio duarum oppositarum diversæ quantitatis. Oppositio Propositionum secundum materiam, est oppositio ratione terminorum simplicium oppositorum. Termini oppositi simplices sunt quatuor generum, relata, contraria, contradicentia, privatio & habitus. Sed in relatis est consensus quidam & major quàm pugna. Privantia & habitus coincidunt cum contradicentibus vel sunt eadem ferè. Sic relinquuntur contrariorum & contradicentium usus in hac oppositione, qui duplex est: Primus, non possunt uni & eidem attribui respectu & tempore eodem, e. g. Virtus est laudanda. Itaq; contrarium hujus vituperandum, & contradicens non laudandum, non potest dici de virtute, vel attribui virtuti, siue, virtus igitur non erit vituperanda, aut non erit non laudanda.

Usus oppositorum Logicus.

Secundus: Possunt κατ' ἀπολ. & ἴαν conjungi, vel per consequentiam, siue ita ut sit inter contraria consensus, si bina binis opponantur. Virtus est laudanda. Vitium est vituperandum, vel non laudandum. Latè patet hujus oppositionis usus. In præsentia illud monebimus, quomodo ex his oratio augeri vel accumulari Propositionum multitudo possit.

Usus oratorius.

Dato igitur loco communi aliquo, Oratoris est, prolixè hinc posse proponere. In quâ re plurimum juvabitur isto loco, Sic autem utetur: Expositâ principali Propositione, copix causa, & ut sit oratio amplior, adjunguntur oppositæ Propositiones.

Usus oppositarum secundum formam, ad orationis copiam.

Hic verò Propositionum oppositarum secundum formam, minor erit usus, quia hæ magis propriæ Dialecticorum: sed tamen neq; harum planè nullus usus erit. Videntur v. sic commodius usurpari posse si concipiuntur modales vel cum modo. Qui modi hic in oratoriâ materia sunt, honestum est, pulchrum est, jucundum est, æquum est, utile est, &c. rectè

fit, & similia. Item horum opposita. Sit igitur locus communis: Virtuti honor habendus est. Hanc sententiam sic poterimus proponere, virtuti honorem haberi, hanc coli atq; amari æquissimum est. Deinde subjun- gemus oppositam cum modo opposito. e. g. Nullam autem virtutis haberi rationem, nullum virtutis esse præmium, nullum adhiberi honorem, iniquissimum est. Poterimus etiam sine modo uti, per duplicem negatio- nem, e. g. Sic, virtuti honor habendus est, & virtuti non debet non habe- ri honor.

Uterius quærantur singulorum terminorum contraria, contradi- centia, & si horum usus esse poterit, etiam relata. Et hæc connectantur. 1. Inter se. 2. Cum terminis loci communis, sed κατ' ἀπολογία, per con- sequentiam, vel jta ut sit inter Propositiones consensus, e. g. Virtus hono- re afficienda.

*Usus opposi-
tarum se-
cundum
materiam.*

Contraria: Vitium ignominia afficiendum: Contradicentia: Quod non est virtus non est afficiendum honore. Hæc sic poterunt connecti. 1. Inter se, vitium est ignominia afficiendum. 2. Quod non est virtus, non est affici- endum honore. 3. Vitium non est afficiendum honore. 4. Quod non est virtus, est afficiendum ignominia & contemnendum. Deinde connectan- tur cum terminis loci communis: ut 5. Virtuti non est adhibenda igno- minia. 6. Virtus est afficienda honore. 7. Vitium non est honore affi- ciendum. 8. Quod non est virtus non est honore afficiendum. Iterum, si his Modum velimus adjungere, multæ aliæ poterunt extrui Propositiones, e. g. Virtuti honorem haberi æquissimum est, & iniquissimum, vitium non affici ignominia, & æquissimum vitium non affici honore. Demum istæ singulæ Propositiones possunt variari per conversionem, e. g. Virtuti honor habendus est, & cui rei honor habendus est, illa aut virtus aut à vir- tute profecta esse debet: Nec ulli rei habendus est honor, quæ non à vir- tute commendetur. Item vitium ignominia est afficiendum, & cui rei ignominia adhibetur illam rem oportet esse vitium, vel à vitio corruptam: nec ulli rei adhibenda est ignominia, quæ non propter vitium, odio & ignominia digna sit.

ADMONITIO. His Propositionibus jta multiplicatis. 1. Augetur oratio & fit amplior. 2. fit magis perspicua oratio tot verbis proposita & declarata. 3. Paratur aditus ad facilius inveniendum quod dicas ad confir- mandum locum communem, aut motus concitandos. 4. Pluribus verbis debent propriæ Propositiones illæ oppositæ, tum variari phrascs, ut sic la-

LOCVS COMMUNIS.

8

teat artificium & varietas medeatur tædio. 5. Videndum tamen ut modus servetur, ne tædium obrepat, ne multitudine nimia multiplicandi Propositionis sententiæ perspicuitas. 6. sunt præterea alij modi, multiplicandi Propositionem universalem: de quibus suprà Progymnasm. 3 & 4. in divisione 3.

De secundo genere partium vel partibus morum in tractatione loci communis.

*Quod hæc
pars perti-
neat ad mo-
res.*

*Quomodo
fiat ista re-
rū narratio*

Locus communis est Propositio universalis, & sic talis, quali utuntur viri boni scilicet si rectè conceptus est locus communis. Et sic locus communis omnis per se pertinet ad mores in oratore significandos bonos & conciliat benevolentiam, si aptè & loco adhibeatur. Sunt alij modi & partes significandi mores, de quibus suprà dictum est, 4 & 5. Progymnas. Author unam saltem hinc facit partem, ἡν ἐν δεσιν expositionem vel narrationem. Et dicit hanc non adhiberi ut doceas, sed ut moveas auditorem. Non ut doceas, i. e. tanquam necessariam partem causæ. Locus communis est Propositio universalis & ferè nota. Narratio est rerum particularium gestarum. Itaq; Narratio in loco communi, non habet usum docendi vel probandi. Movet tamen, i. e. opinionem bonorum morum & prudentiæ, & sic benevolentiam conciliat Oratori, si jta noverit mores hominū. Tum ipsi mores expositi adjungunt animum auditoris, ut faveat vel assentiatur causæ.

Quæ circa subiectum loci communis sunt bonorum morum characteres i. e. dicta & facta singularia hæc exponuntur, e. g. Sit locus communis, vir bonus & prudens, summâ laude dignus est. Hic viri boni dicta & facta singularia enarrentur sub hac parte, e. g:

Non prius in dulcem declinat lumina somnum,

Omnia quam lapsi repetiverit acta diei.

Sic si sit locus communis: Paupertas occasio est diligentiae in multis, per quam postea ad magnos honores evehuntur. Hic dicas in narratione Pauperum mores, dicta & facta singularia, e. g. Qui fortunâ utuntur vel re familiari tenuiori, fugiunt pigritiam, surgunt summo mane, vigilant, sudant, algent. Sæpius ex illis audias vulgare:

Non jacet in molli veneranda scientia lecto,

Ipsa sed assiduo parta labore venit.

Mare & terras pererrant, Undecunq; possunt, discunt. Omnibus ablandiuntur atq; arrident, omnibus se insinuant ubi possunt honestè. Sæpius

pius

pius habent in ore: Quem fortuna humi dejecit, hunc oportet omnibus esse supplicem: Item illud Homericum: αἰδώς σὺν ἀγαθῇ κερημένῳ ἀνδρὶ παρέσται. Non expedit viro egenti esse pudentem etc.

Malorum morum expositio vel narratio, movet odium, & sic pertinet ad quartum genus partium, vel ad motus sive affectus.

Hæc eadem pars poterit etiam ad alios usus accommodari .i. Ad copiam. 2. Ad Amplificationem. 3. Ad probationem. Ad copiam, augebitur n. Oratio, si pro uno subjecto universali, plura ponas particularia, eg. Sit locus communis: benevolentia mutua inter homines conservanda est. Hoc exposito, poterit per Narrationem sic augeri Oratio, si afferantur dicta & facta hominum benevolentia mutua inter se colentium, eg. Mutuo iuvant se, mutuo amant, non bona tantum & opes, sed vitam etiam pro amico profundere non dubitant,

2. AD AMPLIFICATIONEM, quia quod per partes narratum & expositum est, grandius apparet, eg. si pro Amico dicas, qui me amat, & cum quo fœdera perpetuæ amicitiae inij, & qui hoc & hoc beneficio me affecit etc.

3. AD PROBATIONEM, quia istæ partes faciunt Inductionem, quæ quomodo facienda sit supra expositum est.

De Tertio genere partium vel partibus Amplificationis in Tractatione loci communis

AMPLIFICATIO est Demonstratio Magnitudinis, vel est Enthymema, quo probatur res esse magna, eg. valde honesta, valde utilis, valde jucunda etc.

Loci Amplificationis sunt iidem ex quibus demonstratur res esse honesta, bona, utilis etc. 2. Rhet. c. 19. In illis locis est σύγκρισις, COMPARATIO. quam unā habet hic author noster, & tribet ut sic proponam, ἐκ παρρησίας συνάγων τῷ κατηγορούμενῳ τὸ μείζον, i. e. per Collationem attribuamus vel inferamus de dicto nostro termino maius aliquid. In loco communi est subiectum: quod appellatur hic κατηγορούμενον, res dicta, vel de qua dicitur aut dictum est. Huic debet applicari τὸ μείζον, i. e. huius prædicatum debet augeri. eg. Sit locus communis: Vir prudens est laudandus. Hic Vir prudens est κατηγορούμενον, laudandus est prædicatum, quod debet augeri per comparisonem i. e. ostendi, quod valde magnæ debeantur laudes viro bono. Hæc igitur est conclusio quasi cōparationis, scilicet

*Alii usus
narrationis.*

1. Ad copiam

locus communis noster. Demonstratio autem appellatur ab autore *περὶ ἐπίθεσις* Appositio, Collatio etc:

INVENTIO talis est: 1. quæritur terminus cui item insit hoc idem prædicatum, eg. Artifices, milites, divites laudantur, Sed quò magis sunt illustres vel excellentes in suo genere termini isti eò sunt commodiores, eg. Principes, Nobiles, Doctores etc. sunt laudandi. Deinde *ἀντιθέσις*, Opponuntur sibi vel comparantur: vel ostenditur quæ in isto assumpto termino sint causæ, quare hoc insit prædicatum e. g. Quæ adsunt bona, quare laudentur, vel quæ adsunt mala, quare vituperentur, sive artifices, sive milites, sive nobiles, sive Principes. TERTIÒ ostenditur in nostro subiecto loci communis esse causas easdem vel etiam maiores (ut libitum est & fert negotium præsens) eg. Esse in nostro bona vel mala aut eadem aut paria, aut similia aut etiam maiora etc. Hinc sequitur spontè conclusio. Consequentia talis est: Maior Propositio poterit esse. Æquè dignis æqualia sunt tribuenda, vel maioribus dignis maiora. Deinde subiiciatur Collatio illa dicta.

*De quarto genere partium, vel partibus affectuum in
Tractatione loci communis*

Affectus sunt, ira, delinitio, amor, odium, metus, pudor, gratia, misericordia, nemesis, invidia, æmulatio &c. His affecti homines aliter atq; aliter judicant, de rei veritate aut etiam magnitudine. Hos affectus oratores concitant, eos scilicet quibus affici auditores commodum fuerit suæ causæ. Quid autem sint singuli, & quomodo oratoriè effici possint, prolixè docet Aristoteles 2. Rhet. toto libro. Author noster hæc tria hic attigit, quomodo contemptus aut odium possit concitari, cui usui duos dat locos. Tertiò quomodo misericordia sit evellenda ex animis auditorum vel nemesis excitanda. Usus horum erit si locus communis sit de re aliquâ vituperandâ, e. g. Ebrietas est turpis. Hic contemptus & odium potest concitari hominibus ebrijs, & monstrari, quod indigni sint misericordiâ, vel etiam si locus communis sit de re laudandâ, poterit fingi contrarium, & ad hoc accommodari hi motus, e. g. Si sit locus communis de laudibus Temperantiæ, contrarium erit, Ebrietas est turpis: & sic idem erit usus, vel ebrij sunt adducendi in odium, contemptum &c.

Locus primus, πρῶτον.

Sic autem appellatur reprehensio *τῆς τῶ περὶ ἀντιθέσεως διαφορᾶς, sententia*

*Locus primus,
πρῶτον.*

tentiæ authoris. Vel fictio consilij & sermonum ejus hominis, qui continetur in subjecto loci communis, e. g. Si fingas, quid ebrij cogitent, quid habeant consilij, quid spei, quare ebrietatem sectentur, cur non mutant mores, quare non corrigantur damno valetudinis & rei familiaris, non publicâ infamiâ: Quales sermones agitent secum, & hæc debent fingi turpia, ac ridicula, siue pugnancia cum virtutibus, dictis & factis viri boni. Hæc fictio si habeat crimina grandia adducet in odium. Si leviora, contentum, & risum excitabit.

Secundus locus παρὲνθας, digressio vel egressio.

Sic appellatur si superiorem vitam hominis enarres & vituperes. Homo autem hic poterit sumi vel universalis: qui scilicet est in subjecto loci communis e. g. ebrij. Sic illæ afferendæ erunt circumstantiæ, quæ communiter ebrijs accidunt. e. g. Qui à similibus morum parentibus nati sunt, verè dant se ebrietati. Item qui à divitibus parentibus nati, item qui diligenter sunt educati & delicatè &c. Vel poterit homo sumi singularis scilicet de quo in præsentī oratione agitur, & sic circumstantiarum istarum usus erit amplior. Poterunt enim singulæ personarum circumstantiæ huc advocari, & criminis loco obijci, e. g. Et parentes, quod hi vel similes fuerint, aut aliàs mali: vel si fuerunt boni, noster ille reus sit illis indignus & dissimilis.

Tertius locus, misericordia denegatio vel Nemesis.

Hic ostendi debet esse istum jta indignum vel universos, de quibus in loco communi agitur, ut etiamsi gravissimis supplicijs afficiantur, maximas experiantur calumnias, tamen non sint misericordiâ persequendi.

Quintum genus partium vel partes probationis in tractatione loci communis.

Hic enumerantur loci varij, unde possunt duci argumenta ad probandum locum communem. Et hi quidem loci sunt ijdem cum illis suprâ in 5 & 6. Progymnasm. positis. Nunc saltem aliter numerantur. Nam confirmatio est generaliter quælibet probatio: Et confutatio est quælibet Refutatio. Itaq; loci isti ubiq; utiles erunt. Quidam autem loci hic omittuntur ab authore, quorundam partes hic connumerantur. Præterea ponuntur saltem loci confirmationis: E quibus loci confutationis debent fieri per Oppositionem. Ut istis utamur in sententiâ nostrâ confirmandâ: Hic

in opposita sententia refutanda. **LOC**i hi **S**ex ab autore ponuntur. I. *δικαιον*. 2. *νόμιμον*. 3. *συμφέρον*. 4. *δυνατόν*. 5. *ἔνδοξον*. 6. *ἐκθεσόμενον*.

Δικαιον vel **I**USTVM universaliter usurpatur hic pro omni honesto. Ius aliud est naturale, aliud scriptum. Naturale est, quod omnium conservatur iudicio. Scriptum ius est, quod est certis verbis conceptum, & alicubi ad certas circumstantias accommodatum, sive Lex. Alias ius scriptum à jure naturali non differt. Per justum author noster hic intelligit naturale jus, sive honestatem in genere.

II. **LEGITIMVM** intelligitur ab autore nostro jus scriptum vel leges, quæ sunt attendendæ & afferendæ probandi loci communis causa.

III. **UTILE**, quoniam distinguitur ab autore nostro vel distinctim proponitur ab honesto vel justo. Itaq; hic intelligitur lucrosum.

IV. **POSSIBILE** supra explicatum est Progymnas. 6.

V. *ἔνδοξον* est idem quod *πῆξανόν* supra, vel **VERISIMILE**, sic enim usurpatur *ἔνδοξον*.

VI. **EVENTVS** est pars utilitatis: si enim bona consecutura explices, dividas, prolixè in his immoreris, appellant eventum. Item si mala. Etiam reliqui loci supra propositi debent consuli & quam maximè commodæ deligi probationes, & sic contraria etiam horum, vel loci confutationis. Modò hæc argumenta explicandi non habent peculiarem, sed illum quem supra docuimus.

EXERCITIVM.

Locus communis de gloria studio.

Nihil gloriæ studio magis decet animum generosum & verè nobilem.

Contrariū

Hominis est vilissimi, ingenij abjectissimi, naturæ turpissimæ, nulla duci gloriæ ac famæ nobilioris cupiditate, suntq; illi non habendi inter nobiles, qui gloriæ contemnunt studium, & homines ignavissimos videmus hoc agere, ut quantum possunt, sint omnium hominum infimi & nullibi excellant, nullo excitentur laudis studio.

NARRATIO. Verè pulcherrimus & generosus dici potest ejusmodi animus qui gloriæ ac laudis studio commovetur. Videas enim ab istis pulcherrima facta. Quæ non pericula adeunt? annon vel sanguinem profundit, ut laudè lucentur? Sæpius ex istis audias: Famam extèdere factis,

Hoc

Hoc virtutis opus.

Hi sunt qui honoris studio ducuntur, qui fugiunt voluptatum illecebras, tanquam pestem quandam molestissima quælibet perferunt summâ animi constantiâ, famem sitim, æstum, frigora. Et satis sibi videntur præmij habitari in unicâ laude &c.

COMPARATIO. Cum multa sint animi generosi signa præclara, nullum tamen præclarius est gloriæ studio. Etenim & illi verè nobili animo sunt, qui virtutis quodam amore singulari flagrant. Quid enim nobilius, quàm quod unicum à natura concessum est, in quo homines hominibus antecellant virtutis scilicet studium vehemens & egregium: in eo existere aliquem unum hominem qui pœnè omnibus alijs vel saltè plurimis palmam præripiat? Sed qualis hic amor virtutis esse poterit, nisi adjuncta sit laudis quædam & per virtutem excellendi cupido ac spes, vix intelligi potest. Iterum qui opibus magnificis congerendis occupati sunt, saltè non nimis sollicitè: hos generosioris animi & digniores præ reliquis putant. Et non planè malè quidem, si saltè non pecuniæ amore, sed usus studio inquisitioni incumbant. Sunt enim pecuniæ magnarum rerum agendarum instrumenta ac nervi. Sed nisi adjungatur his laudis & honoris affectatio facilè frangent animum pecuniarum delicia, ad ignaviâ & pessimas sordes abducent. Item qui imperare alijs valdè satagunt in his animus quidam agnoscitur maior ac vulgi &c.

Γνώμη. Fingantur hic hominis ignavi & alieni à gloriæ studio dicta & facta singularia.

Παράδειγμα. Cogitetur hic ex quâ gente oriundi, qualibus parentibus, quomodo educati, quâ natutâ, quibus moribus & habitibus homines, cujus generis, quid agentes & patientes, quo loco, & tempore soleant esse ignavi,

Νέμεσις. Monstretur quàm turpis sit ignavus nullo non dignus infortunio & calamitate.

PROBATIO, Instituaturn à verisimili & reliquis locis confirmationis.

INDEX QUIDAM LOCORVM COMMUNIVM.

Loci communes Oratorij infiniti ferè sunt. Itaq; horum quandam summam cōficere maiōris erit op̄eræ, Interim tamen hi erunt maximè

generales & communes, in quibus exerceri poterunt iuvenes scribendis, ut quoties eorum usus erit, erit autem sapius, habeant in parato.

Classis prima Virtutes morales & vitia.

1. De laudibus virtutis & viri boni in genere. 2. Quomodo vitium vel morum turpitudine, vel homo improbus in genere possit reprehendi. 3. De laudibus viri fortis in genere. 4. De laudibus hominis qui in ludis Palearicis aut equestribus praeiuit fortitudinis suae specimen. 5. De laudibus militis, qui vel murum conscendit primus, vel hostes aggressus est, vel alia praeciosa gessit. 6. De laudibus Ducis qui Victoriam obtinuit. 7. De laudibus eorum, qui fortiter occubuerunt in praelio. 8. Quomodo meticulositas possit reprehendi. 9. Quomodo in fugientes à praelio sit inuehendum. 10. Quomodo audacia nimia taxari possit. 11. Contra grassatores nocturnos, qui temerarie se periculis credunt. 12. Contra Thraones, quibus Mars tantum in lingua est. 13. De laudibus Temperantiae in genere. 14. De laudibus Castitatis in genere. 15. De laudibus perpetuae virginitatis. 16. De laudibus Sobrietatis. 17. De laudibus jejuniis. 18. Quomodo reprehendi possit intemperans in genere. 19. Quomodo reprehendi possit libidinosus & libidines. 20. Contra adulterium. 21. Contra Incestum. 22. Quot modis turpis sit ebrietas. &c.

Classis secunda, Virtutes & vitia intellectualia.

1. Locus, de laudibus eruditionis universim. 2. Invektiva in Imperitios & rudes literarum. 3. Invektiva in contemtores & hostes eruditionis. 4. De laudibus literarum humaniorum. 5. In contemtores earundem. 6. De laudibus Philosophiae &c. 7. De laudibus Theologiae, Medicinae &c. 8. De laudibus Prudentiae. 9. De laudibus artium.

Δευτερευοντες

Vel

Altera expositio.

*Definitio
Genus.*

Definitio Loci communis habet partes duas: 1. genus Oratio, id est, verba multa, & propositionum quidam contextus. Sunt autem in loco communi duo genera propositionum: primum est quaedam quasi conclusio, e. g. Temperantia est quaedam confer-

vatrix

vatrix non reliquarum virtutum tantum, sed totius naturæ humanæ. 2. Reliquæ propositiones istam declarant, repetunt, urgent, amplificant, probant. Et hoc totum corpus propositionum sic cohærentium appellatur locus communis, & est oratio vel multarum propositionum ad eundem scopum tendentium connexio.

Altera pars est DIFFERENTIA: extollens ea, &c. Constat pluribus membris. Primum membrum: BONA VEL MALA, quæ ex primuntur hoc genere orationis, vel loco communi, ea sunt, justum, injustum: honestum inhonestum: utile, inutile. Secundum membrum: EFFERRE ista bona vel mala, i. e. amplificare, ut grandia appareant.

Differen-
tia.

Tertium membrum sunt RES, quarum bona vel mala efferuntur. Has dicit autor esse res quaslibet. Intelligendus autem est loqui de generibus rerum, sive de rebus universaliter consideratis. Nam oratio de rebus generalibus, e. g. Oratio de prudentiâ Ulyssis, monstrans, quam magna illa fuerit, item, de ira Achillis, Ostendens, quam injusta illa fuerit, non sunt loci communes. Sed oratio in genere de prudentia, quanta hæc sit virtus, item de irâ, quam gravissimè noceat, & quantum damni afferat: Ita, inquam, generaliter institutæ orationes sunt loci communes.

Exercitium hoc est dictum Locus, quod hinc comparetur & inve- niatur materies orationis dilatandæ.

Etymolo-
gia.

COMMUNIS, quod unus & idem in varias causas vel quæstiones, ac diversas scriptiones possit accommodari, scilicet, si semel meditatus sis, & confectum habeas, e. g. deviro forti, de temperante, de magnifico &c. Item de mendacij turpitudine, de ebrietate, de superbiâ &c. Sunt loci communes. Si habeamus hos tractatos, vel si de his meditati fuerimus orationem, poterimus ad varios accommodare usus singulares hujus generis, sive quoties habenda erit oratio de aliquo vel ad aliquem, qui sit talis, sive in judicio, sive in deliberatione, sive in laudatione.

Causa hujus communitatis est, quod subiectum loci communis si- ve res, cui bona vel mala inesse demonstrantur, sit genus quoddam, vel universalis terminus, e. g. Milites pleriq; sunt iactabundi. Pauperes sunt proclives valde ad verecundiam & suspicionem. Vir fortis est propugna- culum Reipublicæ. Hæ sententiæ faciunt locum communem. Subje- ctum est terminus generalis. Miles, pauper, Vir fortis.

Quare quotiescunq; inciderit occasio dicendi de personis singulis, quæ sunt hujus generis vel ordinis, utiles erunt, & apti hi loci communes.

De

DE TERTIO.

*De usu Loci
Communis
in iusto ora-
tionis cor-
pore.
Est propositio
major.
Probatio
Major.
Minor.*

*Est accessoria
probatio*

EST accessoria probatio, i.e. in iusto orationis corpore, in praxi & usu, ubi ad causas particulares adhibitus fuerit locus communis, habebit se, tanquam propositio maior, e.g. locus communis de sacrilegijs vindicandis adhibitus in accusatione cuiusdam hominis sacrilegi (puta Verbis) est propositio maior. Conclusio enim in huiusmodi accusatione est: Hic Homo vel Verres est severè puniendus. Sacrilegi enim sunt severè puniendi, vel in Sacrilegia gravissimè statuendum est. Hic autem vel Verres est Sacrilegus.

Dicit autem author: **ACCESSORIA & SECUNDARIA** probatio, quia primaria probatio posita est in propositione minori: hæc enim est potissimum controversa in causis oratorijs. Quare cum hæc rectè se habet, quodammodò sponte sua sequitur conclusio: etiamsi non addita sit maior, quippè natura sua vel saltem ex ipso iure notissima, e.g. Si evi- denter probatum fuerit, Verrem fecisse furtum, commississe sacrilegia, se- quitur ultrò esse puniendum, etiamsi non addatur maior propositio, vel Locus communis, quòd omnis fur & sacrilegus sit supplicio afficiendus: quia hoc notum alias.

EST INSTAR EPILOGI, i.e. Habet eundem usum & officium idem, quæ sunt epilogi. Epilogus autem breviter in memoriam revocat, quæ prolixiùs sunt dicta toto orationis corpore: tum amplificat & gran- dia facit, demum excitat affectus, odium, iram, misericordiam, &c. In Loco communi fiunt hæc eadem, scilicet, quoties in iusto orationis cor- pore intertextitur. 1. repetuntur, quæ dicta sunt, scilicet ad proba- tionem minoris propositionis, sive delicta & peccata Rei, unde probaba- tur ejus sacrilegium vel furtum. 2. Eadem amplificantur, vel osten- ditur, quàm grande scelus sit furtum & sacrilegium: quantum inde im- mineat periculum Reipub. bonis moribus, singulorum fortunis: quàm multæ leges illud detestentur: fit comparatio ad reliqua scelera, & osten- ditur, præsens hoc esse omnium atrocissimum. 3. Item in Loco com- muni conciliatur odium, invidia, ira Reo, misericordia læsis.

DE PARTIBUS LOCI
COMMUNIS.

Exordium.

Sunt illæ octo Authori nostro: Prima **EXORDIUM**. In hoc excogi- tando adhibeantur loci illi usitati: Docilitas, Benevolentia, Attentio, Doc-

Docilitate admonemur, ut dicamus summam rei, e. g. Sit locus communis de viro bono, potero igitur ex hoc loco invenire materiam exordij hanc scilicet: figura elocutionis, est *πρόσληψις* sive assumptio generis. Omnia bona prædicanda sunt, & sic etiam virtus. Cum divinum illud Eloquentiæ donum in eum usum hominibus potissimum concessum esse videatur, ut quæ cælitus nobis à divinæ clementiæ contigerunt beneficia plurima, ea in hominum cætibz eloquentiæ facultate prædicentur, atq; exornentur. Nemini igitur dubium esse poterit, quin omnium rectissime ad virtutis ipsius prædicationem ejus facultatis usus conferatur.

I. à docilitate.

Quare cum mihi pro tempore & more nostro habenda ad vos esset oratio, virtus & hujus dignitas hoc sibi postulare jure quodam suo visa est, ut in eà exornandâ hanc operam meam collocarem. De virtutis igitur pulchritudine admirabili, dignitate præcellenti, suavitate egregiâ, quantum quidem vel mea in dicendo infantia consequi poterit, vel rei ipsius amplitudo permittit, istâ horâ ad vos verba faciam.

AB

2. Ex ATTENTIONE in mentem nobis veniet, dicere ea, quæ possunt excitare auditorem, & alacrem facere ad audiendum. Hæc sunt, si promittamus nos dicturos de rebus magnis, miris, novis, jucundis, proprijs, e. g. Sit idem locus communis.

Ex Attentionis loco possum hujusmodi materiam invenire: figura elocutionis, simile, vel comparatio. Si grata ea sunt Auditores, & libentissimis auribus audiuntur, quæ peregrinè afferuntur, vel de præfidijs ad publicam utilitatem compiratis, vel etiam de nova inventâ & concessa navigandi & mercaturæ faciendæ ratione, unde insigne aliquod in universum christianum orbem derivandum commodum speretur: quanto jucundior meâ quidem sententiâ & gravior ea erit oratio, quantoq; libentioribus auribus atq; animis percipietur, quæ non rumusculis vanillimis collectos nuntios, sed ex virorum sapientissimorum sententijs gravissimis observata judicia in medium profert, unde non facultatibus aut opibus lucellum aliquod accedere, neq; corporibus medicina fieri, sed ipsis animis nostris quam optime & saluberrime consuli poterit &c. Alias Exordiorum varias formas, dabimus in Exercitiorum Materie.

DE SECUNDA PARTE.

Dicit author noster adducendum esse contrarium; i. e. propositiones principali quæstioni vel ipsi loco communi oppositas. Hæc sic inve-

II. pars,
Loci Comm-
unis con-
trarium.

C

niuntur,

niuntur, 1. ponitur locus communis, e. g. virtus est ingens quoddam in vita humana bonum. 2. inquiruntur termini oppositi contrariè & contradicenter, & bini binis copulantur. Hi termini sic inventi possunt variè copulari copiae causa, e. g. primo contrarium contrario: Vitium est ingens malum in vita humana. 2. Contrarium contradicenti: vitium non est bonum in vita humana. 3. Contradicens contrario, ut: Quod non est virtus est ingens malum in vita humana. 4. Contradicens contradicenti: Quod non est virtus, non est bonum in vita humana. 5. post sunt converti singulae, ut: Quod est ingens malum in vita humana est vitium &c. 6. Possunt cum modo concipi singulae. Modum autem appello terminos hos: Verissimum est, æquissimum est, iustissimum est, e. g. Vitium esse ingens in vita humana malum verissimum est. Vel: omnes ita credere iustissimum & in communem omnium salutem quàm optimè consultum est: nullum esse in rebus humanis malum pestilentius, ac gravius, quam vitiorum & scelerum contagionem. Sic autem proponuntur hæ propositiones oppositæ: inquiruntur synonyma terminorum singulorum, ne eadem voces sæpius iteratæ fastidium pariant, e. g. Verissimum est, Auditores, quod dixi, nec probatu difficile, virtutem ingens quoddam esse in vita humana bonum, & thesaurum præclarissimum. Ita enim se res habet, ut vitiorum & malorum morum peste & contagione nullum videatur malum esse grandius, quo misera hæc vitæ nostræ conditio vehementius affligatur & vexetur.

Quâ formâ orationis, proferenda sunt contraria.

Propositio prima, ipse locus communis.

Propositio contraria 1. Vitium est malum.

2. proposit. Vitium non est bonum.

3. proposit. Quod non est virtus est malum.

4. proposit. Quod non est virtus non est bonum.

Nec; enim dubium cuipiam esse poterit, quin scelera & flagitia non sint in earum rerum numero habenda, quæ in ornamentum humani generis divinitus à naturæ authore Deo extiterunt, & etiam nunc conservantur.

Ubi enim virtus abfuerit, ubi à virtutis & honestatis ratione vel paululum discessum, declinatumq; fuerit, nemini obscurum esse poterit, quin insignis quædam & authori istius facinoris, & universæ humanæ societati pernicies creetur ac concilietur.

Nam si quid a virtute profectum non fuerit, aut hujus tanquam sapientissimæ gubernatricis opera & consilijs administratum: abesse non poterit, quin omnes judicent, non saluti sed exitio illud comparatum, non laudi, sed ignominiae & dedecori attribuendum & assignandum esse. &c.

DE TERTIA PARTE

τῇ ἐκθέσει, *vel Narratione.*

NARRATIO est expositio rerum & factorum singularium. Videtur igitur non aliter convenire loco communi tractando, nisi ut hic ad personam referatur, vel de persona enuncietur saltem in genere, e. g. sit locus communis: Virtus est ingens bonum. Fortitudo est Reipub. propugnaculum. Ebrietas venenum quasi quoddam est, quod per universam Rempub. paulatim quasi serpens, & membra singula inficiens & corrumpens, tandem totum destruit corpus &c. Hi loci sic referentur ad personam, vel concipientur de persona in genere, e. g. Vir bonus est utilissimus Reipub. Vir fortis propugnator est communis salutis. Homines ebrij pessimè suo exemplo nocent, & alios ad similem turpitudinem alliciunt.

Loco communi ita concepto, Narratio suscipitur de factis istius personæ, e. g. de factis viri boni, viri fortis, hominis ebrij & temulenti.

Facta autem afferuntur, quæ communiter ab ipsis committuntur, & vulgo quodammodo nota sunt, idq; descriptionis gratia, vel ut quasi ante oculos pingamus illud hominum genus, quos locus communis noster attingit. Finis est hujus descriptionis secundum Authorem, non ut doceamus, hoc est, rem ignotam auditoribus exponamus, quod aliis fieri solet in narratione, sed ut commoveamus, i. e. excitemus auditorem, & erigamus in affectum aliquem, vel animi commotionem, e. g. ut benevolentiam & amorem conciliemus huic hominum generi, de quo in loco communi sermo est, e. g. virum bonum & fortem ita describamus, & ornemus secundum facta & virtutes, ut quam pulcherri- mus & maximè amabilis appareat. Igitur si in loco communi mala considerabuntur, & homo nequam aliquis, narratio hæc instituenda est de contrario, e. g. in loco communi de Ebrietatis turpitudine narrandum erit de factis & institutis hominis temperantis vel sobrij. Iterum geminare hanc narrationem possumus: ut in loco communi aliquo, de malis moribus, pingamus illas notas aut ea facta quibus contemtus horum morum hominibus pariatur. Sin de moribus bonis institutus sit locus communi, hanc turpitudinis notationem accommodemus ad contrarium. Exemplum vide in Exercitio.

*Quid sit narratio.**Hic facta narrantur quæ sunt characteres morum.*

DE PARTE QUARTA DE COMPARATIONE.

IN hac inducitur similis aliqua res, vel similis aliqua persona: & ostenditur, pares vel minores esse causas, cur res in loco communi prædicata aut extenuata eodem modo, vel majori etiam prædicanda aut extenuanda sit, e. g. sit locus communis de viro bono, comparatio erit oratio, qua inducentur aliæ res aut personæ item commendandæ, & gravibus quidem de causis: sed hoc eventu, ut vir bonus vel iisdem, vel majoribus etiam laudibus dignus eff ostendatur. Afferentur igitur in hac comparatione divitiæ & honores, & imperia, item homines istis fruenter bonis, & ostendetur, quid in illis sit commodi. Postea verò subjungetur invirtute & viro bono & eadem & majora esse commoda. Idem sit locus communis de Ebrietate. Hic in comparatione adducuntur res & personæ item reprehendendæ, e. g. fures, latrones, scurræ, avari, & quicquid præterea est vitiosorum ac nequam hominum.

In his ostendetur. 1. quanta insit turpitudine, & quàm graves reprehensionis causæ. 2. Eadem causæ monstrabuntur inesse, atq; adeo etiam majores in ebrietate, & homine ebrio. Est vero etiam aliud similitudinis genus: ubi comparantur scilicet res toto genere remotissimæ: ut inanimæ & brutæ (in quibus nulli sunt mores) cum intelligentibus; ut si comparem corvum cum adulate, aurum cum veritate. Ubi sunt excogitandæ plurimæ similes rationes, vel plurima similia & quæ utrisq; attribuantur prædicata. e. g. corvus ater, item adulator: corvus avis omnibus invisa, sed quæ tamen domestica delectamur: item adulator. Corvus præ voracitate etiam sæda sectatur cadavera, adulator item turpem quæstum, &c. Hæc persuadendi vim habent, si ingeniosè excogitaveris ea quæ non cuilibet in promptu fuissent & sic benevolentia facultate, qua acumen dicentis complectitur auditor, in sententiam nostram adducitur.

DE PARTE QUINTA DE GNOME.

Gnome, i. e. sententia, est terminus artis, i. e. orationibus proprius. Et secundum authoris nostri interpretationem est reprehensio opinionum

onū ejus, aduersus quē institutus est locus communis. Locus communis autem est vel de re malā, e. g. Ebrietate: sic hac parte reprehenduntur opiniones hominis ebrij, Vel est de re bonā, e. g. de viro forti aut bono. Hic reprehenduntur homines contrario vitio affecti, e. g. homines mali & audaces vel timidi. Opiniones autem sunt sententiæ, quæ ad speciem honestæ videntur, & ipsi auctori graves ac ponderosæ, quibus peccatum suum defendit, aut prodit, sed reuera sunt ridiculæ ac falsæ, & tales hac parte proponuntur, e. g. sit locus communis de Ebrietate, Gnome vel fictio opinionum erit talis.

*Gnome vel
opiniones ebri-
orum.*

Mirum autem videri cuiquam poterit, neq, id injuriā, quomodo & quibus consilijs vel hominum quispiam ratione certa & mente imbutus eò adduci poterit, ut pessimo hoc turpitudinis genere, ebrietatis dico, non tantum ex aliorum hominum secundum rationem & honestè viventium societate se segreget, sed & ad porcos, & alias bestias sordidissimas morum similitudine sese abjiciat: Magis verò hoc mirari liceat, si etiam illud accesserit, ut ratione aliqua imbutos & persuasos ad eos mores applicasse animum, in iisdemq; adhærescere audiat. Nimirum ajunt, vitam humanam molestiarum plenissimam sufferri non posse, nisi aliquid aliquando genio & animo des. Nullæ enim unquam tantæ vires, nullius rei tam benè firmæ facultates deprehensæ sunt, quin eadem faciliè absumantur, nisi detur aliqua à labore vacatio.

*na/ds-
as vel
pramonitio*

I. opinio

Honestæ sanè ratio, & quæ tantopere reprehendi non posset, saltē si ad ipsos quicquam pertineret, & non jure pessimo, vi & fraude pertraheretur. Quasi enim non aliæ essent honestissimæ delectationes, quibus à molestia laborum interquiescere possimus, ut ad porcinas istas delicias abeundum sit. Igitur ab hoc præsidio deturbati bibones nostri istuc confugiunt, ut dicant, esse necessariam, & quàm maximè honestam vivendi rationem, ut non tibi soli vivas, & instar noctuæ domi & in tenebris deliteas, sed in hominum conspectum ac lucem prodeundum esse, captandos congressus sociorum atq; æqualium, & eos quidē frequentissimos, ut ex horum turbā ac numero, quos satis diu exploraveris bonos & candidos, & quorum tibi in omni vitā usus quàm honestissimus ac utilissimus esse poterit, eos amicos certissimos tibi deligas ac devincias. Nullam autem vel commodiorem vel minus molestam occasionem esse aliorum animos explorandi, quàm inter pocula, ubi omnis abest simulatio, ipsa quodammodo pectora & animus intimus in-

*Judicium,
vel solutio*

*II. Defensio
vel opinio.*

trōspicienda dantur, Præterquam quod ex illa jucundissima conversatione mores poliuntur singulari quadam humanitate atq; affabilitate: Ex sententiarum collatione crebra, nescio quomodo, nihil te sentiente prudentia quadam & rerum peritiâ animus imbuitur, ut plures ex tabernis & communi hominum societate prodierint gnavi & industrij, quiq; negotiis gravissimis rectè præficiuntur, imò quibus summa sæpè Reipub. commendata est, quàm ex philosophatrorum scholis & disciplina.

*Judiciū de
hac Secūda
sententia.*

Sed neq; hæc defensio hominum planè ebriorum & poculis obrutorum: verum sobriorum aliquantum, & nonnihil sapientium videtur, adeò acumen quoddam habet. Veruntamen nescio quid vini olet, & mentem istis turbatam, ac præ crapulâ titubantem arguit, Quid enim an non pulcra hæc ratio est ineundæ amicitia, & animorum explorandorum, inter pocula scilicet? ut nempe ipse tibi prius mentem eripias, atq; omnem adimas sanæ rationis usum, quam, quid aliud sanæ mentis habeat, explorare possis? an non hoc est oculis te privare, ut eò acutius videas? Eadem amentia est, ex hac turbatissima vivendi ratione prudentiæ aliquem usum sibi polliceri. At mea sententia si inter pocula, inter homines ebrios, & vino onustos, imò præ cibi, portionumq; copia nimia ingurgitata insanientes, prudentia aliqua addisci potest, omnino consultius esset, vel saltem tutius & securius ad haras porcorum, vel ferarum spelæa & latebras prudentiæ acquirendæ causa diverti. Quippe cum inter has feras bestias non minor rationis exercitatio, fastidium certè fastidissimi feroris, & periculum vitæ ac salutis longè minus exstat.

Tertia sententia.

Si igitur hoc fas, jusq; est, idq; Cereri & Baccho hujus gentis Deumculis placere potest, ad ipsa mystica sacra combibonum nostrorum irrepamus; sive has attendamus facti sui, & instituti defensiones, quas dum sacris suis operantur, vel benè jam poti sunt, dictitant: Ibi ex illis audies. Quis scit, an hæc unquam sit reditura dies? Edamus & bibamus, cras enim moriemur. Et principes habemus hujus nostri ordinis socios. Quid enim aliud in aulis agitur, quàm ut poculis certetur? Rusticorum est opus facere, mercatorum pecunias colligere, concionatorum de extremo judicio prædicare, senum insomnes noctes diesq; ducere, & nobis sibiq; bene precari. Nos quibus non ita gelidus obstat circum præcordia sanguis, qui generosioris sumus naturæ, qui plenum turgentibus spiritibus ferimus pectus, quibus adhuc ætas est, quid itane miserè prodeamus hanc ætatulam nostram? vel quovis malo digni essemus. Quin po-

tius dum mēsis nostra in herba est, dum flos novus & nova pubes: curemus cutem, genio nostro aliquid demus, & fruamur annis nostris, illaq; occasione voluptuosissima. Rideamus interim stultitiam vūlgi pessimē defraudantis genium suum, ut magnos pecuniarum acervos construant. Quorum si nobis libeat stoliditatem æmulari, quis tandem mundus & quæ locorum capacitas tot nummis congestis sufficiet? aut quæ illorum cumulorum demum utilitas erit?

O capita non leviter stolida, sed quàm maximè & pessimè infana, istos ne homines, quid autem dico homines, istas ne bestias volui dicere, & pecudes in luce hac, quâ divina benignitate fruimur, ferendas esse, quæ & in ipsum autorem lucis adeo existunt ingratae, & ipsa luminis ac vitæ usura istac nequissimè abutuntur, ut vita fordidissima atq; impurissima Deum abnegent, non hominum tantum sed creaturarn plane nomine indignos se efficiant?

Hinc digni sint, qui homines appellentur, qui in diem vivunt, venter suo, non alicui honestæ occupationi productos se putant? An creaturarum titulo ipsi se non exuunt, qui inficias ire non possunt, Deum nihil ab opere vacuum voluisse, quodcunq; in rerum natura produxerit? iidem tamen fatentur non inviti, posse se nulli vocare operi, sed ad otium & molliciem sibi videri progenitos. &c

Altera descriptio gnomes.

Potest vero etiam aliter institui gnome. Scilicet in partem bonam & commendationem, ut exponas opiniones & sententias eorum hominum bonis moribus prædicatorum, de quibus est locus communis, opinionones, inquam, honestas, & quæ adjungant illis auditorum benevolentiam. Exemplum vide Exercitio 2. & 10.

DE PARTE SEXTA.

HAc parte criminamur vitam hactenus actam. Refertur igitur hæc pars item ad personam, vel hominem in genere, de quo mentio fit in loco communi, & quidem in partem malam. Fitq; criminatio hæc ex conjecturis, i. e. ex ijs, quæ verisimiliter accidunt circa personarum circumstantias, e. g. objicimus illi parentes vel probos vel improbos. Si probi fuerint, criminamur, quòd honestam famam parentum filius degener vitæ turpitudine contamine. Si parentes fuerint improbi, damus illi hoc probro, vel invehimur in parentes ipsius, & dicimus ad istorum

improbi-

*Judicium de
hac senten-
tia.*

*παρέκτα-
σις,
Egressio.*

improbis filium sua etiam scelera, vel paria, vel etiam graviora ad-
cisse. Idem fit ex reliquis locis personarum in secundo progymnasmate
expositis, scilicet obicitur educatio; Natura, mores, disciplina, &
genus artis, officium & vitæ genus, socij, varia dicta, & res gestæ par-
ticulares, fortunæ &c.

Hæc sunt particularia, sive uni singulari personæ conveniunt. In
scribendo autem loco communi exercitij causa potest etiam fingi perso-
na, & circumstantiæ item fingi, ut sic exerceamur in afferendis hujus-
modi criminationibus. Sed possunt tamen eadem etiam generaliter
institui, scilicet, ut ex istis circumstantiis inquiratur causa, & occasio
criminum principalium, e. g. sit locus communis de Ebrietate.

Egressio igitur & criminatio generalis sic poterit institui, ut ex lo-
cis personarum dicatur causa & occasio, quare homines ebrietati dedant
se, e. g. Multæ sunt causæ & insidiæ quasi ac tendiculæ, quibus homines
ad turpissimum hoc vitium inescantur atq; illaqueantur. Præcipuæ ta-
men illæ mihi videntur, scilicet, parentum negligentia, educatio prava,
natura improba, genus vitæ sordidum, socij nequam, sermonum obsc-
norum ac ridiculorum sectatio, & alia quædam hujus generis. Nam si
parentes ipsi dediti fuerint luxui & crapulæ, mirum non est, liberos in
dem vitium incidere. Et hæc frustra fit, si præceptis salutaribus omnem
aditum ad luxuriam liberis intercludere annitaris, si autoritate, si gra-
vi interminatione, si pænarum denunciatione deterreas, eosdem verò
vitæ pravitate vel invitos pertrahas, quò omnes naturam propendimus,
ad libidinem scilicet.

Criminatio
hominis e-
brij.

καὶ δὲ α

σις.

Parētes itē
ebrij-

Parētes ali-
às mali.

parētes pro-
bi.

Quod si parentes ab intemperantiâ quidem ac gulâ abstineant, alijs
tamen vitijs affines sint, æquè difficile erit liberos in officio continere.
Vix enim fieri poterit, quin animadversa in parentibus morum turpitudi-
ne, liberi aut contemnunt illos, aut non serîo à vitijs se prohiberi cre-
dant, quibus tantoperè monitores suos ipsos delectari vident. Porro
etiam hoc contingit nonnunquam, ut vitæ integerrimæ homines ex-
istant, iidem liberos educant sui quàm dissimilimos, & bipedum nequissi-
mos. Quod inde plerumq; fit, quia mollior nimis atq; indulgentior
sobolem suam habent. Quare etiam hoc diligenter cavendum est ne-
quid hic titubetur, ne nimia lenitate fenestra aliqua ad nequitiam ætatu-
læ isti, sua sponte ad malitiam propendenti patefiat.

Idem fiat in reliquis partibus vel locis,

De usu hujus partis in loco communi super re bona.

Est hujus partis usus etiam in loco communi super re bona, e. g. in loco communi de viro bono, de fortitudine, de pietate &c. talis scilicet, i. ut accommodetur egressio vel criminatio ad eum, qui contrariis moribus præditus est, e. g. criminemur vitam antea actam, vel circumstantias viri improbi, ignavi vel audacis & impij. Vel dicamus, quomodo à parentibus, quomodo in educatione, quomodo in naturæ proclivitate & reliquis peccetur, unde postea, tanquam ex radice venenata pessimi isti mores, tanquam viperea quædam proles suppullulet & progeneretur. possumus tamen aliter etiam accommodare Egteffionem, nempe ut faciamus locum contrarium, sive criminationem cōvertamus in Encomion, & prædicationem, & dicamus hac parte laudes ejus personæ, vel ejus generis personarum, de quibus in loco communi agitur, e. g. Dicamus, ex quibus parentibus, & qua educatione, natura, moribus, genere vitæ & reliquis existant viri boni, viri fortes, & homines pij.

**DE SEPTIMA PARTE
DE PRÆCISIONE MISERICORDIÆ.**

Misericordia est animi commotio, quâ turbamur alienis malis, & condolemus, & propterea adjuvandum eum propendemus. Excitatur Misericordia his tribus capitibus i. si quis ostendatur nobis esse conjunctus, i. e. ejusdem ordinis, sanguinis, gentis, aut aliud quid habere commune, 2. si ostendatur indigna quæq; pati, quod vir bonus sit, quod eventus sint insolentes, calamitates multæ, grandes, inusitæ, adversarij & hostes improbi.

3. Ut ostendatur, nobis metuendum esse idem, aut simile calamitatis genus, qui item sumus infirmi & homines, aut ejusdem conditionis, aut pares habeamus hostes, aut saltem communi fortunæ subjiciamur. His igitur locis uti poterimus, ubi in loco communi pro viro bono deprecandum fuerit. Author noster jubet uti nos non misericordiæ commotione, sed præcisione vel denegatione. Igitur præscribit saltem, quis sit hujus partis vel misericordiæ usus adversus homines improbos, nempe deneganda est misericordia, vel præcavendum ab oratore, ne erga istos Auditores misericordia tangeretur. Hoc igitur effici poterit modis contrariis, nempe ut reus sic describatur, i. quasi qui nihil nobiscum com-

*Misericordia unde exci-
tetur.*

munere habeat, aut parum saltem, & illud tenue. Vel qui nobis sit hostis & adversarius; & hostilia adversus caput & fortunas nostras aut nostrorum machinatus sit. 2. quasi qui digni pariat, quippe improbus, & exilia, & ab hominibus non iniustus. Vel utatur ac fruatur fortunis & felicitate, honoribus, opibus, benevolentia hominum, peccandi impunitate indigna & iniusta 3. quod ea pariat. à quibus nihil nobis metuendum sit. Vel quod ab huius impunitate & potentia metuenda sit magna nostra & Reip. perniciēs.

Figura elocutionis in hac parte; hæc observetur, crebra imò perpetuæ exclamations: Deum atq; homines obtestemur, indignissime factum. II. Tum paradoxa ex antithesi contrariorum, e. g. alios conservavit: à quibus perderetur. Nobis pacem comparavit: sibi inimicitias. Apud hostes securus fuit: inter amicos insidiis appetitus est. III. Apostrophe vel prosopopæia: qua alloquimur absentes, mortuos, item civitatem; vestes, gladium, Deum conquerendi causa; quasi præ animi consternatione &c. Et aliæ grandes ac turbantes figuræ.

DE PARTE OCTAVA vel LOCIS

Legitimo, Iusto, utili &c.

DE his locis duo sunt notanda, 1. quid sint, 2. quis sit usus eorum. Sunt autem uni & eidem cum locis confirmationis in sexto progymnasmate positæ, nisi quod hic paulò aliter enumerantur.

Legitimum est jus legibus comprehensum, & est pars honesti.

Iustum videtur hic generaliter usurpari pro omni honesto, vel eo, quod à virtute proficiscitur.

Utile quoniam hic distinguitur à Iusto vel honesto: itaq; intelligitur omne id, quod lucrosum est, vel lucrum affert, sive bonorum, sive pecuniæ, sive valetudinis, sive amicorum, sive alius boni huiusmodi.

Possibile est locus sexto Progymnasmate expositus, item Verisimile.

Eventus vel consequens est pars utilitatis, & comprehendit bona vel mala quoquo modo ad rem præsentem pertinentia, & ad eam convenientia.

Usus horum locorum.

Uti poterimus his locis, si aliquod fuerit in loco communi controversum & dubium, ut hinc auditoribus persuadeamus, e. g. sit locus communis de ebrietate.

Hic

Hic in tractatione hujus loci duo possunt agi, 1. ut enumerentur & amplificentur quæ sunt in ebrietate mala atq; incommoda, vel ut ostendatur, ebrietatem vitium esse quam turpissimum. Hoc efficitur reliquis partibus jam enarratis.

2. Potest & hoc de ebrietate probari, & peti ut ebrietati modus statuatur à Magistratu, decernantur pænæ ac supplicia in homines temulentos, arceantur è communitate civium & mores isti, & homines ipsi polluti.

Hoc posterius habet controversiam ac dubitationem, quæ in deliberatione versatur, vel ad deliberativum causarum genus referenda est.

Hæc igitur controversia vel hæc petitio oratoris ex locis confirmatorijs muniri poterit, & sic non tantum hi loci hic utiles sunt, sed universi illi supra in quinto & sexto progymnasmate expositi.

Exemplum tractati Loci communis ex Locis confirmatorijs.

Quare ut tandem portum attingat oratio, optimè consuluerint Reipub. qui ad ejusdem gubernacula assident, si ferinos istos mores vinum cerevisiamq; ingurgitandi inter christianos non tantum non ferant, sed severissimis interdictis, & gravibus supplicijs ultra sauiomas & oceanum glacialem ablegent atq; exterminent.

Facerent certè hoc non ex divinarum tantum legum autoritate, sed etiam humanarum quam plurimarum & prudentissimarum. Semper enim in ijs Rebus publicis, quæ sapienter institutæ fuerunt, immoderatus vini, potusq; usus severissimis legibus fuit coercitus. Notæ est pittaci clarissima illa ac pluribus jam seculis celebratissima Lex, ut si quid ab ebrio facinoris commissum esset, duplex pæna exigeretur, altera propter commissum scelus, altera propter ebrietatis admissam turpitudinem. Jam verò in sacris literis quam multæ ac graves, atq; adeò plenissimæ divinæ severitatis extant prohibitiones, quib; ab hoc maleficio omnibus ijs serio interdicatur, qui in piorum numerum accivatem quasi allekti & adscripti sunt.

Hic subiiciendi sunt loci ac testimonia sacrarum literarum, quibus ebrietas prohibetur. Ephes. 5. Nolite in ebriari vino, in quo *et cetera* est, vel certissima perniciēs. Galat. 5 Ebrij & temulenti non ingredientur

Præmonitio vel Summa.

Argumentum primum à legē timo.

Regnum calorum. Demum hic etiam propositio Major addi potest, vel locus communis de autoritate legum divinarum & humanarum, & quāti interfit eas esse salvas, imò sacro sanctas.

Arg. II. à
iusto.

Præterea etiam illud æquissimum est, ut è societate civium quāmi longissimè ablegetur & amandetur, quo præsentē Reipub. salus conservari non poterit: Et ut ille, qui vitā improbißima plurimis nocuit, iustā, quamvis ipsi acerbam, iudicis sententiam experiatur: quid verò æquitati magis consentaneum est, quam ubi turpissimorum flagitiorum quoddam quasi incendium subito extiterit, omnes cives, & Magistratum præsertim totis viribus agere, legum, interdictionum, ac suppliciorum gravitate ac pondere illud opprimere atq̃, extinguere, ne illa pestilentissima flamma universam Rempublicam pervolet, corripiat, depascat.

Arg. III.
ab utili.

Quare quoniam nemini dubium esse poterit, ad Reipublicæ conservationem pertinere, ne liberè grassentur vitia, ne libidines sint impune, ne cuilibet liceat ex ingenio, & more suo vivere: & hoc facile erit iudicare, magno Reipublicæ bono fieri, si immoderata illi perpotandi licentia tandem frena iniiciantur. Præterquam enim quod hoc quam saluberrimum est Reipub. etiam ad plurimā ipsorum helluonū utilitatem spectabit. His enim pænarum quasi stimulis ex veterno pigritiæ & ignaviæ excitati melius in posterum sapient, ex istimationi suæ, rei familiari, valetudini, familiæ, ipsi salutē, de quibus omnibus gravissimè, culpa sua periclitabantur, rectius providebunt. etc.

Ὀκταυμ Progymnasma. Laudatio.

ΟΡΟΣ ΕΓΚΩΜΙΟΥ.

Εγκώμιον ὅστις λόγος ἐκθεικὸς τῶν προσόντων ὑπὲρ καλῶν. "Βιηται δὲ ἔτιος ὅκ τ' ἐν κώμαις ἄδειν τὸ παλαιόν. Κώμας δὲ ἐκάλεον τὰς γενωπίας. Διενύνοχεν δὲ ὕμνος καὶ ἐπαίνος. Τῷ τὸν μὲν ὕμνος εἶναι θεῶν. τὸ δὲ ἐγκώμιον θνητῶν. καὶ τὸ τὸν μὲν ἔπαινον, ἐν βραχέϊ γίνεσθαι, τὸ δὲ ἐγκώμιον καὶ τέχνην ἐκφέρεσθαι. Εγκωμιαστὴν δὲ προσώπων τὴ καὶ πράγματα, καὶ εἰς τὴ καὶ τόπος, ἀλογα ζῶα, καὶ πρὸς τῶν τοις Φυτῶν Πρὸς ὅπως μὲν, ὡς θουκυδίδην ἢ δημοσθένην: πράγματα δὲ, ὡς δικαιοσύνην ἢ σωφροσύνην: καὶ εἰς δὲ, ὡς ἔαρος ἢ θέρους: τόπος δὲ, ὡς λιμένας καὶ κήπους: ἀλογα ζῶα, ὡς ἵππων ἢ βοῶν. Φυτὰ δὲ, ὡς ἐλάϊα ἢ ἄμ-

πελον. Εγκωμιαστέον δὲ καὶ κοινῇ, καὶ καθέκαστον. Κοινῇ μὲν, ὡς ἅπαντας
ἀθηναίους: ἰδίᾳ δὲ ὡς ἀθηναίων ἓνα. Ἡ μὲν ἂν διαίρεσις αὐτῇ τὴν ἐγκω-
μίᾳ. Εργάσιο δὲ αὐτὸ τοῖςδὲ τοῖς κεφαλαίοις. Περιομιᾶση μὲν πρὸς
τὴν εἶσιν ὑπόθεσιν: εἴτα θήσεις τὸ γένος, ὃ διαίρεσις εἰς ἔθνος, πατρίδα,
προγόνους, καὶ πατέρας: εἴτα ἀνατρεφὼν, ὡς διαίρεσις εἰς ἐπιτηδεύμα-
τα καὶ τέχνῳ καὶ νόμῳ: εἴτα τὸ μέγιστον τῶν ἐγκωμίων καὶ φάλασιν
ἐπὶ οἷς εἰς, τὰς πράξεις, ὡς διαίρεσις, εἰς ψυχῇ καὶ σῶμα καὶ τύχῳ:
ψυχῇ μὲν, ὡς ἀνδρείαν ἢ φρόνησιν. Σῶμα δὲ, ὡς κάλλος ἢ τάχος ἢ
βίῳ μὲν: τύχῳ δὲ, ὡς δυνατείαν καὶ πλεον, καὶ φίλους: ἐπὶ τέτοις τὴν
σύγκρισιν, ὅκ πρὸς ἑσέως συνάγων τῷ ἐγκωμιαζομένῳ τὸ μείζον: εἴτα
ἐπιλογον, εὐχῇ μᾶλλον προσήκοντα.

Laudatio.

Laudatio vel encomium est oratio enarrans bona, quæ alicui rei in-
sunt. Græcū autem nomen inde originē traxit, quod olim in pagis &
conventibus hominum hoc orationis genus decantaretur, pagos autem
vel vicos Græci appellant κώμας. Differunt autem hymnus, Encomi-
um vel laudatio, & ἑπαινος vel prædicatio, scilicet quod hymnus Deos
laudat: Encomium autem tribuitur rebus mortalibus. ἑπαινος vel præ-
dicatio est laus brevibus expedita. Encomium vero dicitur, si ex arte &
operose laudes. Laudari verò poterunt personæ, Res, Tempora, loca,
animalia bruta, & demum stirpes. Personæ, ut Thucydides, Demosthe-
nes. Res, ut Justitia. Temperantia. Tempora, ut Ver, æstas, hyems.
Loca, ut portus, horti. Animalia bruta, ut equus, bos. Stirpes, ut o-
lea, vites. Porro laudari possunt vel ipsa rerum genera vel res, individua
seu singulares. Rerum genera e. g. Athenienses universim. Res singu-
lares, ut unus aliquis civis Atheniensis. Et hæc quidem varietas occur-
rit in Encomio. Tractationis autem hæc possunt fieri partes. 1. Exordi-
um sumatur pro re natâ & dato argumento. Postea ponatur genus vel
origo. quæ partienda erit, in gentem, patriam, majores parentes. Hinc
subjungetur educatio, quæ includit studia, artem, leges. Inde veniunt
considerandæ actiones, vel res gestæ, quæ caput, sunt in laudatione. Has
distribues secundum animum, corpus & fortunas: Ad animum referi-
mus e. g: fortitudinem, prudentiam. Ad corpus, formam, celeritatem
& robur: Ad fortunam, potentiam, divitias, amicos. Post hæc institui-

Definitio et
nominum
applicatio.

Secunda
pars Obje-
ctum vel res
laudanda.

3. Tracta-
tio laudati-
onis.

itur comparatio, quæ ex collatione rei alterius similis, majus aliquid infert de re in præfenti laudata. Demum attextitur Epilogus vel conclusio, quæ plerumq; votum habet.

ΟΡΟΣ ΨΟΓΟΥ.

Ψόγος ὅστις λόγος ἐκθεικὸς τῶν προσόντων τινὶ κακῶν. Τόπος δὲ κοινὸς διενύσχε, τῶ, τὸν μὲν τόπον ἐπίγεσθαι κόλασιν, τὸν δὲ ψόγον μόνῳ ἔχειν διαβολῇ. Διαρρεῖται δὲ τοῖς αὐτοῖς κεφαλαίοις, οἷα περ καὶ τὸ ἐγκώμιον, καὶ πᾶντα δεῖ ψέχειν ὅσα καὶ ἐγκωμιάζει. προσώπα τε καὶ πράγματα, καιρὸς τε καὶ τόπος, ἀλογα ζῶα, καὶ πρὸς τῶν τοῖς φυτῶν. Ψεκτεῖν δὲ καὶ κοινῇ καὶ καθ' ἕνα. Καὶ προσημαζόμενος ἐποιοῖς τὸ γένος, ὃ διαρρησὶς ὁμοίως τῶ ἐγκωμίῳ, καὶ τὴν ἀνατροπὴν καὶ τὰς πράξεις, καὶ τὴν σύγκρισιν, καὶ τὸν ἐπίλογον ἔτι θήσιν, ὡς καὶ ἐν τοῖς ἐγκωμίοις.

Vituperatio.

Definitio.

2. Objecta
vel res vitu-
peranda.

3. Pars Tra-
ctatio.

Vituperatio est oratio enarrans mala, quæ alicui rei insunt. Differt autem à loco communi, quoniam in eo hoc agitur ab oratore, ut supplicio reus dignus demonstretur. In vituperatione autem sola spectatur reprehensio. Varietas autem rerum, quæ vituperationem incur- runt, hic eadem est, atq; in laudatione. Eadem enim genera rerum, quæ laudabantur, etiam vituperari possunt. Item hic vel ad ipsum genus uni- versum vel ad res singulas licet vituperationem accommodare. Ubi exordium absolutum fuerit, enarrabitur genus, secundum, partes jam explicatas. Item educatio, & res gestæ. Demum in- statuetur comparatio, & ultimo loco conclusio adjungetur, ut præceptum est de laudationibus.



Commentatio

PROGYMNASMA OCTAVUM ET NONUM.

LAUDATIO ET VITUPERATIO.

DE his tria Author docet:

I. Quid sint.

II. Quodnam sit Objectum, vel quæ res laudentur aut vituperentur.

III. Locos, & Tractationem: vel unde res laudetur aut vituperetur, vel quomodo laudes illæ aut vituperatio proponenda sit.

DE PRIMO.

QUID sit Laudatio & vituperatio. Ut intelligatur quid sit Laudatio, tria dicuntur. I. Definitio. ἐγκώμιον δὲ λόγος ἐκτετακὸς τῶν παρόντων ἐνὶ καλῶν. Est oratio exponens bona quæ alicui rei insunt, Genus est, Oratio, scilicet composita ex multis propositionibus vel Oratoria. Differentia est, Bona enarranda vel exco- gitanda, quæ cuicunque rei adsunt, de quo Oratori forte agendum est. II. Etymologia, vel origo nominis. Appellatur ἐγκώμιον Græcis quasi in pagis decantatum, nam κώμη significat pagum. Quia olim in convitiis decantabantur laudes. III. Distinctio quædam vocabulorum. Illa tria hic ponuntur. I. ὕμνος i. e. cantio, quo appellatur illa laudatio, quæ Deo tribuitur. II. ἔπαινος laus, quam dicit author noster convenire breviori laudationi & prædicationi. III. ἐγκώμιον quod dicit author noster convenire prolixiori & oratoriæ laudationi, Aristoteles in Eth. c. 12. tria habet vocabula. Primum est μακαρισμός ἢ ἑνδαμνοσμός, quem dicit esse si Deos aut homines magnos prædicemus. Secundum, est ἔπαινος laus, quam dicit esse propriam τῶν διατάμεων i. e.

Quid sit
Laudatio.

rerum quarum aliquis usus est aut utilitas: Tertium est ἐγκώμιον quod dicit esse proprium τῶν ἔργων operum vel actionum.

Quid sit vituperatio.

Duo dicuntur. I. Definitio. ψόγος ἐστὶ λόγος ἐκ θετικῶν τε ὁ-
συνῶν τινὶ κακῶν. Vituperatio est oratio exponens mala quæ alicui
insunt rei. Genus est, Oratio scilicet composita vel oratoria. Differentia,
sunt mala.

*Differenti.
a Loci com-
munis à Vi-
tuperatio-
ne, incom-
moda.
Differentia
vera.*

II. Distinctio vituperationis à loco communi, sed incommoda, sic
enim distinguit author à fine. Loco communi, scilicet hoc agere orato-
rem ut supplicio dignum Reum demonstraret. Vituperatione autem solum
spectare reprehensionem. I. Artem accidens est hoc loci communis,
vel raro in eum finem scribitur locus communis, qui habet propositio-
nos universales, non tantum de malis, sed bonis etiam practicis. Dein-
de etiam vituperatio institui potest ad demonstrandum supplicio dignum
Reum esse, ut in accusationibus. Videtur autem sic differre. Locus com-
munis, non à Vituperatione tantum, sed etiam Laudatione: ut proposi-
tio universalis à particulari vel locus communis est quædam laudatio, &
vituperatio universalis. Laudatio & vituperatio potest etiam esse quæ-
dam rerum singularium. Seu tandem: Locus communis est quædam
Laudatio aut Vituperatio universalis. Sed qualis? vel quomodo differt?
Respondeo, methodo vel aliis locis inventionis, non ipsa questione.

DE SECUNDO.

Sive Objectum Laudationis & Vituperationis.

Omnis generis rei practicæ possunt laudari aut vituperari, quibus
scilicet insunt bona aut mala. Ille enim exponere est laudare, hæc
commemorare est vituperare. Numerat aliquas exempli loco Author.
1. Personæ possunt laudari i. e. homines omnis generis atq; ordinis, ut
Thucydides, Theognis, Aristoteles etc. 2. Res scilicet aliar præter ho-
minem, ut qualitates ille vel virtutes. Justitia, Temperantia, Sapientia,
eruditio, bonæ literæ. Item forma & venustas, & joci causa, Stulticia,
Deformitas, paupertas, etc. 3. Tempora, ut ver, æstas etc. Infantia
Iuventus etc. Aureum seculum. 4. Loci, ut portus, horri, sylva,

tempe

sempe 5. Animalia bruta, ut equus, bos, asinus. 6. Stirpes, ut olea, vitis &c. 7. Aliquando genera ipsa laudantur: aliquando Individua, Genera ut homines vel Athenienses. Item arbores & horti, & juvenes. Individua, ut hic homo; hic Atheniensis, hic hortus. Et omnino cujuscunq; generis rerum usus aliquis est in vitâ humana, & laudari poterunt: itemq; vituperari.

DE TERTIO.

Vel Tractatio Laudationis & Vituperationis.

PARTES ab auctore nostro quatuor ponuntur: Exordium, Loci Inventionis, Comparatio, & Epilogus.

I. Exordium hic non habet peculiarem inventionem aut Tractationem: Potest excogitari & proponi ex illis quæ supra dicta sunt ad progymnasma 5. & 6.

II. Loci dantur ab auctore nostro tantum personalis, sive unde persona laudari aut vituperari possit. 1. Genus vel origo, quo refert gentem, patriam, majores, parentes. 2. Educatio, quam dicit trium esse partium, auctor. 1. studia hic considerari i. e. inclinationes naturales, tum exercitia primæ ætatis & genus vitæ. 2. artem, i. e. habitus intellectuales. 3. Legem i. e. habitus morales quomodo secundum ac contra leges, i. e. honestatem legibus comprehensam, vixerit.

III. Actiones. Has dicit auctor esse præcipuum, caput Tractationis & trium generum esse actiones. 1. Genus, actiones animi, ut quæ sunt à fortitudine aut prudentiâ profectæ. 2. Genus, actiones corporis: ut si quis forma aut venustate sua aliquid effecit. Si roboris & celeritatis edidit specimen &c. ubi corpus concurret & medium est, & quidem maximè necessarium. 3. Genus, actiones fortunæ, in quibus usus spectatur rerum à fortuna vel externa causâ obtingentium. Ut quomodo quis usus sit potestate sua vel magistratu & honore, divitijs, familiaritatibus &c.

Supra in secundo Progymnasmate Personarum locos divisimus: & alij aliter dividunt. In plures autem partes divisi, majorem suppedi-
rabunt argumentorum copiam. Uti autem locis istis quibuscunque sic poterimus. 1. Quæ ex illis Locis personæ in præsentia considerata ad-

*Alia locorum
distinctio.
Usus horum
locorum.*

sint, exponamus, e. g. David Patrem habuit Isai: filium Absolon, & Ammon pessimos etc. 2. Describamus, e. g. Isai fuit vir probus & honestissimo inter suos loco &c. Absolon insigni pulchritudine Juvenis, qua tamen ad nequitiam abusus est. Ammon ætatis vitio turpi sororis amore illaqueatus tum corruptus pravo consilio Jothani, pietatem & vitam. 3. Accommodemus. Accommodare autem est probare quod hæc laudes vel hæc vituperatio circumstantiæ istius, pertineant ad personam, de qua agimus principaliter. Ut quod David sit inde laudandus, quod talem habuerit Patrem, aut filios. Hæc accommodatio sit vel directè vel per inflexionem. Directa accommodatio est, ex qua hoc immediate colligitur, quod persona illa, de qua principaliter agimus sit laudanda. Et hoc sit per Locum communem, in quo idem est major terminus, qui est in questione. e. g. in præsentì themate: David est laudandus &c. qui nati sunt ex parentibus pijs & honestis plerique evadunt similes. Hæc directæ accommodatio habet locum, si circumstantiæ habeant se eodem modo, quemadmodum thema, i. e. Si in laudatione sint bonæ circumstantiæ, in vituperatione circumstantiæ malæ. Deinde notandū cū loc9 istius communis plerique dubius sit & ex parte verus, includenda est præoccupatio, eg. Sic: Quamquam accidit, ut ex optimis parentibus nascentur filij degeneres ac pessimi, tamen sæpius fit, ut parentes pij atque honesti similem moribus suis sobolem educant. Et hic adiicienda est causa quædam, ut quod Patres pij sedula ac sollicita educatione pravitatem istam naturæ nostræ corrigere satagunt, & ad præceptorum honestissimorum inculcationem etiam exemplum suum præclarum adjungunt. Deinde promissiones divinas habemus illustres quibus Deus pollicitus est singulari sibi curæ fore semen piorum.

Accommodatio inflexionis.

Accommodatio per Inflexionem est, quando circumstantiæ contrariè se habentes ac postulabat thema, in alteram partem inter prærationem inflectimus. Contrariè se habentes, i. e. in laudatione malas, in vituperatione bonas. In hac accommodatone non ipsum immediate thema concluditur, sed media quædam Propositio inter thema & oppositum hujus e. g. David est laudandus. Opp. Non est laudandus vel vituperandus, Medium: Non est tantoperè vituperandus, est venia dictus excusandus. Aliquando tamen in hac accommodatone indirecta, utimur istis circumstantiis contrariè se habentibus ad amplificationem nem scilicet, se ipsius rei veritas aliunde jam constet. eg. David habuit pessimos

peffimos filios, Inde concludo fuisse ipsum ei constantiorem in pietate & verum patientissimum qui quidem digna severitate animad verterit in improbitatem filiorum, nihil tamen indignum sua pietate erga Deum & liberos admiserit

Locus communis hic fit ex illis, quæ communiter accidunt istis circumstantijs: aut ex ijs etiam quæ accidunt huic personæ, e.g. Ex illis quæ communiter accidunt: David habuit, filios improbos &c. Sed nostis ita accidere, ut ex optimis Parentibus nascantur filij degeneres. Item ut parentes, etiam si faciunt officium in liberorum educatione, tamen hanc experiantur calamitatem, ut degenerent liberi in mores pessimos. Itaq; hæc Davidi non poterit probro dari. Ex illis quæ accedunt præfenti personæ. e.g. Nihil intermisit David, quod putabat pertinere ad rectam liberorum institutionem, qua fuit pietate. Piorum enim hominum hoc est tum parentum verè amantium liberos. Item ex personâ Absolomi. Erat ferocioribus moribus & præterea callida, noverat parentem fallere simulatione probitatis. Hujus modi autem genera si tractes, facere poteris locupletissima.

Tertia pars Comporatio. De hac parte ex professo docetur in proximo progymnasmate.

De quarta parte. Epilogo. Epilogi quatuor officia sunt, si prolixè & secundum artem tractetur, de quibus supra dictum est in Progymnasmate 7. memb. 2. Author noster dicit, Votum hic habere locum. Votum autem est. forte, quo optamus amplius nobis dari tempus: Habere enim nos plura, quæ dicamus de præfenti negotio.

EXERCITIUM.

ORATIO Achilopheris Panegyrica, qua laudes novi Regis dicit Absolomi. Habita in conventu solenni universi Israël post electum Absoonium Regem, anno conditi mundi. 2920.

Exordium caput benevolentiam à mentione pietatis & fecilitatis Israelitarum. Propter potissimum causas hodie confluxistis veri Israelitis: Primum quidem ut Deo Israelis Opt. Max. solennes gratias ageretur, quod cum hætenus annis aliquot defuncto scilicet rebus suis senenostro Davide; mulierculis & infanis quibusdam hominibus, dicam enim quod res est, servierimus, nunc tandem in libertatem vindicati si-

Comporatio.

Epilogus.

*Laudatio
Absolonis.*

mus, haud equidem sine mente reor, sine numine Jovæ: & regiones nostræ iterum rege suo i. e. capite, corona ac sceptro insignitæ, muro & turribus adversus omnium hostium insultus munitæ sunt. De tanta felicitate ut hodiè Deo gratiæ ageremur, & vobis gratularemur, decretum est, idq; vos convenistis. Altera deinde causa est Panegyridos hujus, ut nubeculam quandam seditionis pessimorum hominum, qui hanc felicitatem Israeli invident, & sub pallio Davidis senis nobis imperare mallent, quam Absolomum: Ut has inquam scintillas & seditionum semina mature, manu atq; omni vi armorum opprimamus ac suffocemus. Sed de belli quidem apparatu post consultabitur, nunc autem ut gratulationes vestræ, & supplicationes Deo facientibus, eò alaciori à vobis animo suscipiantur, dicam breviter quas causas justissimas habeamus nobis gratulandi de Rege novo verè divinitus non concesso tantum, nec protulante corporis solum, ut Saulus, sed multis illustrissimis, naturæ, ingenii, atque alijs ornamentis & insignibus, quasi digito quodam DEI monstrato.

*Ejus Absolom. Locus
i. origo. pars
n. gēns.
Accommo-
datio I.*

Atq; ut unde natura ipsa initium Absolomo dedit, inde etiam principium capiat oratio: Gentem Rex Absolon nobiscum communem habet, ex Israelitico populo natus.

Quam magnam semper duxit felicitatis suæ partem, quod scilicet esset ex eo populo natus, quem Deus sibi peculiarem multis ac magnis beneficijs quasi cœmit: qui cum fœdera tam sanctissima iniit, erga quem tantis ac tam stupendis miraculis suum amorem testatus est. Hic poterunt repeti historiæ ex Moyse & sic describeretur gens.

*Accommo-
datio II.*

DEUS apud Moysen præcepit vobis, Dev. 17. 15. ut constitueretis vobis Regem de numero fratrum vestrorum: Non poteritis inquit, alterius gentis hominem vobis Regem facere, qui non sit frater vester. Hic nunc meritò vobis gratulari deberis secundum divinam hanc legem datum vobis esse hodie Absolomum Regem sanguinis vestri, natum ex sancto illo semine Abrahamæ, gente ac populo benedicto.

*Secunda
pars Tribus*

Dicatur sic porro de reliquis, ut 2. de tribu, Juda scilicet 3. De regione Juda. 4. De urbe Hebron, ubi natus est Absolon, 5. De majoribus usq; à Semo filio Noachis: hujus filius Arphaxad, hujus Salech, hujus Heber Videatur Gen. iii. v. 10. &c. Si qui sunt inter hos maxime illustres, in his immorandum est, ut in Abrahamo, in Juda, primo

Tribus

Tribus hujus auctore. 6. De patre Davide prolixè dicatur, & meritis erga Remp. Sed querela adjiciatur de ætatis infirmitate, qua factum sit, ut cum non posset amplius rebus suis superesse, pessimi quidam homines & nequissimi sibi imperio usi sint prohibidine: Unde res regni neglectæ &c. & enarrentur incommoda. Neq; hoc tantum, sed imperium planè justis hæredibus eripere conati sint nisi prudenti consilio in tempore prævenisset Absolon: 7. De Matre, 2. Reg. 3. v. 3. 8. De Avomaterno & familia materna. vel de regibus Gessur, Syris & de terra Syria. 9. De fratribus singulis. 10. De sorore Thamar. 11. Absolon Ammone mortuo, & Cheleabo; est primogenitus filius, 2. Reg. 3. Dicitur hic poterit de jure primogenituræ. 12. De cognatis patruelibus, Joabo, Jonathane, Hufaele, Sic porro dicatur de reliquis, de natura, educatione moribus, habitibus, uxore, liberis, subditis, locis, & regionibus, quas obierit, de ætate, de divitijs, de exercitu. Item de rebus gestis, de fortuna.

inflexio.

Comparatio fiat Absolomi cum Salomone, &c. Item cum Davide, hi postponantur.

Peroratio 1. repetat pleraq; capita laudis, per formam precum ac voti, eg. Justas igitur habetis causas cur Deo agatis gratias, de Rege, tantis donis ornatissimo. 2. Moveat odium & invidiam Davidi & ejus socijs.

Admonitio: 1. Singulæ partes seorsum sic debent tractari, ut diximus, ut nominentur, describantur, vel in meliorem vel pejorem & partem & prolixè: & demum accommodentur. 2. Quæ sunt minoris momenti, has possumus multas simul complecti, vel singulas quidem nominare & seorsim exponere, sed non describere, vel saltem non prolixè describere. 3. Varietatis causa accommodatio aliquando præmittenda, aliquando ultimo loco subiicienda, aliquando interponenda erit inter nominationem & descriptionem. 4. Item aliquando omitteri poterit accommodatio.

EXERCITIUM ALTERUM

Vituperationis.

ORATIO Investiva Joabi, summi exercituum Ducis in Israele in Absolomum: habita cum Joabus educeret exercitum contra Absolomum; ad milites.

Vituperatio Absolomis.

Exordium moveat dolorem à statu præsentis temporis, quo universus Reip. status turbatus & ex à filio dejectus, omnes quasi in exilio vivant cives, veri quidem & amantes Patriæ. 2. Moveat odium Absolono. Harum turbarum omnium author Absolon. Hic fiat initium invectionis. Utatur iisdem circumstantiis, sed deligat eas, quæ malè se habent; & in his immoretur. Quæ benè se habent: has per Inflexionem accommodet: & multas simul complectatur.

Comparatio. Comparetur Absolon cum Caino, item cum Chamo & dicatur longe peior esse, item cum puero Solomone.

Peroratio. 1. Repetat plerumque capita. 2. Moveat misericordiam erga Davidem. 3. Adhortetur ad fortiter pugnandum pro Patria & Rege.

ΔΕΥΤΕΡΑΙ

Ἡσυχίας

VEL ALTERA EXPOSITIO DEFINITIO LAUDATIONIS.

GENUS est oratio, i. e. complexum aliquod vel corpus orationis, multitudo sententiarum oratoriæ & artificiosè connexa ad unum quendam scopum, sive unam quandam sententiam vel quæstionem principalem explicandam & evincendam. Differentia est; exponens bona &c. Hæc constat tribus partibus. 1. Subiecto, 2. Prædicato sc: quæstionis præcipuæ in laudatione. 3. Officio laudationis, vel opera & modo considerandi. Subiectum hic sunt Res, i. e. quælibet quæ in considerationem Oratoris incidunt, quæ secunda parte enumerantur. 2. Prædicatum sunt bona, quæ ijs rebus insunt. Hic igitur est scopus quæstio præcipua, in quâ elaboratur in laudatione, sc: rem aliquam, puta Herculem aut Temperantiam, aut ætatem, aut narem habere aliquid boni in se: vel ut communi usu loquimur esse laude dignam. 3. Officium laudationis est, ea bona inquirere congerere exponere. Conclusio illa constituit propositionem: Expositio autem quæ est enarratio honorum, conficitur reliquo corpore. Secundum hoc offici-

um;

um; differt laudatio à loco communi: Locus communis amplificat & gràndia facit, non demonstrat vera esse vel verè adesse bona. Laudatio circa illud occupata est, ut adesse bona aliqua, & quanam adsint planè faciat.

Definitio Vituperationis.

GENUS est oratio. Differentia enarrare mala, quæ alicui rei insunt. Eadem hic partes quæ in laudatione. 1. Subjectum, Res quælibet, quæ oratoriam operam admittunt. 2. Prædicatum mala adesse alicui rei i, e, rem esse vituperio dignam. 3. Officium vituperationis est exponere ea mala, vel enumerare, in plures partes dispergere, & quam multa esse ostendere.

De secundo sive Objecto.

Objectum vel res laudandæ aut vituperandæ non includuntur certo genere, sed omnis generis res laudari, & eiusdem generis res vituperari possunt: quibus sc. bona insunt vel mala, quia illa exponere est laudare: hæc enumerare est vituperare.

Objectum.

Autor noster enumerat aliquas exempli loco. 1. Personæ possunt laudari vel vituperari, e, g, cives, nobiles, rustici principes, mercatores, milites, studiosi literarum, senes, adolescentes, infantes, mulieres, mares, viduæ, divites, fœneratores, & quæcunq; sunt alij hominum ordines. Item singulares homines ut C. Julius Cæsar, Hercules, Pompeus, Cicero, Cato, D Maria virgo, Baptista Johannes, Herodes. 2. Res possunt laudari aut vituperari, quæ hic intelliguntur distinctæ & diversæ à personis, locis temporibus, rebus naturalibus. Res itaq; hic dicuntur virtutes & vitia, artes item & disciplinæ. tum opera hominum, item, actiones, & demum officia. Virtutes & vitia sunt, e, g, pietas, impietas, charitas, odium, misericordia immisericordia & reliquæ virtutes Christianæ cum vitijs oppositis. Deinde Fortitudo, ignavia, audacia. Temperantia & intemperantia & reliquæ virtutes morales. Artes & disciplinæ sunt: Theologia, Jurisprudentia, Medicina, Philosophia & artes Logicæ: Grammatica, Rhetorica, Logica, Poëtica. Item artes illiberates, Ars navigandi, venandi aucupium, ars piscandi, ars fa-

brilis

fabrilis, Sutoria, pistoria. Opera humana dico artificum inventa, ut pixidem nauticam, typographiam, pilam, domum, arces, civitatem, scholam, gladium ephippium. Officia appello varias hominum functiones, ut Magistratū, ordinem Ecclesiasticum, conjugium, calibatū, vitā privātā, vitā publicā, vitā Scholasticā, vitam monasticā.

3. Tempora possunt laudari aut vituperari, ut ver, ætas, item infantia, pueritia, adolescentia, vita juvenilis. Item secula priora vel nostra ætas aut Memoria. Item dies festi, ut Bachanalia, Saturnalia, Megalesia, item nostri festi dies, nativitatis Dominicæ, paschatis, pentecostes, item dies caniculares, item possunt institui laudes de nocte, crepusculo, vespere, meridie, & quæ præterea sunt temporum discrimina. 4. Loca possunt vituperatione aut laude affici. E. G. regio aliqua, ut Germania, Italia, palestina, vel terra Cānaan, America. Item civitates, Athenæ, Roma, Hierosolima, Babylon. Item domus vel ædes privatæ, arces, agri sylvæ, horti, pascua, prata & Regia solis &c. 5. Animalia, bruta ut vulpecula, Elephas, Equus, Simia, muscæ, apes &c. 6. Stirpes, herbæ omnis generis, arbores, frutices, item fructuum genera. Et huc possunt addi aliæ res naturales, ut laudatio solis, aut alterius alicujus stellæ. Laudatio pluviarum, nivium, grandinis. Item de commoditatibus aquæ & ignis, aut alterius alicujus elementi. Item de incommodis. De lapidis laudibus aut vituperio. De gemmis, De fluvijs. De mari. De sensuum præstantia. De metallorum laudibus aut vituperatione. De intelligentiæ humanæ laudibus. Laudatio linguæ. Vituperatio linguæ. Item singulorum potest membrorum institui laudatio, vel vituperatio.

De Tertio vel tractatione.

PARTes, autor noster, quibus proponitur oratorie Laudatio & Vituperatio, Quatuor facit, Exordium, locos inventionis, vel probationem, comparisonem & epilogum. Exordium non habet hic peculiaria præcepta: sumi potest ex locis, quarto & quinto progymnasmatibus. 2. De probatione. Loci dantur & præscribuntur ab autore nostro tantum personales, aut unde personæ laudari possint aut vituperari. Quia harum frequentior usus est. Et in reliquis rebus laudandis aut vituperandis fere in singulis alia atq; alia ratio est. Loci illi sunt: Genus

vel origo: quo refertur Gens; patria, Majores: parentes: Adde fratres, sorores, cognatos, affines. 2. Educatio, quæ tria complectitur secundum nostrum autorem. 1. Studia, i. e. naturam, inclinationes naturales, e. g. misericordiam, iracundiam, libidinem, docilitatem, vel ruditatem, obedientiam erga parentes, vel inobedientiam, studium litigandi, vel mansuetudinem, item exercitia primæ ætatis. 2. Artem i. e. habitus intellectuales: peritiam & imperitiam, rei rusticæ, militaris, familiaris: peritiam literarum, philosophiæ & eloquentiæ. 3. Leges, i. e. habitus morales, quomodo secundum aut contra mores i. e. honestatem legibus comprehensam quis vivere assuetus fuerit. 3. Actiones: Has dicit autor esse præcipuum caput Laudationis & Vituperationis, & trium generum esse actiones. Primum genus, actiones animi: ut quæ sunt fortiter, aut temperanter & liberaliter & magnificè, & modestè & ex mansuetudine, & constanter, & urbane, humaniter, & justè & prudenter ac sapienter ab aliquo dicta aut facta. Aut contrarijs modis stolidè & imperitè, audacter aut timide, intemperanter. 2. genus. Actiones corporis sunt usus & exercitium ipsius corporis & bonorum in corpore. Hic igitur enumerantur forma ac figura, sanitas, vel valetudo, robur, celeritas, artes manuariæ, saltatoria, canendi instrumentis, musicis: Et quomodo his usus aliquis sit, nempe ad mollitiem vel superbiam, vel contra. Scilicet fuerit istarum contemptor, formæ dico & venustatis, vel id operam dederit, ut mores formæ consimiles essent. Item quid occasione istarum acciderit, e. g. propter dignitatem corporis admirationi fuit, & ad officium aliquod electus & omnibus charus.

Tertium genus: Actiones fortunæ, ad has pertinet enumeratio ipsarum fortunarum, & usus earundem. Fortuna vel est adversa vel secunda. Fortuna adversa complectitur mala, quæ non attingunt corpus & animum, nisi doloris sensu, e. g. Inunici, amisio amicorum, bellum. 2. Fortuna secunda complectitur bona extra hominem posita, e. g. amicos, honores, pecuniam, opes omnis generis, hortos, agros, conjugium, liberos. Et horum conservatio & acquisitio item est bonum fortunæ, item depulsio contrariorum est bonum fortunæ, quemadmodum amisio & jactura bonorum fortunæ est malum fortunæ. Usus est: quali animo fuerimus in istis comparandis, tuendis & amittendis, ut hoc in Laudatione & Vituperatione describatur ab oratore.

1. Circum
stantia ille
nominan.
de sunt.

De accommodatione horum locorum ad Laudationem, & vituperationem.

UTI his locis sic poterimus. 1. inquiramus & exponamus, quæ ex illis circumstantiis adsint præsentī personæ, e. g. Herculis patria est Thebæ. Gens, Græcia, pater Jupiter aut Amphitruo: mater Alcmena: majores, Thebanorum Principes.

Exempli gratiā sumamus nobis Johannem Baptistam. Hic circumstantiæ sunt: I. Genus seu origo: quo pertinet patria, majores, parentes, cognati. Gens sunt Judæi, patria est regio montana; majores sunt Levitæ. Parentes Zacharias & Elizabetha. Inter cognatos etiam Christus est ratione maternæ familiæ. II. Educatio quæ dividitur in tres partes, i. considerantur hic studia vel inclinationes naturales, & exercitia primæ ætatis. Horum quidem non fit mentio in historia sacra: per conjecturam igitur exprimi possunt: hoc modo: Quia in ipso materno utero fuit plenus spiritu DEI, dubium non est, quin etiam annis pueritiæ supra ætatem donatus fuerit illustribus divinæ agnitionis donis: & summæ voluptati duxerit de Messia cognato suo crebrò cum parentibus sermonem instituere, frequenter orare, aliquid ex sacris prælegere.

2. Pertinent huc artes, i. e. notitiæ quas addidicerit. Fueritne deductus in ludum literarium, in controversiam vocari potest. Parentes sane homines pii id videntur studiosè operam dedisse, ut tenera ista ætas in scholis publicis, quæ apud Judæos quam optime constitutæ habebantur, ingenuis & honestis disciplinis imbueretur.

Verum si penitus introspiciamus sacra monumenta, id velle videntur, quod humanis artibus nullis tinctus fuerit Johannes nolter: quin domi apud parentes latuisse ajunt. donec ad officium exercendum trigesimo tandem ætatis anno publice populo Judaico se sisteret. Neque tamen interea domi à parentibus domestica institutio non accuratissima & diligentissima adhibita est: commendati prophetæ, horum varicinia diligenter enucleati & universum pietatis negotium huic filiolo suo studiosissime expositum. Ut sic divus Baptista literas quidem humanas quippe vulgares & hominibus ethnicis communes non attigerit: in divinarum autem cognitione, tum domesticæ institutionis beneficio, tum cælesti inspiratione tantum super omnes universum homines excel-

luerit,

luerit: ut hujus etiam eximia sapientiæ nomine nemo major Baptista Johanne ex homine natus esse ab ipsa veritate Christo nostro prædicetur.

3. Continentur hic leges i. e. virtutes, in quibus prima est pietas in Deum: Zelus in religione & fide Christi prædicandis. Deinde pietas erga parentes. Demum communes illæ Ethicæ virtutes: Fortitudo, Temperantia, Parsimonia, *αἰδεσις*, modestia, Iusticia.

III. Actiones Iohannis Baptistæ sunt gesta singularia, 1. secundum animum. 2. secundum corpus. 3. secundum fortunas. Secundum animum 1. res gesta est, quod in utero existens infans agnovit Christum, etiam tunc embrionem vel nondum natum & subsultando eiusdem adventum gratulatus est. 2. In officio docuit magno Zelo, baptizavit, qui fuit ritus novus. Multa millia convertit. Christum ipsum baptizavit. Scholam aperuit doctrinæ cœlestis: Atq; hæc pie fecit, Illud constanter quod Herodi ausus est contradicere. Illud modestissime quod cum maximi fieret à Iudæis, non insolentior inde factus est: cum honores Messia deferrentur recusavit. 2. Secundum corpus: nullis delictis fuit deditus: ne valetudini quidem pepercit, habitavit locis vastis: abstinuit communi cibo; formæ nullus cultus.

3. Secundum fortunas. Amicos forte paucos habuit, inimicos plurimos: præsertim Herodiadem & filiam: neq; tamen ad istorum gratiam quicquam veritatem inflexit: carceris sensit molestias & patientissime pertulit: tandem miserrime interiit levitate mulierculæ.

Alterum præceptum de usu istarum circumstantiarum.

ITA ergo, 1. excogitemus nudas & simplices circumstantias in persona describenda, & conservemus in tabula. Quæ descriptio poterit esse instar fili Thesei, ut totam meditationem vel scriptionem dirigat: ut quodq; suo loco dicamus: tum quod confectum sit, quid reliquum possimus prævidere: & ne una parte diutius quam par est immoremur, ne sic a reliquis excludamur, sed ex omnibus æquabili magnitudine inter se complicatis justum orationis corpus efficiatur. Alterum ergo præceptum, ut circumstantiæ illæ, postquam singulæ suo loco nominatæ sunt, per se ipsæ quælibet describantur, sive prolixè enarrentur, quæ in ipsis insunt

bona vel mala, e. g. Circumstantia in laudando Iohanne 1. Gens sic poterit institui:

Atq; ut à gente ordiamur, unde tantum generis humani lumen ac decus exiit: notum sine est à Judæis ortum duxisse Baptistam nostrum.

2. Descriptio gentis. Judæorum vero populus, Deo gratissimus, ac propter multa apud hunc divinitus exhibita miracula toto mundo omnibus seculis clarissimus fuit. Originem ab Abrahamo trahunt, cujus nepos ex Isaac Iacobus propter luctum cum filio Dei, Israel vel victor Dei dictus est. Hic cum duodecim filios ex quatuor uxoribus suscepisset, quartus natu Iuda jus regni ex patris benedictione adeptus est; quod ex prisco omnium gentium jure, primogenito cuiq; in familia debitum, Ruben frater maximus nefarijs & sceleratis cum noverca nuptijs perdidit. Paucorum annorum spacio familia Israelis in multas domos & amplissimam nepotum multitudinem propagata est. Itaq; ipse in duodecim tribus, vel stirpes partitus est, secundum filiorum nomina. Et sic de reliqua historia Iudaica, Excerpantur præcipua capita, quæ visa fuerint habere quid singulare, jucundum, mirabile. Et quæ fuerint vulgaria, novitate narrationis condiantur. Dico vocum venustate, narrationis ordine, gnomis alicubi & Noëmati interspersis. Deinde revertemur ad tribum Iudæ, e. g. Penes Iudæ posteros præcipua quædam & quasi regia autoritas sita fuit, ut pleriq; ex his duces eligerentur, hi in itineribus & prælijs quasi in acie constituti, reliquis & viæ monstratores & defensores periculorum essent. Donèc tandem Davide electo majestas regia publica penes hujus posteros ferè ad usq; nativitatem Christi mansit. David & Salomon universo populo Israelitico imperarunt. Postea per imperitiam & inhumanitatem Rehoboam factum est ut is populus in duo regna divelleretur: Quorum alterum Israeliticum, vel Ephraimiticum aut Samaritanum dictum est, cui alij quilibet: alterum Iudæicum cui filij Davidis præerant, & Iudæ posteri cum Beniamitis subiegebantur:

Præceptum Tertium.

POST descriptionem opus est applicatione ad personam laudandam vel vituperandam: Vel ut ex ea circumstantia deducantur laudes vel vituperatio præsentis personæ. Quod sit tanquam per propositionem

majorem

maïorem & conclusionem. e. g. Sed redeundum est ad Johannem nostrum, cui certè nescio an majori laudè fuerit, ex tam clarissima & fere omnium nobilissima gente nasci: An vero populo illi gloriosius, quod præter fortissimos heroas plurimos, patriarchas gravissimos, prophetas divinitus illuminatos innumérabiles, sanctissimorum hominum multitudinem incredibilem, etiam hunc longe reliquis & animi fortitudine & vitæ gravitate, & illuminatione Spiritus Sancti, & morum sanctitate præferendū virtū vel Angelū potius in lucem istam progenuit. Verissima igitur illa quidē laus Iudaico populo etiam hinc accedit quod Johannes Baptista eos cognatos suos, frātres suos, majores suos sanguinem suum agnoscit neq; tamen nulla mutua Baptistæ è gente ista sua existit commendatio.

Etenim ut non dicam nunc, quod maxima sita est vis ad naturam. ingenerandam in ipso majorem sanguine generosiori; omnes ita judicamus, neminem vel ingenij dotibus celebrem, vel fortunæ successibus insignem, vel alijs maximis quibusq; virtutibus clarissimum extitisse, quin aut origo gentis ignobilis & abjecta non nihil gloriæ luminibus offecerit, & nominis splendori labeculam aliquam asperserit: aut gentis suæ celebritas virtutis claritati nonnullam lucis accessionem adjunxerit. Hæc propositio potest illustrari à contrario, simili, Inductione, Exemplis sententijs auctorum.

Præceptum Quartum.

SED hæc eousq; sunt tractanda, ne obliviscamur scopi nostri, i. e. laudum Iohannis Baptistæ. Cogitemus & reliquis circumstantijs esse locum debere, præcipuè ijs, ex quibus magis clara & propria laus personæ existit. Non tamen prohibeo, si fortassis quædam circumstantiæ non suppeditant tantam rerum dicendarum copiam, quin in hujusmodi alijs, quæ copiosiores sunt immoremur. Et illud hic per commodum fuerit observatu, ut non statim in orationem confarcinemus quæ meditari fuerimus. Sed ubi singulas circumstantias elaboraverimus separatim: reliquas item excutiamus & describamus. Postea universas inter se conferamus & quæ ad præsentem intentionem, e. g. ad Baptistæ laudes quæ proximè facere videntur: ex ijs in orationis nostræ corpus colligamus, quantum satis fuerit. Quod superfuerit in pauca conijciamus.

Præceptum Quintum.

Possunt & brevibus exponi singulæ circumstantiæ: nominari saltem, & aliquæ describi i.e. prolixè proponi: & alicubi apponi saltè accommodatio per gnomen. Quod nunc fere faciunt Oratores nostri, præsertim de circumstantiis, quarum accommodationes iunguntur vulgaræ, à multis tractatæ, e.g. Ex patria, ex gente, ex majoribus ortum esse claris, quantum ad laudem & decus addit: Hæc inquam, saltem attinguntur. In rebus gestis autem singularibus, in habitibus morum & peritiæ prolixius immorantur.

Præceptum Sextum.

ACCOMMODATIO aliquando est Directa, aliquando inflexa. Directa, si circumstantia sit similis & conveniens personæ, h. e. sit bona circumstantia in persona laudanda, sit mala in persona vituperanda. Inflexa est accommodatio, si circumstantia sit dissimilis. Hic igitur inflectenda est; per interpretationem in partem contrariam ex ijs, quæ accidunt vel communiter, vel in hanc personam, e.g. Iohannes fuit odio principibus & literatis apud Judeos. Hæc circumstantia est mala, vel potius vitio, quam laudi videtur dari posse. Directa igitur accommodatio esset: Fuit ergo Iohannes improbus, aut suspectus saltem de improbitate. Qui enim huiusmodi hominibus displicent, non possunt effugere improbitatis aut crimen aut suspicionem.

Inflexa autem accommodatio talis esse potest: Non debet hoc Iohannis innocentia nocere; imo eo minus de ejus sanctitate, & divina singulari vocatione dubitandum est. Quia in religionis negotio non semper ij qui displicent hominibus potentibus & doctis, ijdem etiam pijs displicere, aut suspecti esse debent. Est in promptu ac non obscura causa; quia istorum scilicet corruptelis doctrinæ publicæ, & principum libidini contrasteret. Placuisse igitur, si adulari voluisset.

Præceptum Septimum.

VARIETAS diligenter spectanda est. Nihil enim fastidiosius, quam eadem orationis facies. Itaque aliquando brevius, aliquando prolixius,

aliquando

aliquando mediocriter instituenda circumstantiæ tractatio. Aliquæ separatim, aliquæ conjunctim tractantur: Alicubi accommodatio primo, alicubi medio, alicubi ultimo loco ponenda, eadem aliâ atq; aliâ orationis figurâ exprimenda.

Tertia pars, Comparatio.

DE qua proximo progymnasmate ex instituto docebimus. Hic nunc sufficiat scire hac parte adduci alias personas, similes potissimum, sive de quibus eadem possint prædicari. Et si magnæ ac illustres sunt monstratur, nostra persona non multum abesse ab istarû laudibus, vel etiam adæquasse & alicubi superasse. Ut si Eliam compares cum Iohanne Baptista. Vel persona comparisonis causa adducta, non est adeo illustris, neq; tamen multo inferior, hic monstrabit comparatio nostra, nostram personam majoribus laudibus effèrendam. Ut si Iohannem Baptistam conferam cum alio quovis propheta, aut Apostolo, aut Philosopho, aut rege, ut Salomone, Alexandro. Persona dissimilis est, quæ contrarium merita est, e. g. In laude Iohannis Baptistæ possum comparare illi homines vituperandos, qui contrarium fortasse aliquod fecerunt, e. g. Iohannes vescébatur cicadis, vestiebatur pilo camelorum, & tantus vir: comparari hic possunt homines nequam, omnium rerum copia & divitijs circumfluentes. Et in omni ista comparatione hoc spectetur, ut mirabile aliquid, & pene supra fidem demonstretur.

De parte Quarta, Epilogo.

EPILOGUS non habet hic peculiarem inventionem. Quomodo alias construatur, dictum est progymnasmate Septimo. Autor noster docet votum hic habere locum: Quo sc: possumus optare amplius nobis dari tempus: Habere enim nos plura, quæ dicamus de præsentî negotio. Vel possumus ad preces conversi Deo gratias agere de virtute aliqua aut successu prospero personæ istius commendatæ: aut de isto viro, aut alijs viris bonis multis divinitus concessis: aut de alio aliquo bono publico: & precari hoc diuturnum & faustum.

Exemplum

*Exemplum idem laudum Baptiste aliter
descriptum.*

*Exordium
ab excusati
one tenuita
tis.*

*Laus Iohan
nis Baptiste.*

*1. Locus,
gens, sive
laus gentis.*

*Laus Iohan
nis Baptiste.*

Si perpetuum hoc esset, Auditores, ut rerū magnitudinem etiam oratio-
nis dignitas æquare deberet: non ego tantum temeritatis à vobis iure
damnari possem, sed etiam divino illi salvatoris nostri anteambuloni præ-
cursori & Angelo Iohanni Baptiste, de cuius laudibus mihi dicendum
summi, omni plane, virtutis suæ prædicatore carendum esset. Quod
quoniam ab æquitate alienissimum foret, non dubito, Auditores, quin
& me facile ab arrogantiae suspitione liberaturi, & in tanti viri laudibus
saltem pro facultate nostra dictis acquieturi sitis.

Dicam igitur primo de gente, quæ nota sane est, quod sc: ex Iudæis
oriundus sit Baptista Johannes. De quâ Iudæorum gente etsi passim ex
concionibus quotidianis cognoscimus, tum ex bibilijs sacris, quæ nobis
in manu omnibus sunt, legimus, tamen quædam attingam saltem.

A Juda filio Israelis vel Iacobi, nepote Isaaci, pronepote Abraha-
mi, & nominis, & sanguinis, ac generis originem duxerunt Iudæi.

Connumerati sunt duodecim tribubus Israelis, imo, hi fuerunt in
istis princeps ac regia tribus, & caput reliquarum. Et universus quidem
ille populus Israeliticus, rectissime omnium, qui orbem terrarum inco-
lunt, gentium vere nobilissimus & excellentissimus prædicatur. Sive e-
nim in longa avorum, proavorumq; & majorum, virorum optimorum
serie à priscis usq; seculis numeranda, nobilitas gentis alicujus consistit:
eam a primis mundi quasi incunabulis atq; initijs, & clarissimo quidem
ipsius Dei & sacrarum scripturarum testimonio derivare possunt Israeli-
tæ: & eorum, quidem majorum suorum, qui alij universi nostri huma-
ni generis communes autores extiterunt, & sic à nemine sperni possunt:
alij ipsis proprij ab insignibus virtutibus plurimis celebrantur. Sive illa
potius spectare velimus in æstimanda gentis nobilitate & præcellentia:
quænam contra plures hostes arma gesserit, graviora bella & feliciori suc-
cessu & majoribus animis profligavit, quæ pacis tempore magis circum-
fluxerit rerum necessariarum copia, & earum quæ ad amplitudinem Rei-
pub: pertinent splendore: Quænam reges habuerit ac principes pruden-
tiores, fortiores, feliciores, & rerum gestarum plurium: Si hinc, inquam
regionis alicujus eminentia recte æstimatur, quæ, omnium terrarum

sub sole nobilitatis palmam Judæorum nationi præripere queat? Quis populus cum pluribus diverſi generis hominibus prælio confligit? cum Philistæis, Gergeſeis, Jebuſæis, Hetæis & reliquis Cananæis: cum Idumæis, Ammonitis, Amoritis, Moabitis, Chaldæis, Aſſyrijs, Perſis, Medis, Aegyptijs, Syris, Romanis & Græcis, ipſiſq; adeo Aethiopibus? Quæ gens minori exercitu majores hoſtium copias fudit? Quid dico exercitu? Imo ex quâ gente unquam auditus eſt homo unus quiſquam; vel uno ſaltem ſocio adjuncto ut Jonathan Saulis filius cum uno armigero famulo ſuo: vel ſolus etiam, ut Simſon: tota hoſtium caſtra innumerabilem penè copiarum & aggreſſus eſſe, & cæcidisse & in fugam avertiſſe? Quæ unquam natio majori rerum omnium neceſſariarum affluentia abundavit, quam Iſraelitæ? Quæ majores unquam auditæ ſunt divitiæ quam Davidis & Salomonis? Quorum ille ex theſauris regijs ad templi ædificationem legitur donaviſſe tonnas auri decies mille, argenti autè centies mille. Hujus autem tempore tanta argenti vilitas, quanta lapidum in via publica. Ubi unquam virorum omni integritate ornatiffimorum, Sapientiâ diviniſſimorum, fortitudine maxime admirandorum major copia? Qui heroes Samſonis robori, quantumvis ab ingentibus viribus celebratiſſimi ſe comparare audeant? Qui principes fortitudinem Joſuæ, quantumvis audaciſſimi adæquare ſe poſſe ſperant? Quippe qui nullis inſtructus armis cum plebe imbelli regionem Cananitarum ingreſſus munitiſſimas urbes, populum ferociſſimum & bellicoſiſſimum, & in his homines tantæ magnitudinis ut Iſraelitæ ad iſtos comparati locuſtæ viderentur: Reges ad triginta unum oppugnavit, concidit, exterminavit. Qui imperatores cum rebus geſtis Davidis ſuas victorias componere poterunt? ſive hoſtium robur, ſive frequentiam præliorum, ſive occupatarum regionum multitudinem attendas? Qui reges cum Salomone de Sapientia & felicitate? cum familia regia ejusdem de perpetua multorum ſeculorum ſucceſſione contendere valeant? Sive tandem iſte populus reliquos antecellere longe judicandus eſt, de quo univerſi mundi arbiter & autor Deus ſuo exemplo ita judicandum alijs præſcripſit, ſive quem hic chariſſimum & commendatiſſimum ſibi habuit, quem præ omnibus cultum & exornatum voluit. Quæ ſine dubio ejus generis prærogativa ſive præminencia eſt, cui nulla alia non ſaltem præferri ullo modo, ſed ne vel leviſſima ſuſpicionem quidem comparari poſſit: Si inquam

Antiqui

Locus Iohannis Baptista.

Exod. 19.

*Legatur
Historia
Pharonis.*

*Accommodatio huius
Circumstantia.*

*Accommodatio per
πρόσλη-
ψιν contra
rij.*

*Secunda accommodatio per
comparationem à simili.*

*3. per cōparationem à minori.
sta.*

Secunda pars Circumstantia Patria.

*Accommodatio per
dubitationem.*

*3. pars prima cir. Ma
iuras.*

ista conditione de nobilitate gentium judicare placeat, evicta est causa, DE I ipsius testimonio clarissima est sententia, quænam sit è gentibus omnibus DE O charissima, non obscurum est, cui populo hoc testimonium Deus dixerit Quem fugit? aut quis ignorare se causetur, quam familiarissimum Deus Judaicum populum habuerit? His se conspicendum præbuit, non uno tantum die aut mense, aut anno, sed totis annis quadraginta continuis. Imo & voce sua colloqui voluit.

Horum Rempub: sapientissimis legibus, hominibus sive Rectoribus prudentissimis, Ducibus fortissimis Deus ipse communivit: ipse tempestatibus, terroribus, spectris, angelis suis emissis propugnavit, inusitatis, inauditis, stupendis miraculis toto mundo celeberrimum, & hostibus etiam longè potentioribus formidabilem fecit.

1. Transito: Satis puto me dixisse de Iudæorum, præ reliquis gentibus, nobilitate. Sed quærat aliquis, quid hæc ad Iohannem Baptistam? per plurimum sane. Quemadmodum enim non exigui criminis loco obijci solet ex barbara & inculta gente procreatio: ita puto non minimæ laudi dandæ esse ex populo cultissimo & nobilissimo originē, 2. Ut enim liberos videmus nominis & possessionum: ita etiam non gloriæ tantum ac laudum, sed etiam virtutum ac morum pulcherrimorum in maioribus suis hæredes existere credendum est: nisi prava quadam assuetudine ipsi tanto se bono despolient.

3. Et si parentum atq; avorum insigni ostentare, rerum præclare gestarum famam prædicare, ac sibi communem facere, singulis in privata aliqua familia licet: an non meliori jure totius alicujus gentis per multa secula excellentem famæ, facinorumq; egregiorum dignitatem ad posterorum communem laudem derivaverimus?

Porro natale solum vel patriam nactus est D. Iohannes, urbem quandum in montana regione Iudææ. Nomen non exprimitur.

Fortassis quod non satis reverenter habuerit tantum prophetam, indigna judicata est, cui à tam præclaro civi quicquam commendationis ad nominis æternitatem adderetur:

1. Accommodatio per Assumptionem Diversorum & Auxilia vel gradationem.

Rarò fit ut ex parentibus bonis similes nascantur liberi, rarius ut ex improbis genitoribus soboles proba educerentur: rarissime ut

ex opri.

ex optimis maioribus meliores filij exoriantur. Atq; hoc D. Baptista contigit, ut ex optimis & præstantissimis non in reliquo mundo tantum, sed ipso Israele etiam, nativitatem duceret: Quorum ipse tamen & virtutem superaret, & famæ ac gloriæ plus addidisse, quam inde accepisse videretur. Nempe ex familia sacerdotali sacra, & quidem summi sacerdotis Aaronis, secundum paternum maternumq; sanguinem ortus fuit. Mater enim ex filiabus vel posteris Aaronis affirmatur fuisse ab ipso Luca Evangelista cap. 1. Idem autor est patrem Zachariam fuisse ordinis Abiæ, atque hic Abias fuit princeps Sacerdotum, & in nepotibus Aaronis.

Videris quam amplissima hæc sit à maioribus accepta laudum nominisq; hæreditas. Sed quam explicare nunc vobis & cominus aspiciendam proponere non patitur temporis injuria.

4. Ad parentes venio, de quibus nihil addo præter ea, quæ ipsi ex sacris novistis. Erant ambo justis, inquit Lucas, coram Deo, incedentes in omnibus mandatis, & justificationibus Domini, irreprehensibiles.

Quis non Auditores nisi extreme infans, ex talibus nasci, quam ex ditissimis, nobilissimis, amplissimis, imò regibus, sed iisdem impijs, sceleratis, D E O hominibusq; invisis, maledictis, præoptandum existimaret?

De nativitate quanquam notum est tamen non possum facere, quin paucis mentionem subijciam. Omnia mira, inaudita, supra fidem, nisi sacre scripturæ autoritas fidem ac firmamentum adjungeret. Parens uterq; sterilis, senio confectus. Ab Angelo Gabriele, qui princeps est in cho. o angelico, annunciata & prædicta patri, filij ex uxore susceptio, & quidem in templo ad altare sub solennibus anniversarijs precibus, in magna sacra facientium frequentia. Eidem quod nuncio ut videbatur incredibili fidem habere cunctaretur, linguæ usus ademptus est.

De Cæsare Augusto referunt cum forte in Insulam Capreas venisset, veterrimæ illic demissos jam ad terram, languentesq; ramos hujus adventu convaluisse. certissimum hoc habitum fuit felicitatis cujusdam divinæ in Augusto ostentum.

Sed non dicam nunc, quod non extenuandæ tantum rei causa, sed fortassis etiam verè dicere poteram: ab adulatoribus multa ejus generis in gratiam principum ficta esse: & si arbor illa vere vires suas resumpsit, alijs de causis fieri potuisse. Sed esto, fuerit hoc virtuti Cæsaris di-

Laus Iohannis Baptiste

1. Paral. 6.

Descriptio per præteritionem.

4. Parentes descrip.

Accommodatio per exclamationem & comparationem;

5. Nativitas Descriptio.

Laus Iohannis Baptiste

Accommodatio per comparationem similitudinum exemplorum.

Laus Iohannis Baptistæ

vinitus attributum, & ut ejus honoris causa, quo Deus principes etiam Ethnicos complectitur, arbor vetula reviresceret, & ad integritatem rediret: quā vero tenue hoc universum est, si ad prodigium de effatis D. Baptistæ parentibus conferatur? Quemadmodū de eodem memorant, in capitolio cornicem clara voce pronunciaſſe ad temporum felicitatem sub Augusto proclamandam, ἔγω πάντα καλὰ: Quod Vergilius sic extulit.

Nuper Tarpeja cornix quæ federat arce,
Est benè non potuit dicere, dixit erit.

Sed quanto noster Baptista augustior? qui ipsum cælestium alituum vel angelorum ducem felicitatis sub ipso futuræ præconem sortitus est; non in vastis Tarpejæ rupis præcipitijs, sed in celebratissimo Jerosolymæ templo & confertissima populi concione. Neq; quod de flammulis super Servij Tullij capite apparentibus commemorant: Neq; illud de formicis in os pueri Midæ grana tritici congerentibus: neq; alterum de Platonis apibus, quæ dormienti parvulo in cunis, mel labellis inferuerunt; ad D. Johannem comparari poterit, qui ipso spiritu Dei infans impletus fuit: Sive eventum longe augustiorem sive, ipsa prodigia & longe plura, & singula multo excellentiora, hac parte inter se componamus.

*Sexta pars
Circumstantia prima,
cognati.*

Ad alia sane propero: neq; tamen silentio præterire possum quod ipsum Christum Salvatorem nostrum consanguineum & cognatum habuit D. Johannes. Ita enim Lucas, imo angelus apud Lucam ad divinam Domini matrem: Elisabeta, inquit, cognata tua.

Et ne quis putet leve hoc esse ingenij fortè causa à me conquisitum: audeo affirmare, auditores, vix aliud quicquam ex ijs quæ in laudem tanti viri convehi licet, quamvis sint uberrima ac præclarissima cum hoc capite conferri posse.

*2. pars Accommodatio per in
cremētū di
versorū ter
minorum.*

Cogitate mihi, quid jucundius, honestius, præclarior, quam numerare in familia sua viros graves, celebres, nobiles? Quid admirabilius, & gloriosius, (quanquam hoc vix unquam contingit) quam hominem infimæ fortunæ cum principibus potentissimis communi origine conjunctum esse? Quid cogitari potest, & mente saltem deformari amplius magis, & ab omni usu remotius dignitatis exemplum, quam esse vulgo hominem: cui vera, legitima, eademq; publicè nota sanguinis propinquitatē Rex aliquis aut imperator augustissimus devinctum se esse

profi-

profiteatur? Quid igitur dicam aut quo nomine hoc genus excellentiæ appellem quod D. Baptista noster ipsum regem regum, cæli & terræ creatorem, omnium rerum seu totius mundi Dominum, eorundem maiorum & propinqui sanguinis communitate attingit?

Connexio. Diximus plerumque de origine D. Baptistæ, educationem igitur ejusdem enarrare jam nunc ingrediamur. Sed de hac ero brevior, quia ipsa historia sacra brevibus eam perstringit, & non exigua pars reliquæ orationis nobis superest, omnium minime prætermittenda. Educationem puerilem quod attinet, tantum commemorat D. Lucas: puer Johannes crescebat, & confortabatur in Spiritu, & erat in deserto usque ad diem ostensionis suæ in Israel.

Fuit ergo domi à parentibus educatus. Non solum uterque parens pro pietate sua diligenter erudierunt in primis fidei capitibus, ad modestiam puerilem ac munditiem, tum reverentiam erga peregrinos, & natu majores diligenter assuefecerunt: verum etiam pater pro excellentissimâ in prophetarum mysteriis intelligentiâ, sedulo oracula sacra evolvenda commendabat filiolo: ipse aliquando voce sua præibat, atque interpretabatur. Præsertim cum etiam puer valde isto studio delectaretur, propter insignes, & in alijs minus usitatas Spiritus sancti agitationes.

O beatos illos liberos, qui similem experti parentum industriam ac pietatem, toto pectore in sacrarum literarum studia à primâ ætate incubuerint.

An etiam artibus scholasticis, vel humanioribus, ut vocamus imbutus fuerit D. Iohannes, vix ausim certum quid affirmare. Quod Deo iste perpetuus mos est, ut quo illustriorem haberi vult aliquem suum legatum, eo minus ab istis humanæ sapientiæ præditijs instruat. Quod David ex opilione Rex, Amos ex bubulco propheta (Amos 7.) Apostoli ex piscatoribus totius mundi Doctores & triumphatores satis comprobant.

Digressio & præparatio. Ergo ad mores tandem abeo, quos utinam aut tantos & tam pulchros animo deformare ac concipere mihi daretur, ut si non ipsam expressisse omnino eorum magnitudinem, tamen quam proxime accessisse, vel saltem ab eadem non longe abiisse dici possem: aut utinam, quantos eos animo concipio, etiam oratione vobis ante oculos depingere valerem: aut tandem utinam quantum industriâ & co-

Laus Iohannis Baptiste

2. Circumstantia Educationis.

Descriptio ex conjectura.

Accommodatio per exclamationem.

2. pars. Artes sive Habitus intellectuales. Accommodatio simplex.

3. pars, Leges vel mores.

Laus Iohannis Baptistæ.

Accommodatio.

*Descriptio per præteritionem.
i. Virtus.*

*3. De Temperantia-
Accommodatio à simili.*

natu in ijs oratione exprimendis assecutus sum, illud enarrandi facultas per temporis angustiam mihi concederetur.

Et quanquam si prolixus & minutius prosequi liceret, in plura capita possem distribuere: Quatuor tamen his partibus pro tempore ero contentus, ut de eximia D. Iohannis pietate, de ejusdem constantia, vel fortitudine gravissima, temperantiæ quodam genere singulari, & tandem modesta plane admiranda breviter commemorem.

1. Virtus: pietati igitur primum merito tribuo locum. Quod ex hujus virtutis, apud Christianos debet esse ratio, ut si vel sola adesset (quod tamen fieri non potest cum tanquam mater plerarumq; virtutum omnium, felicissimam hanc sobolem suam, quasi complexibus suis amantissimis semper secum circumportet) tamen quam ornatisimum eum in quo reperiretur, efficeret: Vel si sola desideraretur in homine, ab omni reliquarum virtutum genere uberrime exornato, tamen tantum laudibus detrahat, ut hæ nullo jure esse tributæ videantur.

Ut autem probem vobis hanc pietatem D. Iohannis, spero non laborandum mihi esse: de qua scilicet jam ante vobis satis constat, quanto zelo & ipse Doctrinam Salvatoris complexus sit, & apud alios urserit.

Fortitudinem igitur non tantum ex latine loquentium consuetudine, sed quod verissime ita res habeat, appello animi illam constantiam, qua nihil verearis, aut potentium hominum iras, aut quorumvis aliorum offensiones, aut tuam famam vel vitam, aut alienam gratiam attendas, quin quod officium à te postulat, veritatem tuearis. Quod si ita est, quæ poterit esse major constantia, quam Baptistæ nostri? Qui a Judæorum populo videbat in manibus atq; oculis se gestari: vel Deum fieri posse: si linguæ temperare voluisset, tamen quod officij sui esse putaret, ut impiam istorum vitam vehementissime reprehenderet: hostes eos expirari maluit, quam officium non facere, quid fortius & constantius, & pene dicam audacius ista concione, qua palam Herodi regi, à quo tamen amabatur & magnificabatur, in os contradicere, sceleris cõarguere ac cõdemnare non est veritus: cum tamen bene novisset ita facturum, ut ut carcerem, compedes ferreas, mortem denique ignominiosissimam in se derivaret.

Alexandrum Magnum ajunt valde delectatum fuisse clava & Leonis pelle gerendis, quod ijsdem olim Herculem usum fuisse fama est. Itaq; ut animo ac moribus & rebus gestis huic confimilis esse Alexander

exopto

exoptabat ita ejus voluntatis suæ indicium ac significationem publicam ex habitu fieri voluit. Pari ratione D. Baptista cum excellentissimum Prophetam Eliam Spiritus exprimere fervore deberet: etiam externo victus genere asimulari debuit.

Hinc igitur & pelle cruda cingebatur & cingulo coriatio, h. e. vilissimo vestimenti genere: nullis delitijs, vix necessario, tenuissimo fanè cibo utebatur.

Modestia vero quam dixi an non divina apparet? quod cum deferrentur à populo Judaico honores summi, & ut vel Messiae vel maximi prophetae alicujus loco haberi se pateretur, recusavit. Quod turpe judicaret in Theologo honorum titulis videri inhiare, & non istos potius nihili facere, idq; unice sollicitum esse, ut Christo nostro honor suus salvus asseratur.

Dixi de moribus, reliquum est, de rebus gestis singularibus, D. Iohannis. Sed quæ pars nobis quanquam invitis prætereunda est: cum tamen præcipua commendatio hunc divo Baptiste tribueretur. Dicendum enim esset de instituto novo, illis sane temporibus, baptizandi scilicet, unde Baptiste nomen assecutus est: & quod suis manibus Christum Salvatorem ad officium inauguravit: quod suis oculis Sacrosanctæ Trinitatis personas tres usurpavit. Tum de reliquo officio facienda esset mentio: afferenda in medium concio D. Iohannis, quam ad populum habuit, Matth. 3. item altera quam ad discipulos Ioh. 3. & plures aliæ. Legatio Sacerdotum consideranda esset: item Schola publica, quam aperuit multis discipulis: & ablegatio horum ad Christum. Porro huc etiam referrem vitæ illam peculiarem austeritatem, prope eremiticam, quod omnes hominum societates, omnes vitæ delicias fugit.

Item honores hic enarrarem, quos non homines tantum, sed Deus etiam huic suo Legato adhibuit: ut totis sexcentis annis eum præmonstraret Esaias: Et iterum Malachias propheta ejusdem adventum prænunciaret: quod alij prophetae, aut apostolo nulli contigit. Quid? quod filius Dei ipse præconem D. Iohannis egit? & non tantum omnibus Prophetis longissime prætulit, verum etiam supra omnes ex homine natos homines haberi voluit?

Multa alia prætereo: atq; adeo si omnia exponere voluntas esset, & quod multitudine pene innumerabilia & pondere ad commendandum gravissima & tandem ipso genere inaudita atq; inusitata sunt facile

Descriptio.

*Modestia.
Descriptio.*

Accommodatio.

*Tertia Circumstantia
De rebus gestis.*


*Descriptio
per præteritionem &
enumerationem simplicem.*

mole

De Morte.

mole ista obrueremur. De morte dicturus, vereor, ut illud ea animi præsentia facere possim, quâ D. Baptista eandem pertulit. Hic subiicitur ὑποῦπωσις i. e. descriptio mortis secundum eas partes, quæ videntur statuere ipsam rem gestam quasi ante oculos & valde miserabilem.

Conclusio habet accommodationem 1. ex loco communi, quod Deus patiat affligi suos à mundo impio. 2. Misericordiam erga Johannem, sive amplificet indignitatem mortis. 3. Odium erga Herodis crudelitatem, & Herodiadis levitatem, atq; impudicitiam 4. preces, ut Deus Ecclesiam conservet in tantis, etiam horum temporum persecutionibus.



F I N I S.



SEQVITVR EXERCITI- TIO RV M MATERIES. LOCVS COMMVNIS.

εἰς τὴν ἀψυχολίαν vel in picam juventutis literariæ.



COMMENDENTUR instituta exercitia nostra in gene-
re. 2. Locorum communium scriptio. 3. Argu-
mentum hoc περὶ τῆς ἀψυχολίας. Ignota autem vox
& res, itaq; docilitatis causa describenda erit. Le-
pida est turpissimæ rei appellatio. Latinum nomen
nullum, quod memini, inditum est: posset tamen Pi-
ca appellari. Rem vobis describam, sic rectius etiam

nominis hujus rationem intelligeris. Est in adolescentibus hoc morbi
vel vitij genus, quo pleriq; omnes laborant, ut variarum literarum co-
gnoscentiarum serio, ut sibi videntur, ducantur studio: mox tamen,
ubi aliquod ex his vix primoribus, ut ajunt, labellis degustarunt, aut a
primo limine aspexerunt, inde rejiciuntur, nescio quo fastidio, ad ali-
ud commodius sese applicant, atq; inde iterum ad aliud atq; aliud, eo-
dem semper eventu.

Inde eleganter græci ἀπὸ τῆς ἀπτεῖν, quod est tangere, & νοεῖν,
quod est satûrare, inscripserunt, quod hoc vitio laborantes primo quasi
rerum discendarum attractu statim earundem obsaturentur. Quare au-
tem Latine picam dici posse censeam, causa est, quod persimilis videatur
hic adolescentiæ morbus mulierum gravidarum isti affectui, quem picam
vocant, quo illæ dicuntur maximè variâ inconstanti & monstrosa sæpè
cupiditate, & à salubribus abhorrere alimentis, & non inusitata tantum,
sed etiam sæpè noxia expetere.

Quid monstri sit ἀψυχολία, eminus aspexistis: nunc porro quasi
cominus & penitus sæditatem hujus tam monstrosi, tam nocentissimi
ac pestilentissimi vitij mecum perpendite.

Exordium 1.
ab Attenti-
one.

2. à docili-
tate.

Propositio.

2. pars ex-
ercitij Con-
trarium.

Propositio
contraria
prima.
Constantia
in studijs
est comoda.

Tertia pars
exercitij
Narratio si
ve exdectis

1. Ante.

Summa est, auditores, quam dixi, fastidium illud in adolescentibus, quod initijs operæ alicujus literariæ vix dum delibatis abhorre, & refugere ab eadem solent, ad alia studia animum adungere, & hinc mox ad alia atque iterum alia dilabi: hanc, inquam, turpissimam esse hujus ætatis maculam, pestem, corruptelam, ac calamitatem omnis in literis bonæ frugis ac spei certissimam sentio.

Etenim si in eo literarum genere, quo maturâ deliberatione antegressa delectatus fueris, quod ingenio, naturæ, institutis studiorum curribus maximè aptum & conveniens esse exploraveris, si in eo, inquam, literarum, lectionis, meditationis, exercitationisq; genere conquieris, illud indefessa operâ urseris, fastidium, quod obrepere solet, excusseris - ignaviâ, quæ mater quasi istius fastidij est, & nutriticam ejusdem præco- cem sapientiam penitus extinxeris, atq; oppresseris: illa demum est pro- fectus aliquando in adolescente egregij futuri prærogativa, & index no- ta verissima. &c. Cæteras contrarias ipse sige.

Digressio vel connexio:

Operæ precium mihi facturus videor, auditores, si magis vivis & apparentibus coloribus vobis depingam istos, quos hoc morbi genere la- borare censeam: ut vel in vobis ipsi corrigere, vel in alijs, si amici sint, præmonere, si peregrini, ex istis exemplum capere possitis, vobis quod ex usu fiet.

Descriptio ipsa fiat secundum partes: Quid faciant antè, quàm ad studium aliquod accedant: quid in initijs, operæ, quid medio, quid in fine.

Describantur autem ea, quæ in oculos incurrunt, & sunt turpia & ridicula.

Videntur sibi magno affecti esse discendi desiderio, idq; gestiunt, & bonæ indolis suæ argumentum ostentant; dum illud literarum ac studij genus, ad quod aspirant, supra fidem efferunt ac deprædicant omnibus obvijs. Præterea jam tunc rationem ineunt, ad quæ istis pertractatis alia atq; alia sint pervolaturi, & quomodo brevi omnia studiorum studia decursuri, omne literarum mare exhausturi sint.

Lauda.

Laudabilis conatus, omnia placent mirè: arident, applaudunt, meri omnia thesauri sunt. Ex toto vultu apparent lætitiæ signa, ungues rodunt, humeros alternos arrigunt ac demittunt, cutem scabunt, ore hiant, & præ stupore atq; admiratione vix apud se sunt. Tempus conquerruntur angustum nimis, exoptant à cibis potius, quàm meditatione & operis suis abstrahi. Nullus autor diviniore, nullus scriptor elegantior, nullus liber magis aureus, nullus præceptor exoptatior, nulla studiorum ratio feliciore & fortunatior.

Aliud atque aliud paulatim displicere incipit: animum ad alia adijcere, aliorum feliciores progressus videre incipiunt.

In fine omnia damnant, juxta versum:

Principium feryet, medium tepet, ultima frigent.

Similes sunt febri laborantibus.

Partes comparisonis factum & ἐπιχειρισίω

Factum has iterum habet partes:

Febricula correpti primum famem vel sitim saltem sentiunt, & ardentem quidem. 2. à presentibus vel quorum copia est, alimentis toti abhorrent. 3. Absentia, & quæ difficilimè comparantur, valdè desiderant, idq; planissimè persuasum habent, si illis potiantur, non tantum delectandos se, sed vitam redempturos esse. 4. Sed & hæc allata si sint, valdè gestiunt, avidè exhaustiunt. 5. Delapsis illis per guttur sentiunt trahi quandam amaritudinem, Sed cohibent se, nolunt fateri. 6. Paulatim magis ac magis displicet cupiditas, adijciunt animum & appetitum ad alia quædam. 7. Tandem cum sufferre horum desiderium, illorum fastidium amplius non possunt: hæc respuunt, illa quærunt. 8. ἐπιχειρισίω: Causa est corruptus & languens stomachus, non cibi aut potus vitium. Itaq; non corrigitur ista acerbitas, neque dabitur ullus tandem potus, qui sapiat ipsorum stomacho, nisi languor ac moribus abeat.

Ad singulas partes accomodetur aliquid ex præsentibus.

Quod facere solent febri afflicti, ut quidlibet suspicari malint causæ, quàm palatus ac stomachi sui vitio accidere ingratum cibi sensum; idem etiam à delicatulis nostris fastidioribus.

2. in initijs.

3. in medio.

4. in fine.

4. pars exercitij Comparatio.

5. pars Gnome vel Reprehensio opinionum, quibus saluntur.

ἀνισόρροια

1. *Opinio.**Refutatio opinionis.*

Aliquando enim conquerantur tempus importunum, alia magis necessaria, aut somnium sibi obrepens, aut alias minus expeditos se, viam lutulentam, tempestatem incommodam, hoc est, ut ego interpretor, fatentur se ignaviæ turpissimo vitio afflictim laborare. Vera enim hujus fastidij causa ignavia est. Sed ita fit, ut quemadmodum omnes studiose id defugiunt, ne vitio alicui affines videantur: ne autem eidem affines sint minus student: ita nostri id quidem operam dant, ne ignavos esse se palam fiat, verum ab ipsa ignavia infici minus recusent. Hinc igitur, quod obijci poterat ignaviæ argumentum, alio quovis detorquere mire satagunt.

2. *opinio.**Refutatio.*

Inde aliquando criminantur præceptoris, quo utuntur, aut scriptoris industriam: non satis fideliter versari in istis tractandis: obscuriori uti phrasi, infeliciori esse ingenio: ipsum non satis intelligere ea, & laborare hoc vel alio vitio: Quare non integrum esse sibi hunc Doctorem diutius ferre.

Quod quid aliud est, si quid ego de his possum indicare, quam quod palam fatentur, affectos se præcoei sapientia, vel stoliditate gemina, scilicet, qua sibi etiam supere videntur vesani, dum de eruditione præceptoris sententiam ferunt homunculi ab omnis eruditionis initijs quam maximè vacui & inanes.

3. *opinio.**Refutatio.*

Inde tandem fit, ut ipsam operam cavillentur, quasi vulgarem & passim obviam, & quæ dudum defuncti sint: aut quæ minus commoda, aut parum necessaria, aut non satis accuratè expolita sit.

Scilicet cæci de luce, surdastri de musico concentu, aut Midæ auri de Panis cum Satyro certamine arbitros se interponunt. Quemadmodum enim palato sano & sincero, etiam oppleto stomacho, tamen non insuavis videtur salubris aliquis, quamvis tenuis cibus: eidem valetudine corrupta omnia molesta & acerba sentiuntur, etiam quæ suavissima sunt: Ita homini erudito quævis, saltem non aliena ab ingenio aliquid, satis arrident ac probantur. Signum verò est ingenij imperiti, ignavi ac stolidi, si animadvertas in adolescente istos mores, quod nihil sibi accuratum videri posse, nihil satis rectè constitutum, ac omnia displicere manifestè ostendat.

VI. pars E.
gressa se
πέντα
σις.

Hac parte dicatur, ex quibus parentibus, quâ natura, educatione, fortunâ, quibus moribus &c. adolescentes hoc vitio sint contaminati.

Probetur

Probetur hic ejusmodi fastidiosum sine omni misericordiâ gravibus pœnis coercendum, & ex societate literaria planè ablegandum esse.

Probes ex locis: Legitimo, utili, necessario &c. quod hæc pœna rectè in istum statuatur.

LOCVS COMMVNIS SE- CUNDUS. DE

PRÆSTANTIA ORDINIS LITERARIJ.

CAPTAT benevolentiam 1. ex re ipsa: Dicam de nostri ordinis laudibus, quæ meritiò nobis debebant esse jucundæ auditu. 2. Ex nostris moribus: 1. à significatione modestiæ. Exempli gratia: Ego impar isti oneri sum & tenui eruditione: sed suscepi hoc munus ad inflammandum in me illius, Eruditionis dico, studium vehementius. 2. a significatione veritatis: Tantùm veras ordinis nostri laudes conferam: ab omni fūco & fictitiâ atq; adulatoriâ commendatione abstinebo.

Figura Elocutionis poterit esse occupatio.

II. Docilitatis causa ponenda est Propositio: Huc igitur mentes, auresq; vestras attendite: Hoc me effecturum spero, ut intelligatis, homines literatos & horũ ordinem, omnes reliquos & virtute & utilitate publica excellere & honore etiam præferendos esse.

I. Propositio: Homines illiterati sunt vitijs pleriq; dediti, plurimum damni afferunt & contemptui habentur, aut saltèm haberi debant.

II. Propositio: Homines literati non sunt viles æstimandi.

III. Homines illiterati vel non sunt, vel saltèm non debent esse cum literatis in parî æstimatione.

IV. Propositio: Qui non æstimantur magni, inde plerumq; fit quia à literis non commendantur.

V. Propositio. Qui non contemptui est, plerumq; hoc eruditioni & literis debet, quod ab his non fuerit alienus.

VII. pars
exercitij
Misericor-
dia denega-
tio.
VIII. pars.

Exordium.

Secunda
Pars Exerc.
citij CON-
TRARI-
UM.

NARRATIO.

*Tertia pars
Exercitij
NARRA
TIO.*

POTEST hic fieri gemina: I. Ut describantur facta hominum illiteratorum, quæ scilicet in oculos incurrunt, & possunt illos in contemptum adducere, Copiæ causa distribuuntur in partes: in sermones, in gestus, in negotia.

1. In sermonibus iterum consideretur, quibus de rebus, quo vultu, quàm incultis verbis & parum perspicuis: quo Eventu, apud quos &c. loquantur.

2. in Gestibus circa vestitum; circa risum, circa iram; inter Epulas; inter Scyphos; circa incessum; circa rursim, sciretum, capitis, manuum & reliquorum membrorum motum, domi & apud peregrinos.

3. In negotijs iterum alia sunt publica alia privata. In publicis attendendum est, quid agant in judicijs & alijs officijs; in consilijs, in legatione.

In privatis considerandum quales se gerant in periculis subeundis; in amoribus; in honoribus; in opum usu; in splendore vitæ; in appellandis alijs; in conversatione; in jocos; in contractibus &c.

Et hic narretur quid aliquando viderimus, & quid alij, quid meminimus, legerimus: atq; omnino quæcumq; singularia facta hominum illiteratorum aliquid ridiculi habent, huc congerantur.

II. Describantur etiam facta literatorum, quæ in oculos incurrunt: sed elegantia & venusta, quæ benevolentiam & amorem illis conciliant. Inventio fiat ex datis partibus.

Ea potest hic fieri cum eo rerum genere, quarum aliæ sunt impolite & propterea turpes: aliæ excultæ & propterea pulchriores: ut cum metallorum informi materia, & operibus ex metallo factis nitidis. Et fiant hic partes ut monstravimus in loco communi primo.

Dividantur & hæ in membra duo: Primo membro refutabuntur opiniones, quibus illiterati sese defendunt, & in nostrum invehuntur ordinem. Secundo membro efferentur & collaudabuntur opiniones quibus literati nostrum commendant ordinem.

Multi illiterati extiterunt viri fortes. Respondeo.

1. per negationem prædicati. Non fuerunt isti viri fortes. Non e-

*Secunda
pars Narra
tionis.*

*Quarta
pars exerci
tij COM
PARA
TIO.*

*Quinta
pars Exer
citij OPI
NIONIS.*

*Membrum
primum.
1. Opinio.*

nim

nim est fortitudo sed brutum robur, quæ prudentia careat, qualis etiam in bestiis apparet.

2. Per negationem subjecti. Isti viri qui fuerunt fortes, non fuerunt illiterati, ut græci & Latini imperatores?

3. Per concessionem & contemptum. Rarum hoc est, quemadmodum quod aliquando corvus aliquis albus apparet, unde tamen suspicandum non est, aliquando omnes aut plurimos corvos albos fore.

4. Per concessionem & Compensationem. Extiterint aliqui viri fortes illiterati, at plurimi extiterunt literati viri fortissimi: Neq; in hoc tantum virtutis genere excellentes in quo isti se jactant, verum præterea & temperantes & liberales, magnifici, urbani &c.

Multi illiterati feliciter gubernarunt Rempublicam. Respondeo, per concessionem & distinctionem: Non illos excludimus planè à Republica, sed nolumus eam solos obtinere, aut etiam primas habere. Sunt enim quædam expedienda in Republica, quæ possunt per illiteratos commodè effici. Et inter illiteratos sunt multi viri prudentes, qui per ætatem & conversationem cum alijs acquisiverunt multarum rerum usum. Hi non rectè illiteratis accensentur. Non enim literæ sunt imaguncule & picturæ chartis illitæ, quas isti ignorant: sed prudentiæ quædam excellens vis, à quâ optimè instructi sunt.

Omninò Reipublicæ sic melius provisum esset, si tantum illiterati ad gubernacula federent. Respondeo per contemptum. Si ex Lupis quæras, an non idem respôsuri essent? non fore melius consultum ovium rebus quàm si ipsi præessent.

Literæ ignavos homines & effœminatos reddunt & amantes ocij & facilè trepidantes in negotijs: unde dicitur homo de schola pro nimis simplici & verecundo.

Respondeo per negationem & causam additam hanc: Quia literæ causas monstrant, quibus ad virtutes impellimur, & sic industriæ igniculos admovent animo. Otium illud literarum est liberale, quod non tribuitur ignaviæ sed labori ingenuo.

Meticulositas, in juvenibus deprehenditur minus exercitatis: excutitur tandem ætate, & est melior impudentia & audaciâ adolescentum illiteratorum. Illam nemo; Hanc omnes reprehendunt: illa flos virtutum; Hæc vitiorum & ignorantiae index nupecula, imò maximorum sæpè calamitatum seges & materies est. Convitium hominis de scho-

Opinio Secunda.

Opinio Tertia.

Opinio Quarta.

*Opinio
Quinta.*

*Opinio Se-
xta*

*Opinio Se-
ptima.*

*Membrum
Secundum.
Opiniones
Literatorū.
Sexta pars
Exercitij
EGRESS-
SIO.*

1. Patria.

la ab adversarijs profectum est. Hujusmodi etiam multi extant nostro-
rum in ipsos.

Illiterati possunt strenuè bibere & tamen fungi officio. Respon-
deo per contemptum. Si cum bove certamen esset, rectè hoc prædica-
rent, scilicet de capacitate ventriculi sui.

In negotijs privatis possunt rectius rebus suis præesse: agrum; e-
quos, familiam curare. Respondeo 1. Negando. 2. Contemnendo.
Causa est quia majoribus occupato non datur vitio, quod viliora non
possit administrare.

Sunt Simpliciores: ignorant artes simulandi ac dissimulandi hoc est
decipiendi verborum mendaciunculis.

Itaq; malunt homines cum istis sibi negotium esse: à literatis tan-
quam aves à tendiculis & aucupe metuunt. Respondeo. Nego ab istis
artibus illiteratos esse alienos.

Ad signum Respondeo causam esse. 1. Quod similis simili gau-
det. 2. Ipsorum hominum insciam, quare metuunt prudentiam.
Eruditorum, pudoris causa & imparitatis conscientia, sicuti puer me-
tuit, cum viro congregi, quamvis hunc honestissimum putet.

Et sicut pauper pannis obsitus ad divitem quemvis hominem acce-
dere. Si qui verò eruditos malos criminantur, aut temeraria credulita-
te hoc suspicantur: aut malitiose agunt, dum criminantur aliorum mali-
tiam, quando suam nolunt fateri ignorantiam.

Hic poterit explicari omnis commendatio literarum, necessitas,
jucunditas, utilitas: Et comparationes cum alijs virtutibus.

Hac parte potest dici per conjecturam de reliqua vita literatorum.
aut illiteratorum sive de circumstantijs personarum.

Circumstantia illa sunt ita considerandæ, tanquam occasio præsen-
tis laudis ac vituperij, unde ostendatur, quomodo mores in loco com-
muni commendati aut reprehensi ex istis circumstantijs deriventur.

Pro tempore de Literatis tantum dicemus. Circumstantia hæc
sunt: Origo, Natura, Mores, Forma, officia & relationes alia, res ge-
stæ, Fortuna etc.

In origine sunt Patria, Majores, Parentes.

In Patria considerantur ex quibus gentibus literati extant. 1. Ufus.
Quo gens virtute cultior, rerum gestarum gloria celebrior, eò plures
luit literatos.

2. Ex

2. Ex barbaris gentibus & incultis rarissimè literati extiterunt, sed magna sua & gentis laude. Et sunt singulis gentibus quodammodo suæ ætates ut aliquando, quasi sub infantia vivant barbaris impolitisq; moribus: postera paulatim quasi adolescente ætate expoliantur, ingenijs & rebus præclare gestis floreat: donec tandem in senectutem, posteriorum prolatur ignavia.

2. Majores. Aliquando nanciscuntur claros, quod quo paucioribus contingit eò splendidius est: Sin familiæ nobilitatem ostentare non possunt, satis habent, quod eam nominis, sui claritate illustrent. Et sic ex reliquis circumstantijs applicetur ad rem præsentem, quæcunq; de literatis vere dici possunt; qui parentes, quæ fortunæ, quæ Educatio, mores illis contingant, & applicentur hæc ad laudem.

Quæ cum ita se habeant, annon in oculis & manibus omnium gestandi erant homines à literis instructi? Sed quid sit, ò secula! ò mores! Distinguat hic primò, quam indigna patiatur ætas puerilis, literis adiecta, à flagellatoribus Hypodidascalis. Secundò. Adolescentes scilicet paupertatem; orbitatem, à patronis; Calumniam ab omni plebè; ab opificibus & horum pueris; à pessimis quibusq; hominum, bestiis; ab ipsis sæpè literatis, sive æmulis suis sive patronis & superbientibus propter opes. Tertiò. Juvenes. Dum magna pecuniæ vis & omnis paternæ hæreditas in literis absumpta est: promotio nusquam apparet, omnibus coguntur supplices fieri &c. Quartò, Viri tenuissima coguntur conditione vitam tolerare: contemnuntur passim in officijs mandandis: Convitiæ & caluminiæ dicuntur absentibus & coram: Omnes honoribus invident vel minutissimis &c. Hic narretur historia Demosthenis Oratoris & in hac explicentur misericordiæ movendæ præcepta.

Septima pars Exercitij.

Probet rectè fieri, ut prima literatorum in mandandis honoribus & officijs habeatur in Republica ratio, ex legitimo, justo, necessario &c.

LOCUS COMMUNIS TERTIUS.

Adversus TEMERARIOS & AUDACULOS qui in pericula non necessaria conijciunt se, quales sunt militum vulgus & nocturni Grassatores.

2. Majores

Septima
pars Exercitij
MISERICORDIA.

*Prima pars
Obiectio.*

*Αἰτιολογία
αὐτῆς ἀπὸ
τοῦ ἀντιθέτου.*

*Αἰτιολογία
αὐτῆς ἀπὸ
τοῦ ἀντιθέτου.*

*Λύσις
ἀπὸ
τοῦ ἀντιθέτου.*

*Αναπλήρωσις
τοῦ ἀντιθέτου.*

*Secunda pars.
Exordij à
Docilitate:
sive Propo-
sitio.*

Exordium.

A significatione Humanitatis captat benevolentiam. Figura Elocutionis est occupatio.

Venustissima est auditoribus nec minus vera poetæ sententia, ita facillimè sine invidia laudem & amicos parari, Si facillè omnes ferre ac pati possis, nemini adversus sis, cum quibuscunq; unâ fueris, ijs ut te des, eorum studiis obsequaris.

Nihil enim molestius, nihil intolerabilius, nihil sædus deniq; illa puorundam consuetudine, qui nisi quod ipsi faciunt, nihil rectum putant: adeò audacter in omnium consilia, instituta, incæpta invehuntur, quodlibet carpunt & arrodunt. Cujusmodi ingenia equidem ut ineptissima ad omnem non injeundam inter homines habitationem judico: ita quò ab ejusmodi moribus quam alienissimus essem semper operam dedi studiosissimam.

Neq; tamen eò hoc accipiendum est, quasi nullam cujusquam malitiam reprehendere liberum sit, aut in nequam hominum improbitatem omnium bonorum sententijs damnatam vocis libertate uti non liceat. Absit, inquani, absit ista hominum ingenuorum turpissima servitus: ut quam flagitiorum pestem silentio suo impune grassaturam & in societatem exitij etiam bonos plurimos pertracturam esse, prævident: eam reprehensionis liberæ quasi medicinâ adhibitâ avertere prohibeantur.

Quod enim in corporum morbis fit, ut sano quidem homini per vim pharmaca obtrudere medicus non permittatur: ægroto verò etiam si invito adhibeat, nemo reprehendat: imò omnes culpent potius, si illi per mollitiem repugnanti, facere medicinam, amicis deposcentibus, metuerit: Ita in animi curandis multò sanè gravioribus vitijs rectè à sanis moribus reprehensionem abstinemus: In corruptis autem & omnium prudentium judicio improbatis, licet ij qui laborant minus æquo animo ferant: tamen si quis hic consulendi causa stylum & verborum acrimoniam expediat, nemo nisi iniquissimus arbiter vitio vertere aut non laudare potius dare poterit.

Atq; ut quorsum hæc pertineant intelligatis, institui hoc tempore ad vos verba facere adversus temerariam audaciam, præcipuè grassatorum nocturnorum. Quam pessimum hoc sit vitium ex ipsa oratione intelligetis. Quare spero æquos me vos habiturum arbitros, facileq; imperatorum ipsius rei æquitate, ut huic reprehensioni, ut apparebit, iustissimam

veniam

veniam detis. Si igitur animis adfueritis qui corporibus adestis, promitto effecturum me, ut cognoscatis hominis insanissimi esse in temeraria pericula se committere, nullius honestæ rei causâ, sed aut vel lucelli alicujus gratia aut præ vanitate puerili.

Sanè illa pericula obeunda sunt quæ honesta, quæ cum honestate conjuncta sunt, ubi patriæ periculum te defensorem ac propugnatorem postulat, aut alia honesta ratio invitat, & hoc honesti & fortis animi est.

Hujusmodi pericula honesta & necessitate obrusa reculare est turpe.

Honesti qui pericula sustinet, non est pro insano habendus, aut ullo modo reprehendendus.

Qui temerè ad quævis pericula aggreditur, non inter bonos ac fortes viros ascribendus est.

Qui laudantur inde, quod intrepido animo aggressi sunt pericula, semper reperientur in ipsa parte, quod scilicet virtutis tuendæ causâ contra ista venerint.

In multis vitio datus fuit animus alacrior ad quidvis audendum: quod censerentur nulla impulsu gravi ratione ipsi se in difficultatem eam præcipitasse.

Comparantur audaculi nostri cum navi jactata in mari. Partes hæc possunt fieri. Velum est ira, vel lucri cupiditas, vel temeritas. Clavus est recta ratio.

Ventus & mare sunt variæ peccandi & audendi illecebræ, scopuli, vada, Syrtes, Scylla & Charybdis sunt occasiones periclitandi vel perendi te & tua. Naufragium est jactura benevolentia tuorum, opum, valetudinis, vitæ & famæ, quæ ipsa vitâ charior esse debet.

Item Grassatores comparantur cum hirco ad aquas cornua sua speculanti & meditati.

1. Hircus naturâ non est instructus ad feras pugnâs, ut Ursus, sed domesticum & cicur est animal: Ita nostris grassatoribus officium non est fera bella movere, sed pacis sectari studia.

2. Hircus lupo imminente fugerat ad rupem arduam aut ad ovium caulam: Ita nostri quod abhorrent à re militari ad literarum confugerant ocia.

3. Hircus cum diuturniori pace impinguesceret, & ferocior factus esset, tutis locis cōtinere se non potuit: Ita nostris dulce in expertis bellâ.

*Secunda
pars Exer-
citiy Contra-
rium.*

*1. Propositio
2. Propositio.*

3. Propositio.

4. Propositio.

5. Propositio.

6. Propositio.

*III. pars
Exercitiy
Comparatio.*

4. Hircus ad aquas descendit, ubi cornua videt & se solum, infestis, lupum provocat absentem, aëri cornibus minatur, ventos lace-
scit, arenam pedibus spargit: Ita nostri umbras nocturnas diverberant,
muros urbis stentorea voce dejicere certant, lapides provocant, cælum
armis territant: Scilicet dum soli sunt, & satis se fore videntur sibi vel
ducentis tantis, imo ho: uno spiritu se diffare posse.

5. Sed eventus ridiculus, lupus vix è dumeto apparebat: atq; ille
horrere, trepidare, circumspicere, fugam meditari, tandem deprecari:
Et Nymphæ faciles risere: Item aviculæ garrulæ in arborum ramis, ala-
rum strepitu procaci explosere: atq; adeò turpissimum in paludibus rana-
amentem ferociam hirci cachinnis exceperere. Lupus medium discerpit
sine ullo negotio cum prius acerbissimâ irrisione delusisset: Ita nostri &c.

Moris est.

Respondeo.

Est etiam moris, ut puniantur à magistratu, ut DEO permittente,
valetudinis, famæ & vitæ aliquando jacturam faciant. Ille stolidæ ata-
tis: Hic sapientum hominum, imò ipsius sapientissimi DEI mos est.
Quare videant Adollescentes utri malint obsequi.

Turpe esset sic includi quasi legum carcere & vinculis, ut nusquam
audeas te commovere, puerorum instar. Respondeo 1. Negando hæc
esse vincula. Conceditur huic ætati major libertas vivendi, sed quæ non
debent ad licentiam abuti. LIBERTAS est, ut amoto metu ipsi suo
arbitrio agant, quæ à pietate & optimis moribus aliena non sunt, magi-
strorum magis consilio quam imperio subsint, ac regantur. LICENTIA
non conceditur, ut ipsi scilicet nequitie & malis moribus se dedant: quæ
pietati, morum candori, honestæ suæ atq; ordinis nostri famæ adversa sunt.
DEO concessa est, præceptoribus, autoritate legum & poenarum lupatis
vel severitate ac repagulis eam petulantiam, alijs molestam, ipsis pestilen-
tissimam intra ordinem redigendi. 2. Nego esse turpe hoc: Legum
contineri metu non est turpe sed honestissimum, quippe cum sit maximè
necessarium & saluberrimum: & eas excutere sit beluinum.

Vulgo fit: alij exemplo suo alliciunt. Respondeo 1. per Antefyllo-
gismum: Etiam vulgò pereunt adolescentes & corrumpuntur, multa
fiunt prava moribus & vulgari consuetudine. 2. per Inversionem. In-
gitur tu non facias quod sponte facturus non esses, nisi aliorum exempla

Quarta
pars Exer-
citiij, Gno-
me.

1. Opinio.

2. opinio.

3. opinio.

invitarent: & quod in ipsis reprehenderes, nisi factorum socius esses.

Quinta pars Egressio, παρὲν καὶ οὐκ.

Ex circumstantiis personarum describamus, ex qua gente, quibus parentibus & reliquis circumstantiis hujusmodi audaculi plerumq; existant.

Sexta pars, denegatio misericordiae.

Quod igitur indigna patiuntur, vulneribus aut plagis conciduntur, vigiliis manibus haud molliter excipiuntur, in carcerem compinguntur: videntur culpa sua eam calamitatem sibi accersivisse. Hic primum monstretur quod nihil habeant nobiscum commune, scilicet dum deformant nostrum ordinem turpissimæ famæ contagionem & maculam aspergendo. Item dum militaria non scholastica tractant studia. Item dum ipsi se non à nostro tantum sed hominum planè ordine ac numero segregant, nocturnarum scilicet instar noctu circumvolitantes. Secundò, Monstretur: Quod dignè patiantur scilicet exaggerando ipsorum crimina: sunt impij in Parentes, in Præceptores, in omnem & universam Rempublicam: turbant nocturnam quietem; omnium in se inprecationes provocant: Omnes obvios hostes habent &c. Tertiò monstretur, quod quæ patiuntur non sint nimis magna quia facile illorum dolor oblivioni datur: quia sunt medicina, ne in posterum pejus peccent, quia majora meriti erant.

Septima pars Exercitiij.

Probet coërcendam esse audaciam istam pœnis: ex legitimo, necessario & reliquis locis.

LOCUS COMMUNIS
QUARTUS.

In AMATORES.

Exordium.

Captat Benevolentiam à Modestia nostra, rei ipsius difficultate & necessitate: & ab auditorum laudibus.

Figura Elocutionis est Propositio aliqua Conjuncta quæ urgetur reliquo exordio. Quæ duæ omnis adolescentiæ pestes gravissimæ sunt, auditores, cum ijs ut decertarem hodiè mihi imposita provincia est: Ignavia & Libido. Ignavia enim quod focus ac nidus est, non reliquorum tantum in hac ætate, verum istius præcipuè vitij quod hic accusamus, eo nomine vexanda est: Libido autem ipsa bestia crudelissima est, ad quam oppugnandam & si me Deus benè juverit, debellendam, in arenam progredior &c. Vide Exord. Cic. pro Quintio.

II. pars
NARRATIO.

Quid faciant Amatores quod quidem in oculos incurrat, ridiculum: Quid dum incipiant amare: quid dum indulgent sibi & sectantur amores; quid si potiantur aut si excidant. Describantur in singulis sermones, cantilenæ, vultus. Pallent, gemunt: studia & conatus, profusiones pecuniarum, famæ, valetudinis, ipsius vitæ. Legantur hic Poetæ, Ovidij Epistolæ amatoriæ. Virgilij Eccl. 2. 3. 8. & 10. Et quartus Aeneid. liber.

3. Georg.

Quid juvenis magnum cui versat in ossibus ignem

Durus amor? nempe abruptis turbata procellis

Cacæ nocte natat ferus freta: quem super ingens

Porta tonat cali, & scopulis illisa reclamant

Æquora: nec miseri possunt revocare parentes,

Nec moritura super crudeli funere virgo.

Tertia pars
Exercitij
COMPARATIO.

Comparentur stuppæ vel stipulæ aut candelæ: in quibus materies est incendiij apta: Ita juvenibus imprudentia apta & obnoxia temeritati & stolidis cupiditatibus. 2. Illa levi attractu ignis accenduntur. Ita hi ineptissimis occasionibus incipiunt furere. 3. Amica quædam videtur esse & arcta conjunctio inter ignem & materiem, ut ægrè possint divelli: Ita inter amantes. 4. Sed exitialis est illa conjunctio utriq;: Ita & hæc inter amantes. &c. Item comparentur cum stolido illo qui aureo hamo piscabatur quem abrofit piscis major aliquis. Hamus est ætas apta optimis rebus addiscendis & gerendis: amor piscis &c.

quarta pars
Exercitij
CONTRARIUM.

Abstinentia & Castitas est ornamentum Adolescentiæ egregium, illustretur hoc Inductionibus, Similibus, exemplis, *γνώμης* & sententijs autorum. Addantur reliquæ contrariæ propositiones.

quinta pars
Exercitij
Opiniones

1. Utendum est ætate, cito pede labitur ætas. Respondeo. Utendum: sed ad probitatem potius & famæ honestatem consequendam &

ira

ita ut diu uti possis, non ut brevi momento turpissimè prodigas.

2. Idem multis seculis ante nos factitatum est: Etiam nunc moris publici est & præbet materiam multorum jocosum. Respondeo. Non more stolidorum sed prudentum seu potius legibus vivendum est. Spectandum etiam non quid alij fecerint multi, sed quid rectè factum sit, & quis unumquodq; factum eventus consecutus.

Certè multi infelicissimo exitu isti licentiæ generi se dederunt. Iocum illi sunt Syrenum cantus.

Reddat rationes horum morum ex circumstantiis personarum præfertim ignaviam & ocij sectationem criminetur.

Neget hos dignos, quorum habeatur ratio, quin omnis generis simplicij eorum cohibeatur luxuries: ex locis hac parte datis.

Idem probeat ex justo, legitimo, necessario & reliquis locis.

LOCUS COMMUNIS

QUINTUS.

IN PRODIGOS.

EXordium à modestia Oratoris à difficultate rei, à criminatione prodigorum, à laudibus auditorum.

Figura Elocutionis est Occupatio.

Ex Oratione Ciceronis pro Roscio Amerino: Ego delegi mihi hanc reprehensionem prodigorum omnibus propositam & quam omnes rectè institui quidem putant; sed auscultare malunt, quam ipsi suscipere. Causa mihi est non audacia: neq; ardentius præ reliquis vobis virtutis studium, sed difficultas rei, quæ fecit & ut reliqui præ molestia maluerint abstinere, quod vitio sibi facilius datum iri putarent: si minus assecuti fuissent rei magnitudinem orationis pari ornatu, propter majorem in his literis profectum: Et ego cupidè arriperem, quod ingenij experiendi hanc occasionem præclaram nactum me esse, tum si non successisset, facilius mihi ignosci putarent, quod minùs in his essem versatus.

Difficultas est, quod omnes impatienter ferimus ea vitia accusari, quibus ætas nostra obnoxia est. Jam mihi de prodigalitate dicturo adolescentiæ nostræ vitia accusanda erunt: Ut sic ipsos penè vos habiturus sim adversarios,

quibus defendunt se Amatores.
2. opinio.

Sexta pars
Exercitij
Egressio.
Septima p.
Exercitij
Præscissio
Misericordia.
Octava p.
Exercitij.

Criminatio: Et hoc quidem in gravissimo crimine, quo ipsa vita nostra tanquam homicidio quodam impetitur; Quid enim interest si vitam siue opes alicui adimas, cum illa sine his salva esse non possit?

Laudes auditorum. Non possum satis aptè de his dicere. Vos me sublevabitis vestra æquanimirate &c.

II. pars
Narratio.

Describantur prodigorum facta oculos incurrentia. 1. Circa initia: Ambiant omniū hominū favorem & gratiam & volunt aliquid videri, præcipuè hoc illis in votis est, ut apud omnes audiant prædivites; itaq; ostentant liberalitatem suam: ab omnibus volunt laudari & palpari ac mulceri: libenter admittunt adulatōres, & qui se juvent in profundis & perdendis omnibus: Rem familiarem tanquam sordes fugiunt: nulli labori adhibent manus: contemptissimè de his sentiunt & loquuntur, & avaros appellant qui laborant: tantum de pecunia ad luxum elocanda cogitant: Omnes adjungunt sibi & familiarissimos habent, vestiarios, Institores, Sartores, aurifabros, Cupedinarios, lanios, cetarios, coquos, fartores, piscatores, aucupes &c.

2. Circa medium. Hic luxuriant, perpotant noctes & dies commessantur, pergræcantur, canunt fidibus, ad amicam ambulatur, histriones & funambulones spectantur, magno cum comitatu in cauponis, ludis, gantibus, luditur, pecunia vestes & suppellex perditur aleæ: Coemuntur varia suppellex vana & inutilis, omnia mirifico instruuntur opere, tessellulis, emblematis & picturis, marmore incrustantur, murice inficiuntur, deargentantur ac deaurantur. In vestibulis varietas, precij magnitudo, colorum ac pannorum nobilitas, spirularum & aliorum *πλεθρον* copia affectatur, lautitiæ & deliciæ Apicianæ adhibentur &c.

3. Eventus. In fine deficit pecunia, hic male dicunt parentibus, qui sumptus negent, æs contrahitur alienum grande, appellant caupones, lotrices, netrices & meretriculæ, cantores, Mediastrini, famuli, gnatores &c. Hic morbus miseros incessit quem vocant CORNELIUM: sudant & pallent: ad multam lucem in lecto sunt, ut cogitent aliquam elabendi occasionem. Cogitant sæpè de medijs etiam fraudulentis & violentis etiam scelestissimis, tuendæ famæ causa.

1. Melius sibi consulerent Adolescentes si parsimoniæ liberali & honestæ darent se.

2. Non enim vitio dandum est, si prudenter & parcè utaris rebus vel à te vel à parentibus quæsitis.

III. pars
Contrarij.
1. propositio
Parsimonia
est honesta.
2. pro. par-
simonia nō
est turpis.

2. Uti.

3. Utinam hoc persuaderi ista ætas posset, quam non tantum nocentissima ad famam, ad res in virili ætate præclare gerendas: sed etiam turpissima & à virtute ac honestate alienissima sit illa profusio.

4. Nolite, nolite, inquam, putare, mei adolescentēs, fore ut laudi alicui futura sit vobis, apud prudentes quidem homines, quorum judicia revereri vestri pudoris & ingenuitatis est, illa sumptuum temerariè prodigendorum immoderatio.

Comparentur cum Hercule furente. 1. Furor illi à Contagione vestis amatoriaræ; nostris à sociorum blandimentis. 2. Eventus utrobiq; longè alius speratur atq; accidit. 3. Furit ille, furiant nostri & insana moliuntur atq; ab omni ratione aliena. 4. Commiserentur utrinq; cognati succurrere student; nihil promovent, imò etiam læduntur ab istis. 5. Sævitat ille in propria viscera; quid aliud nostri faciunt, dum vitæ sustentandæ nervos atq; unicum, subsidium miserandis rapiunt atq; dilacerant modis. 6. Ille liberos interfecit: Hi parentibus vitam exhauriunt præ mœrore. 7. Tandem in ignem ille se: Hi in scelera, in extremam perniciem, in mortem deniq; famæ aut luctu aut manibus suis afferendam præcipitant.

Recenseat opiniones quibus sese defendunt:

1. Genorosi hoc esse animi.
2. Benefaciendum alijs esse dum vivas; hunc esse usum nummorum, non ut in cistam captivi detrudantur.

3. Omni homini aliquando infaniendum esse: Nunc suos esse caniculares aliquando se redituros ad frugem.

4. Diem extremum esse in propinquo.

Dicat causas horum morum & eorundem turpitudinem criminetur ex circumstantijs.

Monstret digna illos pati.

Ex locis universalibus idem prober.

LOCUS COMMUNIS

SEXTUS.

In AVAROS.

Exordium capiat benevolentiam à modestia, dum redditur

3. prop. prodigalitas est turpis.

4. prop. prodigalitas non est turpis.

I V. pars Comparatio.

V. pars Gnome.

VI. pars Egressio.

VII. p. præcisio misericordie.

VIII. pars

causa suscepti huius argumenti. Figura elocutionis occupatio cum promissione solutionis, narratione, epicheremate vel conclusione.

2. *A criminatione avarorum.*

3. *Dicitur Summa docilitatis causa ad imitationem Ciceronis in divinatione contra Cecilium.*

Narratio.

SI quis miratur auditores, quod ego, qui per ætatem vix ipse mihi consulere posse videar, tamen in aliorum crimina invehar, præsertim in senilis ætatis illud vitium avaritiam: Si idem causam rationeq; instituti cognorit, & mirari desinet, & me vix commodius eligere potuisse dicendi argumentum approbabit.

Solutio.

Ego cum exercere me in his eloquentiæ studiis decrevissem, aliud atq; aliud argumentum tentavi: aut ampliora videbantur singula, aut à mea intelligentia remotiora, quam ut aliquod operæ precium in istis à me fieri posse sperarem.

Epicherema

Dolui sane eam me experiri initiorum difficultatem. Itaq; abstinere plane operam penè certum apud me erat, donec major aliquis in istis profectus acquireretur. Verum neq; hunc, nisi experimentum aliquod fecissem, acquirere me posse, perspiciebam: & sic qua re declinare hunc laborem volebam, eâ maxime incitabar.

*Criminatio
avarorum.*

Hanc igitur contra avaritiam accusationem suscipere placuit, quod præ reliquis non ita remota ab ingenio & facultate mea propter vulgaritatem eorum, quæ in hanc dici solent, videretur.

Summa.

Et si maximè non argumenti aliis inopia, aut præsentis facilitas invitasset: perpulisset tamen ipsius vitij indignitas. Quam enim vitæ partem, quod pietatis officium, quos mœurs adeò sanctos & religiosos, integros ac impollutos nobis reliquit fœdissimi huius vitij læs ac contagio?

Dicam igitur de avaris, & breviter avarorum hominum turpissimos mœurs ob oculos vobis statuam, ut maturè diligentissimeq; adulentior ætatem nostram ab huius impetu ac hostilibus machinationibus communiamus.

Secunda pars exercitiij Contrarium.

I. *Propositio.* Liberalitas & honestus pecuniarum usus est optimus.

mum ornamentum vitæ.

2. Eadem non est turpis aut hoxia.
3. Sordes illæ ut appellantur sunt verè sordes? famam, consilia ac incepta omnia & totam vitam pessimè conspurcant.
4. Tanrum abest ut à sanis hominibus laudentur.

Tertia pars Narratio.

Exponat acta singularia avarorum ridicula & sermones, quibus produnt avaritiam homines.

1. Quam sint meticulosi, quam sollicitè agant: a cibo, potu, somno abstinent: sursum deorsum cursitant, tristitia ex omni apparet vultu, Semper gemunt, nonnunquam etiam flent.

2. In cibo & potu miserè se habent: Pane & Sale victitant: olus insipidum ex jure hesterno liguriunt, aquam bibunt, & tamen conquerruntur se nimis carè & largiter vivere. Sæpe à prandio & cœna abstinent, ut comparent: & dicunt hoc sufficere naturæ, & sanitatis causa facere se: Sordes & cineres a panibus non refecant, peccatum esse aiunt, panem ira abicere pedibus conculcandum, Lardum cum corio aut tergore infumato, pisces insolatos & carnes crudas vorant quod sic diutius suffectura fami putant. &c. Sic porro narrentur ipsorum facta & sermones in acquirendis pecunijs & conservandis, in erogandis, si usus sit: in amisissis forte fortunâ, in periculo amittendarum. Item in honoribus, quomodo omnibus supplices fiant quorum gratiâ aliquâ videntur quid lucrari posse. Item quomodo se vilissima pecora æstiment ipsi. Item in humanitate: huc pertinent elegantia sordidata, in incessu, in vestitu, in munditie totius corporis. Item in jocos quam sint insulsi: In veracitate vel simulando. Simulant se pauperrimos, & queruntur suam tenuitatem. Demum in negotijs sunt defraudatores.

Quarta pars exercitiij Comparatio.

Comparentur cum aliquo istorum animalium, in quæ virgilij, ut feruntur, versus ludunt.

Sic vos non vobis nidificatis aves:

Sic vos non vobis mellificatis apes:

Sic vos non vobis vellera fertis oves:
Sic vos non vobis fertis aratra boves.

Quinta pars γνώμη.

1. Opinio. Vitam nostram plurimis, egre agunt. Respond. At non infinitis; statuendus est modus cupiditatum.

2. Plurimos minus curantes rei familiaris in miserrimam devolutos esse egestatem. Respond. fugiatur igitur ista Charybdis sed & hæc Scylla. Ita enim fumus fugiendus est ne in ignem incidas. Stulti dum fugiunt vitia in contraria currunt.

Sexta pars exercitiij Egressio.

Monstret unde hoc vitij sit: quibus ut plurimum nascantur parentibus avari, quâ naturâ, educatione, alijs moribus &c.

Septima pars exercitiij præcisio misericordia.

Odium avaris moveat, quod plurimis modis sint turpes & noxii homines.

Octava pars exercitiij.

Probet mulctandos thesauris illis suis, ut abstrahantur à malitia & hoc ex locis universalibus necessario, justo &c.

LOCUS COMMUNIS
SEPTIMUS.

In SUPERBOS.

Exordium instituatur à necessitate ipsius argumenti. Figura elocutionis sit simile.

IN corporum morbis illi videntur salutarem Reipublicæ operam præstitisse qui adversus luem aliquam publicè grassantem aliquid præsentissimi remedij, aut ipsi invenerint, aut aliunde etiam acceptum publici usus fecerint. Quare & hæc oratio merito debet esse grata

quæ contra Superbiam turpissimam morum optimorum labem instituta fuerit. &c.

Secunda pars exercitiij Contrarium.

1. Modestia est pulcherrima virtus valde ornans omnem sanè ætatem, imprimis vero adolescentiam.
2. Modestia, si ipse de te quam tenuissimè opineris ac submisce te geras, omnibus honorem ac reverentiam præstes, non est vitio vertenda, quod à multis corruptissimi iudicij hominibus fit.
3. Intolerandum & deforme vitium est superbia.
4. Si omnium primus tibi esse videaris, neminem parem agnoscas, fastidio intolerabili adversus omnes te efferas, istos inquam mores annon indignum est vulgò, ab ijs, qui scilicet sunt affines, commendari?

Tertia pars exercitiij Narratio.

Exponatur hic quibus rebus prodant superbiam. 1. IN PERICULIS: antequam illa adfint omnia se diffilare, ruere, rumpere, rapere, prosternere velle comminantur. Ut illud huc conveniat Poëtæ.

Digna atq; indigna relatu

Vociferans &c.

Ibat & ingenti sese clamore ferebat.

POST PERICULUM vel in tuto constituti, vah quanta sua narrant facinora?

2. IN PECUNIIS: In Sermone meras has crepant: sive illas aliquas possideant: sive mediocri re familiari sint: sive etiam omnium egentissimi. Nummos ipsos ubiq; ostentant: Præsentem circumferunt secum pecuniam & nullis constrictam loculis, & aliqua mascula copia, ut commoventibus se istis longius possit audiri sonus. Et frequenter numerant alijs præsentibus: & sibi perijsse aliquam pecuniæ summam præ negligentia dicunt, sed arrident ac contemnunt. Conqueruntur sibi deberi à nobili aut principe aut alio divite homine, nec posse se nummum impetrare. Quærun de moneta commutanda: nummos minutulos contemnunt, omnia licitantur etiam preciosissima.

3. IN VICTU magnificè volunt apparari omnia, quantumvis

*Videatur
Plautimi-
les gloriosus*

minus delicata: Servitia ad mensam astare, ad nutum ac tussum Domini manus osculari, & quærere ecquid libeat.

4. In collatione ad alios: majoris loci atq; ordinis homines oderunt, pessimè loquuntur de absentibus, criminantur superbiam.

Pares & INFERIORES Vili habent: volunt se in oculis gestari, aut accusant illos imperitiæ. NATALES SUOS & originem deducunt à principibus & nobilissimis familijs, vel etiam ab ipso Jove. Semper in ore habent familiaritatem suam cum viris magnis & quid cū illis olim negotij gesserint, & quid locuti fuerint. In honoribus conferendis vel expectandis alij callidiores norūt dissimulare: alij crassiores, produnt se sponte, certant, litigant, exprobrant, Utriq; querulantur non haberi rationem bonorum, doctorum, industriorum in mandandis officijs, se autem intelligunt.

In collatis honoribus magis ac magis insaniunt, & pavonis instar collaudati pennas explicant; omnibus imperare volunt, sapientissimos, honestissimos omnibus virtutibus & omnium bonorum genere instructissimos & politissimos se esse arbitrantur. In denegatis honoribus ira exardescunt, contumeliās & vim expediunt, sibi ipsi præ impatientiā, aut luctu diuturniori aut violenta manu mortem afferentes.

5. IN IRA levi occasione commoventur: quia facile suspicantur se contemni. Hancine ego contumeliam tam insignem ut feram dicent, si forte amica cum alio viro collocuta fuerit, & isto quidem præsentē. Et gravissimè quidem exardescunt: Mori me satius est dicebat Thraso. Sed ridiculo eventu una mulierculæ lachrymula vix expressa omnem istam flammam atq; incendium universum extinguet aut si à verbis ad rem eatur.

6. In elegantijs, in incessu, vestitu, verbis, vultu, mistace, armis. Omnia magna: ut vacca illius apud Virgilium 3. Georgicorum.

Cui turpe caput, cui plurima cervice,

Et crurum tenuis à mento palearia pendent

Tunc longo nullus lateri modus omnia magna,

Pes etiam & camuris hirtæ sub cornibus aures.

Sic nostris setosumq; caput; frons torva, & plurima circum

Longè amplexa ambit cervicem lintea nubes:

Et

Et poplitum tenus umbra à vertice plumea pender:

Tum tumidis nullus caligis modus. Omnia magna;

Vox quoq; & indigenis malè collita barbara verbis.

Sed & incessus ita lepidè, ita venustè ab eodem poëta expressus, ut nihil supra 10. Æneidos.

-Ingentem quatiens Mezentius hastam

Turbidus ingreditur campo quam magnus Orion,

Cum pedes incedit medij per maxima Nerei

Stagna, viam scindens, humero supereminet undas.

Aut summis referens annosam montibus ornum,

Ingrediturq; solo & caput inter nubila condit:

Talis se vastis infert Mezentius armis.

7. Dissimulationem & simulationem oderunt: quod ipsi tacendi ac loquendi artem non didicerunt. Adulatores tanquam alteram animam suam amplectuntur.

8. Jocos possunt ferre in alios dictos, in se non item: Insulsos reddunt, quos tamen putant lepidissimos esse, & cum nemo rideat, quomodo alij olim riserint, narrant. Omnes qui aderant risu emori.

Quarta pars exercitiij. Comparatio.

Cum Narcisso qui suo ipsius amore peribat lib. 3. Metamorphoseos fabula 6.

Item cum flammâ, quæ supra fumum eminere vult, & sic nutrimentum relinquens evanescit. Item cum Tantalo qui sitiens fugientia captabat flumina. Item cum inambulantibus in umbrâ.

Quinta pars exercitiij γράμν.

1. Eos ajunt esse nunc mores, ut impudentia optima atq; unica sit ad honores ascendendi via, & nisi te ipse ingeras, atq; obtrudas spe excides: &

Heu frustra alterius magnos spectabis acervos

Concussaqs famem in sylvis solabere quercu.

Respondeo. 1. Per Indignationem: eò devenisse rem communem, eo mores abiisse, 6 mores!

2. Negando apud prudentes homines valere istas artes & non

potius

potius verecundiam in tribuendis honoribus præcipue spectari.

Esse eam animi quandam magnitudinem.

2. opinio.

Respondeo. Per risum & Ironiam comparando istos cum viris magni animi.

VI. VII. & VIII. partes ipse finge.

LOCUS COMMUNIS

OCTAVUS.

DE MODESTIA.

Exordium à commendatione rei. Figura Elocutionis asumptio.

1. Assumptio

2. αἰσιο-
λογία.

3. Accom-
modatio
vel docili-
tas.

4. Propositio.

2. pars
Narratio.

Cum in omni homine ad eam partem procliviores esse debeamus, ut quæ ad laudem pertinent, ea seligamus atq; amplectamur libentissimo animo, à vituperatione abstinentes: tunc præcipue hoc in illis observari volumus, qui hoc candore erga alios usi sunt. Sive quoddam latens atq; abdita quædam virtutis natura ad eum sui amorem invitet: sive quoddam hac nostra commentatione, virtutis studium pro nostra virili portione promotum cupiamus. Quæ cum ita se habeant, quis jure eam orationem reprehendere ausit, quæ in modestia commendationem suscipiatur? Quid enim modestia est? an non ea virtus quæ omnem oratorem in ipso ad causam aditu auditoribus commendat? quod enim ignotum vobis esse non potest, ex hujus virtutis apparente quadam facie in ipso orationis vestibulo, conciliatur auditorum animus & adjungitur ad usum dicentis: hujus autem mira quædam alacritas excitatur ac fovetur. Quare non pro dignitate quidem, neq; enim ita arrogans sum, ut hoc mihi tribuere auctorem, sed tamen pro ingenio, pro eo quem non ego tantum debeo, sed quo vos omnes ardetis hujus virtutis amore ac studio, pro temporis demonstratione, quæ occurrent in medium, afferamus. Quid agant modesti unde agnoscuntur, & maxime suaves sunt istorum hominum mores. 1. In periculis non obtrudunt quidem se, sed si provocentur non tergiverfantur. Tunc non multa promittunt, sed excusant imbecillitatem suam, ita tamen ut subire non detrectent. Hujus generis est illud

Entell

Entelli factum 5. Aeneid. qui dum Dares tota castra provocat, patitur quidem id, verum cum ipse increparetur ab Aceste, excusat quidem, sed ita ut prodeat in arenam tandem. Et gravis oratio est.

Non laudis amor, nec gloria cessit

Pulsa metu. Sed enim gelidus tardante senecta

Sanguis hebet, frigentq; effœtæ in corpore vires.

Si mihi, quæ quondam fuerat, quaq; improbus iste. &c.

In periculo sunt constantes, acres & vigentes. Sic noster,

Stat gravis Entellus Nisiqu; immotus eodem.

Tum pudor incendit vires & conscia virtus,

Præcipitemq; Dâren ardens agit æquore toto :

Nunc dextra ingeminans ictus nunc ille sinistra.

Eluctati autem gaudet sanè ostentatione suæ alicujus virtutis, admittâ tamen & colorante quasi verecundiæ purpurâ. Neq; hoc adversum est modestiæ, ut :

- dum Palmam Entello taurumq; relinquunt,

Hic victor superans animis tauroq; superbus,

Nate Dea, vosq; hæc, inquit, cognoscite Teucrî,

Et mihi quæ fuerint juvenili in corpore vires. &c.

2. DE PECUNIIS, in sermone raro mentionem faciunt, quia putant non in opum possessione sed virtutis consistere commendationem. Si omninò facienda mentio est, neq; prædicant neq; extenuant : sibi sic satis esse, ajunt, Dei gratiâ, undè necessaria suppetant. Referantur cogitationes ad contraria eorum quæ superiori exercitio in hac parte dicta sunt. Superbia est fœdum vitium. 2. Superbia non est in virtutibus & ornamentis habenda. 3. A modestia prudenti, adolescenti homini præsertim oritur commendatio. 4. Non debet modestia vitio duci. COMPARATIO cum arboris semine. Hoc ex alia arbore est : ita modestia ab aliorum discitur exemplis. 2. Hoc intus in terram abditur, ita ad virtutem hanc ipsum animum oportet alluefieri. 3. Crescit occulto ævo omnis arbor, ita diuturniori tempore maturêscit, hujus virtutis furculus. 4. A sole ac pluvijs incrementa capit arbor : ita modestia a laude & gratia virtutum nutriculis. 5. Arbor tempestates experitur, ita modestia calumniam. 6. Tempestatum vehementiæ arbor cedit, & sic periculum fractionis evadit :

3. p. contrarium.

4. pars.

Ita hæc virtus hostili adversationi. 7. Tandem arbor ad eam magnitudinem excrescit, ut à tempestatibus non metuat, ita tandem modestiæ bona causa triumphat.

5. pars
Gnome.

Opiniones præclaræ de hac virtute sunt: naturâ ad superbiam proclives sumus: & sic medicina quædam est modestia. 2. honores parit. 3. amicitias adjungit. 6. 7. 8. pars jam sunt notæ.

LOCUS COMMUNIS NONUS.

Contra Fracundiam.

EXORDIUM ab argumenti commendatione. Figura Elocutionis est sententia ex quarto progymnasmate.

Fra furor brevis est.

Paraphras.

Inductio. 1.
à partibus
subiecti.

Inductio à
partibus
prædicati.
Contrariū.

Simile.

Exempla.
Adelpb. act.
5. scen. 3.

act. 3. sc. 3.

Eleganter dixit quisquis est author. Hoc voluit, eos qui ira effervescent, parum ab insanis abesse, adeoq; impedita esse rationis, ut nec quid agant, aut quid persequi, quid præcavere oporteat, satis ipsi sibi consulere valeant. Et hoc verissimum deprehenditur, si cogitemus exempla, quàm insanire videantur fortè excalescentes anicula, aut pueri, aut rustici, aut ebrij, aut alius aliquis de plebecula. Quomodo fremant isti, ferveant, tremant, toto vultu exalbescant, labra mordeant, dentibus infrendant, ea omninò agant ac loquantur, quæ à mente sana nunquam proficiscerentur. Undè si quis sanè est homo paulò prudentior, diligenter cavet ab ista commotione, tanquam ab aliquo furore. Quid enim aliud est iratus quàm Euripus quidam turbinis ac ventorum excitatus agitatione, ut non continere se queat, obicibus ruptis, ut poëta ait: effundat se in cælum, fluctus jactet, & variè colladat, non sine vehementi obstupescatione spectantium, quid dicant Jactatorum. Cogitate mihi Demeam Terentianum, & leviter sanè, ut sibi videtur, insanientem: Hei mihi quid faciam? quid clamem? aut quid querar? ô cælum ô terra? ô maria Neptuni? Aut Ceram servulum: Vix sum compos animi, ita ardeo iracundia, seni animam exstinguerem, Syrum impulsorem vah quibus lacerarem modis: Aut Ajaxem apud Ovidium.

Pu.
Jra
ximè
minis
tiæ li
erit co
um qu
us alij
impos
quant
tas no

circa h
vultu,
Quom
tissim

2.
tur, qu
tate co
sunt pr

1.
2.
quæda
beban
ea, qu
tum
quibu
sci ve

He.

Hectora qui solus, qui ferrum, ignemq; Jovemq;
Sustinuit toties, unam non sustinet iram:
Invictumq; virum vincit dolor.

Pulchrum est illud Poëtae veteris:

Iratus etiam facinus consilium putat: tanta est insania, ut qui maxime desipiat, sapere tamen sibi videatur. Et illud ex sacris: Ira hominis iustitiam non operatur, sive non poterit se continere intra Iustitiae limites homo ab irae violentia abreptus. Operae precium igitur fuerit contra istud iracundiae vitium, plus æquo sanè familiare in medium quædam afferre: quod quò gravius mihi sanè onus est, eò libentius alij cuilibet auscultarem quàm ipse dicerem, ita tamen ut cum mihi impositum sit, non esse animum abijciendum planè, sed quantum quantum est, sustinendum censeam, si vestra in iudicando æquanimitas non nihil quasi humeris partem aliquam subeundo adjuverit.

Quid faciant Iracundi: in periculis: in victu: circa pecuniam: circa honores: in ipsa commotione, quando se contemni putant, quali vultu, oculis, toto corpore appareant: quid loquantur ac quomodo: Quomodo amoliri conentur adversa, ad arma volent, in pericula certissima conijciant se, irritò conatu ut Priamus,

Quaquam in mediâ jam morte tenetur:

Non tamen abstinuit, nec voci iræq; perpercit.

At tibi, pro scelere, exclamat, &c.

Telumq; imbelles sine ictu conijcit &c.

2. Æneid. Quomodo imprecentur, convitia dicant: lachrymentur, quales sint in simulando & dissimulando, quales in jocos, in suavitate convictus & amicitia, in negocijs vel contractibus, ad facinora sunt proclives.

1. Iræ posse temperare est maturi & prudentis animi indicium.

2. Non est ignavia. 3. Exardescere verò & effervere est mollities quædam, nisi id forte officij exigat ratio, & qui spontè morigerari debebant, reprehensionis & pœnæ severitate adigendi sunt ad facienda ea, quæ jubebantur. 4. Extra hunc casum pronitas ad iracundiam, tum ipsa vehementior commotio valdè hominem deformat. Unde quibus chari esse volumus, & à quibus magnifери, his præsentibus irasci veremur, ne turpitudine abalienemur, & hinc etiam veniam preca-

Ultimo Me-
tamorph.

Alia senten-
tia.

Conclusio
habet docu-
mentum vel
propositionem.

2. Narratio

3. pars
Contrariū.

4. *Comparatio.*

ri solemus, & excusationem afferre commotionis.

Acutissimè judicavit Aristoteles, qui iracundòs cani perfimiles dixit: 1. Ille pervigil & attentus ad omnem strepitum ac molestiam: ita hi observantes rerum sibi adversariorum & perspicaces. 2. Ille si-
 dus sanè dum damni avertendi causà advigilat, cavet ne quid capiat
 detrimenti res herilis: sed in eo infelix ac miser, quod non à ratione
 instituitur ac regitur, ideoq; sæpè errat, ut periculum denunciet ubi
 nullum est, & alicubi fileat quòd furem amicum putet, aut aliud da-
 mni non rectè intelligat: ita nostri non inhonesti quidem, id unicè
 solliciti sunt, ut famam tueantur, sed prudentiæ duce carentes obse-
 quuntur iracundiæ raptui. 3. Ille celeriter levi occasione excitatur,
 subsilit, magnas turbas dat, omnia personat latratu: ita nostri de lana
 caprina ingens rixarum bellum conflant. 4. Ille catena aut loco
 constrictus tanto acrius sævit, ita hi si deterreas & adverseris. 5. Ille si
 potest, dentibus impetit ac lacerat sæpè innocentes: ita hi ad arma ad
 necem etiam præcipites ruunt. 6. Ille familiarium irritatur blandi-
 mentis, increpatione compescitur; ita hi uxoris aut domestici alicu-
 jus minis aut graviore reprehensione.

5. *pars*
ὑπόψιν
vel opinio-
nes quibus
se defendunt

1. Ira, inquiunt, est cos fortitudinis. Responsio: Si modus
 adsit: si rationis habenis coërceatur. Aliàs fiet quod in ferro si duci-
 us ad cotem teratur, ut ad nimiam aciei subtilitatem redigatur, & ma-
 nibus tractari non possit quin lædat. 2. Ajunt non posse se sibi impe-
 rare? Responsio: consilium suggerit Horatius:

Animum rege: qui nisi paret,

Imperat. Hunc frenis hunc tu compesce catenis.

Paraphra-
sis.

Vim quodammodo iræ adhibe, tanta tibi ipse, quam turpè, quā
 periculosum sit ab ista furoris inflammatione abripi: si naturæ procli-
 vitas ad aliam invitet partem, tu rationis ac prudentiæ & venustarum
 sententiarum lupatis terrorsu trahito ac prohibeto.

6. *pars. E-*
gressio vel
παρενθεσις.

Dicat causam & occasionem horum morum ex circumstantijs
 personarum: idq; in partem malam vel cum reprehensione. Quem-
 admodum tutius mari se committunt, qui scopulos brevia & Syrtis
 diligenter notata habent: ita prudentius in vita existimo versaturum,
 si quis non tantum à vitijs cavendum esse noverit, verum etiam occasi-
 ones ad ea offendendi, quasi scopulos quosdam aut ipse observaverit.

aut

aut ab alijs animadversas cupidè studioseq; attenderit. Itaq; auditores ad eas occasiones undè fit ut in iracundiam plerumq; dilabantur, animum orationemq; referemus. Principio autem gentis undè orti quisq; sumus; quædam barbaries multis ad eam animi incontinentiam fomes ac causa fuit. Quò enim natio aliqua ab humanitatis quasi culturâ remotior, eò ad crudelitatem quandam & iræ immoderationem propensior. Unde qui ab istiusmodi naturam & generis originem ducunt, etiam morum hanc feritatem attrahunt. Quemadmodum enim leonum catuli non tam imitatione, quàm ingeneratâ quadam bestijs sui generis indole rugitus edunt, prædam sectantur: minorum virium animalibus obvijs ungues iniiciunt: ita ex populo aliquo ad immanitatem projecto oriundus cum natura etiam mores istos communes plerumq; habet.

1. Digressio per correctionem.

Quamquam etiam in excultis populis invenias nimis multos plus iusto severos & ad iram propendentes. Ubi sæpè parentum culpa fit, ut vel cum lacte materno furores illos imbibat infantilis ætas, vel a dulcior exemplis iracundorum corrumpatur parentum, Aut si etiam ab hac culpa alieni fuerint, in eo tamen sæpiusculè peccant, præsertim matres, quod teneræ ætati nimis parcunt, nimis tribuunt, nimis patiuntur eam suo more vivere. Undè cum parietibus domesticis egressi sunt, nec ita tenerrime ab alijs se observari sentiunt, facilè adversus istos excandescunt, à quibus non offenduntur quidem, sed saltem non satis honorificè pro opinione sua habentur. In plerisq; tamen fit, ut cum non tantum in parentibus nihil desiderari possit, sed etiam optimam in liberos indolem visi sint propagasse; tamen aut malitiæ indulgentes liberi, aut prava institutione miserè seducantur. Multos enim impelli animadvertas, ingenerata quadam propensione vel ad suspicionem, vel ad superbiam, vel ad morositatem quandam, vel etiam ad fortitudinem & audaciam: undè ijdem ad irascendum faciles: item eos qui cholæræ vel flavæ bilis multitudine abundant, frequentibus iracundiæ stimulis exagitari, communis fert opinio. Ubi quò difficilius est affectûs vehementiæ imperare: eò accuratiorem oportet adhiberi operam ab eo qui institutioni præest, ut hæc repugnatrix naturæ vis quam maturimè debilitetur. Verum ita fit, ut pleriq; ex istis quorum

1. Circumstantia patria vel natio barbara vel non.
Expolitio 1. per Synonymiam.
2. per simile

3. 4. 5. pos- sunt addi contrariæ exempla, sententiæ authorum.
2. Circumstantia parentes maiorum.

Parentes, Bonorum morum.

3. Circumstantia Natura mala vel bona.

4. Circumstantia. Educatio.

5. Circum-
stantia à
moribus bo-
nis & malis
digressio à
simili.

Species mo-
rum. 1. For-
titud.

2. Audacia
3. Liberali-
tas.

4. Avaritia

officij est, negligenter hoc exequantur, aut nimia ignavia relaxent fre-
na, aut ipsi intempestiva acerbitate irriterent. Nonnunquam cum et-
iam recte ab hac parte provisum est, ea tamen deprehenditur vitij hu-
jus lubrica quasi levitas, ut instar serpentum aut aquarum pluviarum,
vel angustissimis rivulis aut occasionibus in animum se insinuent.
Atq; hinc accidit, ut postquam omnia à parentibus & præceptore se-
dulo diligenterq; facta sunt, tamen ubi ex Ephebis excesseris, tandem
custode remoto: vel saltem ubi jam matura virum te fecerit ætas, à
consuetudine quadam vivendi sæpè non mala, nisi caveris, ad hanc ira-
intemperantiam inviteris. Qui enim periculorum metum sustinere
animo præsentì assuefacti sunt: quod metu isto tanquam freno quo-
dam remoto, aut remissius adducto minus continere se valeant, qua-
libet occasione & non leviter quidem accenduntur. Hæc molliores
extenuat omnem illam fortitudinis laudem. Turpissimum enim est
quando dicitur: Hæctora qui solus &c. Et huc pertinet fabula de Pe-
gaso & Perseo. Multò magis hoc accidet audacibus, ut modum intra-
non observent, quippe qui ad quamvis molestiam depellendam molli-
sima quasi aura excitantur. Item si quis studiosior fuerit honestæ par-
simoniæ & rei familiari deditus, iniquius feret aliorum maxime suo-
rum profusiones, ut Demea Terentianus: sed nihil efficit ista stoma-
chatione, nisi ut sibi molestiam creet, istis intempestiva reprehensione
animum addat, quo libeat magis voluptati obsequi. Gravior est ho-
minum tenacium & avarorum commotio adversus istos, quos alieni-
ores à suis moribus vident, & in pecunijs profundendis vel etiam ho-
nestè elocandis paulò liberaliores. Bis ridiculi homines, qui & ipsi
ab honestate aberrant, & præterea nihil rectum putant fieri nisi quod
ipsi faciant. Sic porro reliqui describuntur mores, quatenus sunt oc-
casio iracundiæ: Deinde dicatur de virtutibus intellectualibus, homi-
nibus eruditis & ineruditis & in quolibet genere peritiæ, & qui ad
hoc vitium proclives sint ex istis: item genera vitæ & sexus & corpo-
ris figura & actiones vel negotia & reliqua, quæ possunt esse materies
iracundiæ afferantur ex 2. progym. 7. 8. pars in alijs describuntur.

LOCUS COMMUNIS

DECIMUS.

DE MANSUETUDINE.

EXORDIUM à commendatione argumenti: Figura Elocutionis gnome ex 3. progymnasm. Verè gemmea est illa Ciceronis sententia in aurea pro Marcello ad Cæsarem oratione: *Animum vincere, iracundiam cohibere, victoriam temperare: hæc qui faciat non ego illum cum summis viris comparo, sed simillimum DEO iudico.*

Egregia sanè Mansuetudinis commendatio, & digna tum ipsa virtute hac, tum tanto hujus laudis artifice Cicerone dico eloquentissimo. Nam quid poterit eâ dici angustius? tantum scilicet laudis ab hac virtute accedere ijs, qui ea ornati fuerint, ut non sufficiat communibus cum alijs laudatissimis viris prædicationibus efferre, sed ijs præconijs & quodammodo hymnis decantandi sint, quæ ultra humanam sortem constitutis semideis aut herois ascribimus. Addantur hic Inductio, contrarium, simile, exemplum, sententiæ aliæ, demum conclusio per accommodationem ad rem præsentem, vel digressio ad propositionem. Exempli gratia: dicam de mansuetudinis, quæ iræ moderatrix est, insigni necessitate, & quantum hæc ad vitam ornamentum afferat.

Paraphra-
sis.

Narretur hic quid agant mansueti, quomodo imperent sibi, & quàm placidi ac clementes appareant in periculis. Propositio. 1. Nimia sævitia valdè reprehendenda est. 2. Non est commendanda. 3. Item nimia lentitudo & ignavia, si officij causa excandescere debebas, & pateris alios abuti tua lenitate, à quibus metuendus eras: hæc est in vitijs ponenda, & non laudanda. 4. In medio posita est moderatio animi, qua temporum locorumvè conditio, personarum officiorumq; ratio, causarum pondera, culpæ ipsius cum commotione æqualitas & alia accurratè attenduntur. Hæc prudentiæ summæ est. 5. Non est vituperandum si sic excandescat quis, aut etiam lenis & lentus sit, si ira exigat ratio. Item huc addi potest narratio de utriusq; istis moribus malis nempe de Iracundia & lentitudine.

2. pars Nar-
ratio.

3. pars Con-
trarium.

Comparetur mansuetus cum forti. 1. hic hostes vincit: ille se-
ipsum.

4. pars Cō-
paratio.

Forti-

Fortior est qui se quàm qui fortissima vincit.

2. Ille lapides murorum frangit : hic animi iracundiam vivam atq; oblectantem. 3. Ille contra hostem adversum videns ac vigilans pugnat : hic semper adversus insidiantem. 4. Ille belli tempore hic pacis prodest. 5. Ille hostem à mœnibus : hic à moribus & anima pellit. 6. Ille adversus externum hostem, hic adversum internum & non tantum iisdem mœnibus aut parietibus sed cute etiam conclusum. 7. Ille armis ac vi contendit : hic ratione & consilio. 8. Ille à vulneribus corpus : hic à vitijs animum defendit. 9. Ille non sine sanguine digladiatur : hic amica compositione quanquam non sine acerrima contentione bellum conficit.

5. pars
Gnome. 1.
Digressio
per Epiph.

O homines verè non communibus tantum sed plus quam humanis laudibus ad cœlum usq; extollendi? o aurea vivendi ratio, & plena prudentiæ? nam ut eò vos nunc deducam, hæ illi hominum generis cogitationes, hæ consilia, quæ dies noctesq; animo suo volvunt. 1. Opinio. Ita secum rem reputant : per se aliena imperia esse gravia : quibus si accedat acerbitas quædam ejus qui præest, ut durius & inclementius tractet, increpet, puniat subjectos : ita fieri ut isti planè intolerandi videantur, hi miserrimi, atq; hinc cogitent, quomodo magis ac magis expediant atq; abrum pant se. 2. Præterea etiam illud considerant, quod videtur stoliditas ac fatuitas quædam esse ista graviore commotio, scilicet ubi succumbit rationis imperium, ac deijcitur ab iracundiæ violentia. Quare quàm longissimè abesse debet. 3. Clementia verò & placabilitas ista persuavis ac grata est non alijs tantum sed ijs potissimum, qui dicto tibi audientes esse coguntur, ut non hominem te, sed Deum aliquem aut Angelum coram intueri se, sibi videantur.

6. pars
παρὰ τὴν
ἐξουσίαν
ἐκ τῆς
ἐξουσίας
1. Circumst.
Natio.
2. Circumst.
Parentes.

3. Circumst.
Educatio.

In his moribus fit quod aliàs solet, ut reliqua vita respondeat ac consimilis sit. Quæ enim natio culturæ legum & artium dedita est? quin ex hac oriundos rariùs videas, qui non etiam mansuetudine politi sint cives? idem, parentes ferè nati sunt placidissimos homines, aut qui saltem si quid ipsi in hoc morum genere passi sunt humani, id studuerunt, ut in liberos propagaretur quod in se odissent quidem, sed per inveteratam consuetudinem non ita facili negotio abolere possent vitij. Aut etiam parentibus officium negligentibus : eo-

rum
ra d
Rar
rum
mod
hanc
bitat
anim
possu
pone
cum
lerita
trius
magi
frena
judic
crapu
atq; e
nis p
comp
est, &
item
aut al
cend
mine
nenti
ritati
rium
nenti
tæ ec
hoc
indus
tem
ni ge
rerun

rum beneficio quibus enutriendæ atq; informandæ primæ indolis cura demandata fuerat, ad eam animi morumq; lenitatem assueti sunt. Rara est illa animorum nobilitas, ut cum malis parentum, præceptorum victorumq; ingenijs confisteris: tamen possis ipse vitæ tuæ modum habere. Plerumq; autem ut ad omnem nequitiam, ita ad hanc vehementiam allicimur & exstimulamur naturæ quadam improbitate. Quare non minori studio, labore, contentione, constat hæc animi domitura, quam Herculi suæ victoriæ. Fœminæ sibi difficilius possunt temperare in iræ initijs, sed faciles sunt in ijsdem susceptis deponendis. Virorum ira violentior est, ut instar tonitrus perrumpat, cum illa muliercularum iracundia tanquam fulgur quoddam, qua celeritate eruperat, etiam dissipetur. Itaq; insigni cum laude fit: si utriusq; violentiam sub rationis imperium cogamus. Viri fortes ut magno utuntur suo commodo, illo iræ impetu, ita etiam oportune refrenare norunt, ne ultra trumpat quàm aliorum prudentium hominū iudicia permittant. Et ut intemperantia, quasi ægrotum animum præ crapulæ doloribus, facit pronum ad excandescentiam: tum affligit atq; eneruat rationem, ne sufficiant vires in retinendo animo à rationis præscriptis abeunte: ita temperantia maximè iuvat mentem in comprimenda bile. Idem etiam reliquas virtutes facere sentiendum est, & comprobatur experientia. Idem enim liberales & clementes, itemq; minus ambitiosi: non enim qui libenter de honoribus cedat, aut alijs largiendo inserviat, videtur causam habiturus esse, cur ira succendatur. Ita porro suaves & humani qui sunt, itemq; multi joci homines: non tantum abstinentes esse ab effervescentia, sed hujus abstinentiæ accessione quasi quandam suavitatem illam acquisivisse, veritati persimile est. Eodem modo integritas ac candor & iustitia si serium est harum virtutum studium, non patiuntur secum iræ incontinentiam: non solum quod hujus rei testis optimus est quotidiana vitæ consuetudo, sed etiam quod omnium virtutum dux prudentia hoc diligenter providet, ne quid à vitijs maculæ adhæreat in eo, qui industriam in virtute operam posuerit. Porro non parum hanc virtutem ornant egregij hujus cultores, flos nempe & anima totius humani generis. Quicquid enim est hominum non alienorum à literis & rerum aliqua cognitione non tantum subtili illa atq; accuratâ, verum

4. Circūst.
Natura
bona.

Sexus.

5. Circumst.
mores. Fortitudo.

Temperantia.

Alia virtutes.

6. Alij habitus.

8. Circūst.
officia.

etiam vulgari & in communi hominum usu positā: Idem perstudiosi sunt mansuetudinis, ut vel ab ea ornati sint, vel si id assequi non possint, saltem ut irā illam impotentiam nescio undē irrumpentem, quantum possint dissimulent. Quemadmodum illud etiam non ex quo ornamento est, quod viri principes se ab hac virtute imprimis commendari volunt, & hanc se cum Deo solam communem habere putant.

Quo quisquē est major, magis est placabilis irā.
Et faciles motus mens generosa capit.
Regia crede mihi res est succurrere lapsis.

hoc est

A superis ortā nobilitatis opus.
Hoc tecum commune Dijs, quod uterq; rogati
Supplicibus vestris ferre soletis opem.
Considerentur ad eundem modum reliquarū personarum
circumstantiā.

VII. & VII. partes ipse adde.

LOCUS COMMUNIS XI.

IN EBRIETATEM.

EXORDIVM. Captat benevolentiam à rei jucunditate: narratur fabula de rustico convitium dicente Parocho suo inter pocula: quod Rusticus diceret asinum sibi esse domi multo sapientiorē istō Monacho. Res ad Magistratum delata est. Confessus est convictum Rusticus. Ita autem defendit, non esse injuriam factam à se homini: quod asinus suus nullis verberibus adigi possit ut ultra situm bibat. Monachus vix ullis prius jurgijs abigi, quam tantum exhaustisset ut nec pes, nec mens officium faciat. Risu omnes emori. Tandem secundum rusticum pronunciatum: hūc miser parochus ab asino melius sapere doctus est, cum fortassis alias multorum graves admonitiones de fugiendo hoc vitio nunquam furdo sibi fabulam narrare passus esset. Idem de Lacædemonijs commemorant: quod anniversarijs

qui-

quibusdam ferijs servos ebrios in conspectum liberorum produxerint, ut horum ridiculâ insanîâ ab ebrietatis turpitudine abstraherentur, à qua præceptis & hortando difficiliore negotio abstinere posse viderentur.

Item narra de Solone insaniam simulante, ut legem quandam Reipub. damnosam abrogaret. Et de Medico phreneticum curaturo: qui cum hic gallus sibi videretur ille item gallum se esse, h. e. cum insaniente insanire se simulavit, ut ad sanam mentem reduceret. Sed quorsum hæc? cum insano & phrenetico hominum genere negotium mihi est: quia temulentis, & ebrietatis vitio deditis medicinam facere allaboro. Itaq; istorum quos dixi prudentia utendum esse, commodum visum est, ut arridendo potius & fatuitatem quandam & insaniam simulando, quam veritatis acrimonia ac sententiarum subtiliter excogitarum gravitate ac pondere experirer. Cognoscetis itaq; lepida: Facite auribus animisq; adsitis.

II. Pars Contrarium.

Belluinum sane vitium est ebrietas: imò ita fœdum, ut pleraq; bestię omnes abhorreant, præter immundas sues, & hominum illud ignavum pecus, in quos nescio quo fortunæ lusu, pro humanâ porci anima ingressa esse videtur. 2. Temperantia & moderatus cibi potusq; usus est virtus elegans, valde hominem commendans: utilissima est, ad omnem vitam bene prudenterq; instituendam. 3. Bibacitas sordes quædam morum sunt, valde deformant, damnum afferunt maximum, omni prudentiæ ac liberali rerum cognitioni &c. Dic quædam de laudibus Temperantiæ.

III. Pars exordii, vel expositio, hæc erit hic pars potissima, itaq; accuratius dividamus.

Sed quoniam fortassis albæ avis instar, cygni puto, rarum est inter nos hoc hominis monstrum: aut potius ut quodammodo oculis usurperis, hanc istorum morum fœditatem paucis delineabo. Hæc igitur studia, hæc artes huic sancto ordini:

1. Quid ad pocula invitet: narretur ridicula occasio: Hæster-

na crapula, aut Tempestas frigida, ut incalescant; calida ut respirent. Cælum sudum hilaritatis causa invitat: aër inelementior, quod ad seria negotia ineptior sit & tardiores fecerit. Congerit aliquis propter lepores: nullus, ut aliquis inquiratur. Pecuniæ copia, quia sine magno dispendio hinc aliquid genio dare licet & moris est: Inopia, ut hujus memoria Lenæo, quasi Lethæo aliquo papavere oblinatur, &c.

2. Quid inter pocula agitent sermonum: Bibe, bibi, bibemus, bibisti parum, bibo tibi, non bibisti quantum ego, bibi quantum satis est, & biberamus & bibebamus, & cum bibissent, & cum bibetis, & si bibero, & cum biberemus, & ad bibendum, & ut uno dicam verbo, hic vivere est bibere, & bibere vivere. Atq; hæc initia ut videntur sobria: Ab his ad spurcissimos jocos descenditur, ad contumelias abitur; tandem in blasphemias erumpunt: multis fere convitijs inter se invehuntur, ad eadem provocant. Gestus porcini, in mensam procumbere, popinam sibi mutuo inhalare, semi somnes assidere, obdormiscere, obmutescere, collabi, vomitu turpissimo gremium, mensam & conclavia implere.

3. Negotia, Nihil rei seriæ agere, negligere rem familiarem, raro domi vivere, in cauponis, lustris, ganeis atatem agere, alea ludere. Vitra coëmere, frangere, nonnunquam deliciarum causa dentibus commandere, una cum potu deglutire, fornaces deijcere, fenestras & fores effringere, noctu grassari, &c.

III. Pars. Comparatio.

Comparentur cum hirudinibus: 1. Cœcæ sunt; ita hi carent prudentiæ oculo. 2. Tantum venter est hirudo, nulla alia apparet pars. 3. Vivit in aquis & humidò. 4. Victitat alieno sanguine, ita nostri aliorum partis fruuntur. Parentum scilicet aut conjugum bona dilapidant, & perigrinorum insidias struunt. 5. Non missura cutem nisi plena cruoris hirudo; ita se immergunt spiculis intra cutem: tantopere sitiunt sanguinem, ut quamvis omnia tentes, excutias, vellites, prius reliquum ventrem à capite, quam bestiolam a sanguinis haustu abripere possis. 6. Plenæ sanguine ipsæ concidunt, ita tamen turgidæ, ut nusquam se possint commovere, aut aufugere. Atteruntur

pedibus. Ita nostri inflati hesterno venas vel semper Iaccho, ridiculi sunt, dum poti lapsant, ac titubant, aut in cœno volutantur. Præterea summis periculis expositi, non furum tantum, & adversariorum insidijs, sed ipsius etiam Diaboli libidini, qui multis præcipitatis colum fregit.

V. Pars Gnome vel defensiones. Ajunt:

1. Se tantopere sitire, ut sibi imperare non possint. Responsio. neg: antecedit? Frustra hoc causantur, coërceant aqua intemperantiam si aliter non possunt.

2. Inter pocula posse explorari socios: quod nuda hic & aperta sunt pectora. Responsio. Non est magna utilitas: cum fortassis & tuum proderere possis malum ingenium, dum alterius exploras, præsertim illos belluinos vini trullas hauriendi mores. 2. Parum honesta est ista exploratio. Quippe per fraudem & dolos in alterius literas inquirere, scelus est: quanto pejus in ipsum animum, per poculorum furta introrumpere.

3. Sic iniri amicitias inter sodales, confirmari fraternitates. Responsio. per contemptum.

O præclaras amicitias cerevisia emptas: tum inter insanientes contractas atq; initas. Unde sanè nunquam hæ felices, aut ad alteram lucem extant fere: Nisi accedat virtutis quoddam vinculum, quod rectius inter sobrios contrahi poterit:

VI. Pars παρέχασις.

Ex circumstantijs describat, qui, quales huic vitio sint dediti.

VII. Pars πραΐσις misericordia.

Ostendat, non posse satis graves pœnas irrogari.

VIII. Pars.

Idem ex justo, utili, necessario.

LOCUS COMMUNIS
XII.

DE URBANITATE.

EXORDIVM ad imitationem Orat: pro Archia.
A significatione gratitudinis.

Debeo hoc officij huic virtuti ut collaudem. Quia illa literarum studia laboriosissima sæpe mollit & relevat.

A significatione modestiæ per duplicem objectionem.

i. Obi. Quid commune literis cum jocis? Responsio. Non possumus ipsis semper dediti esse ne labore nimio frangamur. 2. Est quædam societas: quod joci quam maxime liberales ex literis profisciscuntur.

2. Obi. Cur autem tu potius has partes suscepisti, quam alias quilibet? Responsio: Per deprecationem: Date veniam, quod cum de reliquis virtutibus alij dixerunt, ego hanc mihi delegerim, &c. III. A docilitate, per promissionem, dicatur Propositio: Si mihi benevolentiam tribueritis, efficiam profecto ut intelligatis, nihil hac virtute esse suavius, nihil quod magis hominem commendet.

Narratio.

Quid agant urbani, unde tales agnoscuntur; & quod maxime gratum est: scilicet ea dicunt ac faciunt, quibus alios, & seipfos suaviter afficiunt, & ad hilaritatem quandam traducunt, etiam in periculis hilarum aliquid non nunquam aspergunt, quo metus mitigetur, ut cum hostibus minaretur

Pandarus.

Olli subridens sedato pectore Turnus:

Incipe si qua animo virtus, & confere dextram. Hic etiam inventum Priamo narrabis Achillem. Præsertim post periculum, vel si quid lætius successerit verbi leporem addunt. Ut Julius cum Numam stravisset addit: I verbis virtutem illude superbis. Bis capti Phryges hæc Rutulis responsa remittunt. Et tantum placuit jocus: Teuceri clamore sequuntur lætitiæ, fremunt. Ita in pecunijs honeste accipiendis reddendisq, tum omni harum usu tales omnino, ut non tantum ad aliorum voluntatem prompti adsint: Sed etiam venustate

ali-

aliqua joci condiant. In vieta item magis sermonis quam cibi potusq; delicias amant. In honoribus faciles sunt, cedendo alijs. Quamquam si quis intrudat se indignior, non habet ab his impunè.

Cujusmodi extant multi Ciceronis joci in eos, qui immodestius se in Repub. gesserant.

Candidi & apertifrontis homines sunt, sed tamen quædam multo àliter simulant atq; in pectore gerunt leporis causa. Norunt pulchre simulando exprimere omnium affectuum gestus.

Atq; ejus rei dant in narrando specimen, præsertim ubi hilaritatis causa conventum est. Ibi si narrant quempiam metuisse, metuentis pallorem quodammodo & trepidationem corporis & capitis rotationem, & totam illum meticulosum & circumspectabundum expriment, Ita si quid læti alicui accidisse commemorant, non satis habent dixisse, quod ille lætatus sit, sed pingunt quasi læticiam verbis, & artificiosa ac lepida simulatione scilicet & risu, & cachynnis opplevisse omnia ajunt, tum humeros alternatim attraxisse & manus complosisse, & hæc rustica dicunt saltem. Illa vero etiam exprimunt; ore remidenti respondisse: leviter à severitate remississe vultum, tum manus extulisse, barbam mulsisse. Valde hæc afficiant auscultatores, ut & libenter audiant, & delectentur ingenio versatili. In jocosu convictu lepidissimi sunt, & facillime inveniunt, quod risum modestum alijs honestis hominibus exciret. Interim servant circumstantiarum decorum, ut non apud peregrinos aut Majores ordine vel natu nimis familiares se gerant, aut dum seria interturbantur, aut religioso loco, aut ne ultra modum indulgeant: Sed ut posthabeant ludos suos serijs; cavent ne copia satietatem pariat. Nec pretio inducti, aut ut gratiam alicujus venentur, joci operam dant. Quamquam delectare alios minus molestum est; sed tantum virtutis ipsius vel elegantiarum ipsarum amore. L o c o s etiam aliquos dicam, U N D E I N V E N I A M J o c o s. Vel se vel alios aliquo leviculo modo turpes apparere præter expectationem faciunt. Hinc enim risus oboritur, ut quando Nisus faciem ostentabat, & udo turpia membra fimo risit pater optimus olli.

Sic Cicero ubi confessus fuerat in senatu, quantam spem sibi fecisset de quibusdam hominibus, quomodo in errore fuisset versatus,

vel

vel quomodo spe exciderit, cum id sine commotione narrasset, Visa est oratio jucunda & non mediocris risus est consecutus, lib. 5. Ep. 2. Illud autem assequuntur simulando saltem, aut etiam veram narrando suam simplicitatem & ruditatem, & si inde damnum non nimis grande ortum sit, aut oriatur. Dicunt E. G. quomodo ipsi aut alij avibus insidias fecerint. Sed imperiti artis fuerint, in foveam ceciderint, aut à vulture turbati sint, aut alio infortunio, præda sua privati, & propterea d' immo aliquo aucti fuerint. Deinde & hinc datur risus occasio, si sci: alium simpliciorem aut omnes præsentem contradictione vel lencho quodam apparente implices, quod sit captione verborum, Ut si quis forte dixerit: Se hominem vidisse & jam hinc annos triginta natum, vix cubito altum. Dic non esse hoc mirum, te etiam vidisse hominem majorem natu, nisi opinio fallat, vix dimidio cubito altum: explica autem cum puer esset. Item si quis narret meminisse se bovem videre qui &c. Absit inquit, an tu aliquando bos fuisti? Ita si quis forte commemoret, quod Papa pater dictus sit: subijcies, & tamen dicunt Papam aliquando peperisse, & sic reliquis sophisticis locis præsertim ex falsa causa, uberrima petitur ludendi materies.

III. Contrarium.

Rusticitas qua nec excogitare valeas ipse, nec aliorum sufferre jocos possis: ipsis etiam qui ea laborant tanquam scabies quædam molesta est ne dicam alijs. 2. Itaq; non debet ea tanquam taciturnitatis nomine & modestiæ ut fit commendari. 3. Suavis & elegans est urbanitas. 4. Nec reprehendi poterit.

IV. Comparatio.

Comparetur cum medico, hic corpus à morbis, ille animum à curis levat. 2. Hic incerto eventu. Ille certo. 3. Hic pretio, ille virtutis amore. 4. Hic insuavi & injucunda sua & ægroti occupatione; ille incundissima omnium oblectatione. 5. Hic ex artis præceptis alienis, ille ex propria ingenij bonitate. 6. Hic à Pharmacopola præparatis medicamentis; ille propria industria excogitatis leporibus. &c.

V. Pars 2^a.

VI. Pars

VI. Pars *παρέλασιν.*

VII. Pars *Misericordiam.*

VIII. Pars *Probationes ex universalibus locis.*

ipse adde.

LOCUS COMMUNIS XIII.

ADVERSUS SCURRAS.

Exordium à laude auditorum, & nostra modestia.

Figura Elocutionis est occupatio.

Quamquam semper honestissimum judicavi hunc dicendi locum, vesterq; Auditores ad audiendum confluxus multò jucundissimus, mihi est visus: tamen hactenus mea in his artibus infantia, & parum versata exercitatio me ab hoc laudis accessu absterruerunt. Itaq; nec caruit hæc cathedra ijs, qui ex vestro numero eruditæ meditationibus suis virtutes exornarent, dum in vitia inveherentur: Et ego in vestris subsellijs assidens, communem vobiscum ex ijs, qui huc ascenderunt delectationis eruditionisq; fructum percepi. Nunc autem & his vestris beneficijs excitatus, & exemplis alacrior redditus, etiam ipse prodire ausus sum: vel ut operam meam experirer, & ingenij facultatem, vel difficultatem potius explorarem, vel quod parum decere me arbitrarer, si in exercitantium tyronum cætu solus ignavus latitarem. Accedit etiam quasi altera quædam ratio, quæ me trepidantem facile confirmare poterit, argumenti scilicet, orationisq; commoditas. Dicendum enim mihi sumpsi adversus impurum illud hominum genus Scurras scilicet, qui jocis obscænis & impudentissimis passim risus captant. Atqui hujus orationis facilius erit initium, quam exitum invenire. &c.

I. Non reprehendo jocos honestos & liberales, ubi modus adsit, temporum, locorum, personarumq; conditio attendatur.

2. Imò maximè commendandos censeo.

3. Spurcitiam autem istam, & quasi scabiem, ac pruritus con-

*Secunda p.
Exordij
Docilitas.*

*II. Pars
Contrariū
Propositio.*

III. Pars
Narratio.

ijciendi scommota, & dictoria in quosvis: fœdissimis sermonibus risum venandi, quam maximè vitiosam judico:

4. Nec excusari posse, multò minus laudandam esse. &c.

Narretur quid faciant scurræ, nempè quæ alijs hominibus non planè rusticis, aut morosis molesta sunt, ea dicunt & faciunt risus movendi causa; simulando, obtrectando, & alijs modis irridendo, graves sunt.

1. IN METU, dolore, vel alieno, vel suo etiam, ut si nuncius alicui afferatur de navi amissa, aut uxor alicui extincta sit, aut aliàs graviter doleat, scurra ridendum illum proponet, & insinulabit non ferij doloris: afferatur, inquiet, lapis, vel pumex, ut extergamus oculos misero homini.

IN VICTU: Scurra vorat candelam, & alià, unde sensus abhorrent: præripit alijs è patina delicias, exorbet pocula & addit jocum.

Sic IN PECUNIIS, eas quocunq; nomine accipit, plagas patitur, convitia sustinet, turpissima obit ministeria: Jtem per vim eripit, ac arridet, etiamsi stomacheris.

IN EXSTIMATIONE aliena nihil attendit, nisi ut ridiculus possit esse: de absentibus narrat, quæcunq; novit, aut errata, aut infortunia: & admentitur multa, ut risus oboriatur: præsentibus cavillatur, & turpitudinis alicujus atq; errati convincere satagit, idq; subridendo. Detorquet verba in peregrinum sensum, fingit crimina, an, inquit, potes negare, quid mihi nuper ipse confessus sis, aut quid ille, nostin', quid dicam, me præsentem obiecerit, cum tamen me obsecrares: Meministine, an vis ut dicam? Dicam verò, si obstinatè negaveris. At vide nunc innuis mihi ut taceam: frustra hoc agis. &c. Atq; ille miser quanquam nullius horum sibi conscius præ verecundia, tamen quod nec istum mendacij accusare audet, nec factum assentiri commodum est, hæret, & ridetur.

IN ELEGANTIIS sunt perfordidi, fœda visu obijciunt, matronis & Virginibus, ut hæc oculos obtegant, & ejus generis etiam narrat. Vestitum aliquando sumunt morionum, aut rusticorum, aut aliàs ridiculum, oblinunt faciem, & vestes cæno, inter cibum pender mucas è naribus, sordes candelarum, & aliarum rerum allinunt ad vestes, aut in vasa esculenta conijciunt.

Narrant de vomitu & alijs fœdis.

IN SIMULATIONE & DISSIMULATIONE: omnia convertunt in Ironias, nihil possunt serij, vel agere, vel loqui.

IN PIETATIS NEGOCIIS profanissimi sunt, valdè delectantur detorquendis Sacræ scripturæ dictis ad aliquem sensum jocularium.

I. Hic ignavus nihil operis facit, otiosus semper stertit: Ita & Scurra.

II. Uterq; alieno labore vult vivere.

III. Fur nummos, & unius quidem hominis: Scurra & læsi existimationem, & auscultantis pudorem furripit.

IV. Fur paupertate sæpè adigitur, & sic à necessitate excusatur: Scurra malitia peccat.

V. Fures pleriq; rudes, simplices: Scurra ingeniosi.

VI. Fur noctu facinus molitur, eò pudentior, Scurra media luce, & in os, eò audacior & nocentior.

VII. Fur alienus, Scurra domesticus, & familiaris.

VIII. Fur coërcetur pœnis publicis, Scurra grassatur impunè: Imò accenditur improbarum aurium studijs: eò ille magis invitus videtur peccare hic minus.

I. Ajunt nihil in vita magis necessarium esse, quam jocos, tanquam vacationem quandam ab infinitis molestijs.

Respondeo. Honestos potius sectandos jocos, quam illiberales; & jocos utendum esse, tanquam medicinâ, & quiete quadam: ut non perpetuos eos expetas, sed post occupationem: ut reficiaris, atq; integrior ad laborem redeas, in eum finem adhibeas. Cum non otij, ac ludorum, sed negocij, & seriorum agendorum causâ homines nati simus.

II. Multis & Magnis viris se charos esse dicunt. Respondeo: At tanquam moriones vel simias, & alias feras bestias, ex quarum agitatione aliquid delectationis percipitur, ut ipsi quidem odio sint, ars autem ridicula delectet: Sed magno cum fastidij periculo, quod facillimè hic obrepit.

Monstret quibus parentibus, naturâ, educatione, & reliquis circumstantijs personarum hoc genus hominum existat.

IV. Pars
Comparatio
cum Fure.

V. Pars
Gnome.
1. Opinio.

2. Opinio.

VI. Pars
Egressio.

VII. Pars.
Misericor-
dia præcisio
vel odij ad-
versus scur-
ras commo-
tio.

Hic ex reliqua superiore oratione repetantur, & colligantur in
cumulum. quæ sunt maximè odiosa.

I. Quæ sunt turpia, vel inhonesta,

II. Potissimum, quæ lædunt nos, vel præsentés auditores.

III. Qui illis indignè honores habentur. e. g. Satis dixisse vi-
deor, de Scurrilitatis flagitio turpissimo, verum hi nunc homines illi
vicio affines sunt, qui passim lepidi, urbani, multorum jocorum, bel-
luli & delicatuli audiunt, ad convivia advocantur, in omnium oculis
geruntur, etiam in Principum. ô corruptum nostrum vivendi mo-
rem! An non æquius fuerat istos impuros nebulones, istas beluas, istos
porcos, imò qui etiam porcos spurcitie & lasciviæ longè superant, istos,
inquam, quo velis cunq; nomine appellare, annon æquisissimum fuerat
honestorum hominum, colloquijs extrudi, convictu longissimè arce-
ri, auribus castis, ac pijs severissimè prohiberi? quippe à quorum im-
pudentia neminem satis defendere potest, quamvis integerrima vitæ
sanctimonia, quorum illudendi libidinem nullius verecundia à se pro-
hibere, quorum linguæ violentiam nullius dignitas subterfugere,
quorum pestilentissimam corruptelam nulla tanta animi, auriumq;
castitas satis cautè evitare potest.

Oro atq; obtestor vos, per eam, quæ unicuiq; charissima esse de-
bet, famam atq; existimationem vestram, odio pessimo persequamini
hoc hominum genus. Ita cogitate, quoties incideritis, in periculum
certissimum honestæ de vobis inter homines opinionis incidisse. Cu-
jus enim innocentia ab istorum calumnia satis tuta sibi videri poterit,
à quibus nec sanguinis communitas ac religio; nec dignitatis gravitas,
nec sacrorum majestas seipsam satis defendere potest? &c.

VIII. Pars. Probet ex Locis universalibus, Legitimo, justo &
reliquis, scurrilitatem coërcendam esse penis & severa animadver-
sione.

LOCUS COMMUNIS XIV.

In ADULATORES.

Exor-

EXORDIVM captat benevolentiam à rei necessitate.

Si boni civis est, Auditores, in publico incendio, etiam si à tuis illud ædibus quam longissimè absit, tamen communis juris propinquitate adductum ad restringendum ignem concurrere; eò æquius illum facere censeo, qui ad publicam cum omnis ætatis, tum adolescentiæ inprimis corruptelam istam, adulatoriam dico artem comprimendam, operam studiumq; aliquod suum contulerit, quo scilicet propius à nobis singulis hoc periculum abest, quoq; gravius, si quid acciderit, damnum sentiat. &c.

I. Suaves esse nos volunt sapientum præcepta, ne cui te opponas temerè.

II. Et ea hilaritas in convictu & blanditiæ nullo modo reprehensioni succumbit.

III. Neq; tamen propterea decebit semper arridere super re vili, fingere vultum ac sermonem exultabundum, saltem ut placeas, non quod verè gaudeas.

IV. Graviter reprehendendus est hic fucus.

Dicatur hic, quid faciant adulatores, scilicet omnia faciunt majora in eo, quem adulantur ut in periculis, pecunijs & possessionibus ejus, cibum & potum ejus nimis prædicant, virtutes nimis, extollunt. Item reliquas possessiones, liberos, familiam vel nobilitatem, eruditionem, formam, famam. In omnibus se submitunt, dicunt, se servos, incedunt humili vultu, gestu &c: ad vilissima offerunt se ministeria, quicquid ille ait, etiam hi ajunt, negat, negant etiam.

Hic quæstus nunc est multò uberrimus.

Comparentur cum corvo. Primum ater hic est, & illi.

II. Est invisæ avis, & mali ominis, & à qua abhorremus, & tamen nescio, quomodo delectamur eà familiari & domestica: idem etiam accidit in adulatoribus.

III. Vox turpis, & tamen ea est perversitas aurium nostrarum, ut etiam pueri gestiant imitari.

IV. Pascuntur cadaveribus alienis: Ita adulatores alienâ vitant quadrà.

V. Ex cadaveribus fœtidis; quemadmodum adulatores ex fœda præsentium adblanditione, absentium obtrectatione victū quærun.

II. Pars
Contrariū.

III. Pars
Narratio.

IV. Gnome.
V. Comparat.

VI. Pars
Egressio.

VI. Corvi mortuos, adulatores vivos homines absumunt. Mali corvi, malum ovum in proverbio dicitur: Itaq; fit, ut his moribus homines plerumq; à similibus parentibus; convenienti ad bonos, mores educatione neglecta; tum reliqua vita maximè congrua oriantur.

VII. Pars
Misericordia præcipio.

Quoniam cum corvis comparabamus adulatores, etiam hoc convenit, quod nescio, quomodo non in mentem venit; quod etiam si dira avis sit corvus, tamen quadam religione ac superstitione abstinent ab ea aucupes & venatores: Ita adulatores impunè abeunt, & feruntur in Rebus publicis, non quod non inhonesti judicentur, sed quod mirabili quadam, & penè superstitionis misericordia, magistratus pœnas sumere abhorreat. Cum tamen sint quam nocentissimi. Bonos mores corrumpunt, superbiam, luxuriam, profusionem, libidinem, & alia vitia, tanquam pestem quandam ex insidijs afflant: nec hoc hostibus nostris, sed domesticis, amicis, fratribus, liberis, ipsiq; adeò nobis.

Quare si strumas ac tubera à corpore, ferro, igniq; ressecamus: si viperas, lupos, urfos ex agris & hortis nostris lapidibus relisq; prosequimur: si latrones, & deprædatores omni vi, facultate, opera, studioq; conjunctis, à Republ: prohibemus: quid animi debet nobis esse, quantoq; alacriores erimus in his furijs, non in corpus tantum nostrum, non in agros ac hortos, non opes, sed ipsam animam vitamq; nostram grassantibus opprimendis?

Ex locis universalibus idem probet, scilicet coercendos esse pœnis adulatores.

I. A perspicuo: Nemini hoc unquam dubium fuit, sapientes æquè ac vulgus semper ita judicarunt, inter honestos homines non debere esse adulatoribus locum.

II. A Verisimili. Extant in eam sententiam pulcherrima præclarorum autorum dicta, quale est Biantis, qui cum interrogaretur, Ecqua bestia omnium maximè noxia foret? inter feras, inquit, tyrannus, inter cicures, adulator.

III. A necessario. Nec videtur illa satis salva posse Respublica esse, ubi hæc adulandi licentia impunitate in mores vulgares abierit.

IV. A possibili. Nec difficile foret, pœnam aliquam adversus istos

istos invenire: cum sordidissimi quique, è plebecula homines huic arti dediti, sine tumultu aliquo plecti possint. &c.

LOCUS COMMUNIS XV.

In HOMICIDAS.

EXORDIVM dicit causam modestiæ gratia. Figura Elocutionis est occupatio.

Videri possum temerè facere, Auditores, qui adversus homicidia declamare institui. Etenim & satis prudenter ac severè aliàs à Magistratu adversus ista consultum est, & hæc flagitia atrocitate graviora sunt, tum homines naturæ quadam crudelitate procliviores ad ea videntur: Quam ut vel à viris eloquentissimis quicquam remedij sperari, he dum à me adolescente imperitissimo præstari possit. Verum enimvero semper hoc in scholis licuit, ut de quibus in Repub: seria contentione laboratur, ad eadem ludicra quadam exercitatione præparetur in cathedris Scholasticis nostra ætas: quemadmodum de tyronibus Romanæ militiæ memorant quod ad palum prius pugnare didicerint, quam adversus hostem in acie educerentur. Quare ceu bonus arridet cum gharum in arundine longa,

Fingere equi gressus conspiciat altus eques: Ita, quod gravissimas illas homicidij accusationes, quas viri prudentissimi etiam difficillimas experiuntur; Ego adolescens exercitatoriâ aliquâ operâ adumbrare ingressus sum, spero ab ipsis pro æquitate facile me veniam consecuturum esse: à vobis autem etiam benevola attentione approbari, peto atq; contendo.

Describantur homicidæ à characteribus, vel actis eis singularibus; quæ eos maximè deformant. I. ANTE COMMISSUM FACINUS, eadem sunt signa cum iracundis. Tantum loquuntur arma & cædes, & imprecationes, quoslibet provocant etiam levisimâ, imò nulla occasione: ut puta formosulum aliquem vident, ideò gestiunt cicatrice faciem ejus deturpare: Quod invident pulchrum pileum, aut vestem aliam, aut aliud quid: quod robustum ac valido corpore

II.
Narratio.

cer-

cernunt, ideo libet conferere dextram.

I. IN PUGNA. Cum possit res componi bona pace, aut levius transigi eum victi essent, cum arbitri interposuissent se, cum alter nihil metueret, sæpe illi facinus committunt.

II. POST PUGNAM, & facinus perpetratum fugiunt, ac latent, conscij sibi sceleris, velut. Ille, priusquam tela inimica sequantur.

II. *Æn:*

Continuò in montes sese avius abdidit altos,
Occiso pastore lupus, magnove juvenco:
Conscius audacis facti, caudamq; remulcens
Subjecit pavitantem utero sylvasq; petivit.

Totâ facie pallor, aut macies infidet; audiuntur crebra suspiria: omnium hominum adeoq; ipsius lucis pudet, ac piget. Congerantur huc, quæ solent ab istis audiri & fieri. Ut quod quidam olim cum obijceretur hoc crimen, præ stupore cantharum cerevisiæ plenum evertit, nec sensit tamen, sed infimum cantharum, vel fundum solidum quasi bibiturus ori admovit.

III. *Contrarium.
Proposit. I.*

Non satis dici potest, quanta sit felicitas hominis, qui nec ipse sibi conscius est hujus alicujus sceleris, nec alij autor fuit, aut facti consulendo, aut impunitatis non exigendo pœnas, cum esset officij.

II.

Nec est dandum vitio, aut timiditatis accusandum nomine hujus, digladiatione scilicet temeraria: aut si Magistratus ab istis severas pœnas exigat.

III.

Misera est istorum hominum, & regionum conditio, ubi hæc scelera sunt impunita: nec est libertas quædam judicanda hæc impunitas. Interim tamen, neq; hoc omnino negandum est, non eos omnes, in homicidarum reliquorum numerum aggregandos esse, qui quocunq; modo homini vitam ademerunt. Nam qui se adversus vim capiti, aut vitæ intentatam aliter defendere non potuit, quam morte ejus, qui eam vim intulerat, communi omnium gentium, & sic divinitus insito naturæ jure ab homicidij crimine eximitur.

IV.

Item qui casu infelici, cum nec animus lædendi esset eum, quem necat: nec providere ullo modo possit, alterius vitæ nocuit etiam ipsius Dei in Sacris literis sententia à communibus homicidij pœnis

ab-

absolvitur.

Comparetur homicida cum alijs sceleratis, & monstretur longè nequior esse, vel saltem par. Præmittatur emollitio. e. g. Quamquam nihil magis impedire scio, quo minus orationi fides adhibeatur, quam si illud persuadere conatur, à quo communis omnium hominum abhorret sententiâ: tamen audeo hoc promittere vobis, si vestra in judicando attentio & candor accesserit, effecturum me, ut mihi ultro assentiâmini, quanquam id vulgò non credatur, tamen satis evidentibus causis confirmari posse: nullum tantum scelus esse, non furtum, non latrocinium, non publicum incendium, non veneficium, non sacrilegium, non aliud deniq; cujuscunq; nominis aut feritatis, cujus atrocitatem homicidij facinus non assequatur, aut vincat etiam.

De furto non longa demonstratione opus erit. Etenim hoc opus saltem, aut reclusa alicujus, aut pecuniæ summula per dolos subducuntur: cum homicidæ manibus audacissimâ injuriâ ipse sanguis, vita atq; anima hominis exhauriatur. Ut mirari liceat causam, quare ille in Respublicas usus irrepserit, ut longè graviore supplicio furum puniantur errata, quam homicidarum teterrima maleficia. Et quanquam hujus loci ac temporis non est de ea causa sollicitè inquirere, tamen ut quod in mentem venit, dicam, non tam accurati judicij ratio hoc discrimen statuisse, quâ violentia quædam temeritatis popularis, legislatores eò adegisse videtur. Cum enim ita plebecula judicet, si quid à quoquam facinoris commissum sit, non tantum ab Autore debitas pœnas experendas esse, sed universis ijs, quibus sanguinis aliqua cum isto conjunctio est, etiam sceleris & infamiæ affricari debere societatem: cum furtorum audacia in obscurioris sortis homines plerunq; accidat: Homicidiorum autem crimen sæpiusculè in illis adhærescat, qui si infami aliqua pœna notentur, familiam suam amplissimam, & optimè meritam, vulgi ut dicebamus levitate in indignam secum fortunam traherent. Ideò, inquam, factum puto, ut in priori genere nihil de acerbitate supplicij remissum sit: In posteriori facta aliqua mitigatio fuerit, non quod hoc minus turpe autoribus sit, sed ne pluribus innocentibus damno esset.

V. VI. VII. VIII. partes ex te ipso fingantur.

IV. Comparatio.

LOCUS COMMUNIS XVI.

DE RUSTICIS *et notis siue in pejorem partem.*

EXORDIVM ab Ovidij fabula de Rusticis, qui ex ranis mutati sint à Latona, cum aquam huic denegassent. Sc: hoc voluerunt Poëtæ dicere, ex homine in bestiam degenerasse, & hanc quidem omnium abiectissimam, qui inter rusticos educatus sit. Eæ sunt sordes: ea imperitia: is neglectus, imò ea fœditas ac barbaries morum: is deniq; ab omni cultura, & humanitate pœnè universa animus quam alienissimus. Atq; ne hoc exaggerandi in istos odij causa à me dictum putetis, quæso vos diligentem atq; attentam aurium vestrarum operam isto exiguo temporis spatio date: efficiam profecto, ut turpiter quidem me deformasse istos in orationis principio: plus tamen barbarie in iisdem demonstrasse appareat quam hic inculaverim.

II. Narratio.

Quid agant quod in oculos incurrat ridiculum & turpe, quales in periculis. 2. Quales in voluptate, potu & cibis capiendis. 3. In pecuniarum usu. 4. In honoribus: hos omnes ignorant, veros quidem. Sed ebrij aut ditiores insolescunt. Hic ridiculè superbiunt, pileo dimidium regunt caput, ansati incedunt, manu utraq; in ilia coniecta: erga superiores contumaces, supplices quidem coram; sed absentes male precantur. 5. In ira: hac sævissima & crudelissima utuntur, præsertim erga diversi ordinis, & si ebrij sunt. Hic sanè videberis tibi videre istum de quo apud Virg: 3; Georgic:

Ipse ruit, dentesq; sabellicus exacuit sus
Et pede profubigit terram, fricat arbore costas
Atq; hinc atq; illinc humeros ad vulnera durat.
Aut taurum ibidem.
Et tentat sese, atq; irasci in cornua discit,
Arboris obnixus trunco: ventosq; laceffit

lētibus,

ictibus, & sparsa ad pugnam proludit arenâ:
 Post ubi collectum robur viresq; receptæ
 Signa movet præcepsq; obliquum fertur in hostem.

6. In conversatione, gestibus, sermone, alloquijs, in vestitu, & alijs elegantijs. 7. In tacendis & loquendis. 8. In joci reddendis ac sustinendis. 9. In contractibus. 10. In pietate illusores, atq; irrisores salutarium monitorum, blasphemi.

III. Contrarium.

Vita civilis est cultior: ubi inter homines degas & negotijs civilibus gerendis occupatus sis, vere humana est, h. e. elegans, suavis, honestissima. 2. Vita rustica belluina & sordida. 3. Illa non debet esse ingrata, molesta, turpis videri. 4. Hæc non suavis & elegans.

IIII. Comparatio.

Comparentur cum formicis. 1. Contemptum ac vile animalculum. 2. Magno labore semper districtum. 3. Sed tantum ventri suo natum. 4. Ducibus & inspectoribus eget. 5. Intra terram in foridibus degit: Et in terra repit. 6. Lotio suo fœdat dormientes, intra vestem arreps mordet. 7. Pabulum gratum est philomelæ aviculæ nobilissimæ. 8. Numero tantum possunt aliquid efficere, non singulæ. 9. Obviæ & conspectæ pedibus conteruntur, præsertim si longius vagentur. &c. Applica ipse.

V. Pars Gnome vel Opinionēs.

Quibus utuntur in sui ordinis commendationem & aliorum contematum atq; invidiam. 1. dicunt Se esse qui alunt universam Rempub: quippe qui suis manibus serant, metant, perpurgent frumentum: unde omnium vita sustinetur. Resp. At non nasci faciunt. Et hoc Deus: Quamquam hominum & istorum quidem ministrante opera. Pulchra sane laus: si non inviti potius quam voluntate facerent, si non egestate propria, imperio alieno adigendi essent, sed bene merendi de humana societate consilio accederent. Nunc tantundem laudis, quantum aratro, quantum falcibus, quantum equis ad aratrum junctis quantum agro locum segeti & succum præbenti, quan-

cum pluvijs irrigantibus, quantum deniq; Soli vitam ac mirabiles facultates inspiranti debetur, vel minus etiam: cum illa quidem non agant sponte aut præmeditata voluntate, cum id per naturam non possint: hi autem cum agnoscant officium, tamen detrectent, ut vi exprimendum sit. 2. Præclarius est reliquorum ordinum in Repub: opera: quanto nobilior sc: est animi cura, quæ his demandata est. quam corporis alimenta, quæ ab illis providentur: quanto magis necessaria totius hominis conservatio, quæ hos sollicitos habet, quam de re cibaria prospectio ac procuratio cuius hi aliquam partem sibi attributam noverunt.

2. Dicent: Tyrannice sibi imperari à Dominis suis, omnibus facultatibus denudari, quotidianis servitijs, laboribus, supplicijs inauditis enecari, & omnino immanissimè tractari. Resp. 1. Per concessionem: Utinam vere hoc conqueri non possent. Sed irrepsit jamdudum ea in Christianos - aelitas, ut pejus & immanius ipsis bestijs habeantur miseri rustici. Quod ut non approbo, immò execrandum judico: ita & illud recte fieri arbitror, ut severiori imperio contineantur: cum leniori imperantis usi indulgentiâ, abutantur ad malitiam.

VI. Παῖδες.

Dicatur hic de parentibus, natura, educatione &c.

VII. Misericordia præciso.

Narretur historia de bello rusticorum. Dicatur commiserandum esse tam multi sanguinis humani profusionem, sed tamen dignum istos suis factis supplicium luisse.

VIII. Pars.

Ex locis generalibus probet esse legitimum, utile &c. inferiori haberi in loco rusticos, tum ætiori disciplinâ contineri.

LOCUS COMMUNIS XVII.

DE RUSTICIS & Βίαντι.

EXOR.

EXORDIVM ab ipsa re. Figura elocutionis est gnomes tractatio.

Venustissimus auctor Vergilius :

O fortunatos nimium sua si bona norint

Agricolae ! inquit hoc voluit dicere, eam esse vitæ rusticæ suavitatem, eam hominum huic vitæ generi addictorum conditionem felicem, ut si satis eam noverint homines, omnes complexuri sint. 3. Probatio per inductionem : sive enim spectes eos qui agrum serunt ac fruges colligunt : sive qui ex pecoribus alendis vitam sustentant, sive qui in sylvis cædendis occupantur, sive qui ex pratorum, hortorum aut vinearum cultura pauperiem illam beatam suam tolerant, nihil suavius, jucundius, optatius videbitur. Nam & ipsa lucrandi ratio iustissima & à litibus perquæta ac remota &c. Victus ac cibus saluberrimus, tum ipso genere, dum famem obsonant labore atq; exercitio : & omnis demum vita à turpibus moribus remota & sancta quadam integritate conspicua ac pæne reverenda est. 4. Contrarium : Verum in vita civili, Deus bone, quantum turbarum, fraudum, vitiorum : 5. Simile : ut mihi ex alto mari in portum tranquillum videatur appellere, qui ex vita urbana ad rem rusticam se transtulerit. 6. Exempla : Hinc magni semper viri hoc genus amplexi sunt vitæ : Consules Romani ab aratris ad Rempublicam accersébantur. &c.

II. Pars Narratio.

Quid faciant quod ad laudem & decus :

1. In periculis non facile cedunt loco adversus hostem, mori malunt. Unde hi optimi milites propter animi præsentiam, si artem pugnandi docti fuerint. Id quod assentiuntur qui de arte militari scripserunt.

2. In pecunijs : Liberaliter communicant de tenuitate etiam sua. Videas hoc in commensationibus, dum exhilarandus animus est & à laboribus gravissimis remittendus, adeo non avari sunt, ut ne obulum quidem servare malint quam genium defraudare. Non etiam arcas stipant inutilibus thesauris, sed acquiescunt in ijs quæ in præsens tempus sufficiunt. Deus inquit providebit in alium annum. Quid opus est ? Imo quanta stoliditas est magnos nummorum acervos con-

struere, quos ferrugo depascat aut fures eripiant? 3. Ad cibum & potum ut veniam: Fundit humo facilem victum iustissima tellus, Secundum poetam: scilicet oleribus & rapis suis & pane victitant, & aquam bibunt, idq; tanta cupiditate ut nectar bibere aut cupedijs vesci sibi videantur. Inde etiam valetudinis, pleriq; integerrimæ usq; in summam senectutem: quod non corrumpant stomachum obsoniorum delitijs. 4. In honoribus & opinione de seipsis, nihil humilior, abjectius, reliquos quasi Deos suspicantur præ se: se imperitos fatentur, ab omni virtute incultissimos: Præterea infimarum fortunarum, & omnino ea conditione natos ut reliquis felicioris ingenij hominibus sint servitio. Sæpius ab illis audias, nos miseri rustici, nos imperiti: & ipsi rustici appellatione hominem stolidum ac miserum notant. 5. In simulando simplices, & aperti, nihil foveant sub pectore fraudum: dicunt quod sentiunt. 6. Ad jocos non sunt assuefacti, sed ad seria. 7. Vestitus, incessus, vultus oratio non fucata, atq; ad adulationem atq; superbiam comparata sed plena sanctæ simplicitatis. 8. In contractibus nihil religiosius: victum non ex mercaturis, usuris, mercium corruptione, sed ex terra quærunt, quam iustissimam appellabat Vergilius, quod nullus hic fraudi locus.

III. Contrarium.

Vita civilis in hominum societate elegantior & mundior quidem sed plenior fraudibus. 2. Vita civilis non ea quietis, simplicium morum, æquissimi ex terris acquirendi victus habet commoda. 3. Rustica vita remotior à strepitu & vanissimis plurimis civitatum moribus. 4. Rustica vita non est tantopere averfanda. Quemadmodum videmus olim eâ delectatos viros Principes. Et nunc nobiles nostrates quid aliud quam vitam rusticam colunt? quia ruri agunt scilicet.

III. Comparatio.

Comparatio cum ovibus instituatur: 1. Imprudens & minus callidum animal. 2. Gregarium & amat suum gregem & sequitur. Ita hi communibus vivunt ac feruntur sententijs. 3. Facile illæ turbantur. Et hi leviter ad iram aut aliquem alium motum pro simplicitate adduci possunt. 4. Illæ omnium bestiarum expositæ sunt infir-

dijs.

dijs. Ita hi omnium expilationibus. 5. Defenduntur illæ & pascuntur à pastore : & his debebant hoc domini. 6. Utilissimæ sunt lacte, lana, fœtu & alijs : Ita rusticæ operæ omnes pernecessariæ & plurimū utilitatis in vita communi afferunt. 7. Tandem illæ etiam sua carne pascunt immisericordes pastores ; & ita horum sudore ac sanguine victitant crudeles Domini.

V. Gnome & opiniones.

Norunt rustici, eoq; consolantur seipfos, Patriarchas & omnium hominum primos parentes agriculturam fecisse, adeo non est sordidum hoc vitæ genus. 2. Quæ patiuntur indigne, hujus vindicem aliquando Deum sperant fore. Opiniones contrariæ : Mereri istos ut indigne habeantur. Resp. quibus modis ? potant ? quasi alij sobrij vivant. Contumaces sunt & seditiosi erga Dominos ? Qui hi erga suum magistratum ? num semper obedientiam præstant ? an hoc est contumacem esse, crudelitatem immanem indigne ferre ? At fraudulentum sunt ? Qui cadat in eam simplicitatem fraus ? cujus forte propterea accusantur quod aliquando defraudari se crassis expilationum modis non patiantur. Indignum igitur est, quorum criminum omnes hominum ordines affines, propterea in solos miserrimos rusticos animadverti.

VI. Pars παρὲνθεσις.

Laudet parentes naturam, educationem &c.

VII. Pars.

Misericordiam moveat, quod ita crudeliter habentur à nobilibus : cum habeant communem humanum sanguinem, Communem Christum redemptorem, salutis æternæ spem.

VIII. Pars.

Probet hoc fieri injuste, illegitime, &c. & ex reliquis locis.

LOCUS COMMUNIS XVIII.

DE NOBILIBUS IN PARTEM
MELIOREM.

ἐξ ὑπο-
λήψεων.
Occupatio
per concessi-
onem.

Correctio.

Repetitio
concessionis

EXORDIVM ab argumenti dignitate. Si quis est Auditores qui ita sentiat non magnam inde pervenire aut peti debere ingenij laudem, si in re aliqua vulgata & plurimorum tractata opera facultatem experiaris: si idem audiat de nobilitatis laudibus me dicturum, & nullius magni ingenij; nullius eloquentiæ, nullius singularis artificij eam operam putet, quippe in materia jam tot præconijs celebrata & quæ per se ita perspicuæ commendationis est, ut nullam oratoris industriad requirat: Is ad iudicium sententiæque illam suam etiam meum suffragium & consensum subscribat. Quamquam ita comparatum est moribus, ut quo quisq; ad suam aliquam probandam ingenij felicitatem ineptior, eo ad aliorum extenuandos conatus sit proclivior. Et cum nulla adeo levissima exercendi occasio sit, in qua non difficultatem aliquam ipsi sentiamus: tamen aliorum operis extenuandi causa frequenter facilitatem obijcimus. Verum non pugnabo, fatebor quod res est: ante oculos posita, non longius conquirenda fuisse quæ in orationem congerenda erant, potiusq; copiam rerum ad delectum quam paucitatem ad orationis amplitudinem obfuisse. Quid ergo? itane ego ignavus ut non ad ea me potius conferre maluerim, unde venustior quædam atq; amplior commendatio existeret? aut tam porro imprudens, aut morosus, aut inverecondus, ut vestra æquanimitate ad fastidium hoc rerum quotidianarum obtrudendum abuti nil metuum? Minime: Absit, per humanas literas vos obtestor, ista à me suspitio. Verum quantò minus ingenio possem subsidio earum rerum facilitatem comparavi. Ut autem fastidio vestro & ignavia de me suspitioni succurreretur, rerum vulgaritatem orationis quantum potui novitate ut condirem, prospexi atq; consului; Quod ut cognoscatis jam ad ipsam rem, auribus animisq; benevolis adestote.

II. Narratio.

Quid faciant Nobiles quod in oculos incurrat, suave, amænum, venustum, elegans: omnia culta. 1. Ab ipsa pueritia apparet quædam naturæ indoles, & ingenita ad virtutem vis, pudor, ingenuitas, (& ascri-

be qua

be quæ de puerorum ingenijs occurrunt publicè nota) omnia magna, equos poscu it ligaeos & arma gestiunt spectare, non delectantur pulvere immundo, quo rusticorum volutantur liberi. 2. In adolescentiori ætate, si accedat liberalior institutio, & nisi morositas præceptoris absterreat, facile parent disciplinæ & non volunt nisi à prudente inspectore regi, instar generosorum equorum, qui ignavum sessorem & imperitum licet frena adducat, calcaribus urgeat, non audiunt, facile excutunt, perito facile obsequuntur. Quemadmodum de Leone ajunt quod nolit ferreis, patitur autem ligneis clathris se concludi. 3. In virili ætate. Vestitus mundus atq; elegans, gestus, vultus, oculi, colloquia, omnia plena humanitatis, suavitatis, modestiæ. Vox gravis & animi fortis index, frons severa, incessus decens animum constantem. 4. Fortia facta. Hi sunt qui pro Republica vulnera, cicatrices, mortem deniq; adire non exhorrescunt, a quibus sæpè audias famam extendere factus, hoc virtutis opus &c. Sic porro ostende ex signis vel factis & sermonibus, quam sint temperantes, liberales, modesti, & alieni ab ambitione, mansueti, urbani, comani, veraces, justii. Quales erga superiores, pares, inferiores se gerant, modeste quidem, liberaliter, humaniter, graviter.

III. Pars Contrarium.

Ignobili ortu facti, ignaviores ad virtutem, inertes & viles animæ. 2. Idem non eos gerunt Spiritus præclaros ac magnos. 3. Nobiles sunt aptissimi à natura ad virtutis honestatisq; culturam. 4. Idem non sunt projecti ad ignaviam, & vitia, nisi forte ex institutione neglecta vitium committatur. 5. In quibus generosior apparet animus ferè a majorum simili sanguine attractus est. 6. Sic ignavia & animi abjectio quæ in posteris apparet, plarumq; eadem in parentibus & avis observata est.

IV. Pars Comparatio.

Cum igni. 1. Quemadmodum omnia corpora ex elementorum mixtione, ita Respublica ex compositione variorum ordinum. 2. Reliqua Elementa sine igni panè mortua & inutilia sunt, & nihil quicquam efficere, nec inter se commisceri possent. Imo in igni vita potissi-

mum consistit, & hic proximum animæ habitaculum, calor scilicet. Eadem, utilitas nobilitatis in Republica. 3. Ignis blandissimum & gratissimum Elementum propter calorem quo nihil gratius: Eadem venustas, suavitas, Elegantia nobilitatis. 4. Ignem foveri & nutriri oportet à reliquis, alias neq; hic neq; ipsa reliqua in composito corpore diu salva consistere possint: ita non debet panitere plebem, si suo labore conquirant, unde capita illa sua, à quibus totius Reipublicæ salus dependet, sustententur. 5. Ex reliquis elementis paulatim alia atq; alia generatione ignis, progignitur; Ita ex inferioribus ordinibus ad hunc ascensus datur sed multis sudoribus, & temporis aliquo longiusculo tractu &c.

V. *Παράρτησις.*

Opiniones nobilium quibus se defendunt. 1. Esse aliquod discrimen ordinum, honorum, officiorum, quoniam est ingeniorum morum, meritorum. Quantum igitur hic plebem excellit nobilium ordo, tanto etiam in honoribus major istius, debet haberi in Republica. Dicas, non semper illis modis excellunt. Quorum hominum hæc iudicia? adversariorum & invidorum. Non igitur æquum postulat, qui hæc audiri vult. Item hominum qui nec quid sit virtus intelligunt, multò minus quod in tam heroicis animis virtutum genus requiratur, judicare, possunt. Est sæpe latens vis virtutis: sicut aliæ herbæ alijs anni temporibus flores, fructus ac semina sua protrudunt: Ita non postulandum est à nobilibus ingenijs, ut quotidiana edant virtutis suæ specimina, aut si non faciant propterea de ijs desperandum est. Et quæ unquam seges tam felix extirrit? quis ager tantæ ubertatis fuit? quæ arbor ita sæcunda ubi non casti aliqui aut putridi aliquando fructus enati fuerint? nihil tamen inde de segetis copia aut arboris ac agri fertilitate laudis decedit. 3. Quod in omnibus sit non animalibus tantum cicuribus, & bestiis, sed etiam seminibus herbarum, fruticum atq; arborum: ut alia in eodem genere grandiora, meliora & omnino nobiliora reperiantur, alia minutiora ac viliora: Idem sane in humani generis propagatione fieri eò minus dubitandum quo clarior ac vulgarior est ejus rei usus ac consuetudo.

VI. *Παράρτησις ἐκ τῆς ἐξόδου.*

Ex circumstantiis personarum collaudet.

VII. Pars.

Indigna pati hunc ordinem, dum odijs omnium ac invidia laborat, eum pessime totus audit de quorundam paucissimorum incultis moribus, & crudelitare. 2. Cum sane pulcherrime de universa Republica mereatur. 3. Cum ipsi nemo nostrum salvus & ac incolumis sine istis esse possimus: literati & illiterati tutelam ac beneficia alia debeamus.

VIII. Pars.

Probetur recte illis magnos adhiberi & primos honores ex locis universalibus. Justo, necessario &c.

LOCUS COMMUNIS
XIX.

In DECOCTORES.

EXORDIVM modestiæ causa dicit rationem hujus suscepti argumenti.

Non male judicant auditores aut longe à veritate abierit qui literarios ludos speculam quandam appellaverit: unde in universam rempublicam longe lateq; circumspiciatur, deq; omnibus publicis privatisq; negotiis quædam quasi censura instituat. Neq; in jure quicquam reprehendere, aut curiositatis temerari e nomine accusare poterit. Nam cum scholæ omnium in republica ordinum, inferiorum ac superiorum, profanorum ac sacrorum quoddam seminarium ac principium sint: quid magis necessarium fuerit, quam à primis pueritiæ annis aures adolescentum, de rebus quæ sub maturiori ætate tractandæ illis sunt, accurata judicia & creberrimas voces circumsonare? quod scilicet faciunt aliæ opificum atq; artificum tribus ut artis suæ discipulos, etiam tunc rudes, spectatores tamen velint operum quotidianos, frequentibus de ijs audire sermonibus & paulatim aliquo quasi primo artis colore imbuï. Hoc sane eò diligentius in literarum institutione & acquirenda rerum aliqua prudentia faciendum est: quo ma-

*Secunda
pars orati-
onis con-
trarii pro-
positio 1.*

jori negotio & opera difficiliori hoc genus in animum insculpenda est. Quanquam igitur a scholasticorum cathedris alienior videtur esse, de decoctoribus vel hominibus fidem in pecunia credita fallentibus oratio: tamen jure illo & consuetudine in scholis concessa quam dixi, licere mihi arbitror, ut quæ in istos dici possint ad vos proferam. Præsertim cum & altera mihi inde emergat utilitas, nec ea à vestris aliena commodis: scilicet ut ego quidem in causa difficili eo studiosius elaboram ingeniumque acutam. Vos autem intelligaris, nihil tam remotum videri a pulpitis, quin si ad aliquam reipublicæ partem pertineat, orationis ornatu illustrari atque expoliri queat. Ita ergo sentio auditores fidem in contractibus esse servandam idque honestos cives debere, ut promissa exolvant.

2. Intolerabilis illa videri debet vox in liberâ republica. Servare fidem rusticitatis opus.

3. Qui nomina, æs alienum grande constant, in bonorum civium & honestorum hominum numero accenseri non possunt.

4. Qui alios accepta pecunia defraudant profugiendo, turpissimi & flagitiosissimi judicandi sunt & publicâ infamia notandi.

*Tertia pars
orationis
Narratio,
quid agant
defraudatores, vel
quibus signis
agnoscatur*

Ut autem penitus & in cute fraudes horum pernoscat, brevibus eorum artes ac dolos quosdam subnotabo. Primo audacissimi sunt, dum magni precij opes concedunt mari aut terræ etiam sed magno cum periculo transvehendas. Sæpius ex illis audies, qui non periculatur non lucratur, unde multorum millium, unâ nave pereunte, jactura sæpè illis fit. Secundo avarissimi sunt, ad ipsos hostes abeunt Hispanos, Turcas, alios terris remotissimis, horum crudelitati omnes fortunas suas committunt. Credo ad ipsum infernum si esset navigatio, isti fortunam suam istuc experirentur. Idem tamen effusissime in omnem luxum ac molliem prodigi: Preciosis utuntur vestibus, lautissime victitant, palatia magnificè exstructa habent; simiarum, cercopithecorum & aliarum bestiarum catulos educunt; molossos grandes alunt: in mundo muliebri nullus modus nec luxui, nec sumptuum magnitudini, nec preciosissimarum rerum coëmtarum frequentæ statuitur: ferocibus volunt vehi equis, suppellectili utuntur copiosa, vasis aureis magnitudine ingenti, precio pane inestimabili. Et quis posset omnem istius profusionis modum saltè cogitatione percur-

rere,

rere, ne dicam oratione complecti. Tercio ubi tantis sumtibus exhaustæ sunt tandem, non tantum propriæ facultatis verum etiam alienæ negotiorum causa ut sit conceditæ: perfidi homines non tantum satis habent eam summam à se deperditam, verum etiam ad aliam maiorem perdendam cupiditatem adijciunt. Itaq; undecunq; possunt mutuam pecuniam sumunt, etiam aliena fide, cognatos, affines, amicos ut fide jubeant pelliciunt, alios usuræ promissæ illecebrâ, alios divitiarum opinione, alios promissorum amplitudine inescant. Ita coacta ingenti pecuniæ vi, domo, uxore & liberis profugiunt: in alias regiones abeunt, ubi tuto illa prædâ suâ frui liceat: aut per internuncios iniquissimis conditionibus transigunt, ut qui pecuniam illam crediderunt vel in decima parte acquiescant, vel de tota sorte desperent. Quid hoc? annon est rapinam, furtum, latrocinium exercere? non in sylvis ac solitudinum insidijs, ubi locorum vastitate tutus sis, sed in maxima hominum celebritate, in urbibus, in foris, ubi nulla alia evadendi spes, quam quod inaudita sit suspicio de ulla tanta insania, quæ hoc unquam audeat?

Comparentur cum tuberibus & strumis, quæ in corpore humano ad cervicem vel faciem solent adnasci. Primo illa non videntur deformia, sed quasi illius partis habitioris & succi plenioris argumentum quoddam sunt: Ita hi videntur functuri esse bonorum civium officio, imò etiam ornamento futuri esse civitati. Secundò paulatim illa magis ac magis protuberant, & tumorem quendam contrahunt, aliarum sanarum partium occupant locum, subducunt alimentum ac sanguinem donec, tandem in vastam ac deformem molem excrecant. Ita hi insinuant se magis ac magis in aliorum negotia, res, rationes, facultates, vires negotiandi adimunt, sibi attrahunt, monopolia exercent; aut quod istorum nummos conceditos habent, illis nomina, sibi pecuniam attribuunt. Donec totum quodammodo reipublicæ, aut saltem negotiatorum corpus horum cupiditate affligatur atq; enervetur. Tercio illa ad tantam magnitudinem aucta, nec commode removeri nec retineri possunt: utrinq; enim deformitas & incommodum valetudinis. Ita hi si retinentur in civitate pergunt grassari: si eiiciantur relinquunt facultates negotiatorum exhaustas.

Primum nullas habent, ideo fugiunt. Secundo, tamen aliqua

*Quarta pa.
orationis
Cōparatio.*

*Quinta p.
Gnomæ vel
opiniones
quibus se
defendunt.
1. opinio.*

2. opinio.

*Sexta pars
orationis
propter
Excessu.
Septima p.
præcisio mi-
sericordie
vel odium.*

Octava pa.

conijciunt, quasi meticulosus hostis in fuga a tergo spicula. Dicunt primum non posse se è cute excindere pecuniam, aut sudare. Resp. O impudentiam! Ergo non debebant eodem vel intra cutem abligu-
rijsse, quam iterum exsudare non poterant, vel quam è cute excindi molestum futurum erat: vel ne in illud angustiarum profusione con-
ijcerentur maturè providisse officium erat.

Dicunt eas esse fortunas negotiatorum, ut aliquando vento qua-
si secundo & prosperrimo successu utantur. Iterum quodam tempesta-
tis adversæ impetu abijciuntur & submergantur: desperandum tamen
non esse, expectandum potius iterum faciliq; viam ventusq; feren-
tes. Resp. Frustra fortunam eos criminari, qui sibi ipsis luxuria for-
tunæ suæ fabri & rerum adversarum autores existunt. In eos commu-
serationem convenire qui cum industrij essent, cum temerè nihila-
gerent nihil culpâ suâ committerent, non ipsi res suas prodigerent ac
profunderent, tamen fortunæ violentiam experti sint.

Monstrat ex circumstantijs qui ac quales huic flagitio dediti sunt
ex quibus parentibus, qua natura, educatione, moribus.

Ex dictis per exaggerationem & applicationem congerat: cum
sint tam turpes ac noxij cogitandum esse de gravissimis pænis, quibus
ista pestis rerum publicarum reprimatur: qualis fuit Romanorum ac
duodecim tabularum, secundum quas frustim concidebantur corpo-
ra mortuorum & in creditores distribuebantur concisa membra. Gra-
ve sanè supplicium, nec minus indignum ac horrendum istorum se-
culi. Comparentur hic cum latronibus & monstretur nequiora illis
committere.

Probet ex legibus, ex honesto, necessario, utili & oppositis loca
penam istorum.

LOCUS COMMUNIS XX.

De MAGISTRATU.

EXORDIVM captat benevolentiam à pietate vel veracitate
centis.

Si piæ sunt auditores eæ landes quæ parentibus benemeritis à gratis liberis persoluantur: minimeq; reprehendi potest, etiam si domestica sit, ea commendatio, & dicenti quodammodo communis, cum ijs quos prædicat; Scilicet quam pietas tuetur, quam officium exigit, quam gratitudo deniq; efflagitat: an non longe æquior minusq; criminationi obnoxia, videri debet oratio, quæ laudibus magistratus, nostri tanquam communis parentis non familiæ unius alicujus, sed universæ regionis impenditur? Atq; hoc propterea ad vos præfari volui, non, ut si forte nimius in magistratuum præconijs dicendis visus vobis fuisset, ejus rei veniam apud vos paratam haberem: Sed si piæ ingenijs tenuitate minus harum laudum magnitudinem affecutus fuerim; prænovissetis, non tam voluntatem mihi quam facultatem defuisse. Illud igitur est quod oratione efficere in votis mihi est, ut quam clarissimum vobis appareat magistratum sive cum hominum ordinem, qui superiori autoritate, legum præsidij, pænarum ac præmiorum arbitrijs communiti, reipublicæ moderantur gubernacula, esse quam saluberrimum, pernecessarium ac plane Divinum. Quod si vos exiguo temporis curriculo aures animosq; vestros attentos mihi præbueritis, spero fiet, ut dignitatem hujus ordinis, antea non ignotam vobis clarius & illustrius cognitam habeatis.

Prop. 1. Principiò in confesso est, quod anarchia & confusio ubi nulla lex, nullus Magistratus, nullum imperium & obedientia est: Sit perniciosissima conditio, & pestis societatum humanarum.

2. Magistratus non est vituperandus.

3. Magistratus est laudandus.

4. Ubi est laudabilis constitutio societatum & Reipub. ibi est Magistratus.

5. Ubi est mala & vituperabilis constitutio & misera adeo conditio societatum, ea plerunq; proficiscitur ex anarchia. &c.

Describat singularia facta Magistratus, quæ sunt pulchra & laudabilia, & in oculos incurrunt Possunt dividi secundum virtutes. 1. Secundum fortitudinem hæc agit. Magistratus solus vigilat quando alij dormiunt, providet muris & singulorum domibus, ut & ab internis turbis ac seditionibus, & ab externa vi tuti simus. Singuli suum tantum metuunt pericula: Princeps omnium. In bello, ille primus in

acie

II. pars
Contrarij.

III. pars
Narratio

acie conspicitur, adducantur historiarum, Alexandri, Scipionum &c. Et ipse pugnat, & alijs pugnandi addit animum, oratione & exemplo. Duce stante stat miles, cedente cedit, cadente cadit, vincente vincit. Quot militum quisque vulnera excipit, tot Princeps suo sibi corpore suscipere videtur. Quoties Martis violentia militum aliquis in acie cecidit; toties ipse mori sibi aut morte adeo durius quiddam pati videtur. Cum subditorum suorum sanguis longe sua ipsius vita charior sit. Unde non in clypeis tantum ac vexillis scriptum, sed ex cunctis vita, consilijs ac inceptis apparere videas illud: Pro lege, & pro grege. Item alia hujus generis, Alijs inserviando me ipsum consumo: Satius est unum civem servare quam mille hostes perdere: Pro patria mori pulchrum. Huc pertinet Alphonsi Regis Pelicanus sanguine suo pullos in vitam revocans.

II. Sic porro secundum reliquas virtutes enarremus, quæ in Magistratu apparent elegantia facta, quam temperanter vivant ac sobrie. Quæ faciant liberaliter: quæ magnifice: quæ ex animi magnitudine: item quam multa, modeste, clementer, humaniter. Præsertim justitia administranda ab his tota dependet; ut propulsentur injuriæ; benefactis præmia sua prompta ac parata sint, in facinora autem & maleficia severæ ac condignæ poenæ statuuntur. Doctorum virorum ingenia unius Principis nutu instantque caduntque. Quia honos artes alit, omnesque ad studia gloria incenduntur. Atque hac a Principibus præcipua expectatur.

III. Pars. Comparetur cum acumine & summitate arboris.

1. Cacumen facit, ut arbor longè lateque conspiciatur; ita regioni splendor, decus, celebritas à Magistratu suo est.
2. Natura in summo fastigio collocatum est cacumen, & reliquis partibus præminet: ita Principi divinitus collata est præ subditis excellentia & præcipua quædam autoritas.
3. Inferiores partes communi opera ac prompta cacumini suppeditant satis largam alimentum copiam; tum robur ac firmamentum præstant, ne tempestatum violentia decutiat. Eadem igitur debent Subditi etiam Magistratui suo.
4. Cacumen est quasi operculum arboris: omnes tempestates, pluvie, grandines, ventorum turbines, Solis aestus & reliquæ in illud ingru-

ingruunt: ab iisdem reliquis arboris partes immunes præstat fastigium. Ita Princeps solus omnes molestias excipit in, hunc subditorum lites, querelæ, seditiones, hostium incursiones fiunt. Singulis sua cuiq; onera: Principi omnia incumbunt.

V. Pars Egressio. Commendentur Principes vel Magistratus à locis personarum, ab origine, educatione, natura, moribus, habitibus intellectualibus, fortunis &c.

VI. Pars Gnomè. Referat honestas multas sententias, quibus Magistratus sæpè utitur & quibus hic ordo commendatur.

VII. Pars Misericordia moveatur, propterea quod indignis lace- rantur contumelijs à nihili hominibus. Item, stomachemur adversus eos qui Magistratui malè loquuntur.

VIII. Pars. Probet ex locis universalibus, legitimo, necessario, utili, iusto, & quod Magistratui summus secundum DEum honor sit tribuendus.

LOCUS COMMUNIS XXI.

DE NOBILIBUS IN PAR- tem pejorem.

Exordium à significatione modestiæ & invidia declinatione.

Eloquentiæ studium, Auditores, tum reliquas eas disciplinas, quæ cum hac cognatæ quodammodo sunt & conspirant & a juventute literaria exercentur, eas inquam jam à multis seculis in more positum est humaniores literas appellare. Cum enim omnis ingenua eruditio animum à feritate & morositate ad convictum importunissimam ad compositos mores adducat tum: imprimis ista litera quas humaniores inde appellari placuit, hoc facere vitæ sunt. Nihil igitur alienum magis ab his studijs esse debebat, quam obrectatio; quàm invidiæ stimulis incitari, quàm calumniæ exagitari furij: Quoniam nihil magis pugnat cum humanitate ac morum ingenique suavitate, quam in illis requiri.

mus qui his literis dediti sunt. Atq; ut quorsum hæc à me dicantur intelligatis, institui in corruptos quosdam nobilitatis mores quædam dicere pro more istorum exercitiorum. Et hic quantum periculum subeam, quomodo ita imprudens essem & parum cogitans ut non providerem? sed nubeculas in fronte istorum qui tangi se putabunt quod conscij sunt sufferendas puto. Vestras autem aures ut integras mihi servem hoc maxime laborandum mihi video. Quare id sancte vobis affirmo non criminandi animo, non calumniæ causa, non quod cuiquam invideam aut obtrectare vel hominis laudibus gestiam, huc progressum esse; sed ut veritati testimonium diceretur, debitus viruti honos haberetur; præmonendo à morum quorundam feritate alij absterrentur, hanc periculi non nullius aleam subijisse. Vos facite, ut à me si quid forte reliquum est animi minus pro rei dignitate constantis, æquanimirate vestrâ erigatis.

II. Pars Contrarium.

Ignobiles qui nullos ostentant in clypeis urfos aut leones pictos, & quibus à plurimis prædijs & rusticorum multitudine non ad superbiam inflammatus est animus; hi inquam sunt longè commodiores & tractabiliores, & sæpe plus ad rempublicam utilitatis afferunt. 2. Generis obscuritas nemini obstitit ad res præclare gerendas, & sic neq; laudi cujusquam detrachere debebat. 3. Quemadmodum nec illa magna laus est, cum ipse vel obscurissimus sis vel etiam flagitijs nobilitatus: tamen majorum tuorum aut famâ celeberrimâ ac honestissimâ, aut venustè saltē & eleganter aut monstrosè etiam pictis clypeis & insignibus te efferre. 4. Quin potius hoc sibi persuasissimum habeant qui à nobilissimis, hoc est ut ego interpretor, propter res prudenter, fortiter, magno animo administratas, clarissimis genitoribus originem & sanguinem ducunt, non gloriæ sed infamiæ, non honori sed pudori, non laudi sed summo dedecori sibi esse familiæ suæ nomen & famam amplissimam, si non semina illius domesticæ sibi virtutis, testimonia & signa maxime perspicua in sua etiam vita & gestis rebus appareant.

III. Pars Narratio.

Quod quò minus ac rarius fit, eo magis ac gravius reundenda

esse

esset huius ordinis ferocia, ac fastus pænè intolerabilis, quod nihil quidem dignum isto, quo haberi volunt loco perpetrant, interim se omnium primos ac principes passim obrudunt.

Narrentur hic nobilium facta, turpia, fastuosa, ridicula omnia.

1. Quid pueri nobiles agant in ista ætate, quomodo affectent primas partes: Et quomodo ac quibus vitijs sint obnoxij.
2. Quid adolescentēs, & viri.
1. In vestibus.
2. In convivio cum alijs.
3. In legibus communis societatis.
4. in moribus.
5. In emendo & vendēdo.
6. Erga superiorem magistratum, erga pares nobiles vel cives; Potissimum erga Rusticos quales se gerant, quam immodestè, quam illiberaliter, quam impiè miseros istos habeant: Ipsi longè viliores aliquando, si comparēs in ires uide homines unicè æstimandi sunt.
7. quam alieni à re militari cum tamen milites sint: quam intemperantes; quam illiberales aut prodigi; quam ambitiosi. Imperatorio utuntur sermone, incessu gallinaceo, contemnunt præ se fastidiosissimè alios: nemini via cedunt, potius de vita certant, nemini salutem precantur, ne salutanti quidem etiam honesto homini: magno comitatus strepitu, plumarum umbris, & caligis undantibus, terribiles: Quam gloriabundi; quanti scurræ: quam fraudulentis, parum constantes in promissis exsolvendis, &c. Quam alieni à literis, quas nec ipsi discunt, & in alijs pessimè oderunt. Immo pessimi criminis loco obijciunt. Quanti contemtores divini verbi. Nullarum pænè rerum periti nisi potationum & commessationum struendarum. Venationibus quomodo plus æquo tribuant &c.

IV. Comparatio.

Comparentur cum Basilisco. Hic ex Gallo optimo animali & domestico, animal fœdum & pestilentissimum. Ita illi.

2. monstrosa utriusq; genitura.
3. Hic ex ovo neglecto, infidente bufone. Nostri ex neglecta institutione corruptentibus adulatoribus.
4. Hic arenas & solitudines amat, nullam patitur secum habitare bestiam, etiam aves istuc prætervolantes necat visu. Nostri item, rure suo delectantur. Hic omnes longè lateq; agros cultoribus suis vastant: Peregrinis insidias struunt.
5. Hic omnium bestiarum, etiam hominis hostis: an non etiam isti?
6. Vel intuitu omnia necant, quid istis

aliud in votis? quid aliud spirant, quam gladios & cædem? 7. seipsum necat in umbram suam, venenum oculorum efflans: quod invidet alij rei sui speciem: illi in cognatos, fratres mutua cæde seviunt; sibi ipsi poculis ac trullis magnis vitam exhauriunt: quod his invident majorem ventre suo capacitatem.

V. Pars. Gnomes.

Vel opiniones quibus se defendunt.

1. Hoc maxime convenire illi dignitati atq; excellentiæ qua alijs præferuntur, ut suo vivant ingenio ac more & ea vitæ severitate quæ rustici non coercerentur. Nec enim eum nobilem esse qui servili & meticuloso ingenio natus, nihil ultra vulgus audeat, & communes cum plebecula leges ac pœnas metuat. R. Ubi hoc isti homines disputant? An non Rebuspub. optimè institutis? Atq; hic sapienter sanè illud provisum est, ut quo quisq; ab eruditione, animi præsentia, rerum multarum usu ornatior atq; instructior est, eò potior in Rep. locum habeat. Qui à nullum literarum, nullum alicujus experientia, nullum rerum laude gestarum ornamentum afferant, & quorum vita à turpibus flagitiorum sordibus inquinata sit: licet ijdem multis majorum meritis commendentur; tamen in honoribus mandandis prætereantur. 2. Dicunt majores suos meritos esse ac peperisse sibi gloriam. Resp. At quibus fruerentur posterì, si id operam dedissent ut eorum virtutem etiam assequuti essent, ut sic familiæ antiquitas eò esset illustrior, quo ad majorum famam grandior accepisset, gloriæ cumulus à posterorum industria. Quemadmodum idem fit in hereditate; ut qui conservant eam illi habeant, non quorum parentes quantumvis amplissimam possiderunt.

VI. Egressio.

Ex circumstantijs personarum describit.

VII. Pars Præcisio Misericordiæ.

Vel coercendam hujus ordinis luxuriam & ferocissimos spiritus severis legib. à superiori Magistratu.

VIII. Pars.

Idem probetur ex locis universalibus.

Exem-

Exempla Laudationis
LAUDATIO PRIMA.

Aaronis summi sacerdotis instituta defuncto
parente à filio Eleazaro successore ad popu-
lum Israëliticum.

*Exordium captat benevolentiam. 1. à significatione com-
munis cum populo doloris hujus & pietatis suæ erga Deum:
Quas virtutes, significat sententijs talibus super representi. 2.
à significatione Modestia.*

Vellem, viri fratres, Jehova noster ita fecisset, ut, quod in omni-
um vestrum votis fuit, pontificem Maximum vestrum vel mul-
tis etiam seculis præsentem habere, vel quoniam id imbecillita-
ti humanæ concessum non est, saltem ijs annis, quibus Respub.
nostra & Religionis negotium in terra Canaan constiteretur, vivum
potius venerari, quam mortuum isto hodiè publici luctus & exequia-
rum honore prosequi licuisset. Verum quoniam aliter visum est di-
vinæ clementiæ: ille quidem in beatissimum Numinis complexum ab-
ijt, & ita sanè, ut quamvis ex summa miserie in felicitatem incredibi-
lem discedere se à nobis quàm persuasissimum haberet, tamen quòd
de salute vestra esset quàm maximè sollicitus, vestris rebus consulere
diutius maluisset, si divinæ Sapientiæ idem placere potuisset. Nos
verò quamvis in divina ea voluntate jure, meritoq; acquiescimus: quod
ille sacrorum nostrorum præsidem ademit, qui dederat, & cui summa
Religionis ac Reipub. nostræ cura incumbit, Deus scilicet, tamen ita
meritum de nobis censemus hunc nostrum pontificem, ut item jure
ac secundum pietatem faciamus, quod hoc quasi caput quoddam no-
strum avulsam doceamus, sacrorum nostrorum principem ereptum
lugeamus, universi populi hujus alterum parentem desideremus.

Quod igitur ea causâ hodiè confluxistis, ut hujus vo-
luntatis vestræ singuli publicum ederetis testimonium, laudo ego vos

viri

1. Significa-
tio doloris
& pietatis.

2. Signifi-
catio Mo-
destiæ.

Secunda p.
exercitij,
probatio
circumstā-
tia 1.
Gens.

1. καὶ το-
ς υἱοί.

2. Accom-
modatio.
Descriptio
huius circū-
stantia per
præteritio-
nem.

2. Circum-
stantia Ma-
iores.

Accommo-
datio.

Descriptio
iterum per
præteritio-
nem, sed si-
mulatam.
Genes. 14.

virī Israhēlitæ: nisi quod à me hoc postulastis, ut voce præirem, & quæ in funere pontificis dici debēt, ego ea oratione fungerer. Quod vereor dicere quam grave sit, ne si nimium detrectavero, & in parentem impius, & erga vos morosior videar, quam officij ratio permittat. Faciam igitur quod iussistis, sed hac lege, ut si quid minus, aut etiam amplius dixerō, quam id dici debuisse cupiam videri poterit, magis id cogiretis, quid per dolorem possim, quam quid jure à me flagitetis.

PRÆPARATIO. Solent, qui in hoc genere orationis elaborat, pleriq; à prima cujusq; origine principium ducere, & de gente ac populo. unde quisq; ortum traxerit, multum verborum facere. ACCOMMODATIO. Et sanè non minimum in eo ad ornandos eos, quos laudare velis, situm arbitror adjumentum: cum & verissima videatur ac iustissima ea laus, quæ à multis annis ac seculis per majores nostros acquisita & conservata sit: & non tantum facile occurrant, sed etiam copiosissime suppetant in numeroso aliquo populo, & ex multorum annorum rebus gestis, quæ huc converti possunt. Verum hac parte orationis videor mihi nunc non satis commode uti posse, non quod eò minorem hanc laudem putem, quia cum omnibus vobis, quotquot amplissimo hoc campo vos circumspicio communis sit: cum potius eà causa longè gloriosissimam parenti & familiæ nostræ hanc originem putem: Sed quod ita animum induxerim huic loco & tempori convenire, non ut omnia, quæ poterant parentis mei honori esse, in concionem afferantur, etiam, quæ illo erepto tamen salva nobis reliqua sunt: verum ut in eorum saltem memoriam vos regredi faciam, quæ ita propria fuerunt sacerdoti nostro, ut illo amisso simul Respub. nostra egregij alicujus commodi atq; ornamentī sui jacturam fecisse videatur. Itaq; etiam à Majorum nostrorum mentione abstinendum erit,

Quæ sanè honestissima atq; amplissima futura fuisset oratio, si non apud eos dicendum esset, quibus nota hæc sunt, ut sine fastidio commemorari haud possint: tum nisi ab instituto meo, quod dixi, aliquid eniora forent.

Quæ enim amplior homini nostrati alicui laus attribui potest, quam quod ad communem parentem Abrahamum originem lingui- nis referimus? cum quo non civitates tantum Hethæorum, Hebron, Sodoma & vicinæ: non viri principes tantum Aner, Mambre, &

Escol:

Eſcol: non reges tantum pharao Ægyptius, Bora Sodomæus, Abimelechus in Gerar, & ſine dubio etiam alij fœdera expetiverunt: ſed Deus ipſe cum Abrahamo ſacroſanctum circumciſionis & ſalutis æternæ fœdus pepigit: neq; illud tantum paucis annis cum ipſo uno alendum, ſed quod multis annorum ſeculis ab Abrahamo ad omnem ejus poſteritatem pertingeret. Ut quòd nos homines ſumus, quod populus Dei ſumus, quod tot ſtupendis beneficijs divinis affecti ſumus, quod brevi, faciet enim hoc Deus, terram promiſſam poſſeſſuri ſumus: hoc univerſum proximè & ſecundum Deum Abrahamo communi noſtro parenti debeamus.

Sed non attingam nunc illa, neq; adeò de Iſaaco dicam filio hujus, tot annis antè promiſſo, quam poſtea per miraculum à parentibus effectis naſceretur: nimirum, quemadmodum fulminum generatio & proruptio non in momento abſolvitur, ſed nubium concurſus quidam, & luminis ſolaris obſcuratio longè antè iſtam portendunt: tum mirabili quadam ſit ratione, ut ex nubium iſtarum, hoc eſt aquarum collisione ignis ille erumpat: ita animadvertere licet non ſemel tantum factum eſſe, ut Deus, quos ſingulari animi, virtutis ſelicitatiſq; genere in vita excellere voluit, eos & prædictione & ſæpè miraculo etiam natiuitatis illuſtraret. Ita porro D. Jacobus Patriarcha prætereundus mihi eſt, item filij hujus duodecim, in quos primos generis noſtri amplitudo, tanquam exſolidatà, jam per Abrahamum, Iſaacum & Jacobum ſtirpe in ramos & propagines ſuas evagata eſt.

Illuc venio, quæ propius parentem meum attingunt, nempè ad tribum noſtram. Atq; ut hic rem altius reperam, meministi, quod &c. Hic deſcribatur cædes primogenitorum in Ægypto, Exod. 11. Unde Deus peculiariter ſibi vendicavit primogenitos Iſraëlitarum, Exod. 13. Iterum hos vendidit Iſraëlitis tribu Levitarum Num. 3. ut cum omnis noſter populus Dei ſit redemptionis jure, quod eum Deus ab Ægyptiorum ſervitute liberavit: tamen levitæ duplici lege ad Dei familiam pertineant. Dicatur hic de veſtibus ſacris, de officio ſacro, de varijs privilegijs Levitarum &c. Et ſingulorum reddatur ratio aliqua ad laudem hujus ordinis. Cavete igitur mei fratres, ne minus reverenter hunc ordinem habeatis, neve aliter de eo judicetis, quam Deus præſcripſit, ut ſanctos ſcilicet, & ſacros exiſtmetis eos, qui hinc na-

ti ſunt.

Genef. 14.

*Abrahami
laus.*

*Alter ma-
jorum Iſa-
acis.
Accommo-
datio.*

*Tertius ma-
jorum Iaco-
bus.*

*Quartus
majorum
Levi.
Deſcriptio.*

*Accommo-
datio per
adhortati-
onem.*

Accommodatio per adhortationem.

*Omittitur
Accommodatio.
III. Circumstantia parentes.
IV. Circumstantia Frater Moyses.
Accommodatio per Noëma.*

V. Circumstantia soror

Accommodatio per Apostropham ad Deum & communicationem.

VI. Circumstantia Educatio.

ti sunt. Addi potest expolitio.

Ex Levitarum ea tribu parens meus nativitatis origine descendit. Nam Levis primus tribus nostræ autor inter reliquos filium Cathum habuit, & ex hoc nepotem Amramem, pronepotē Aaronem & Moysen. Ita Amraimes pater Aaronis, Cathus Avus, Levis proavus fuit. Honestissimi sanē hi in gente nostra habiti sunt, & possem ejus rei documenta clarissima proferre, nisi ad alia properarem.

Hos communes habemus parentes cum Moysē, duce, propheta, & interprete nostro apud Deum. Poterunt hic quidam insigniores actus ex vita Moysis describi, qui ad laudem atineant.

Hanc igitur præcipuam felicitatem suam prædicare memini parentem meum, quod Moysen fratrem haberet, a quo & a pueris ad ejusdem virtutis æmulationem accensus, & adultiori ætate in officium hoc allectus esset, & in eo divinis consilijs regeretur. Præterquam quod ita judicaret, eum virum, qui universo huic populo ornamento insigni esset, inde quia ex gente nostra tantum Prophetam existere Deus voluisset, sibi fratri eò majus quoddam decus, aut majorem saltem jucunditatem afferre, quò propiori originis conjunctione copularetur.

Ex eodem autem conjugio etiam Mirriam vel Maria prophetissā amita mea suscepta est, cui non ita dudum est, cum finis ducere finis, vosq; ipsi publicè testati estis, quantopere & vivam admirati fueritis, & mortuam desideraveritis. Deo ea sit laus, qui avo meo hanc singularem felicitatem liberorum indulxit, ut non quidem suæ alicui voluptati, cum magnum semper dolorem ex filiorum calamitatibus perceperit, sed tamen insigni nominis gloriæ & universæ gentis nostræ salutis trinam illam sobolem suam educaret. Utinam vel singulis vel plurimi eadem benignitate numinis afficeremini. Tantum enim abest, ut cuipiam invideremus hanc gloriam, ut etiam eò magis gentis nostræ nomine gavisi simus, quò communius fuerit illud Jehovæ beneficium.

Si illud etiam scire quippiam interest, triennio major Moyses est Aaron: ille in aula, hic domi apud parentes fuit educatus sollicitate patris & piæ, sed pro illorum temporum infelicitate minus ad eas artes adhiberi potuit, quibus hæc ætas solet ad splendorem aliquem ingenii

infot

informari. Sed ut videas non tam ab humana industria, quam cœlesti indulgentia proficisci illud, quicquid est ab eruditione, ornamento, mirabiliter cecidit, ut Aaron nullis imbutus literis, disertior tamen præ Moyse, in eloquentiæ artibus diligentissimè instituto, haberetur, imò hujus eloquentiæ testimonium Deus ipse Aaroni diceret, *Quis enim est &c.* Exod. 4. v. 17.

Mores: 1. Fortitudo, quod in omni vitâ novit imperare metui, & summa fiducia in periculis gravissimis usus est. 2. Modestia, quod nunquam superbiit in summa potestate. 3. Humanitas, nunquam cuiquam morosius respondit. 4. Mansuetudo, quod adversus calumniatores nunquam savijt, passus est, promptior fuit ad ignoscendum, quam illi ad agnoscendum delictum, 5. Veracitas, candidè & apertè semper fissus est, quod res erat. 6. Justitia & Innocentia: neminem defraudavit, semper populum præcipuè adhortatus est, ne cui injuriam aut vim facerent.

Mores hi sic sunt exponendi, 1. Accommodatio est propositio Major, e. g. Fortitudo est pulcherrima virtus. 2. Descriptio est propositio minor, e. g. Aaron fuit vir fortis, constantiam animi semper tuitus est in omni vitâ. 3. Altera pars accommodationis est conclusio, e. g. Igitur fortissimi viri in Aaronè jactura nobis facta est.

Major propositio illustrari potest aliqua breviusculâ expolitione addita: vel tractatione Loci communis, aut saltem addito Simili, contrario, exemplis alijs, sententijs. Descriptio hîc non debet digredi ad ipsorum factorum singularium enarrationem, sed saltem fortitudinem, aut aliam virtutem ex illis factis plurimis, quæ nota sunt vel ex totius vitæ cursu, urgere & exprimere, e. g. non est hîc describendum, quomodo ingressus sit ad Pharaonem, sed tantum in genere dicendum, quod in omni vita moderari noverit metui &c. Præterea varietas hic servetur jam antè præcepta, ut accommodatio, & sic reliquæ partes, aliquando omittantur, aliquando brevius, aliquando prolixius exponantur: aliquando medio, aliquando primo, aliquando ultimo loco collocentur, semper alio atq; alio efferantur schemate.

1. Officium Sacerdotale, pontificatus, vocatio, Num. 17. Confirmatio per miraculum, officij partes, vestitus.

2. Conjugium. 3. Liberi.

7. Circumstantia Mores.

Tractatio horum morum.

8. Circumstantia: Relatio.

Res gesta.

Tertia pars
exercitij
comparatio

Res gesta describatur præcipua illa Numer. 16. v. 46.

Comparatio instituiatur cum Josepho;

Epilogus habet repetitionem, & secundo preces, ut Deus con-
servet Ecclesiam.*Laudatio II. Abneris,*

Imperatoris in exercitu Saulis: habita à Davide

Rege in funere: Anno regni Davidis super Juda octavo
& super Israël primo, Anno Mundi 2898.*Exordium captat benevolentiam à significatione pietatis &
modestia sue. Ultramq; significat sententijs de re presenti: scilicet
de Abneris virtute sentit honestissimè: de morte per familiariter &
piè. Elocutionis figura ωεός ληψίς sive Assumptio generis.*

Ætiologia.

Amplifica-
tio à tempo
re.2. Pars Do-
cilitas.

Cum omnis virorum fortissimorum obitus atq; iactura, & regioni
cladem insignem afferat: & Principi tanquam Reipub: oculo
aut capiti præcipuè dolere debeat: tum huius viri mors, cui hodierno
die funus facimus, & vehementissimè Reipub: nostram & universum
populum Israëliticum afflixit: & inprimis mihi novo Regi luctuosissi-
ma exstitit. Nam omnium nostra ætate gravissimo viro orbata est
Respub: nostra: & ego fidelissimum amicum, fortissimum ducem,
& exoptatissimum Pacis auctorem inter nostram & Saulis domum,
inter Judæ & Israël regnum amisi. Accedit temporis importunitas,
quod ipsis regni novi auspicijs tanta hæc calamitas accidit: ut illa mi-
tia principatus nostri super Israël, tristissimâ hac cæde pessimè conta-
minata sint. Sed quoniam hæc nobis non tantum non auctoribus,
sed ne conscijs quidem perpetrata sunt, te Jehova, testem sanctissi-
mum appello: capiti ipsorum sint hæc fœdissima omnia, qui scelere
isto manus commacularunt. Nostrum autem regnum ut Deo ritè ex-
pietur post providebimus: interim quod possumus, & præsentis tem-
poris postulat ratio, honorem illam habebimus defuncto nostro, ut
quod perpetuæ ipsius, pro meritis, sæliciq; memoriæ sit, paucis tantum
viri laudes inter nos recordemur.

Natus

Natus est ex tribu Benjamin. Descriptionis loco narretur historia de Beniamino. Gen. 35. v. 6. & Cap. 42. & seq. Item de præcipua potentia hujus tribus: qua abusi sunt ad luxum Judic. 20: ubi ferè omnes ad internecionem delati sunt. Sed postea revaluerunt. Regia sedes fuit in hac tribu & ipsum Domini templum.

Magna est laus ex populo Israelitico ortum ducere: major igitur ex præceptis hujus tribu.

Egregium ornamentum est ipsi Israelitico populo urbs Regia & Domini templum: magis igitur egregium, vel majus ornamentum est ipsi huic tribui Beniamitica, quod in hujus ditione & regia sedes & religionis existit: &c. Abner fuit filius Neri: qui fuit pater Citis & avus Saulis: ut sic Abner sit patruus Regis Saulis.

Est certè magnum ad virtutem momentum situm in ipsa sanguinis & originis nobilitate.

Dicit David, se audivisse à Samuele quam accuratè sit educatus, quam piè & modèstè: adeò ut id publicè notum fuerit, & celebratum elegantis educationis exemplum. Tum ipsos mores satis dixisse testimonium. Et describatur educatio talis fuisse, qualem solent exigere præcepta Philosophorum.

In educatione omnis spes reliquæ vitæ est.

Corporis proceritas gravis & terribilis quodammodo: ut ad tam angustum Imperatoris munus non tam electus quam natus videretur. Nec minus in animo animadversa est à puero inusitata quædam magnitudo & gravitas, ac constantia in quibuslibet audendis.

Natura plus potest quam assuefactio.

Peritia rei militaris quædam fuit in hoc viro singularis.

Valdè necessaria est non dicam copia, quæ obtineri non potest sed paucitas saltem & raritas quædam hujusmodi hominum ab arte militari instructorum &c.

1. Fortitudo. 2. Temperantia. 3. Modestia. 4. Animi magnitudo. 5. Magnificencia. 6. Fides in Dominum Saulem singularis.

1. Secundum Pietatem. Cultum religionis promotum cupijt: contulit ingentem auri summam ad ædificationem templi. 1. Paralip. 26. v. 13. 2. Secundum Fortitudinem. 1. In bello contra Philistæos. 1. Regum 17. v. 25. Et in altero bello 1. Reg. 14. v. 50.

2. pars Exercitij, Ipsæ Encomium
1. Circumstantia à gente.

Accommodatio.

2. Circumstantia, Majores & cognati.

Accommodatio.

3. Circumstantia, Educatio fingatur.

Accommodatio.

4. Circumstantia Natura.

Accommodatio.

5. Circumstantia, Alij habitus. Accommodatio.

6. Circumstantia, Mores.

7. Circumstantia, Res Gestæ.

Accommo.

Ea demum vera est laus gravissimis periculis pro Repub: & Magistratu suo se obijcere. Item cum Saul persequeretur Davidem, adfuit una Abner. 1. Regum 20. & narretur hic historia mirabilis, quomodo noctu ingressus sit in castra & tentorium David propè dormiente Abnere.

Accommo.
per Inflexionem.

Multa coguntur facere qui vivunt sub injustis imperijs præter voluntatem. Narretur hic historia de ludo. 24. puerorum vel militum 2. Regum 2.

8. Circūst.
Relationis.

Primum Imperator summus fuit, & primus quidem. 1. Regum 14. v. 50.

Accom.

Magnum hoc est virtutis testimonium, tanto officio præfici.

Accom.

2. Fuit pater. Habuit filium Jafielem, virum à virtute paterna haud degenerem. 1. Paralyp: 27. v. 21. Præclarum capiunt virtutis suæ fructum parentes, si hujusmodi non tam corporum quam animi sui imagines posteritati relinquunt.

3. Habuit amicos: Ipsum Davidem. Colui istum virum à prima pueritia: tum propter virtutem tum etiam merita: quia primus adduxit me ad Saulem Regem. 1. Reg. 17. v. 50. Deindè in aula Saulis multis annis sumus conversati, & cum Rege eadem mensa cibum capiebamus. 1. Reg. 20. v. 25. Item fuit amicus filiorum Saulis: & cum à morte Saulis propter regni invidiam inter Isbosethum & Davidem dissensio oriretur, Abnerus maluit filio Regis adhærescere, & hujus causam quantumvis injustam tueri.

Accom.

Ministrorum non est inquirere sollicitè in Dominorum causas: sed pro fide quam promiserunt salutem & dignitatem eorundem defendere.

9. Circūst.
res gesta
quoddā singularis secundum
justiciam.

Quod suscepit pacificationis negotium inter regnum Juda & Israël. Prolixè hoc describatur 1. Præmonitio modestiæ causa.

Propter sinistras quorundam suspiciones dicam vobis rem omnem ut gesta est. Mortuo Saule fecit Abnerus quod debere seputabat Regi suo, ut filiorum tutaretur dignitatem. Itaq; cum præcipue auctoritatis princeps esset, filium Saulis Isbosethum Regem super Israël constituit: atq; adeò etiam me armis & bello adortus est, quem vos viri Judæ Regem elegeratis.

ἐνίκησις
Judicium.

Qua in re quod fatendum omninò est, haud leviter erravit tan-

tos

tus vir. Ea verò sunt humanæ infirmitates, nihil adeò est in consilijs nostris perfectum, & non aliqua labecula correptum erroris humani. Fecit tamen in eo quòd viri fortissimi & iustissimi esse judicaret, ut nihil à regni Judæ potentiâ metneret, quin quod deberi Domini sui filijs auctoritatem regiam, quod eam vindicare ad se pertinere putaret, armis contra me decertare non recusaret. In eo autem error commissus est, quod potius viribus experiri, quam Divinis oraculis cedere, quod potioem fidei suæ erga regem quam erga Deum rationem habendum censuit. Hic fiat digressio in alteram quandam narrationem de Jure Davidis ex 1. Regum 15. ubi versu 28. auferitur à Saule & filijs regnum, & cap. 16. ubi ungitur David à Samuelè in Regem.

Quid igitur aliud fuit adversum me pugnatum venire, quam cum Deo ipso belligerare?

Quid aliud Isbosethum regem proclamare, quam Deo reclamante regem populo obtrudere?

Quare cum totis istis septem annis satis adversis rerum successibus de errore admoneretur, cum corrigere ista consilia in animo haberet, sæpius de regnò nobis restituendo cum ipso Rege Isbosetho, sæpius cum alijs locutus est. Cum sine tumultu res transigi non posset, toleravit hæc, donec tandem, quod ab Isbosetho inclementius appellaretur, ira accensus, cum putaret sibi injuriam tam optimè merito fieri, fortiori animo hoc ausus est, quod justè se facere posse dudum quidem viderat, sed præ superstitione nimis erga Dominum fide ausus non fuerat.

Auditione accepisse vos puto, quæ nuper fama publica ad nos retulit, de Græcorum quodam rege Codro. Duæ potentissimæ Græciæ Civitates Athenæ & Sparta bellum inter se gerunt. Cum consulissent oracula sua de præliorum eventibus, fortè responsum est, eam partem superiorem discesuram esse, & potituram alterius imperio, cujus princeps in ipso prælio occubuisset. Cum ea responsa ad castra relata essent, Atheniensium Rex Codrus quidam inaudita atq; inusitata quadam cupiditate gestijt morte sua Atheniensibus suis victoriam & imperium in hostes comparare. Cum autem metueret, ne hostes ab agnito manum abstinere, ille sumto habitu rustico in hostium castra progressus quos fortè obvios habuit milites, jurgiis ad sui cæ-

Accommo.

Mitigatio
ἐπιει-
σεως.

Accommo.

Narratio :
Quomodo
Abnerus tā-
dem muta-
verit men-
tem.Tertiapars
Exercitij.
Comparatio

dem provocavit. Nec fefellit prædictionem eventus: & Athenienses hostium castris & ditone universa potiti sunt. Sanè rara & inaudita omnibus seculis animi magnitudo, ut præ subditorum salute, propriam potuerit posthabere. Verum compirate mihi Abneri nostri consilia, longè maiorem virtutis ac laudis materiam reperietis. Ille Rex, hic Privatus: ille victoriam, hic perpetuam pacem comparavit: ille cum gloriæ spe, hic incerta salutis opinione se in manus nostras commisit. In eo uno infelicio, quod ille ab hostium manibus, hic ab amicorum gladio occubuerit: ille morte honestissima: hic sceleratissima.

*Epilogus
moet mi-
sericordiæ.*

Obijt enim tam nobilissimus vir, tam augustus & felix Imperator. Repetantur hic pluraq; capita Orationis: Et obijt quidem pro dolor! neq; morbi calamitate aut gladij hostilis vi, sed intra moenia nostra, inter amicorum manus, blandicijs circumseptus interijt. Qui non semel, non decies, sed innumerabilibus modis, in Midianitarum in Philisteorum, in aliorum castra tutus irruperat, hic intra arcem nostram necatus est, quam ille sæpius manu sua ab hostili incurfu defendit. Imperator bello clarissimus, pacis tempore occisus est &c.

Laudatio III. Salomonis.

Gratulatur Nathan Præceptor proceribus
regni de novo rege.

Exordium ad imitationem Cicer. ad Quirites post reditum.
1. Captat docilitatem, dum orditur à re ipsa. 2. Captat benevolentiam, dum refertur ad pietatem & Deum præsens felicitas.

Quod precati sumus à Deo optimo Maximo, Illustrissimi proceres, eo tempore, cum primum propter ætatem affectam regis nostri, optime de nobis omnibus meriti, non unum periculi genus imperio nostro immineret: ut si ex nostro privato quorundam commodo & arbitrio ea res gereretur, ut in locum vivi atque superstitis regis Salomon succederet, infelicio tam audax conatus evaderet: sin hæc inusitata ratio, filij in locum parentis etiam tunc officio fungentis sufficiens, non tantum sapientissimi regis nostri Davidis voluntate nite-

reter,

retur, sed etiam divina autoritate & jussu suscepta esset: ac deniq; magno futura sit Reipubl. nostræ commodo: si eo inquam animo in vos & Rempubl. universam fuisset, Deus exoptato aliquo eventu instituta nostra vobis approbari faceret: ejus devotionis nostræ hodie convictos nos esse, vestrīs omnium faustissimīs acclamationibus regi novo factis, Dei Optimi Maximi summo beneficio: summo opere lætatur, proceres. Et quanquam vos Reipubl. vestroq; singulorum nomine, summo affectos gaudio sentiamus: tamen ut vel foveamus eam vestram læticiam, vel majores ejusdem causas habere, quam publice notum sit demonstremus: quaeso vos, ut patiamini me de regis nostri privata vita, cui hactenus ex officio præfui, pauca vos monere.

Secunda pars Exercitij, ipsam Encomium.

I. CIRCUMST. GENS. DIGRESSIO. Neq; tamen temperare mihi possum, quin de gente & origine regis nostri quædam præmittam, non tam quod consuetudo ita ferat, sed quod maxime ad rem præsentem pertinere arbitror.

NOMINATIO. Est ex eadem nobiscum genere. Potest hic describi gens Judæa.

ACCOMMODATIO. Illud igitur merito nobis gratulamur, quod ex gente nostra rex hodie nobis contigit, eoq; certiores sumus fore ut sub defensione hujus regis, divina tutela fruituri simus, quod ex divina lege illum creatum novimus. Recitetur hic lex ex Deuter. 17. v. 15.

2. CIRCUMSTANT. MAIORES. I. REMOTI, Juda scilicet unde tribus Juda. Dicatur hic de laudibus Judæ, & tribus hujus.

ACCOMMODATIO. Non sunt audiendi, qui negant accedere quicquam commendationis à majorum virtutibus: aut quemadmodum sanguinem; ita etiam virtutem parentum soboli ingenerari. 2. PROPIORES, sunt Naemi, Ruth, & Booths. Videatur liber Ruth.

ACCOMMODATIO per Inflexionem. Tenuis fortunæ quidem fuerunt istæ mulierculæ, sed piæ. Quare si vera nobilitas est virtutis paternæ bene longo avorum ordine spectata quasi & perpetua hæreditate derivata in posteros imago ac similitudo: quemadmodum

pietatis longe maxima præ omnibus alijs virtutibus est excellentia: ita illi merito nobilissimi judicandi sunt, qui in avorum serie multos pios numerare possunt, præ illis, qui aut divites aut potentes, aut milites plurimos suos majores jactitant. 3. MAIORES PROXIMI. Avus sequitur Jesseus, qui septem eduxit filios, eosq; prudentissimos & fortissimos viros.

ACCOMMODATIO 1. ad avum: Non potest homini major felicitas contingere, quam ea optimorum liberorum multitudo, Græci vocant *εὐτελείαν*. 2. Accommodatio ad Solomonem per similitudinem: Si gemmæ alicui non nihil fulgoris inde addi putatur à vicino auro scilicet, unde etiam auro includi illæ solent: eodem modo credendum omnino est, viris quantumvis optimis ac præstantissimis à cognatis hominibus honestissimis nonnullam splendoris, nominis, ac virtutis lucem adjungi, sive quod horum exemplis in illis, quanquam per se ardentissimum virtutis studium, aliquo tamen modo inflammetur & foveatur: sive quod copiosissimus ille laudum ac gloriæ cumulus, vel revera accessionem aliquam admittat à propinquo communibus sibi nominum luminibus, vel ex contentione saltem & collatione major appareat.

3. Circumst. PATER DAVID. Describatur prolixè 1. ab educatione vel natura. A primo puero deprehensa est in Davide divina quædam indoles, singularis pietas, fortitudo, prudentia, dexteritas in expediendis negotijs.

ACCOMMODATIO ad laudem Davidis. Ut ex illo pueritia flore satis appareret, felicissimos olim universæ Reipubl. fructus ex hoc ingenio edendos olim fore. 2. ab artibus: à peritia jaculandi funda: à peritia rei militaris: à peritia artis Musicæ. Item à peritia Scripturæ Sacræ & revelationum divinarum, quia fuit propheta. 3. à virtutibus: pietate, fortitudine, animi magnitudine, magnificentia, liberalitate, modestia, mansuetudine, justitia &c. 4. à rebus gestis. 1. Secundum pietatem: quod templum voluit ædificare, cum prohiberetur divinitus, magnam summam auri contulit in templi ædificationem. 2. Secundum fortitudinem: bella gessit, Item Goliathum juvenis adhuc Gigantem deiecit. 3. Secundum mansuetudinem: maledicum Simeci, à quo multa convitia tulerat, ne verbo quidem ledere

volsit,

voluit, cum capite plectere potuisset. Sic Sauli & filijs, cum quibus capitales inimicitias exercuerat, & qui ipsi non tantum immerenti, Sed etiam optime merito gravissimas injurias attulerant, ita repugnavit, ut tantum vim injustam à se depelleret, nunquam ipse, etiamsi facile & juste potuisset, mutuam inferret. 4. Secundum prudentiam. Huc pertinent stratagemata. Item urbs Hierosolyma ædificata atq; exornata. Item huc pertinet liber psalmorum sacrærum. 5. Quomodo fortunis suis usus fuerit. Hic narretur singularis Dei favor perpetuus erga Davidem, probeatur ex mutatione fortunarum, quod ex opilione regem Israël fecit: tum perpetuos, largitus est successus.

ACCOMMODATIO hujus Circumstantiæ per Correctionem. Dabitur veniam præceres illustres, quod præ digna admiratione plurimorum meritorum optimi regis, longius fortassis à proposito nostro aberravit oratio. Quanquam non ita aliena sunt, quæ diximus à præsentit tempore, quin quam proximè pertinere ad laudes quas institui-
mus Solomonis nostri, quilibet vestrum videat: Quid enim honestius ac splendidius novo regi nostro esse poterit, quam à quo nos universi summa quæq; beneficia accepimus, cui secundum Deum regni nostri splendorem, à Philisteorum & aliorum hostium servitute liberationem, rerum omnium copiam atq; abundantiam debemus: ab eodem Salomonem nostrum & naturam, ac corpus animumq; regium; & præterea tam amplissimam optimorum erga Remp. meritorum hereditatem unâ cum regno augustissimo accepisse.

4. Circumstantia. Fratres. Primus Absolon prætereatur silentio. Secundus Adonias, qui propter jus majoris ætatis regnum Salomoni præripere satægit, Sed cedere coactus est, (3. Reg. 1.) Fiat Digressio in eam controversiam. 1. Laudetur Adonias, adolescens pius, prudens, modestus, ingeniosus, magni animi, tum major natu præ Solomonem. Consuetudine igitur omnium gentium huic parentis imperium debebatur. 2. Ponatur Antithesis vel solutio per Antisyllogismum: Pater dissensit, & Salomonem voluit regem.

Accommodatio. Hæc voluntas debet liberis ira sancta esse, ut regni deponere cupiditatem, imo certam spem, quam resistere paternæ voluntati malint. Per prudentiam enim plus potest prospicere liberis, & de ingenijs eorum melius judicare, quam ipsi. Et cum major

natu filius charior parenti sit, propter plurimum annorum usum: aut saltem ambo æque charissimi, tamen quia Salomonein Pater sibi suffi-
ci maluit, etiam si nulla ejus judicii extaret & perspecta nobis esset ra-
tio, nihilominus ita existimare non nos tantum in honorem regis no-
stri oportebit, sed quilibet sanæ mentis homo volet non nisi gravissi-
ma causa in hanc sententiam adductum esse Regem Sapientissimum.
Accedit, quod prophetiæ pollet dono David pater, ut planissime divi-
no instinctu admonitus in hanc de subrogando sibi Salomone men-
tem descenderit. Itaq, Deus est, qui Adoniam cedere minori fratri
voluit, cui pro pietate sua libentissima voluntate obsequendum esse
ipse sentiet: Deus est, qui Salomonem parenti successorem nobis
clementissime regem esse voluit; cujus eam divinam iustionem &
voluntatem fore nobis quam saluberrimam, nemo nostrum est ita à
pietate alienus, quin certissime persuasus sit.

Egyptia. Fiat contentio 1. Consuetudinis & divini manda-
ti: vel ostendatur quanto æquius sit huic quam illi obtemperare. I-
tem fiat contentio incommodorum, quæ utrinq; consequuntur, si vel
à consuetudine, vel à divino mandato discesserit Adonias.

Accommodatio ad laudes Salomonis. Magnum est indicium
animi clementis, quæ præcipua in rege virtus est, ita potentem secum
tolerare æmulum, & in tantis oblati injurijs iræ moderari, quod fa-
ciet Salomon, si ille Adonias in posterum à turbis quieverit.

3. CIRCUMSTANTIA. EDUCATIO. 1. Natura vel pue-
rilia studia. Insignis quidam pudor, amor religionis, virtutis studium
à primo puero apparuerint in Salomone. Cujus rei verissimum pos-
sum testimonium dicere, cum patris voluntate pueritiæ ipsius infor-
mator adhibitus fuerim. Unde jam dudum appellare soleo Amabi-
lem Domino. 2. Reg. 12. 25.

Accomm. Copiosissima & felicissima virtutum mesfis certa spes
ostenditur, si in pueritiæ vere prima segetis herba vel ingenij indoles
tanta ubertate se profuderit. 2. artes. In omni liberali disciplina fuit
institutus. 3. Reg. 4. v. 31.

Accommodatio. Imperiti illi sunt homines, qui ira judicant,
dedecere principem literas, aut saltem officio fungi posse absq; ista-
rum præsidio.

6. CIRCUMSTANTIA. MORES: animi magnitudo, humanitas, clementia, urbanitas, iustitia, pietas &c.

Tertia Pars Comparatio.

Comparetur cum Josua successore Moysis.

Quarta Pars. Conclusio.

1. Per gratulationem ad proceres, quæ repetat circumstantias plerasq; 2. adhortationem ad Salomonem, ut officium faciat; quæ præscribit modum administrandi imperij. 3. Votum ut Deus adsit huic gubernationi.

Laudatio Susannæ IV.

Dicta à Marito Joachimo pro
Testimonio.

Exordium 1. captat docilitatem à summâ dictâ. 2. benevolentiam à significatione modestie, fortitudinis in presenti luctu, pietatis: Quæ virtutes significantur sententijs super presentem casum.

Parendum est vobis, Iudices, ut quod à me postulastis testimonium de vita uxoris meæ antea dicta dicam tanquam coram Deo teste; idq; debeo ex autoritate, quam populus Judaicus in vos contulit: neq; adeò invitus facio, cum boni civis sit animo lubentissimo magistratui suo parere, quanquam nescio, annon excusare me poterat luctus hic meus, quem ex gravissima hac familia meâ calamitate percipio, ut vix vocem emittere patiatur doloris magnitudo, nedum dignum laudatissimè actæ hætenus vitæ testimonium conjugii dicere. Sed vincenda est, & quanquam hoc vix possibile, supprimenda vulneris acerbitas, donec quod vobis debemus obedientiæ, quod uxori gratitudinis, justè persolvemus. Te itaq; Jehova testem appello, cuius oculos nulla fallere humana calliditas præ cuius vindicem mantum nulla perjuria effugere poterunt, te, inquam, testem appello gravissimum, quod nihil hic fingam, nihil admentiar, sed ut certis documentis ipse

*1. Exercitij
pars.*

II. Exerci-
tj pars.

Accommo.

persuasis sum, ita omnia proloquar. Nunc igitur Iudices ad testi-
monium meum quaeso animum attendite.

Circumstantia prima Gens Iudæa describatur per præteritionem.
E. g. Fortassis hoc non vultis, ut gentis mentionem faciam, nostræ sci-
licet unde communem nobiscum originem habet Susanna, quippe
cum vitæ testimonium tantum requiratis, Et si fortassis ea oratio non
parum adiutura nostram causam, & uxoris meæ innocentiam defen-
sa esset, scilicet si cogitaveritis, ex ea gente ortam, ubi huiusmodi sce-
lera & severissimis legibus divinis prohibita, & ipso usu etiam in effe-
ris & minus accurata disciplina institutis hominibus penè inaudita aut
saltem rarissima sunt.

2. Circumstantia, Patria Describatur per præteritionem. Itaque
etiam patriæ abstinendum erit mentione: scilicet regionis patrum no-
strorum, unde propter varia peccata & ipsorum & nostra ejeti su-
mus: & nunc in isto exilio vel hospitio vivimus Babylonis.

Accommodatio. Ut vel cogitatio saltem harum fortunarum
nostrarum etiam efferatissimum animum ab huiusmodi scelerum libi-
dine abstergere, Iudices verò, quò minus tam gravi accusationi facile
assentiantur nisi certissimis & omni dubitatione majoribus argumen-
tis convicti fuerint, cohibere debeant. *Ἀπὸ λογίας.* Verum hæc om-
nia præterunda mihi erunt: ne non testis sed oratoris me functum
esse officio; & non tam actam uxoris vitam commemorasse, quod ius-
sus sum, quam crimen in pactum diluere voluisse, antequam id postu-
lemur, quisquam jure criminetur.

3. Circumst. PARENTES. Sed illud credo nemo repræhen-
dere poterit, si parentum mentionem fecero: quos sanè hic præsentem
in iudicio videris, quiq; ipsi libentissimè testimonium hoc filiae dice-
rent, & longè gravius dicturi essent, si vel vos piè exigere possent, aut
ipsum dolor dicere permetteret. Pater est Helkias: avus Zacharias;
quo summo Sacerdote abductus fuit populus Judaicus in captivitatem
Babylonicam: Proavus magnus ille Helkias (cujus historiam licet
videre 4. Reg. 22. & 2. Paral. 24.)

Accommodatio. Non institutio solum sed & exempla & inge-
neratus sanguis tam clarissimorum parentum satis remedij fuit Susannæ
ad cohibendas huiusmodi libidinis sceleratas flammæ. 2. Taceo
quod

quod familiæ decus facile potuit scēminam castissimam in officio continere. Nam quò gravior est iactura existimationis atq; honoris, eò difficilius ad eam faciendam inducuntur homines. Addo quod major constituta est in delinquentes ex hoc ordine pœnæ.

4. Circumst. Cognati sunt 1. Jerēmiās Propheta, qui item fuit filius Helkiæ Jer. i. v. i. Et sic fuit propatruus Susannæ. Et huic frater Eliakim vir maximi nominis, Esaiæ 22. v. 20. Esdras propheta & princeps fuit Patruelis Susannæ. Esdræ 7. v. i.

Accommodatio. Cum multum exempla moveant & mirabilem quandam habeant vim alliciendi ad virtutem: tum præcipue domestica nobis virtutum specimina mirabili quodam modo honestatem nobis commendant, & à vitiorum turpitudine animos abstrahunt ne scio quo cœlesti pudore &c.

5. Circumstant. Educatio tota fingenda est, scilicet ex præceptis philosophorum & prudentum hominum, E. g. fuit domi educata: in pietatis initijs diligenter et accurate instituta: à pueris fuit amans pietatis, fugitans & horrens quodammodò conspectum virorum: verecundiæ studiosissima & mundicies &c.

Accommodatio. Quemadmodum vitia à prima ætate instillata nullo quantumvis maximo labore iterum extirpantur: ita credendum est virtutum semina tenellæ ætati insita & cum eadem quasi enata ac confirmata non facile eradicari, & vitiorum quandam segetem scēdam inter se suppullulantem admittere.

6. Circumst. ARTEs didicit varias puellares, texendi, nendi, pingendi acu, colum exonerandi, his fuit valde delectata: invigilabat in mediam usq; noctem, item summo mane solebat excitare reliquas ancillas magna cum voluptate parentum.

Accommodat. Ocia si tollas periire cupidinis arcus Contemtaq; &c. Item perita erat sacrarum literarum: omnes penè prophetas & singulorum capita è memoria poterat dicere. Tum historias sacras ad unguem noverat. Accommod. Divinæ legis meditatio præsentissimum pharmacum est adversus scelerum tentationes, secundum illud quod dictum est à Propheta Ps. 119. Quo conservabit homo adolescens viam suam Domine si custodierit sermones tuos.

7. Circumst. Mores 1. Universales 1. Pietas 2. Temperantia;

3. Liberalitas erga pauperes 4. modestia vel humilitas.

8. Circumst. Mores proprii vel matronales 1. in gestibus; sermone, vultu, vestitu fuit pudicissima, cultus mediocris, quali utuntur qui ornantur sibi, 2. in re familiari curanda fuit admodum industria & sollicita, tum & prudens.

9. Circumst. Res gestæ singulares item sunt fingendæ. 1. Secundum animum quid fecerit vel ex virtutib. istis dixerit 1. ex pietate: Audiverat in concione aliquando contumaces pueros graviter puniendos fore olim à Deo: domum reversa etiam si nihil sibi conscia esset, tamen multis lacrymis à parentib. deprecata est, ut si forte imprudens offendisset, ejus delicti veniam sibi per Deum facerent.

Accommodatio per Comparisonem. Hoc fecit puella ut à delictis tam graviter abhorreret: & nunc matrona minus ab iisdem aliena esset? levia delicta & quæ nulla admiseras, sed ne per imprudentiam admisisset fortè verebatur, tanta animi ægritudine ferebat: & nunc pessima ista atq; inaudita penè in populo nostro scelera ultro in se conciperet. Sic fingantur aliæ quædam res gestæ circa usum pulcritudinis, item dicta, responsa &c.

Conclusio imploret misericordiam Judicum 1. per canos Helkia, 2. solitudinem Joachimi, 3. merita majorum Susannæ. 4. Innocentiam vitæ hætenus præstitam. Fiat Apostrophe ad Deum. Protopopæia ad cælum, Solem, diem &c.

*Ultima pa.
exercitij.*

Laudatio QUINTA.

Lucretiæ Romanæ instituta à Bruto
affine in funere.

Exordium captat. benevolentiam ab extenuatione sui & reindignitate.

Etsi turpe est cives Collatini, me & sexu & ætate virum eam animi magnitudinem in Lucretiæ cohonestando funere non afferre, quia ipsa mulier & adolescens admodum in morte appetenda voluntaria, & vita manibus suis eripienda, præstitit: tamen & virtutum in hac facmina recordatio & cogitatio atrocissimi sceleris quo & huic vis facta

& uni-

& universi Romani nominis libertas labefacta & dejecta est, ita perturbatur animum, ut eundem in officio continere difficilimum sentiam. Quod enim de scelere dixi facile scio mecum sentietis si rem penitus cognoveritis ejusmodi esse ipso nomine adeo atrocissimum, ut vel fortissimi cujusque viri mentem à statu suo dimovere possit. Si prius de virtutibus hujus feminae, ut iusta illi faciamus pauca praefati fuerimus, breviter illud exponant.

1. *Circumstantia patria. 1. Italia.*

Describatur Accommodatio. Permultum potest ad naturae informationem telluris nativa quasi quaedam indoles. Et hoc observatum est omnibus seculis, omni nationi ac terrae concessa esse, quasi quaedam spatia vel aetatem quandam aut virilem aetatem qua maxime floreat insignibus ingenijs & inusitatis quibusdam virtutum exemplis, qualia fuerunt illa Italiae secula quibus Roma floruit.

2. Patria Roma urbs. Describatur usque ad tempora Tarquinij septimi Regis. Accommodatio. Patria honesta & legum vincula homines in officio continent, & generosos animos civium suorum prioribus exemplis ad similia virtutum studia invitant.

3. *Circumstantia Maritus Tarquinius Collatinus. Ex Regio sanguine, & cognatus reliquorum Tarquiniorum.*

Accommodatio. Quamquam virtus commendatione fortunae non egeat, fit tamen nescio quomodo ut externis istis honorum ornamentis longè illustrior appareat. Praesertim feminis praecipua accedit commendatio, si cum magnis viris copulatae fuerint, quod eorum iudicio ac testimonio comprobata quodammodo fuerit generosa uxorum mens, in quorum sententia in privatis & publicis negotijs universa Respublica libenter acquiescit.

4. *Circumstantia Educatio: fingatur. 1. Studia puerilia qualem se praebuerit à prima aetate. 2. Artes muliebres. 3. Mores. 4. Res gestae praecipue illae cum Tarquinio & marito, quomodo sponsio facta sit de pudicitia uxorum: & Lucretia laudem Regijs nuptiis praeripuerit.*

Tertia pars Exercitij Comparatio, cum Rhea matre Remi & Romuli. Haec ex Regio sanguine: Item Lucretia: haec casta: item

Lucre-

Lucretia: hæc ex imperio patris sui à conjugio abstinerebat. Lucretia spontè & volens castitatem tuebatur. Hic poterit fieri contentio castitatis in conjugio, & alterius in calibatu: & illa præferri. Hæc à Marte fuit adamata: Illa à fortissimo viro Tarquinio Collatino. Hæc scelere patris sui miserrimè periit. Illa Tarquiniolorum nefanda libidine.

Quarta pars Epilogus. Hic narrètur factum Tarquinij quod noctu vim fecerit Lucretiæ: 2. Factum Lucretiæ quod injuriarum impatiens se ipsam morte affecerit. 3. Fiat exclamatio & indignatio super indignitate facti. 4. Adhortatio ut cives se duce tyrannidem istam ulciscantur.

Laudatio SEXTA. Samsonis.

Exordium à Modestia. Figura Elocutionis Narratio.

Millonem Crotoniatam nobilissimi roboris hominem cum insigni fortitudinis specimen edere vellet, in ferendo humeris suis bove per studij spacium, experimentum fecisse ajunt in vitulo, longaq; & quotidiana exercitum me præparasse & confirmasse se pius eodem ferendo vitulo, quam in publico theatro & hominum conspectu bovem jam factum portaret, Idem consulunt, qui de artibus ijs præcipiunt, quæ exercitio comparantur, ut scilicet à levioribus initium faciamus. Quæ cum ita se habeant, reprehendere ecquis jure institutum meum videbitur posse? si cognoverit, me in hac dicendorum exercitorum cathedra tam grave dicendi argumentum elegisse, ut viri omni ætate, omni hominum memoria fortissimi, Samsonis puto, laudes dicerem. Verum si idem ad id etiam animum attenderit, aliud ab oratore pro concione dicente, aliud à tyronibus requiri in his exercitijs, æquior spero judex erit. In oratore enim requiritur, ut nihil quod ad rerum magnitudinem pari orationis dignitate exprimendam pertinet, ab ipso prætereatur: In tyronibus autem sufficit si animus exercendi affuerit, quod facultas autem rerum excellentiam non assequatur, facile veniam damus, Ita q; in materia vel argumento diligendo ea his licentia conceditur. Ut quod ipsis maxime arriserit, in eo ingenium experiri liceat.

Cir.

Circumstantia 1. Parentes, Homines pii Jud. 13. Accommod. Ab hujusmodi vel pijs nasci, major est commendatio, quam à nobilissimis. Certe benedictio quidem divina transit à pijs parentibus in liberos suos: non autem semper à nobilibus & divitibus. &c.

2. Circumstantia Majores. Majores fuerunt tribus Dan. Dan filius Israël quintus ex ancilla Gen. 30. v. 6. Vaticinium extat de hac tribu Gen. 49. v. 16. quod præcipue autoritatis futura sit, & suppediatura iudices populo Israëlítico. Etiam illa legantur hinc verba: Dan coluber in via, & cerastes in femita, mordens ungulas equi, ut cadat fessor ejus retrò, ideo salutare tuum expecto Domine. Quæ sine omni dubio promittunt insignem quendam liberatorem populi Israëlítico ex hac tribu nascendum. Ipsum ergo Samsonem promittunt. Et simul Christum nostrum qui est salutare Domini, cujus typum gessit Samson.

Accommodatio. Magnum est nasci portentis quibusdam, nativitatibus, singularitatem prænunciantibus: Majus si multis annis anteat illud judicium: maximum si divina inspiratione prophetæ viri cujusdam singularis quasi anteambulones quidam denuncient adventum. Quid dicam, si in unum & eundem hominem hæc omnia contingant?

3. Circumstantia Educatio. 1. Nativitas miraculosa. Nascitur à matre sterili, angelo partum indicante.

Accommodatio. Semper hoc observatum est in historijs sacris, non nisi in heroibus hoc contigisse, & paucis illis quidem, ut nativitas illorum ab Angelo significaretur, & ipsi à sterilibus parentibus ederentur: nempe tribus illis Isaaco, Samsoni, & Johanni Baptistæ.

4. Circumstantia 2. pars Educationis. Mores pueriles. A puero apparuit singularis quædam in Samfone industria, prudentia, animi magnitudo. Scriptura dicit, agitatum ipsum fuisse à spiritu Domini: id est, animadversos in ipso fuisse singulares quosdam motus, inusitata quædam consilia & incepta.

Accommodatio. Quanquam sæpe fit, ut quo magis sera sunt virtutum indicia, eò maturiora & graviora sunt: tamen rarum hoc est, & tutius ita judicamus, nisi in prima ætate spes aliqua præclaræ frugis se ostendat, penè de reliqua vita desperandum esse.

5. Circumstantia 3. pars Educationis. Mores viriles vel perpetui. 1. fortitudo inusitata & inaudita: & non humana, sed divina, quam Dominus huic viro concessit in liberationem populi.

Accommodatio. Ita debemus judicare, si quid divinitus donorum nobis indultum fuerit, non ad nostram superbiam Deum nobis largitum fuisse, sed ut in publicam salutem collocemus.

2. Virtus. Liberalitas. Promptus fuit in largiendo, etiam cum damno aliquo suo, ut quæ magno labore comparasset, victus uno verbo, largiter alijs communicaret. Conjectura ejus rei capitur ex sponse, quam fecerat cum convivis suis adolescentibus quibusdam, à quibus fraude circumventus, cum jure non tantum nihil ipsis debuisset, sed etiam grandem summam sponse deperditam, exigere potuisset, tamen ne avarus, ne morosus, aut gravis videretur, ipse sponsionem perdidisse & Solutionis damnatus esse maluit, quam de jure suo litigare.

Accommodatio. Egregia est liberalitatis excellentia præ reliquis virtutibus inde adeo, quod semen quoddam videtur ac radix divine illius virtutis, quæ fastigium quoddam est omnium humanarum virtutum, magnitudinis dico in animo, vel μεγαλοψυχίας. Quemadmodum enim avari pusillo & abjecto animo esse judicantur: Ita ubi moderata quædam in opum elocatione largitas apparet, rectè suspicari videmur, subesse animum contemnentem vilium istarum rerum, & non nisi magna, atq; à virtute summâ profecta admirantem.

3. Urbanitas. Suavis fuit & acutus in excogitandis jocos. Quod ingenium satis probavit in nuptijs, quando logo griphos nexuit convivis suis, qui à nemine solvi poterant.

Accommodatio. Aristoteles dixit, urbanitatem esse κίνησιν, id est, motionem & agitationem quandam reliquarum virtutum, h. e. ut ego interpretor apicem & cacumen. Quemadmodum enim in solida arbore & annis multis confirmata reliquæ inferiores partes pondere & gravitate sua immotæ consistent, solum cacumen ventorum agitatione hinc inde impellitur, & isto concussu suaves quosdam sulsurros miscet: ita à reliquis virtutibus vitam ad severitatem quandam componi censeo: urbanitatem autem esse solam, quæ reliquarum subnixæ quasi fundamento, varia sermonum suavitate convictum condit.

6. Circumstantia Actiones & res gestæ.

1. Secundum pietatem Reveritus est parentes. Etiam si enim Dei instinctu ageretur cum Philisteam uxorem duceret, tamen hoc honoris parentibus suis habuit, ut non sine horum impetrata venia & consensu nuptijs illis implicaretur.

Accommodatio. Etiam Ethnici agnoverunt, & naturæ ea lex est, ut liberi parentum consensum in nuptijs impetrent. Quare inter Christianos inaudita esse debet ea contumacia & impietas, qua parentum autoritas in matrimonij ineundis negligatur.

2. Factum ex fortitudine, plurima gessit fortitudinis plusquam humanæ. 1. quando leonem discerpit medium. Narretur hic historia. 2. Quando mille homines asini maxillâ occidit. 3. Quando portas effractas ambas humeris suis abstulit. 4. Quando vinculis colligatus. 1. à Judæis deinde sapius à meretricula, rupit ista exiguo conatu. Et demum quando columnas duas, quibus innitebatur templum Philistæorum manibus evertit &c.

Accommodatio. Non tantum illuminationes & visiones, quas plurimas contigisse scimus Prophetis, admirabilia quædam Spiritus S. opera sunt. Verum etiam hujusmodi fortia incepta ab Herôibus perpetrata, qualia non tantum in Samfone legimus, verum etiam in fortissimis, ut appellantur Davidis regis.

Tertia Pars Exercitij Comparatio.

Comparetur cum Hercule, causa est, quia eodem tempore vixerunt: ut si non plane idem est Hercules cum Samfone, tamen ex famâ Simfonis celeberrimâ multa ad Herculem suum transmoverint Ethnici scriptores. Hercules per miraculum natus, & ex Jove, ut ajunt. Pleraq; tamen quæ de nativitate ejus dicuntur, plenissima fabularum sunt: Quamquam hoc à vero non abhorret, non sine singulari quadam ac divina virtute & beneficio, tanti animi virum, & qui tam optime de orbe universo meritis sit, latrocinij extirpandis extitisse ac natum esse. De Samfonis autem nativitate miraculosa, certa res est, & gravissimâ scripturarum auctoritate prodita. Unde quantum à nativitatis singularitate laudis adjungitur, tantum optimo Iure Herculi

Samson noster præfertur. 2. Hercules multa monstra domuit, quod significatur Poetarum fabulis de Hydra, æripide, cervo, apro erymanthio, Leone Nemeæo &c. Voluerunt autem hoc dicere, latrocinia instructa multa calliditate & potentia fuisse tamen disturbata ab Hercule: Simson Philisteorum injustas servitutes excussit à cervice Judæorum: idololatriam eorundem subvertit. 3. Hercules omphala servavit & Eurytheo iniquissimo homini: Simson servavit meretriculis. 4. Hercules creditur in Deorum evectus numerum: sed fabulosè: Simson certissime in cætum beatorum susceptus est.

Quarta pars Epilogus. Primum habeat repetitionem dictorum. 2. Excusationem quod pauca dicta sint pro rerum multitudine.

Laudatio VII.

Christi, ex nativitate.

Exordium, à modestia per extenuationem nostri.

I. pars.

Solent qui laudes clarissimorum virorum dicunt in principio orationis extenuare facultatem suam, & veniam, ab auditoribus precari: si fortè rerum magnitudini non respondeat par orationis apparatus. Et consuetudo etiam si à me non tantum non improbetur: verum etiam videatur quam honestissima, tamen in præsentī oratione non observabitur: Non quod argumenti, quod tractaturus sum non sit summa dignitas. Dicam enim de principe, imò rege, atq; adeò omnium regum rege, & dominantium domino, Jesu Salvatore nostro, ad cuius nomen omnium terrestrium, infernorum & cœlestium genua incurvantur. Quanquam non omnia, quæ ad laudes hujus regis spectant, oratione percurrere institutum nunc est, sed de nativitate saltem quædam perstringam. Quid igitur est, quod dicebam orationis splendorem expectandum à me nullum esse? tum verò imprimis causam istius neglecti nullam me afferre velle? primò, quod ipsa argumentatio videtur me satis apud vos purgare: cuius cum tanta excellentia sit, ut ne angelicæ quidem linguæ enarrare, nedum ornatum aliquem addere valeant, sanè ineptus videretur mea quidem sententia, qui hoc ratione quacunq; conareretur. Deinde altera ac præcipua causa est,

quod

quod salvatori nostro in cuius honorem hæc meditamur, ea gratissima sit omnium oratio, quæ simplicissima est, ut loquimur, sive ex ipsis cordis sensibus intimis sine, linguæ externis istis condimentis profecta.

Itaq; ut ad rem veniamus natus est Christus Salvator noster Augusto imperatore Romano, qui templum Jani clauferat eo tempore, in signum, bella sub Romano i. e. universi orbis imperio, undiq; cohi- quievissè.

Christus princeps pacis est: quod quidem ex manifestis scripturæ testimonijs certum sit, tum ipsis rerum eventibus, cum etiam hinc ex nativitatis tempore comprobatur.

Natus est noctu.

Sol Justiciæ est Christus: Itaq; quemadmodum Sol in tenebris oritur, ut has expellat, & lucem inferat, ita Christus noctu nasci voluit, ut unicum Solem se esse eo signo ostenderet.

Natus est Christus, quo tempore dignitas regia à populo Judaico translata erat ad Romanos.

Christus igitur est Messias vel mundi Salvator, quia ita prædictum fuerat à patriarcha Jacobo isto tempore nascendum fore Siloh sive salvatorem, quo regnum ad peregrinos translatum esset.

In Judæa natus est. Describi hic poterit Judæa.

Judææ regionis felicitas propter hunc puerum olim nascendum concessa fuit: si enim reges, cunas eas, quibus sui infantes suscipiuntur, non floribus tantum, sed preciosissimis stragulis insternunt, annon conveniebat, ut Deus filio suo unico & charissimo natalem locum quam splendidissimè exornatum redderet?

Urbs Bethlehem. Describatur.

Fuit eadem patria Davidjs, & celebrata à prophetis, quod Messias olim inde oriundus esset.

Eò minus dubitandum est, quin Christus Messias sit, i. e. totius mundi salvator Deus noster & redemptor noster, quod etiam hoc scilicet signum convenit.

In stabulo fuit natus: inter pecora; in fœnum & præsepe expositus.

Quamquam in communi hominum societate ita sit: ut quò quisq; nascitur fortuna ampliori, eò beatior prædicetur: tamen in di-

2 pars. lau-
datio.

1. Circumst.
tempus cō-
mune sive
annus.

Accomm.

2. tempus
propius:
Accomm.

3. tempus
commune
item.
Accomm.

2. Circumst.
locus.
1. cōmunis.
Accomm.

2. locus pro-
pior.

Accomm.

3. locus pro-
ximus.

Accom. per
inflexionē.

vinis rebus, & in regno Dei, ut vocamus, longè secius judicandum est, quippe cum respicientibus ad veram alterius seculi gloriam, quicquid est hujus mundi rerum preciosissimarum, sordes & nugæ meræ sint. Undè dulcissimus Salvator noster, ut hoc discrimen, quod nobis maximum videtur, inter res quas appellamus preciosissimas, aurum dico, gemmas. Sindonem, & vilissimas, stramineas intelligo cunas, imò nuditatem, frigoris perpeffionem; ut hoc discrimen nullum esse doceret, & persuaderet, suo etiam exemplo præmonstrare voluit.

Virgo peperit Christum: unde ἀνέτωρ dicitur Ebræ. 7.

3. Circumst.
Causa. i. eff.
ficiens naturalis.

Ex virgine nasci est sine peccato esse; qui enim nascuntur communi hominum more, in peccatis concipiuntur Psalm. 51. Christus autem Sanctus nasci debuit, ut ipse innocens patiendō nos sanctificaret.

2. causa supernaturalis.

Spiritus Sanctus: intellige de extraordinariâ & sancta operatione. Dicatur hic de duobus generibus operationum divinarum universali & speciali. Etiam omnium hominum nativitatem procurat Deus, & sic etiam Spiritus Sanctus: sed mediante naturâ sive infra facultate rebus creatis. Verum hæc nativitas speciali quadam, atq; adeo inusitatâ divinâ opera contigit: qua hoc scilicet effectum est, ut Deus ipse infans nasceretur.

Accomm.

O admirandum mysterium & ineffabile pietatis Sacramentum: Admiramur tanquam ingens divinæ omnipotentiae opus, quod homo ex homine nasci, quod immortalis anima ex parentum concipi sanguine & in hanc lucem prodire possit. Neq; adeo ullus repertus est, qui rationem excogitare valuerit, ut pleriq; negare indè ausi fuerint, fieri posse, ut ex parentibus anima generetur, quod scilicet modum ejus rei nullum explicare non sit in promptu. Quid igitur de tanto dicemus mysterio: quod Deus ipse qui nativitatis nullum novit principium, tamen in humana membra concrefcere & homo nasci voluerit?

3. causa finalis ex parte Dei.

Ut Deus amorem suum testaretur erga humanum genus. Deus pater quidem dum filium nobis largitur. Deus filius autem dum pro nobis homo nascitur. Deus Spiritus Sanctus demum, dum admirabilem hanc nativitatem operatur.

Accomm.

O nos beatos, qui tantopere à regum rege adamamur! Addatur simile de homine pauperulo ab amplissimo quodam rege amato.

4. finalis causa ex parte nostra

Narus est Christus filius hominis, ut nos nasceremur Filij Dei.

Ille.

Ille per Spiritum Sanctum natus est hominis filius ex matre Maria virgine: nos per Spiritum Sanctum ex aqua baptismi, & incorruptibili verbi semine filij Dei renascimur. Ille natus est ad nostram pro nobis portandam ignominiam: nos nascimur ad participandam illius cum ipso gloriam. Ille natus est nudus; ut nos coronaremur. Ille natus est pauperculus; ut nos divitijs cœlestibus circumflueremus. Demum ille natus est nostrorum reatum; miseriarum & calamitatum socius: ut nos ipsius beatitudinis, regnorum cœlestium & principatum, coheredes existeremus.

Christus est Deus.

Contendantur contraria e. g. Deus sine principio, capit principium dum nascitur. Deus infinitus parvo infantis corpusculo includitur: qui alit omnia, alitur exiguò materno lacte. &c.

1. Joseph. 2. Pastores. 3. Magi ex oriente. 4. Herodes. 5. Angeli. Singulæ possunt describi & addi. Accommodatio ad laudem Christi.

1. Antecedentia vaticinia prophetarum. 2. Expectatio patriarcharum. 3. Census ab Augusto imperatus. 4. Profectio & iter Mariæ cum Josepho sponso. 2. Medium. 1. Anteced. partus in solitudine. 2. apparitio angelorum. 3. eorundem congratulatio & hymnus. 3. Consequentia: fuga & exilium &c.

1. Paupercula mater, & juvencula, & peregrè absens: & sola: & noctu: & in stabulo: & ab itinere defessa: & Deum pariens, &c.

Comparetur cum mundi creatione. In hac item aderat Spiritus Domini, & ferebatur super aquas, Gen. 1. Idem etiam Christi nativitate superadumbrabat: verum illa operatione communi omnibus creaturis totus mundus, etiam res vilissimæ quæq; extiterunt, hac peculiari actione, & quam angelus Gabriel satis efferre non poterat, solus Christus noster prognatus est. 2. Mundus ex nihilo conditus iterum in nihilum resolveretur: hac verò Christi nativitate ex Deo & humano sanguine unus Christus factus, qui nunquam dissolveretur. 3. Mundus natus est, ut sub Christi pedibus substernatur: Christus in lucem editus ut universæ creaturæ dominus omnibus domineretur.

Instituantur preces ad Christum, ut nativitate ejus firmâ fide

appre-

4. Circumst.
Persona.

1. principalis.

Accomm.
per amplificationem fiat.
2. causa accidentales.

5. Circumst.
Res Gestæ.

6. Circumst.
Modus sive circumstantia emphatica.

3. pars. Comparatio.

4. pars. Conclusio.

apprehendamus per gratiam Spiritus Sancti & in salutem nostram convertamus.

SYLVULA LAUDATIONVM breviuscularum, Epigrammatum puta nuptialium.

DE Samfone Scriptura commemorat Jud. 14. v. 1. quod cives in Themnata dederint ei in Nuptijs sodales triginta, qui essent cum eo. Fingemus à singulis scriptum aliquod Epithalamion vel nuptiale carmen breviusculum, & ea occasione varias prescribemus hujus generis formulas ex præceptis nostris.

*I.
Exordium.*

PRIMUS LAUDABIT GENTEM. Exordium i. à docilitate. Figura elocutionis, Prosopopœia. Alloquitur fides suas, ut dulce modulentur carmen viro nobili & hujus nuptijs. 2. à modestia, Excusat tenuitatem, e. g. Haftenus assuetæ estis tantum canere sylvas, amores pastorum, lasciviam satyrorum, & lusus Nympharum, nunc grandius surgit opus. II. Ipsa laus, 1. Accommodatio prior, vel conclusio per Apostrophen ad sponfam. Gaude Nympha conjuncta viro optimi & nobilissimo, Gaudere parentes. Gaude terra philistæa. 2. Descriptio 1. per occupationem, Gens Judæorum sub servitute posita videtur minus nobilis esse, at est nobilissima. Dei sui quadam offensa contigit hæc calamitas. Sic ego sæpè vidi palmam viridem non deperdere vires, quod magno onere premeretur sed vehementius & majori nisu brachia protendere. Sic vidi ornum & quercum præduram altis in montibus concussam ventorum vi & immiti flatu firmius plantas figere, & ad tartara ima tendere radicibus, 2. Ipsa laus, Partes, 1. est fortissima gens Israelitica, ut vix ulla extet æque nobilis à factis insignibus, 2. est pia & habet faventem Deum, Numen ipsum vivum cum hac gente collocutum est, & leges posuit, & certo jure docuit vivere. 3. est felicissima gens, quia Deus terram peregrinam Cananitarum possidendam dedit, sine ipsorum ope, olim à patribus nostris incultam. Altera Accommodatio vel major propositio, Maxima est laus ortum esse à præclara gente. Sic ego sæpè vidi cedrum nobilem

aut æsculum aut aliam præclaram stirpem sub matris umbra suppullulantem diligenti cura asservari ab hortulano, cum reliqua infrugifera turba capellis arrodenda relinqueretur, aut curva resecta falce sub hyeme & immani Borea frigus depelleret & suavem calorem assidentibus præberet.

III. Comparatio. O felix conjugium par, non enim poteras Sponsa cum viro digniore conjuncta esse, non si ipse Hercules te ducere voluisset famâ celeberrimus, Incerto enim Patre natus est, quamvis fortissimus vir, quia enim mater per pudorem, Parentem verum, judicare non poterat, ex Iove concepisse se ajebat, Verum non congregiuntur cum hominibus & mortalib. uxoribus Dij Immortales; nec nuptias curant.

IIII. Conclusio per præcisionem. Sed definite nugarum fidei meæ, Est enim etiam alijs melioribus relinquendus canendi locus.

Secundus laudat Sponsum

à Patria.

Exordium à Comparatione.

Laudet alius & miretur colles Idumæos: aut Moabiridis terræ arva pingua: aut Chaldæum late populis imperitantem. Mihi non tam vetus Sodomorum regio videtur digna, quæ laudibus celebretur: quamvis paradysus domini prædicata sit: quam Israëlita tellus. Vix enim illa huic certaverit fertilitate: virorum autem fortibus factis longe cedit: Nam istis desidiæ cordi erant, quæ etiam tandem perdidit.

Secunda pars carminis, descriptio.

Salve cœlo gratissima tellus. Credo illo seculo quo è terris fugata est deorum immortalium turba, horum scelere ultima hæc reliquisse benignitatis suæ vestigia, ita arbor his fertilis; fruges, armenta, greges & reliqua cura coloni omnia læta atq; uberrima. Non spe inani agricolam lætat ager, horrea messibus rumpuntur grandibus, dolia multo Baccho Lactis oleæq; & mellis copia sudantur duris quercubus: atq; adeo ipsi agri horum fundunt flumina. Tum adco fortes

3. pars ac-
comodatio
ad ipsum
sponsum.

Conclusio.

viri hic extiterunt, ut ulla regio unquam pares tulerit, & quidem tanto numero, quem non est facile numerare: quot scilicet Orion nimbofus guttas depluit honestum caput cinctus noctifera nube, aut Eurus violentior ubi mari incubuit quot fluctus ad littora urget. Credo ego plane (& ut ô non fallar) Deos immortales hæc reliquisse testimonia in regione Israëlitude sui ad nos aliquando reditus.

Et quis te scit Samson fortissime an non præmiserint Dij te nuncium? Certe enim animus maximus non præfert hominem nec vox sonat hominem. O Deus certe, es sive Maïæ filius Deorum communis interpret, sive intonsus Apollo semper Iuvenis quem nulla ætas, virum aut senem faciet. Sive potius Mars fulmineus in armis terrificis. Quisquis es sis felix & fave populo nostro, qui cum per nuptias te conjungere voluisti. Fave etiam rudi nostræ Thaliæ. Si enim nulla carmina nisi te digna canenda forent, nulla carmina tibi canenda forent.

Tertius laudat Samsonem à majoribus.

Figura elocutionis Prosopopæia Introducitur mortuus loquens.

1. Παρουσυή vel ἐμψύχως.

2. pars ipsa
narratio.

NOx erat, (describatur poëtice) Visus mihi constitisse ante lectum (mirabile dictu) vir quidam bifrons Ianus scilicet, Ego totus exhorruï, Sed manu mulcebat mihi caput: & pectus dulci alloquio. Pone, inquit, metus, non enim veni ut tibi terrori sim, sed ut rerum occultarum scientia & noticia pectus expleam.

Nuptiæ illæ quas nosti inter Samsonem & gentilem tuam non sunt sine mente & numine divum. Una enim olim fuit gens Philistæa & Abrahmidum, una deiaceps erit. Una olim eratis familia me communi parente, Noacum vocant Isacidæ: vos Ianum. Quando diluvio periit mundus propter scelera & Lycaonis præcipuè feritatem. Ego docui pinos & abietes altis montibus casas. æquore inambulare hæcenus impervio humanis vestigijs: navem scilicet ædificavi primus qui me & conjugem servabam ab aquis omnia perdentibus. Miserrima ea erat terræ faciès ubi vidisses arboribus inhærere turpes phocas; damas & cervos, & frustra dentibus infrendentem aprum ex sylvarum

late-

latebris invastum mare avehi. Unâ vos alebam domo natos meos; scilicet, Semum, Iaphetum & Camum. Ex hoc tuus est populus: ex Semo Israelitæ dilectum Iovæ Genus. Sed præ multitudine in diversas oras habitare ivistis, nunc vix inde vos communem hanc originem nostis. Verum vide quid scire te velit magnus rerum arbiter Iova: scilicet ut nunc his nuptijs tanti principis inter vos iterum fœdera coëtais, & unus populus sitis.

Sic Luna unus orbis sane, discedit tamen aliquando in disiuncta cornua: sed Phœbi fratris illustrantibus radijs iterum partes copulantur. Plura videbatur dicturus esse Ianus, sed me terrebat insoliti viri novi forma & dulcem excutiebat è pectore soporem. Gaudet igitur. Patria nostra hoc augurio: tuq; ô Sponse & Nympha sponsa per quos felicissimæ hujus conjunctionis fausta facta initia sunt.

Quartus laudat Samsonem à parentibus.

Exordium à comparatione. Figura elocutionis prosopopœia.

Quem virum recinet aut heroem lyra mea, nunc fortem. Nimrodum qui primus manus colonorum assuetas feris leonibus agitantis aut ceruis fugacibus docuit crudelia tractare arma: nimirum ut prædonum audaciam longius progressam, & inanes legum minas contemnentem terreret gladij fulmine. An vero celeberrimum pulchrâ conjuge Nilum? atq; adeo felicem, si sapiens fuisset. Quia vero stultus erat, à conjuge deceptus blanditijs huic sceptrâ imperij dedit regenda per triduum. Sed quæ nunquam reddita sunt. Ipsa enim recordem Regem vita privavit: & habitum virilem induta multis armis pro Rege gessit se.

Num vero Herculem? claris factis nobilissimum: tum generis superbum splendore: ab ipso Iove ortum enim se jactitat.

An eximium sponsum? in quem omnia bona contulit fortuna & Iupiter æquus. Etenim & forti creavit pectore ut credas robur & triplex æs circum pectus posuisse: tum pulcherrima beavit conjuge quem multæ Philystæorum matres sibi nurum exoptaverunt.

Tandem ex optimis parentibus nasci voluit: vir enim in tota

2. Compar.

Conclusio
per præteritionem
narrationis
& accōmodatio.

2. Descript.

3. *Accomm.*

regione Patria sua fama celeberrimus Manoës. Quo non justior alter facile inventus fuit pietate aut bello & armis major. Felices illi prædicantur homines quibus hæc singula contingunt ut famam pulchris factis extendant: vel pulchra beantur conjuge, vel majorum laudem, & dignitatem generis nullo suo labore partam, sed relictam, quam non indigni avorum, possideant. Quid autem dicemus de te Samson heros cui uni hæc omnia evenerunt; Vive, tuq; similes natos & fortes & nobiles & felices suscipe.

4. *Conclusio*

Quintus laudat Nativitatem.

Exordium ab accommodatione.

Quemadmodum communi hominum ordine majores animos gerunt heroës: ita etiam videas sæpè prodigia quædam singularia concessa esse iisdem in nativitate, ut prænumcia sint egregiæ in ipsis virtutis.

2. Pars Comparatio.

Ita Hercules generatus est à Jove tribus noctibus. Nam tanto tempore nusquam commotum est cælum. Solis equi astiterunt osciosi dulci pasti Ambrosia ad præsepe. Luna vero pervigil excubabat: quanquam indignata moram & defessa, tamen obsequi cogebatur Jovis imperijs, quibus nemo potest resistere. Mortales caperant desperare de luce reditura: quod Phœbum offensum putarent hominum sceleribus, quæ oculo omniscio lustrat, abjurasse reditum. Aliqui etiam largius se invitasse in quodam Deorum convivio suspicabantur: Et sic ad potum probè ultra consuetudinem dormire.

3. Pars, Descriptio.

Majus est, quod in Samsonis contigit natalibus, uterq; parens sterilis frustra dudum sollicitaverat lunonem & Dianam, & reliquos Deos ac Deas, quæ opem ferunt parientibus: nulli exaudita vota, ac preces. Tandem, mirabile dictu, subita lux apparuit matri: qualis solet videri sub nimboso Orione, cum multis diebus nox aut tenebræ honestam Phœbi faciem occuluerunt: Atqui ille acribus radijs tenuem aliquam nubem forte perrumpens, miseris mortalibus lumen red-

dit amicum. Omnes gratantur sibi, non homines tantum, sed gar-
 rulæ etiam in arborum folijs aves, læto inter se garricu strepitant.

Non alia erat fides lucis illius celestis subito effulgentis. Unà
 autem aderat inusitata quædam pulcherrimi viri forma: quæ nuncia-
 vit de partu, matri quæ piritura esset hunc Samsonem filium. Et mul-
 ta addidit de fortissimis factis: sed quæ huc addere temporis spacijs i-
 niquis prohibemur. Idem Dei immortalis interpres sine dubio ipse
 Divorum aliquis etiam patri Samsonis eadem retulit, sed alio tempo-
 re. Narretur reliqua historia.

4. Pars, Conclusio.

Gaude sponsa, tibi enim tuoq; populo tam mira contigit hæc
 nativitas, tuus enim est tam fortis heros, qui te plus oculis suis amat.

Amate & redam ite inter vos ordine perpetuo, ut nec principium
 habuisse amor vester sentiat, nec finem unquam experiatur.

Reliqua ipse, cui placet fingito ad horum exemplum.

EXEMPLA VITUPERATI-
 onum. Vituperatur Absolon.

*Exordium captat benevolentiam & docilitatem: dicitur
 summa: & redditur ratio methodi. Figura elocutionis est
 occupatio.*

Quoniam ita comparatum est, itaq; in more positum auditores:
 ut qui vel laudes alicujus hominis dicturi sunt, vel accusationem
 ejusdem suscipiunt, quæ ratione quacunq; ad institutum suum pertra-
 hi possint ea adducant: Magis ut quantum ingenio valeant ostendant,
 quam quod ea quæ ita producta sunt quicquam ad rem pertineant:
 Cum iisdem moribus & eadem hac consuetudine in Absolono vitu-
 perando & commode uti possem, ut eo amplior esset oratio: & sine
 cujusdam reprehensione, cum vulgo liceat: tamen peregrinis illis &
 longius accersitis accusationibus planè abstinebo. Non quod eorum
 sententiam, improbem qui fortassis aliter sentiunt, & qui facultate hac

oratoribus concessa libenter utuntur: verum quod eorum criminum quæ patent ac cuius in promptu sunt, ea sit atrocitas, ut in his enarandis saltem non pro merito exaugendis fatis, prolixa requiratur oratoris occupatio. Ut reliquis artificiosa oratoris interpretatione in criminationem Absolomi detorquendis non relinquatur spatium.

I. *Circumst. Origo.*

Ratione materni sanguinis est ex Syris oriundus Absolon. Matrem enim habuit Maacham, filiam Talmi regis Gessur in Syria.

Descriptio. Hæc gens aliena à Dei cultu, ut & reliqui sub sole habitantes mortales.

Unde frequentia audiuntur inter eos crudelitatis, in humanitatis, atq; omnis impietatis, apud nos quidem inaudita, exempla.

Accommodatio. Fit autem nescio quomodo, ut nativa quædam majorum indoles præsertim morum barbaries à parentibus & ijs unde originem ducimus in sobolem suam dimanet. Unde non tantum propter religionis evitanda contagia, sed ne Israëlitiçi sanguinis nobilitas contaminaretur, videtur divinitus prohiberi, esse, ne matrimonium cum Ethnicis iniremus. Quemadmodum enim plantæ & quidem optimæ ut ita dicam indolis, si in solo sterili & uliginoso aut alias fatido radices agat; & nativam amittit virtutem & succos ac saporem gravem ac nocentem quandam contrahit. Ita credendum est fieri in matrimonijs cum nationibus barbaris scilicet, ut ex ista nationis peregrinæ communitate morum à pietate alienorum contagio quædam liberis nostris affricetur.

II. *Circumstantia.*

Natura vel pueritiæ studia. A primo puero apparuit in Absolomo vafrities quædam: omnia agere callidè & nequiter: delectari in iurijs: Interim perprobum, se simulare; orationem & vultum fingere modestissimum. Fratres omnibus lædebat modis: sed si id sperabat fore ciàm & si ex insidijs nocere poterat. Ipse ultro accusabat apud præceptorem aut patrem, si delatum iri se metueret.

Accommodatio. Ut jam tunc possis ingenium noscere, plenum ambitionis, fraudibus & doliis exercendis natum. Plerumq; enim ex tenella ista ætate quemadmodum ex arborum floribus homo paulo

prudenter facile coniecturam facit qui ex reliqua vita fructus sperandi sint.

III. Circumstantia. Artes. Descriptio.

Literarum fuit amans, tum res militaris pater accurate institui in utroq; genere curavit, quod & solertis naturæ animadverteret & præclara discendi ea cupiditate trahi videret.

Accommodatio Per inflexionem. ô utinam nunquam literas attigisset Absolomius, aut arma tractare non didicisset! Fieret enim magno & ipsius & reipub: commodo.

Nunc quia liberalis ista rerum optimarum cognitio in pessimam mentem, incidit: Quid aliud contigisse dicemus, quam saluberrimas res & in reipubl: defensionem ac ornamentum institutas in ejusdem, nostrorum omnium, suiq; adeo ipsius, pestem ac pernitiem conversas esse? Quo enim univiciusq; rei usus est salubrior, eò majus detrimentum gravioresq; calamitatem humani generis importare atq; adjungere solet, si in quorum potestate eæ res sunt illorum ad maliciam animus se applicaverit.

IIII. Circumstantia.

Leges SIVE mores. 1. Fuit audax. 2. superbus 3. callidæ & simulatæ blanditiæ 4. Injustus, impius, & contemtor religionis.

V. Circumstantiares Gestæ.

1. Secundum impietatem; fratrem Ammonem occidit, ex 2. Reg. Cap. 13. 2. Patrem è regno pepulit armis. Iterum secundum audaciam, bellum molitus est privatus adversus Regem, juvenis adversus senem: bellorum imperitus adversus imperatorem veteranum & quidem injustissimo scelere adversus justam causam. 3. Secundum iracundiâ Ioabi agros incendit amici & deprecatoris: cû accedendi moram fecisset. 4. Secundum injustitiam. Criminatus est regem apud populum, Rempub: invasit per tyrannidem.

VI. Circumstantia. Fortune.

1. Biennij exilium sed quo non evasit melior. 2. Mors contumeliosissima, quâ, capite transfixo arboris, ramo suspensus est.

Tertia Pars Exercitij Comparatio.

Comparetur cum Caino.

Quarta Pars Conclusio.

Habeat 1. repetitionem 2. de hortationem ab impietate.

Vituperatio II. *Herculis.**Exordium captat benevolentiam. Figura Rhetor: Occupatio.*

E T si invidia plerumq; tribuitur, aut inani garrulitati, aut temerariae maledicentiae? si in eos Orationem inveharis qui publico quasi omnium suffragio commendantur, tamen eum à cirminum horum liberandum suspicione censeam, qui Herculis vituperationem instituerit. Et hæc mea sententia, adeo justa, adeoq; æquissima mihi visa est, ut ego ipse eam vituperationem suscepaverim. Quid igitur est? dicetis, quo à tam gravi criminum suspitione alienum te esse defendas? Dicam: quæ non tam ex prudentum sententiâ, non ex historicorum relatis, non ex Philosophorum decretis, sed poetarum fabulis, tantas, tamq; immensas laudes attributas animadvertam. Deinde qui ultra veritatis fines progressos esse Hercules prædicatores & Idolum hoc ac monstrum hominis, non ad cælum, (quod ajunt) sed in cælum ac Dei sedem extulisse appareat. Quod etiam in homine mortali fieri pietatis ratio non permittit, & in homine, (ferè dixissem belua) impurissimo, dæmone immanissimo, quod demonstraturus jam sum, attentari omnino fecerndum non est. Quid? quæ ipsdem qui laudum Herculis authores, criminum est contra Herculem & seipsos testes producentur? Quare si quid bene, si fortiter, si justè, si alijs modis honestè quippiam ab Hercule perpetratum est, absit à nobis ea maledicendi libido, ut in his veræ hujus laudi quicquam detractum velimus; ea lege tu, ut quæ impure, quæ crudeliter, quæ per injuriam, ac fraudes, quæq; omnino nequiter & improbè ab eodem commissa sunt, ne eorum reprehendorum libertas nobis adimatur. (Parentes) Fuit ex adulterio natus corrupta apud Thebanos principe quadam fœmina Alcumena, nescio à quo mæcho. Cum enim huj9 vir Amphitryo adversus Thelebo-

as ho-

as hostes in expeditionem abesset Imperator missus à suis civibus, reliquit domi Adolescentulam Alcumenam, quæ ex nobilissima apud Thebanos orta familia, in delitijs educata, convivij assueta, & nimis familiari cujusdam adulteri consuetudine delectata, viro absente, ex alieno conceperat. Cum eam rem Amphitryo domum reversus, indigne ferret, à cognatis territus, vitium uxori oblatum clam habere coactus est. Obiectum etiam est fraudibus illis fictum Religionis nomen: Jovem scilicet divum atq; hominum patrem summa Amphitryonis specie ad Alcumenam ventitasse, ex hoc conjugio eam gravidam esse. Præterea cæcus quidam Tiresias, qui de arcanis consulebatur, fortasse pecunia corruptus idem respondebat, scilicet è Jove concepisse Alcumenam. Sive potius Tiresias voluit illudere uti simplicitati, ut verè quidem responderet, sed minus rectè intelligeretur. Ex Jove n. n. itum esse erat istis temporibus spurium esse, ita n. obtinuerat consuetudo, ut principum filia furtivos partus suos, semper ad Jovem, Mercurium, Apollinem & aliquem alium Deorum referrent, ut inani isto, quem ab authoribus stupri comminabantur vindictæ metu, non tantum infamiæ periculum declinarent sed etiam præ reliquis homuncionibus Deo perquam charæ crederentur. Confirmavit vero stultam credulitatem, mirabilis quædam fortunæ ratio, quæ eos plerumq; consequitur, qui ex illegitimo concubitu pronascuntur, nempe ut rerum successibus, opum affluentia, bonorum satietate ex sententia perfruantur. (E D U C A T I O) Cum igitur adolevisset Hercules & præceptoribus traderetur, statim animadversa est naturæ tanta ferocitas, quæ non nisi singulari & multorum quidem industria compesci posset. Commisus igitur est multis præceptoribus quos Theocritus hic commemorat versiculis plerosq; sunt n. etiam alij, quorum non meminit Theocritus.

Hunc Linus edocuit sapientum scripta virorum,
 Pervigil, & claro Phœbi de semine natus.
 Flectere at arte arcus, emittere & arte sagittas,
 Edocuit dives patrijs hunc Eurytus agris
 Eumolpus vocem formavit finxit & idem
 At Citharam digitosq; rudes, dextramq; tremendam.
 Sed quæcunq; fuit membrorum ars apta palestræ

Quæ foret ars pugilum, & gravibus decernere loris
 Hæc à mercurij doctus de sanguine creto
 Harpalico Phanopesq̃.

Inprimis autem in Lino insignis fuit eruditio singularisq̃; fides, quæ huic institutioni præfuit, verum ab ingratiſſimo discipulo præmium retulit iniquiſſimum. Nam cum Cithara cantaret Hercules, digitiq̃; aberrassent, atq̃; absonum quoddam cantaret, admonebatur à præceptore Lino. Sed contemtor artis & admonitionis & præceptoris non correxit errorem, itaq̃; Linus gravius commotus, primum convitiij, deinde etiam manus verbere inVectus est in discipulum. Ea tandem indigna visa fuit Herculi injuria, itaq̃; arrepta Cythara tanta vehementia tempora Lini conq̃;assavit, ut mortuus concideret.

(Accommodatio) Magna est impietas adversus præceptorem ingratum existere: sunt enim quasi alteri parentes præceptores fideles. Quemadmodum enim à parentibus nostris secundum Deum corpus accipimus & naturam informem; Ita à præceptoribus nostris mens nostra quodammodo & animus ingeneratur vel expolitur saltem. Si igitur execrandæ impietatis est, immemorem beneficiorum, quæ à parentibus acceperis præbere te: quanto majoris sceleris erit, beneficicia à præceptoribus accepta nihili æstimare? Et huius tanti sceleris reus fuisset Hercules, si parum gratus saltem adversus Linum fuisset quid nunc dicemus, cum eundem immaniſſimo parricidio sustulere?

ARTES & PERITIA. Artes in Hercule nullæ fuerunt, institutus quidem fuit in rebus multis, ut arte Musicâ, Paleſtrica, jaculanti, in literis: Sed in nulla harum profectus aliquos fecit, quia nullum unquam laudabile artium harum specimen edidisse legitur. Didicisse fideliter artes emollit mores, nec sinit esse feros. At in Hercule fuit maxima morum feritas, quare nullus in artibus liberalibus progressus fuit. Sed literæ & artes sunt quædam excultio animorum. Ut enim agri, etiam fertilissimi sine labore cultoris nihil proferunt frugum bonarum. Imò etiam si industria Agricolæ accesserit, tamen sæpe lappæq̃; tribuliq̃; interq̃; nitentia culta, Infelix lolium & steriles dominantur avenæ. Idem in ingenijs humanis accidere censendum est, ut nisi literarum quasi agriculturâ accuratâ subigantur, infelicissimam turpissimorum facinorum turbam effundant. Interim quemadmodum ea

non

nonnunquam agri alicujus infelicitas est, ut etiam si maximā quāq; industria colas, tamē nihil proficias propter loci sterilitatē & quod inutile herbarum radices nimis alte inoleverint. Idem sēpē videas in multis adolescentibus contingere, ut omnis in eorum ingenijs ad probitatem excolendis opera frustra collocetur. Tamen sint mala mens, malus animus.

MORES. In Hercule non fuerunt eximiæ quædam virtutes, at tamen **FORTITUDO** in ipso maximè celebratur, sed revera fuit audacia. Robore enim corporis præpolluit, sed quo non tam usus est ad defensionem Justitiæ quam ad exercendas injurias. Verum ea nullo modo potest dici Fortitudo quæ cum malitia conjuncta est. Tum præterea quicquid fecit alieno imperio coactus est facere. Eurysthei scilicet, à quo facinorum suscipiendorum omnium accipiebat mandata. Fuit quoq; Hercules homo intemperantissimæ libidinis, uxores habuit plus decem: & quàm ille non amavit, virginem? Cui non intulit vim regi, quē forte audierat pulchram aut filia aut conjugē alere? Deinde fuit voracissimus, integros sēpē boves devoravit: Temperantia à græcis *σωφροσύνη* dicta quasi *σώζου την φρόνησιν* sive custos prudentiæ, quod prudentia sine temperantia aut acquiri aut conservari non possit, itaq; dubium non est temerarios ac stolidos eos evadere, qui intemperantiæ dederint sese. Ita quoq; iracundus fuit Hercules, ut præ sævitia bis in furorem versus fuerit, in quo, ne à proprijs quidem filijs manus abstinuit. Ira furor brevis est. Insuper Injustus fuit Hercules ille, Nullos adhibuit honores magistratui. Aliquot Thebanos principes Patriæ suæ Dominos interfecit. Eurystheum Dominum suum tanto affecit metu, ut in vas æneum se abderet.

(Res gestæ) Res gestæ communiter duodecim labores Herculis vocantur. 1. Leonem quendam interfecit. 2. Hydram interfecit. 3. Aprum terribilem cepit, eumq; ad Eurystheum adduxit. 4. Cervam cursu est consecutus. 5. Volucres quasdam stymphalides sagittis transfixit. 6. Amazones vicit. 7. Bovile stabulum expurgavit. 8. Povem quendam ignem spirantem interfecit. 9. Diomedis equos item ignem spirantes abegit. 10. Geryonem tricorpore Hispaniæ regem bello superavit & vaccisejus potitus est. 11. Mala Hesperidum abstulit consopito dracone. 12. Cerberum ab inferis abstraxit. Hi sunt duodecim

*Compara-
tio.*

labores *Herculis*, sed fabulosa hæc saltem sunt quod ipsi voluerunt dicere autores, quoniam ne speciem quidem alicujus similitudinis alleverunt. Præterea tenuia sunt *Apros*, volucres, cervas, equos, canes, mulieres capere, stabula expurgare. Illa vero præclariora sunt, domitas habere libidines, vitare iracundiam, animo imperare, quæ non fecit *Hercules*. Sed turpia facta potius amplexus, Intemperantissimus *Hercules* fuit, *Thespji* regis *Bæotix* quinquaginta filias una nocte simul stupravit. Narretur hic de bobus devoratis. Item non puduit ipsum sumto ancillari habitu pensa trahere & colum exornare, apud *Omphalem* *Lydorum* Reginam, quæ ejus, quoties rusticis manibus tractasset lanam *Sandalio* mitigabat caput. Narretur hic de furoribus *Herculis*. Item pincernam quandam hospitis sui, qui impuram aquam manibus affuderat, pugno percussit, & uno isto ictu occidit. Aptè hic comparari potest, cum *Morione* isto *Thilone*, quem vocant nocturnæ speculum. Uterq; puer penè, clarum edidit signum reliquæ vitæ, ille quidem illusoriæ artis, hic v. feritatis. Uterq; plures terras obiit & à turpibus factis clarus evasit. Quicquid omnibus seculis in eodem genere commissum est sceleris, in hos confertur. Uterq; etiam in morte insanivit.

(Conclusio.) Conclusio habeat repetitionem præcedentium & adhortationem ad pietatem & ad virtutem.

Vituperatio III. Saturni.

Exordium à docilitate & attentione. Primò dicitur summa instituti. 2. commendatur ab utilitate, necessitate, jucunditate, honestate. 3. instituitur Partitio.

*Prima commendatio
ab honestate.*

Propositum nobis est Auditores, paucis perstringere religionis *Ethnicæ* vanitatem, qua non *Deorum* tantum sed ne hominum quidem nomine dignos *Saturnum*, *Jovem*, *Apollinem*, *Mercurium*, *Bachum* & alios quosdam pro *Numinibus* habuit ac veneratum est stolidum *Ethnicorum* seculum. Etsi enim de religionis negotio & sobriè loqui & reverenter sentire quemlibet decet: tamen non eò accipiendum hoc est, q. superstitionis temerariæ accusandæ locus inter pios non sit. Imò eò religiosior ea oratio videri debet omnino, quæ in adul-

terinas

terinas religiones invehitur, quò clarior indè erumpere veritatis splendor in fidei negotio poterit, si falsarum opinionum ista tenebræ, gravi ac seria reprehensione dispellantur. Nec videri debet huiusmodi accusatio aliena à nostris temporibus, quippe quibus dudum Ethnicorū de Dijs suis figmenta non è regionibus tantum nostris, sed hominum mentibus penitus ejecta atq; abolita sint. Nescio enim quid (quod non tamen ominis causa dictum velim) sed nescio quid ultimis his & desperatissimis seculis meruendum nobis sit, cum ad gentium prisca- rum scelera & flagitia homines Christiani relapsi simus, an non etiam tandem ad fœdissimas eorundem opiniones recidere valeamus. Non ignotum est, quid Romanis acciderit, non civibus tantum & privatis excellentissimis viris, verum etiam Imperatoribus & quidem in Christiana doctrina accuratè institutis. Quare cum hæc ita se habeant, non possumus satis tempestivè præmonere, ut semper in promptu ac parato habeamus, quæ in isto cultu Gentilium Deorum quam fœdissima animadversa sunt, ut serio detestemur.

Tum illuc utemur, ut conferentes lucem divinæ cognitionis, quam ex sacris Christi nostri monumentis haurimus: de ea felicitate nostra, quæ nobis ex divina clementia obtigit, vehementissimè gaudeamus.

Quamquam & alius huius narrationis usus erit, ut hic q. in indice quodam breviculo notata habeamus, quæ de Gentium Dijs Poetæ fabulantur, ut quoties usus erit, sive ad interpretationem Poëtarum sive ad recolendam istorum memoriam hinc depromere liceat. Dicam igitur nunc primo loco de Saturno omnium Deorum q. communi avo, & duo explicabo, 1. originem quandam ex historia demonstrabo, undè Poetæ fabulas suas derivaverint & omnia ad divinitatem detorserint. 2. ostendam quam turpia Numina Ethnici coluerint, & quidem ipsorum Testimonijs. Ego sanè has quas dixi partes in Saturno persequar. Alij post me in reliquis describendis Deunculis easdem observabunt.

Parentes Saturni fuerunt Canaan & sic Chamus filius Noachi quod constat ex historia Berosi Chaldaei omnium antiquissimi scriptoris inter prophanos, & collatione sacrarum literarum. Nam Saturnum hunc dicit fuisse Nimrodum Berosus, qui fuit primus Monarcha Ba-

2. *A necessitate.*

3. *A iucunditate.*

4. *Ab utilitate.*

Partitio.

Prima Circumstantia Parentes.

byloniæ. Idem filium habuit Belum secundum Chaldaeorum Regem, qui ab alijs Jupiter dictus est.

Neq; contradicunt Poëtæ: ajunt tamen à cœlo & à terra genitum esse.

Accomm.

O miseros igitur Deos, quorum cunabula monstrare possumus, & qui non tantum Parentes, undè orti sunt, seniores se, verum etiam secula antiquiora fateri coguntur. Deis enim esse quomodo potest, qui nativitatis suæ initia noverit? aut quomodo pro æterno Numine quenquam habere in mente cuiquam venire possit, qui aliquando non fuerit?

2. Circumst. Cognoti.

Fuerunt hi reliqua posteritas Canaan, cui Patriarcha Noachus gravissima imprecatione maledixit, quod Propheta cum esset, prævideret similem fore hujus gentis impietatem & adversus divinis leges contumaciam, atq; in Chamo communi Parente deprehensa fuerat, ut scilicet spreta cœlesti doctrina à Patriarchis inculcata ad pessimas Idololatricæ vanitates discederent.

Accomm.

Undè mirum non est ita evenisse, quemadmodum Divus Noachus præviderat, ut à posteris prophanissimis hominibus Saturnus vel Nimrodus avus & cognatus pro Deo haberetur, quod scilicet mores inter ipsos congruerent: semper enim hoc observatum est Ethnicis deserto veri Dei cultu, cum aliud Numen deligere sibi decrevissent, omnes quidem spurcissima & vilissima Idola Deos constituisse: singulos vero eò animum applicuisse, ut in quibus eorum vitiorum insignes notæ apparerent, quibus ipsi dediti essent, his Numinibus sibi constitutis, q. culpæ saltem societate juvarentur. Itaq; fures Mercurium suum: Libidinosi Venerem intemperatissimæ libidinis meretricem: Crudeles Martem sanguinolentum, alij alios Patronos & tutelares Deos suos creaverunt. Cananæi igitur homines ad omne facinorum genus audacissimi talem etiam Deum sibi constituendum rati sunt, quæ ab istiusmodi vitæ studijs non abhorreret.

3. Circumst. Mores & res gestæ veræ per præteritionem.

Nam cum sacra quidem historia de Nimrodo vel Saturno nihil præterea commemoret, nisi quod tyrannidem vel imperium primum occupasse dicat, ipsæ Poëtarum literæ, quæ Saturnum in Deorum cœtum evehunt, illis eundem moribus depingunt, ut non solum in Deorum ascribere numero & civitate quasi, imò etiam in bonis viris ac-

cenfere

cenſere meritò illos pudere debuiffet. Dicam autem de his jam mox ſi paucis præmiſero, quid de Parentibus & cognatis ijdem commemorent.

Fingunt Poëtæ, alij quidem ex cœlo & terra: alij Theti & Oceano natum eſſe Saturnum.

Atq; hic non opus eſt indicare ficta ea eſſe & plena fabularum, cum nihil veriſimilitudinis habeat commentum: Deum ſcilicet ex mari naſci vel ex terra. Herbas, arbores, metalla, ex terra produci; piſces in mari generari, & ex piſcium quidem ſemine novimus. At naturam intelligentem, hominem ſcilicet ita productum eſſe, nec meminir quisquam, nec hoc fieri ratio ulla vel fingi ſaltem permittit, multò hoc minus credi de Dijs immortalibus debet.

Commemorant Poëtæ Saturnum habuiſſe fratres Cyclopas unoculos, Titanes centimanos, qui cælum expugnarunt, Oceanum & alios quosdam. Item Thetin, Phœben vel Lunam & Mnemofynen vel memoriam.

Quibus verbis nihil abſurdius dici poteſt. Primum enim ineptum illud eſt Maris & Lunæ & memoriæ generationem fingere ſimilem humanæ. Deindè parum indè laudis accedet Divinæ Saturni naturæ, quod iſtos pietatis oſores & hoſtes fratres aſſignatos habet.

Tota autem puerilis ætas Saturni ſilentio præteritur.

Satis teſtatur reliqua vita quæ adoleſcentis ſtudia fuerint. I. Impietas in parentes. Principio cum adoleviſſet ingenij improbitatem adverſus Parentes probare primo loco voluit: Teſtibus enim Poëtis noſtris Patrem Cælum principatu exiit & per vim execut. Quamquam fabula indè videtur emanſiſſe, quod Chamus Saturni avus Patrem Noachum ebrium & detectum illuſerit: tamen Poëtæ & Ethnicorum vulgus inſignis temeritatis crimen meritò incurrunt, dum iſtum inter Deos referunt, quem tanta impietate erga Parentes exercita omnem Dei merum ſuſtulſiſſe ijdem credunt.

Deindè verò etiam hic Deus, ut reliqui Ethnicorum, fuit nobiliſſimæ Libidinis: ut multas virgines, multas conjuges vi ſumma oppreſſerit.

Cum tamen nullam virtutem Deo commendatiorem dicter ratio quam caſtimoniam.

4. Circumſt.
Parentes ex
Poëtarum
ſententia
Accomm.

5. Circumſt.
Cognati ex
ſententia
Poëtarum.

Accomm.

6. Circumſt.
Natura &
Artes.

7. Circumſt.
Mores.

8. Circumſt.
Alteri Mo-
res.
Libido.
Accomm.

Acce-

Crudelitas.

Accedit insignis crudelitas, quod ne à proprijs quidem liberis manus abstinuit, sed omnes recens natos iugulavit, vel, ut Poeta volunt, devoravit, undè postea humanis hostijs placandus fuit.

Accom :

Undè iterum stoliditas apparet religionis Eethnicæ, quod ad eius numen supplices confugerunt, qui ne liberorum quidem ex se natorum misericordiâ commotus sit, & ex eo auxilia sibi polliciti sunt, quâ ne ipse se quidem à filijs nisi horum & infantum quidem morte, tutari poterit.

*9. Circumst.
Res gestæ.**1.
Secundum
Libidinem.
Accom:*

Sororem uxorem duxit. 2. Cum amaret Philyram Oceani filiam & interveniret uxor, ille metu uxoris conversus est in equum. Virg. 3. Georg.

*2.
Secundum
Fortunas.**Accom :
Comparatio.*

O cæcam mentem hominum: qui fingere saltem per somnia possunt eos mundi arbitros & præfides: quique omnia moderentur imperio suo, qui ne propriæ quidem libidini temperare possint.

Pulsus à filio Jove è regno, est eadem à filio passus, quæ ipse fecerat Pater. Fugit igitur in Italiam quæ dicta est Latium, quod latuisse ibi Saturnus,

Imbecillum Deum qui latere, qui à filio hæc pati cogitur.

Cum vesica aut utre inflato atque mari innatante. Hæc vas sordidissimum est dum vivit lotium servans; Ita Saturnus habitaculum nequitix erat dum in vivis erat. 2. Illa aëre insufflato extenditur: Ita Saturnus ad istos honores aura & lenitate vulgi exehitur. 3. Illa appetitur à piscibus admirantibus novitatem rei, sed frustra & nullo fructu: dum enim assultant pisces, longius à se protrudunt, sin autem apprehendant, vulnerata ea aëre disfulso collabuntur. Ita Saturni cultu mitebantur homines tantum cerebri habentes quam pisces. Ignorantia autem factum est, ut urgerent hanc religionem cœtu autem nullo, nisi ridiculo isto, ut penitus rem considerantibus ipsis dolus patesceret, &c.

Conclusio.

Primò per repetitionem dictorum. 2. per Apollonem ad Deum, agantur gratiæ de lucis cœlestis plenitudine nobis revelata.

Vituperatio IV. Jovis.

GRavissima est illa Divi Pauli vox: Gentes cum Deum ex ea cognitione quæ ipsis indulta erat colere, & gratias agere neglexissent, in reprobum sensum traditæ sunt; ut sibi visi sapientissimi, in stulticiam turpissimam

turpissimam discesserint, Dei gloriam in vanissimam umbram hominis aut quadrupedis aut avis aut piscium commutantes. Causam dicere voluit Divus Apostolus, cæcitatæ nunquam satis admirandæ, qua homines ad eam dementiam dilabi potuerunt; ut mortales & similes sibi homines & brutas bestias, loco immortalium Deorum haberent & colerent; Causa ea est neglectus veræ agnitionis divinæ, quam ex naturæ reliquijs haurire potuerant. Omnibus enim hominibus hoc natura in natum est, atque insculptum omnium mentibus, esse aliquam cœlestem vim vel Deum aliquem unde universa natura procreata sit & conserveatur, quique ab humana potissimum gente pietate & morum sanctitate demerendus sit. Hanc lucem & legem naturæ, oppressum ibat humani ingenij malitia. Quare mirum non est cum à luce cœlesti abrumperet se quam longissimè gentibus semel placuisset, in tantas tamque profundas ignorantie tenebras demersas esse, ut plerique nullum Deum: Alij fœdissimos quosvis homines vel hominum monstra; alij vilissimas bestias aut herbas etiam in numerum Deorum allegerent. Inductio addatur vel enumeratio turpium Deorum, tandem conclusio vel digressio ad rem ipsam. In his Deorum monstris rectè numeratur Jupiter in quo adeo nihil est, quod divinitatis opinionem afferre possit: ut difficile sit statuere, utrum magis admirari debeamus illorum impudentiam, qui hunc Deum primum introduxerint, vel reliquorum stultam credulitatem qui pro Deo acceperint. Quod faciam brevi vos cognoscere, ubi pauca præmiserò de origine fabularum quas Poetæ finxerunt. (De Jove, vel quisnam ille fuerit Jupiter secundum historiæ fidem.) Principio hoc nomen indicum fuit secundo Assyriorum Regi Saturni vel Nymrodæ filio; Principi quidem quantum ex historia istorum temporum reliquum est non malo. Verum cuius tempore propagata sensim humani generis multitudine, etiam scelera cœperunt vulgò fieri, & frequentiora esse, quam superioribus seculis, quibus sub communibus avis & inter parietes ferè domesticos Noachæ posteritas regeretur. Unde hæc aurea, illa argentea dicta sunt secula. Contigit etiam circa eadem tempora terrarum divisio: Japetto Europa, Semo Asia, Chamo Arabia fuit attributa. Verum Chami posterius reliquorum sortem item invaserunt ut in ipsa Asia primi imperium constituerint.

Paraphra-
sis.Vera Nar-
ratio.

*Narratio
Poetica cir-
cumstantia
1. Origo sive
Patria.*

*2. Circumst
Pater & co-
gnati.
3. Circumst.
educatio,*

*Accom.
Non est De-
us qui sim-
metuit ali-
enam.*

*4. Circumst
mores.*

*Res gesta
secundum
libidinem.
Tertia Pars
comparatio*

*Secunda
Pars com-
parationis.*

Hinc fabulæ originem traxerunt, Quod Jupiter cum duabus fra-
tribus imperium diviserit, cum Neptuno & Plutone & quod ipse inter
fratres regnet &c. Patria est insula Creta de qua extant Poetæ versus:
Accommodatio) Malo omine apud mendaces Cretenses natus est Ju-
piter ut à principio admoneamur, quæ ultra fidem de Jove commemo-
rantur, à quibus autoribus profecta sint, quodquæ parum fidei mere-
antur. Pater Saturnus: Pluto & Neptunus fratres: Juno & soror &
conjux (Accommodatio) Ridiculus Deus qui parentes & sorores su-
as jactare possit. Clam patre educatus, in antro Dictæo sub Ida monte
ab apibus & capra Amalthea, & Curetibus, item columbæ & aquilæ. In-
de postea apibus sagacitatem eam indidit ingenij, & aureum dedit co-
lorem pro ferrugineo; caprum in astra retulit, item aquilam.

1. Timidus fuit quia sæpe vim passus est. Item 2. Audax quoni-
am in justis armis patrem è regno expulit. 3. Libidinosus, quia pro-
prium uxorem sororem duxit, nullam sceminam tutam esse sivit ab ad-
ulterjo suo saltem pulchram. In cuculum fuit conversus propter amo-
rem cum ambiret nuptias sororis: item in alia animalia quæ continen-
tur his versiculis.

Fit taurus, Cygnus, Satyrusquæ, aurumquæ: ob amorem
Europæ, Leda, Antiopæ, Danaës.

Comparetur cum bovis cadavere. Utilissimum est animal bos,
administerium operæ rusticæ: sed communi obnoxium forti rerum
sublunarium, ut quemadmodum certo generationis modo, ex ele-
mentis conflatum est, ita & tandem naturæ circumvoluta Periodo mo-
riatur, & in principia sua resolvatur. Ita Jupiter dum inter homines
conversabatur, utilissimam quidem genti humanæ operam navavit,
pacem legibus & pœnis firmando. Verum quod homo natus fuerat,
sive quod naturæ contagionem ex parentibus humanis hauserat, com-
munem hominum fortunam devitare non potuit, quin justa naturæ,
ut loquuntur perolveret, & rebus humanis morte concederet.

De bovis cadavere vetus opinio est, ex viscerum concreto san-
guine sæpè apum examina enata evolasse. Sive casu aliquo apes forte
circa bovis cadaver conspectæ, aut nova etiam examina eo commu-
grantia initium opinioni huic dederunt: sive alias creduli agricolæ, &
clade vel calamitate amissorum juvencorum, faciles ad credendum is,

quæ

quæ ab audaculis ingenijs vt sit fingebantur, libenter assensi sunt. Idem etiam Jovi nostro contigit, vt cum mortui & absentis honestum apud omnes desiderium esset, ex levissimis conjecturis divinitatis alicujus suspicio conciperetur. Dum quæ à quibusdam vel illudendi causa reliquorum simplicitati vel præ vanitate quâdam fingerentur, illa nemine contradicente admitterentur. Principio enim subditorum unus & alter imaginem Jovis aut pictam aut cœlatam, aut alio quodam artificio opere expressam domi habebat in delicijs & thesauris suis, saltem in memoriam meritorum plurimorum in salutem communem collatorum: sensum annorum successu, religionis alicujus in istis imaginibus opinio accessit, vt non nisi reverenter tractarentur, tum preciosæ etiam vestes injicerentur, tandem somnia, apparitiones quædam nocturnæ, & aniles fabulæ & similia figmenta divinitatis certissimam opinionem adduxerunt & confirmarunt: Ut non inter mortuos amplius accenseretur Jupiter sed ex sepulchro quemadmodum apum examina ex bovis cadavere in cœlum evolasse crederetur.

Primum habeat repetitionem, 2. Habeat adhortationem ut gratis agnoscamus animis quod ab istis tenebris, quibus sapientissimorum virorum plurima pars, dico Philosophorum, Poetarum, historicorum demersa fuerit, nos divina ope expediti simus.

4. Pars
conclusio.

Vituperatio V. Mercurii.

Exord: captat benevolentiam à modestia, dum assertur ratio huius tractandi argumenti. Figura elocutionis occupatio.

Non dubito auditores, quin sint quibus placere non possit ea quam instituius Deorum Ethnicorum vituperatio. Quod dicent, ad eò non voluisse fabularum primos autores, ut hæc sic gesta crederentur quemadmodum ficta sint: ut arcana quædam sapientiæ præcepta, que in vulgus proferenda esse non iudicarent, his figmentorum involucris occultaverint, quasi securioris custodiæ causa. Quorum sententiæ sanè libenter accedo, saltem si & hoc mihi largiti fuerint, quæ à priscis Poetis fortè sapientiæ alicujus ut dicebant asservandæ causa his fabularum quasi thecis & capsulis conclusa sunt, ea postea vel a vulgi stoliditate, vel ab omnium ad idololatriam proclivi vanitate ad eum quem

præ se ferrent literæ sensum detorta esse: neglecto omni sapientiæ præceptorum abdito ut ajunt thesauro. Præterea quicquid sit de rerum gestarum reliquarumque circumstantiarum veritate, hoc tamen constat, pro Dijs & cœlestibus Numinibus cultos & creditos esse, quibus hæc affingerentur. Quare excusari satis non poterit hæc inconstantia, qui iidem eos Deos proclamant & in cœlum sustulerint de quibus maxime indigna & à judicio atque adeò auribus boni viri abhorrentia persuasi essent. Quod ut jam ante de Saturno & Iove ostensum est, ita nunc de Mercurio planum faciam. Facite ut attentis æqui bonique auscultatores adsitis, meumque studium vestra audiendi æquanimitate & alacritate conserveis aut etiam exciteris.

Vera narratio.

Fuit Mercurius vir quidam literatissimus apud Ægyptios, peritus rerum Mathematicarum, physices, politices & eloquentiæ. unde nominis quædam celebritas & mortui superstes fuit. Tum mirabiles quosdam artium effectus huic tribuerunt fabulis inclusos: ut qui dixerunt aurea quadam catena Mercurium inclusas habere omnium hominum aures, ut hos quorsum velit, trahat. item virgam attribuerunt mirabilis facultatis, de qua virg. 4. Æneid.

Hæc animas ille evocat Orco

Pallentes, alias sub tristitia tartara mittit

Dat somnos, adimitque & lumina morte resignat.

Illâ fretus, agit ventos & turbida tranat

Nubila &c.

Quâ fabulâ hoc voluerunt insinuare Poetæ pacis & belli, vitæ ac mortis omniumque adeò fortunarum arbitrium penè situm esse in hominis alicujus discreti, qui Reipub. præsideat potestate & ab eadem eloquentia plurimum gloriæ evenire.

Verum hinc non excusantur Poetæ, qui fortassis lusus causâ olim conficta, postea in religionem converterunt & ut seriò à vulgo crederentur, docuerunt. Hæc est incerta alij in Arcadia alij alibi natum dicunt & locis quidem disjunctissimis. Accommodatio. Ut ipsi authores facillè probent religionis huius suæ commentitiæ male consultam fabulam. Vix enim fieri potest ut in figmentis ita provide agas, quin aliquando titubes. Pater Jupiter Deus creditus est Mater Maja Nympha quædam vel stella, Avus Atlas mons Arcadiæ. O vanas nugas, ô stolidos Poetas, qui ista non tantum tanquam seria verum religionis

Narratio ficta

1. Circumst. Natio.

2. Circumst. Maiores. Accom.

gionis partem simplici plebis credulitati obtrudere nihil veriti sunt, ut à montibus tanquam masculis & à conjugio homines imò Deos nasci fingerent, tum stellas puerperas facerent.

A prima nativitate ajunt Poetæ apparuisse in Mercurio inauditam quandam furandi calliditatem, ut cum isto die, quo natus fuerat, ad Vulcanum deferretur, huic omnia fabrilis instrumenta surriperet. Iterum Jovi sceptrum clam auferret & fulmen ablaturus, nisi ignis flammam metuisset.

Deinde luctatus cum Cupidine puero, hunc astu quodam evertit. Venus gratulandi animo complectebatur Mercurium, hic inter complectendum cingulum suffuratur.

Mirabile Deorum concilium ex furibus conscriptum quos sanè præsertim tanta vafricie vix latronum aliqua societas imperare sibi pateretur.

Adultus Mercurius jam callebat hanc artem, itaque ab hac potissimum nominis nobilitatem sibi acquisivit: Narretur hic Batti fabula lib. 2. Metamorphos. Phæbo boum furto stomachum moverat aliquando & tantum quidem, ut jam jam ex pharetra depromturus esset telum quo Mercurium transfigeret, hic vero tanta celeritate artis suæ prævenit Phæbum, ut prius pharetram sagittis vacuam fecerit, quam ille telum corrumpere potuerit.

Argum quendam centoculum virgini Jo in vaccam mutatæ à Iunone præfectum fuisse ajunt, ne illa à Iove amatore quòquam abriperetur. Quare cum præ metu uxorio eam rem palam agere non auderet Iupiter, per Mercurium insidias pastori Argo fecit qui nosset, hunc versandis dolis aptissimum. Aggressus est Argum Mercurius cum tibia: cum assedisset, ita suaviter delinijt, ut alium atque alium captus dulcedine oculum occluderet, ita profundo somno consopitum capite spoliavit Mercurius.

Homini omnium scelerum ministri ingenium laudari auditis non honesti: multo minus Dei aut numinis cujusdam vel levissima vestigia atque indicia usquam apparent. Qui enim ut alienæ inserviat libidini homicidii, furti, ac fraudes in se suscipit, mea quidem sententia virtutis & honesti viri nomen tueri non poterit. Nihil enim commune virtuti cum flagitijs unquam quicquam fuit: & ubi scelerum ap-

3. Circumsp.
natura.

Accom:

4. Circumsp.
1. Res gestæ.

2. Res gestæ.

3. Res gestæ.

Accom:

4. Res gesta.

parent signa, dubium nullum est, quin longissime absint virtutum honestatisque ornamenta. Iove apud Alcumenan cubante Mercurius habitum servi Sossiae induit, sequē pro Sossia gessit, ut apud Plautum legere est in Comœdia Amphitryone.

Accomm:

Qua in re ut geminum est improbitatis testimonium, ita duplex divinitatis fictæ in Mercurio expugnatio. Primum enim Iovis ut ajunt Poetæ, inhonestæ voluptati famulatus est. Deinde ingenio, ad illusionem innocentum, vel ut ipse apud Plautum loquitur ad familiam istam honestissimam quidem erroris dementiæque complendam nequiter abusus est.

Quorum utrumque alienissimum ab eo esse debet, qui integram de virtute suâ apud alios opinionem servare annititur.

Secundum genus rerum gestarum ex fortuna, Videamus nunc quid officij demandent Poetæ huic tam præclaro numini 1. Ajunt huic demandatam esse provinciam verrendi canaculum Deorum & insternendi scamna, tum nuncium ferendi. Porro latronum etiam princeps & furum constituitur. Accomm.

Pudet me quicquam adjicere, aut monere vos, quam ista absurda & cum mente non planè furiosa pugnancia conficta sint. Quid enim est Deum esse nisi universi quoddam arbitrum numen? Cuius nutu atque potestate omnes res administrantur? Quid porro minus cum hac majestate convenit, quam ad puerorum uilissima servitia ablegatum esse? aut à pedibus sive Epistolis deferendis constitutum? atque adeo in latronum societatem detrusum? Altera fortuna filij: Filios habuit Autolicum, avum Ulyssis & nescio quem alium: celeberrimos sanè: non opus est addere quibus artibus, ipsi ex paterno ingenio potestis æstimare. Autolicus quidem furandi arte ditissimus evasit, in qua tanta præpollebat celeritate, ut equum optimum furari posset equiti insidenti & substituere asinum scabiosum: item cuidam sponsam rapiebat virginem pulcherrimam & aliam edentulam & mucro fluentem substituebat. Comparatio.

Comparetur cum mergo 1. Furtis alit ista avis se piscium scilicet 2. Clamore quodam intra aquas excitato terribilis est saltem minus ejus rei peritis: ita Mercurij nomen & numen terrorem quandam incussit & divinitatis metum antiquarum fabularum latebris. Concl.

1. habeat

1. Habeat repetitionem dictorum, 2. Amplificationem & de-
testationem imprudentia etiam politicae ad quam per idololatriam
abierint Ethnici: ut etiam furta honestatis, imo etiam divinitatis cuius-
dam nomine commendari.

Vituperatio VI. Bacchi.

*Exordium capiat benevolentiam à reprehensione Adversari-
orum, Poetarum. Figura Elocutionis occupatio. 1. Con-
cessio.*

SI in poetarum Deunculis fictitijs reprehendendis hoc tantum spe-
ctari deberet Auditores, quid ipsius rei indignitas postularer; sane
omnes ab ea oratione libenter abstinerent. 2. Ratio. Cum & ea
plerorumque figmentorum sit spurcicies, ut vel castissimus animus istor-
um memoria inficiatur vel fastidium saltem quoddam sentiat: & re-
liquarum nugarum tanta inconcinnitas, ut temere collocatum haud
abs re videri possit, quicquid in ijs evertendis operæ & temporis in-
sumtum fuerit. 3. *avliſeas* & contraria ratio. Odium tamen &
justus quidam ut mihi quidem videtur. Zelus adversus istorum men-
tendi impudentiam in rebus adeo serijs, quo ego me fateor maximo,
præ alijs tamen longe minimo laborare, fecit ut abstinere non potue-
rim, quin ipse etiam in Ethnicorum idola quædam dicere pro ingenij
facultate, quam tantum ab alijs dicta approbare maluerim. Et qui-
dem omnis ista adversus Bacchi vel ipsi s Ethnicis prudentioribus exo-
sum idolum à me suscipitur disceptatio. Audietis ita stolidè, ita
absurdè, ita improbè deniquè pleraque confuta esse, quæ de Baccho
commenti sunt Poætæ, ut merito infra idolorum infimorum infima
ablegari debeat. 1. Vera narratio. Puto quædam quæ de Bac-
cho narrantur & pleraque sanè ad Niniam Semiramidis & Nini filium
referenda esse. Dicitur enim filius Jovis, id est, Imperatoris. Hi
enim tunc temporis Joves dicebantur: tum quod veri Jovis vel Beli
nepos esset. Sic Semele mater Bacchi, an non temporum antiquita-
te potuit facta esse ex Semiramidis nomine? Idem homo voluptuarius
largiori passus subditos indulgere usui vini, vinum ipsum dicitur inve-
nisse. Tum Indos vel Æthiopas sub ditionem & potestatem rede-

gisse:

gisse: quia mater Semiramis filij habitum assumens & pro filio se gerens Æthiopiam suo imperio adjecit. Quod postea cavillandi causa ad filium relatum est, tantum ignavia & ventri deditum. Unde multum joci aspersum de armorum genere, comitibus militiæ ineptis, quibus Æthiopum potentia fracta sit. Quædam verò ad ipsum Noachum retulerim; præsertim quod inventionem quorundam salubrium institutorum circa vini culturam attinet. Quædam tandem ad ebrietatis quandam quasi imaginem in Bacchi fabulâ pingendam accommodata sunt. Quorum e. g. illud refero, quod Bacchum semper puerum esse, & imberbem & semper furem fingunt: quod tigribus vehi ajunt; Etenim vix seriæ cogitationis quicquam videtur consistere posse in hominis eius mente, qui poculis perpetuo deditus est, ut ebrii semper pueri, semper stolidi, semper rebus agendis inepti sint. Tigres verò feruntur singulari quodam & reliquis feris inusitato modo vini appetentes esse. De furore autem a vino immisso, quo ita homines immutantur, ut non tantum vix iidem, sed ne homines quidem esse cognoscantur: de his inquam notior res est, quam ut opus sit pluribus me monere. Fac hic inductionem quæ flagitia committantur ab ebrijs, &c.

II. Ficta narratio: vel quid Poëtæ de Deo suo Baccho commemerent.

Venio ad ea quæ tanquam religionis suæ de Baccho capita docent Poëtæ.

I. Circumstantia, origo. 1. Parentes: Ajunt ex Jove patre & rege omnium Deorum genitum esse. Matrem ajunt alij fuisse Metim, alij Semelen. Narrentur fabulæ. Metim ajunt gravidam à Jove deglutitam; Semelen ab ejusdem concubitu combustam. Fœtum verò immaturum intra Jovis femur perfectum fuisse & inde natum. Accommodatio.

Cum ipsæ hæ fabulæ nullam apud quempiam adeo sponte suâ insanum fidem invenerint; nec ipsa Deitas aut numen Bacchi credita quoquam debuisset. 2. Deus quomodo gignere potest? erit enim corpore præditus, & sic ex naturâ concretus, quomodo

igitur naturæ parens & autor? Et quomodo non interitui & mutationi obnoxius? Quod si conceditur, quâ spe auxilia ab isto numine quisquam petere ausit: quod sibiipſi adversus gravissima mala prodesse nequeat? Porro si corpore præditus Deus: & libidinis affectu: etiam iracundia commovebitur: sic lites orientur inter tam multiplicia numina, sic nequē diuturnum imperium esse poterit.

Circumstantia II. Patria. Alij Poetæ alibi natum & educatum ajunt, in eo tamen omnes conveniunt, quod inter homines educatum fingant. **Accommod.** Igitur Deus quomodo esse poterit? Non enim novit Deus infantilem aliquam ætatem. Er quod ex terra genitum est, quomodo suâ virtute in cælos evolare, ne dicam se Deum hoc cæli terrarumque Dominum constituere poterit?

Circumstantia III. Fertur foemina & mas simul fuisse. Hermaphroditum vocant, unde fluxisse morem crediderim in huius feriis vestem inter se mutare sexus. **Accommod.** Monstrum igitur fuit non Deus. Stolidissimi fuerunt Ethnici, qui quem non inter homines perfectos propter naturæ errores ascripſissent, hunc in Deorum concilium allegere nihil veriti sint. 2. Semper est puer. **Accommod.** Qui ergo sibi non sapit quomodo alijs sapere aut pro Deo haberi potuit?

Circumstantia IV. Mores. 1. Timidus fingitur à Poëtis. Ajunt enim in cæli oppugnatione à gigantibus facta in leonem mutat fuisse. 2. Eundem fingunt alibi audacissimum poetæ: ut quod ad Indos armatos inermis & cum exercitu mulierum ebriosarum ac satyrorum expeditionem suscepit. Hinc etiam cornua affingunt. 3. Intemperantissimus Unde & Intemperantiæ Deus. Libidinem eius testantur tot adulteria. Et ab immoderatâ lætitiâ ista nomina indita, ut Iacchus, Evan, Bacchus ab infanis clamoribus dicatur. Tum Liber, quod nullis coërceatur honestatis & legum frenis.

Res gestas, lege mirabiles quasdam apud Ovidium lib. 3. Me-
tamorph. fab. 7. & seq.
Fortunæ: honores habiti: vel Bacchanale festum,

Conclusio habeat repetitionem. 2, Precationem, ut
Deus largiatur animum gratum de tanta be-
nignitate quam Deus per divini verbi
sui revelationem nobis
præstat.


FINIS.



Errata.


P. 1. l. 7. *μεθόδοις* l. 8. *κοινωνῶσι* l. 11. *μεθ' αὐτῶν* l. 12. *ἐγνωσται* l. 13. *μεθ' ἡν ἐποίσεις* l. 16. *Φάπαντα* ibid. *τελευτᾶσα* l. 19. pro &, lege, ea. pag. 2. l. 26. pro; universalem, lege, universalitatem. p. 3. l. 1. pro sum: lege, sumi. l. 29. habeat de omnibus. p. 4. l. 5. & primo quidem loco. l. 6. quid sit bonum. l. 14. pro unum; lege, rerum. l. 17. pro erant; lege erunt. p. 5. l. 14. *ἐπιλόγοις* l. 16. conciliare tibi benevolentiam. p. 6. l. 28. pro hinc; lege hunc. p. 11. ult. pro hic; lege his. p. 15. l. 14. pro generalibus: lege singularibus. l. 15. ostendens. p. 16. l. 5. pro Verbis; lege Verris. p. 17. l. 3. *μεθ' ἡμῶν* p. 12. l. 20. pro idem: lege item. l. penult. pro orationibus: lege oratoribus. p. 26. l. 26. pro bonorum: lege honorum. p. 27. l. 21. glaciale. p. 28. l. 29. pro *τέχην*, lege *τέχνην*. p. 29. l. 4. *διαίρεσις*. p. 31. l. 20. conventibus. l. ult. *τῶν δυνάμεων*. p. 32. l. 11. pro Artem: lege autem. l. 24. pro rei: lege res. p. 33. l. 14. personales. l. 18. habitus. p. 34. l. 6. pietatem & vitam perdidit. l. 9. pro sit: sit. l. 20. atque. l. ult. pro se: si. p. 35. l. 1. pro ei: eò. l. 2. pro verum: virum. l. 15. pro callidà: callidè. l. 18. Comparatio. l. 26. Achitophelis. l. 28. Absolomum. l. 29. pro caput: capit. ib. felicitatis. l. 30. Propter duas potiss. ib. Viri Israëlita. p. 37. l. 23. pejorem partem. l. ult. Absolomum. p. 38. l. ult. pro honorum: bonorum. p. 39. l. 6. pro qua: quæ. p. 43. l. 28. quid confectum sit. p. 45. l. 14. majorum. p. 51. l. 22. insignia. p. 53. l. dele, & p. 60. l. ult. idem etiam sit. p. 66. l. 24. calumnia. p. 68. l. 15. pro ipsâ: istâ. p. 69. l. 10. turpissimæ. p. 77. l. 4. egere: ajunt. p. 81. l. 13. pro tunc. tum it. l. pen. p. 85. l. 10. prudentia. l. 14. pro loco, loro. p. 87. l. 16. pro intra, in irâ. p. 88. l. 10. pro angustius, angustiu l. 14. heroibus. p. 89. l. antepen. ut ne. p. 97. l. 17. renidenti. p. 98. l. 7. pro propterea, præterea. p. 99. l. 15. pro dum, tum. p. 110. l. 9. pro hi, illi. p. 117. l. 20. pro in, id. p. 118. l. 1. insculpendum. p. 121. l. 10. pro piæ ingenijs, præ ingenij. p. 126. l. 16. pro à, autem. l. 23. pro accepisset, accessisset. p. 146. l. 19. exercitatione.





Corri-

Biblioteka Jagiellońska



stdr0013321

